

30.4.13.

30

2 A
C
5.4

13-1. C. 39.



FRANCISCI DVARENI Jcti
De
SACRIS ECCLESIAE
MINISTERIIS
AC BENEFICIIS
LIBRI VIII.

In Quibus
*Quicquid ad plenam juris Pontificij
cognitionem necessarium est, breviter ac
dilucidè explicatum continetur.*



Item
Pro libertate Ecclesiae Gallicae ad-
versus Romanam aulam Defensio Pa-
risiensis Curiae, Ludovico XI. Gallo-
rum Regi quondam oblata

Accedunt

CONCORDATA NATIONIS
GERMANICAE

Cum Notis
JO. SCHILTERI

ANNO M DC LXXXIIX.



Illustrissimæ & Ornatissimæ Dominæ MARGARITAE Francicæ, Regis HENRICI II. Sorori Ducique Biturigum,
Franciscus Duarenus. S.D.

CUM nuper ex urbe ad fanum Mauri, ego & quidam alii nostri ordinis viri sanè boni & literarum amantes festis diebus otiosisque concessissemus, nuntiatumque nobis esset, Michaelem Hospitalem, qui inter Senatores Curiae Parisiensis & integerrimus & doctissimus habebatur, illuc adventasse, confestim ad ejus villam salutandi visendique hominis causa perreximus. Qui ut salutantes nos comiter ac humaniter excepit, moram nullam interponendam esse putavimus, quin simul cum eo amoenissimis in locis ejus vici suavissime colloquentes deambularemus. Ac mul-

tis jam spaciis confectis, tandem ad prætorium hortosque ventum est, qui Gul. Budæi fuisse dicebantur. Quo in loco nullus profecto fuit, quin libentissime confisteret, non solum quia ad æstum caloremque vitandum longè erat commodissimus: sed quia talem tantumque virum, qui memoria nostra universam Europam sui nominis gloria impleverat, nobis velut in conspectu ponere videbatur, ac ita versabatur ante oculos species ejus & imago, cujus sedem, domicilium, vestigia contemplantur, ut nihil posset cadere jucundius. Est enim nescio quo pacto natura hoc nobis insitum, ut locis in quibus summi præcellentesque viri multum versati sunt, aut suppellectile, vel realia, quam in usu habuerunt, magis quàm librorum ab eisdem conscriptorum lectione sæpenu-mero commoveamur. Testatur Cicero, cum aliquando venisset Metapontum, non ante ad hospitem divertisset, quam locum ipsum in quo vitam ediderat Pythagoras, sedemque vidisset. Et Lucianus author est, Epicteti Phi-
loso-

losophi lucernam, quæ fictilis erat, tribus drachmarum millibus emptam fuisse. In hortis igitur Budæi visum est omnibus considerare, qui simul Hospitale duce illuc convenerant, optimis sanè ac eruditissimis viris, quorum nomina, raram eximiamque eorum virtutem admiratus, continere me non potui, quo minus hîc adscriberem. Fuerunt enim hi, Bart. Fayus, & Anton. Sennetonius, ordinis Senatorii lectissimi ornatissimique viri, & insignis cum doctrinæ, tum etiam integritatis & probitatis nomine conspicui ac venerandi. Franciscus & Sebastianus Albaspinei fratres, quorum hic adolescentiæ vix dum annos egressus, multas legationes magna cum laude obiverat, ac in rebus gerendis ubique talem se præstiterat, ut amplissimis jam sacerdotiis atque honoribus benignitate Regis auctus esset, ille tuam Biturigum provinciam ita tum regebat ac moderabatur, ut ab eo omnis æquitatis, justitiæ, prudentiæ, magnitudinis animi exempla peterentur, uterque nobis propter similitudi-

tudinem studiorum & beneficiorum magnitudinem conjunctissimus erat. In eo confessu & colloquio multos variosque sermones habitos fuisse recordor, tum de studiis Budæi, quæ mihi propter veterem cum eo homine consuetudinem aliquando erant notiora quam cæteris, tum de tristi admodum atque acerbo casu, quem literæ interiores extincto illo lumine pertulerunt. Acut alius ex alio nascitur sermo, hinc arrepta est occasio commemorandi, quam paucis annis, quantam literæ bonæ jacturam, paucorum hominum interitu, in Gallia nostra fecissent. Nam Budæi fatum non longo admodum intervallo secuta est Regis Francisci patris tui mors luctuosa, principum omnium, quos unquam sol vidit, literis deditissimi, ut jam bonorum omnium consensu, literarum ac disciplinarum parentis cognomen ei tribuatur. Nec ita multo post Reginam Navarræ Margaritam, cœlesti haud dubie præditam ingenio foeminam, & eo in literas amore ac studio, ut Francisco Regi, cujus erat

Soror,

Soror, non concederet, invida fata nobis eripuerunt. In hanc sententiam, cum multa graviter & copiose à singulis dicerentur, memini tum ita locutum Hospitalem fuisse, ut dolorem nostrum mœroremque oratione sua non parum leniret ac minueret. Is enim ex tanta clade foeminam unam superesse dicebat, cujus ea esset non solum authoritas ac majestas, verum etiam doctrina singularis cum honesta voluntate affectuque conjuncta, ut literas collabentes sola facile sustentaret ac tueretur. Ac postquam de te studiisque tuis, & admirabili literarum omnium, tum Græcarum, tum Latinarum cognitione, pleraque non audita ab aliis, ut ipse affirmabat, sed à se comperta atque intellecta, nobis magna cum attentione & admiratione audientibus narravit, nemo mehercule fuit, qui protinus in cœlum manus præ gaudio non tolleret, & ad benè sperandum de re literaria vehementissime commoveretur. Est enim in Hospitalis oratione præter elegantiam & ubertatem, eruditissimo viro

dignam, gravitas etiam summa, & ut prudentis rectique hominis, quædam naturalis authoritas, quæ ad fidem faciendam plurimum valet. Hunc verò sermonem sic excepit Franc. Albaspi-neus, ut Biturigum civitati provinciæque mirum in modum gratularetur, quod nuper ejus tibi procurationem, gubernationem, ducatumque Rex Christianiss. Henricus frater tuus mandasset, atque credidisset. Quid enim, inquebat, nobis optatius, felicius, divinius contingere potuisset, post eam animi consternationem. quæ Margarita Regina Navarræ fato fun-cta, inter cives nostros oborta est, quam repente eam nobis ducem quasi coelitus demissam esse, in qua eadem pietas ac religio, bonitas par atque humanitas, ingenium felicius, & longe politior doctrina insint, quæque ad ea quæ jam recte præclarèque instituta sunt, non solum tuenda & conservanda, sed etiam augenda & amplificanda divinitus quodammodo nobis data videatur? Subjiciebat ille, venisse jam tempus, quo Biturigum
cives

cives verissimē idem dicere possent, quod Themistoclem Atheniensem dixisse ferunt, cum exul & profugus ad Regem Persarum confugisset, & ab eo honorifice exceptus locupletatusque fuisset: ô amici perieramus, nisi periissemus. Longum esset, nec valde necessarium sigillatim omnia hîc recensere, quæcunque in eo congressu de te recitata sunt. De quibus omnibus tamen si fama ubique terrarum increbuerat (magna siquidem fortuna nihil occultum esse patitur) tamen ad opinionem confirmandam, quam animo utcunque prius imbiberam, magnum pondus habuit ea disputatio. Nam ante vix adduci poteram, ut has lucubrationes nostras in tuo nomine divulgari & apparere sine-rem. Cogitabam enim non eo me hominem esse vel ingenio, vel doctrina, ut quicquam auribus tuis dignum afferre possim, & scholasticas disputationes, de jure præsertim & quæstionibus forensibus mulieri offerri ineptum ac indecorum quibusdam visum iri satis intelligebam. Ac sicut

olim proverbio notati sunt, qui Veneri suem immolabant, quod Adonis apri dente peremptus, ideoque sus Veneri, aut amasii interfectior gratus non esset: Sic ego subveritus sum, ne mihi vitio detur, quod nec muneris oblatus, nec personæ tuæ rationem habuerim. Verum omnem mihi scrupulum dubitationemque exemit ista, quæ nunc animo meo insedit penitus de te persuasio. Nam singularis tua in bonarum artium studiosos humanitas facit, ut qualemcunque sedulitatem nostram te in bonam partem accepturam confidamus, quamvis hoc opus ita à nobis elaboratum perfectumque non sit, ut si ex nostra æstimatum fuerit industria, magis quam dignitate ipsius argumenti, dignum tuo nomine patrocinioque judicari debeat. Ac si qui fortè sint, qui rem à nobis tractatam parum tibi convenire existiment, ut in eo falli eos constet, quod te ex aliarum mulierum natura, ingenio & moribus fingunt: nec satis norunt, quantum inter te reliquasque hujus seculi foeminas intersit.

Cum

Cùm igitur ea sit & naturæ tuæ bonitas, & doctrina à eruditio, ut præter pudorem pudicitiamque insignem, muliebri nihil in te conspiciatur, & cum excellentissimis viris meritò conferri possis, equidem jure culpandus non videor, si tibi munus literarium obtulerim, quod aptum conveniensque viro esse nemo non fateatur. Non deerunt fortasse, qui dicent studium literarum in muliere quidem ferendum esse, sed non earum quæ ad res politicas & forenses pertinent. Sed cùm ita moribus nostris comparatum sit, ut principes fœminæ gubernacula Reipubl. teneant, cur earum rerum scientia, quibus ad Rempubl. regendam opus est, eisdem interdicta sit, non video. Nisi forte quis dicat eas vicaria magistratuum opera uti hîc solemus, quos ista cognoscere sufficiat. Verùm ego ut anxiam nimis & exactam harum rerum cognitionem à principibus minime flagito, ita minus idoneos esse ad gubernationem Reipubl. eos censeo, qui ne primoribus quidem labris, ut dicitur, hæc degustarunt. Ac
hujus-

hujusmodi sunt hi nostri libri, nisi vehementer ipsi fallimur, ut iis etiam qui forensam judiciariamque artem ipsi non exercent, sed rerum cum divinarum, tum ad statum publicum spectantium studio capiuntur, non nihil conducant. Quarum rerum cognitione, ut honesta ac pernecessaria te mirifice delectari accepimus. Et hæc quidem à nobis dicta sunt, ut ineptiarum ac temeritatis crimen, quod nobis objici posset, si minus à te, certe ab aliis quibusdam, in quorum manus scripta nostra venient, aliquando fortassis, dilueremus. Nec difficile est ex iis, quæ jam diximus, perspicere ac judicare, quæ me ratio impulerit, ut libros meos tibi legendos exhiberem. Verùm alia quædam non levis hujus incepti causa etiam fuit, præter eas, quæ hætenus à nobis expositæ sunt, quod videlicet in locum illustris Reginæ Navar. ducisque Biturigum modo successeris, quæ studiorum nostrorum fructum si quis existat, jurè suo à nobis repetere posset. Quare enim superstitem ad huc

& vi.

& vivam diutissime colui, & observavi, cū apud Bituriges tuos jus civile interpretarer, & annum mihi eo nomine largiretur, eidem profecto mortuæ quod potero officium præstare quam maxime cupio: & ut ejus, quæ tam preclarè ac divinitus, non dicam de me & studiis, sed de universo hominum genere merita est, sacrosanctam apud nos memoriam esse omnes intelligant. Sed quia animo jam feliciter in coelum recepto humana non conveniunt, nec quantum vellem ei in præsentiarum tribuere possum, quicquid in vivam officii collaturus fui, nemini justius quam tibi nunc deferendum esse videtur, ut pote quam illa incredibili amore semper complexa sit, & pietatis, religionis, doctrinæ, cæterorumque ornamentorum suorum velut hæredem quodammodo reliquerit. Et arbitror pios illos sanctissimosque Manes, si loqui nobiscum possent, id sibi pergratum ac jucundum esse dicturos. Quo nomine fortassis opera hæc nostra, qualiscunque ea sit, acceptior tibi futura est,

est, eamque ut boni consulas, te vehementer etiam atque etiam rogo. Vale, Lutetiæ Parisiorum, Idibus Junij 1550.

FRANCISCVS DVARENVS.

Lectori S.

Etsi non diffidebam, cum hos de jure pontificio libros emisi operam meam in re honesta, conatumq; integris & sanis hominibus probari posse, tamen felicior fuit eorum librorum, (ut ita dicam) genius, quam sperabam. Nec vero id ita esse judico, quod tam avidè expetiti sint à multis, ut eos quam sapissime excudi formis necesse fuerit. Non enim is sum, qui judicio multitudinis multum tribuam, sed bonis placere quam plurimis honestius semper esse duxi. Sed quia ex literis multorum ac nunciis, cognovi, nullum fere locum in Europa esse in quo hominibus piis, ac intelligentibus gratus non sit noster hic qualiscunq; labor, meritò id felicitati cuidam, aut divinæ potius erga nos bonitati adscribendum esse puto: cum præsertim neq; ea vis ingenij in me sit, neq;

crudi-

ruditio, ut tot taliumq; virorum iudicio
respondere me posse existimem. Itaq; fa-
cile animum induxi, ut hos libros denuò
in manus sumens, menda corrigerem, &
nonnulla adderem, quæ omiſſa fuerant in
superiore editione. Hoc autem maturius
facturus, si mihi per typographum
quendam licuisset, qui jam quater eos im-
pressit me inſcio, & ita imitari & expri-
mere conatus eſt primam editionem, eam-
que mendosam, ut primo aspectu eadem
eſſe videretur. Nam fuit ea hominis con-
fidentia, ut annum etiam ipsum ac diem
primæ illius editionis adſcribere in aliis
poſterioribus non dubitarit. Quid opus
eſt pluribus? Ipſe tandem comperi tra-
ctatos non aliter eſſe libros meos, quam ac-
cidere ſolet, cùm quid furtim, feſtinanter,
& in magno deprehenſionis metu, admit-
titur. Feci igitur non minus libenter,
quam neceſſariò, quanquam aliquanto,
quam vellem ſerius, ut his libris impoſita
vulnera ſanarem, quibus præter me nemo
facile mederi poterat. Avarici Bitur.
Calen. Maij. Anno 1557.

INDEX SINGVLORVM CAPITVM,

quæ his octo libris continentur.

LIBER PRIMVS.

De Ecclesia & ministeriis Ecclesiasticis.

D E Ecclesia, potestate ecclesiastica & civili, ac de utriusq; discrimine.	cap. 1
De potestate & iurisdictione ecclesiastica	2
De pœnis & coërcitionibus ecclesiasticis.	3
An ius gladij habeat Ecclesia.	4
De civili gubernatione.	5
Quam potestatem habeat princeps circa ministeria Ecclesie.	6
De Hierarchia, & variis administrationibus Ecclesie.	7
De variis presbyterorum generibus.	8
De episcopis, qui gradus sint episcoporum & quæ potestas olim fuerat eorum, qui chorepiscopi dicebantur.	9
De episcopo Romano, ac de eius amplitudine, & auctoritate, tum de nominibus variis, quibus appellari solet.	10
De conventibus ecclesiasticis, quæ Synodos vocant.	11

INDEX SINGVL. CAP. 15

De diaconis, hypodiaconis, & aliis inferioris ordinis & gradus clericis.	12
De cardinalibus Romanae ecclesiae, cur ita vocentur, & unde ortum habuerint.	13
Qui fuerint olim ostiarij, lectores, exorcistae, acoluthi, & ceteri omnes, qui clerici appellantur: unde mos tondendi capitis ortus sit, atque item consuetudo canendi in sacris adibus.	14
De schola ecclesiasticis magistris, & doctoribus.	15
De sacris ordinationibus, & cur olim absolute quoenquam ordinari vetitum fuerit.	16
De pseudoclericis.	17
De canonicorum collegio.	18
De ministris ecclesiae, qui clerici non sunt.	19
De monasteriis & monachis, eorumq ₃ statu, conversatione & instituto.	20
De monachorum sectis.	21
De monachorum gradibus, & officiis.	22
De mendicantium sodalitate.	23
De monialibus.	24
De sacerdotibus veterum Rom. ante Christianismum.	25

LIBER SECVNDVS.

De Origine, definitione ac divisione beneficiorum,

De facultatibus Ecclesiae, earumq ₂ origine, & processu.	b	cap. I.
		De

*De vulgari diuisione bonorum ecclesiasticorum
in temporalia & spiritualia.* 2

Unde dicatur beneficium. 3

*Quid sit beneficium, beneficij ecclesiastici domi-
nium, ususfructusque cuius sit, & an pensio-
nes annua, atq; hospitalia beneficij appella-
tione contineantur.* 4

Beneficiorum diuisio, & qualitas. 5

*Quae sint dignitates ecclesiasticae, & quot modis
accipiantur.* 6

De curatione animorum. 7

*Simplicia beneficia quae sint, & praeendarum
vocabulo quid significetur.* 8

*Beneficiorum diuisio in regularia & secula-
ria.* 9

LIBER TERTIVS.

De iis qui possunt beneficia conferre.

*Quorum beneficiorum distributionem habeat
Romanus pontifex & quemadmodum is or-
dinari eligiq; debeat.* cap. 1

*An concilium oecumenicum beneficia conferat,
& an ei subsit Romanus pontifex.* 2

De legato Romani pontificis. 3

*De episcopis, ceterisq; qui ordinarij collatores
dicuntur.* 4

*De curatore dato episcopo, quem vulgo coadiu-
torem appellamus.* 5

*De collegio ecclesiastico vacante sede episco-
pali* 6

De

propontifice, qui vicarius appellatur.	7
conductore.	8
possessore.	9
uestrum beneficia conferre posse, & obiter explicata duo loca, quæ invicem pugnare videbantur, Juliani scilicet & Florentini } C. adversus aliorum sententiam.	10
conferendorum beneficiorum in Gallia regem habere, & unde id ius quod Regalia dicimus, ortum habuerit.	11

LIBER QVARTVS.

Quibus possint beneficia conferri.

Quibus prædium moribus, & à quibus vitiis alienum esse eum oporteat, cui beneficium confertur. cap. 1

Quarum literarum atq; linguarum cognitione instructus debeat esse beneficiarius. 2

An ob vitium corporis à sacro ministerio, beneficioq; repelli quis debeat. 3

De morbis corporis, qui hominem ministerij beneficiiq; ecclesiastici incapacem reddunt, item qui dicantur energumeni & engastrimyti in iure pontificio. 4

Eos qui ex iustis nuptiis procreati non sunt, ad ministerium ac beneficium ecclesiasticum admitti non debere, & qua ratione id constitutum sit. 5

Quibus sacris initiatum esse eum oporteat, qui ad sacrum beneficium promovetur. 6

An cœlibatus beneficiariis necessarius sit. 7

*Digamum à sacerdotio, & beneficio ecclesiastico
summoverti, & qua ratione id canonibus san-
ctum sit.* 8

*De beneficiariorum etate, & legibus annalibus;
item de iis, qui plura adversus canones bene-
ficia impetraverunt.* 9

LIBER QUINTVS.

*Quibus modis acquirantur beneficia,
& ministri Ecclesiæ ordinentur.*

*Qua sit forma, & ratio eligendi ministros Ec-
clesiæ tam vetus quam nova, quidque inter
ea beneficia intersit, quæ vulgo collectiva &
electiva dicuntur.* cap. 1

*De eo genere ad sacra ministeria beneficiaq;
movendi, quod vulgo postulationem voca-
mus.* 2.

*Translatio episcoporum quamobrem sit prohibi-
ta, aliter explicatum, quàm à juris pontificij
enarratoribus factum adhuc sit.* 3

*Quale sit nominationis ac presentationis ius, iis
competens, qui patroni ecclesiarum dicun-
tur.* 4

*De iure ordinandi ministros ecclesiæ, beneficiaq;
conferendi, quod tanquam caducum ad supe-
riorem antistitem devolvitur.* 5

*Conjunctio beneficiorum, quam unionem vocant,
quæ sit, & quibus ex causis permittatur.* 6

*De fiduciis Ecclesiarum, tam perpetuis quam
temporariis, quæ commendationes dicun-
tur.* 7

- e pontificiis diplomatis, quæ vulgus gratias expectativas & mandata de providendo appellat, copiosa disputatio. 8
- e reservationibus beneficiorum, tam universe quàm sigillatim factis. 9
- e pontificum diplomatis quæ vacantium beneficiorum nomine impetrantur. 10
- e concilio Constantiano ac Basiliensi, & de pragmatica Gallorum sanctione, Romanorumq; pontificum decretis, quibus eam aut convellere omnino, aut labefactare studuerunt. 11
- e nominatione regia in ordinandis antistitibus, quales regis candidatos esse oporteat 12
- De scholastica nominatione, qua nunc in Gallia fere utimur compendiosa, sed accurata commentatio. 13

LIBER SEXTVS.

De iis, quæ in beneficiis distribuendis præcipue observanda sunt.

Beneficium, antequam vacet, nec dandum, nec promittendum esse, & quàm graviter in hac re adversus sacros canones peccari soleat. cap. 1

Omnem ambitum à collatione beneficiorum procul abesse debere. 2

De annuo vectigali, quod vulgo Annatam vocant, à novis Antistitibus exigì solito, & explicata lex Julia de ambitu. 3

De annuis sive pensionibus, quæ beneficiis velut servientes quædam imponuntur. 4

Beneficium pure ac simpliciter conferendum esse. 5

An absque scriptura beneficij collatio valeat. 6

LIBER SEPTIMVS.

Quod jus habeat beneficiarius in beneficio suo, & quemadmodum beneficia retineantur & conserventur.

De decima tam ordinaria & legitima, quam extraordinaria atq; indicta. cap. I

De primitiis. 2

De oblationibus. 3

De diariis, quæ distributiones quotidianæ appellantur, & cur hoc genus erogationis adinuentum sit. 4

De redditibus, & obventionibus quibusdam episcoporum. 5

De his quæ sacramentorum, & aliarum huiusmodi rerum nomine contra veteres canones exiguntur. 6

An mortuo beneficiario hæres legitimus ei succedat. 7

An beneficiarius successorem eligere & fructus beneficii testamento legare possit. 7


Quibus ex causis rerum Ecclesiasticarum alienatio permittatur: quæ forma in huiusmodi alienatione debeat observari: & declaratus canon Agathensis concilij ad eandem rem pertinet.

<i>pertinens, qui vulgo male intellectus magnam iudiciorum varietatem peperit.</i>	9
<i>Quorum munerum vacationem beneficiarj, & ecclesiarum ministri habeant.</i>	10
<i>De iudicijs & actionibus, quæ pro beneficio comparatæ sunt.</i>	11
<i>De his qui libere & quietè beneficium triennio possederunt.</i>	12
<i>De subrogationibus iudicialiis.</i>	13

LIBER OCTAVVS.

Quibus modis beneficia amittantur & vacent.

<i>De beneficiis morte beneficiariorum vacantibus.</i>	cap. 1
<i>De beneficij ejuratione, quæ & resignatio appellatur.</i>	2
<i>De beneficiorum permutatione.</i>	3
<i>De beneficiorum multitudine canonibus prohibita.</i>	4
<i>De assiduitate beneficiariorum, quam residentiam appellamus.</i>	5
<i>De criminibus propter quæ beneficia amittuntur.</i>	6



PRÆFATIO.

IN QVA DE VNIVERSO
JURE PONTIFICIO, AC
DE INSTITVTO AVCTORIS
DISSERITVR.

CVM de jure canonico siue pontificio aliquid scribere instituerem, satis prospiciebam fore, ut hoc consilium meum in varias reprehensiones incurreret. Non enim adeo rerum imperitus sum, ut non intelligam, quam male audiat hoc temporis istius juris professio, quamque displiceat non vulgo tantum & imperitæ multitudini: sed iis etiam, qui ceteris acutiores, acriorisque judicii haberi volunt. Nam plerisque persuasum est, jus pontificium nihil aliud esse, quam inconditam quandam decretorum & constitutionum farraginem à semidoctis pontificibus ad quæstum magis, quam ad Reipubl. Christianæ comòdum editarum: cujus nec liberalis cognitio, nec admodum necessaria videatur. Nec desunt, qui totum hoc jus plenum erroribus esse non obscure testentur, è quorum numero *Cynus* Pistoriensis clari nominis JC. fuit. Alii, tamen multa præclara & utilia jure pontificio contineri non inficientur: tamen quia partim ea in desuetudinem abiisse vident

dent, partim diplomatibus pontificum
 enalibus fere subverti solere, inanem pror-
 is nostrum esse laborem contendunt, nec
 llam in hoc genere doctrinam reconditio-
 em magnopere requiri dicunt, sed eam
 fficere, quæ in foro usitata sit, & ex vulga-
 ibus Commentariis hauriatur. Non ne-
 esse habeo hic commemorare, quoties mihi
 tum his dimicandum fuerit, qui vicem meam
 (si Dñs placet) non mediocriter dolere se di-
 cerent, quod studiis gravioribus omissis, in
 his nugis ineptiisque tempus contererem.
 Quorum ego iudicium & auctoritatem, ut
 prorsus non contemno, ita rationes aliquas
 habere mihi videor, quibus hoc institutum
 consiliumque meum bonis & eruditis homi-
 nibus approbare facile possim. Nam ut de
 jure pontificio dicam, quod sentio, constat
 imprimis jam inde ab initio nascentis eccle-
 siæ apostolos Christi, ac sacerdotes de ritibus
 in ecclesia necessariis quædam constituisse,
 cum absque ordine & *ἐν τάξει* verum DEI
 cultum retineri non posse animadverterent.
 Hinc Paulus ad Corinthios scribens, *πάντα*,
 inquit, *ἐν κυριότητι καὶ ἐν τῇ ταξίν γινέσθω*. Hos
 imitari successores per multas ætates variis
 in conventibus veluti leges quasdam condi-
 derunt, quas *canones*, id est, regulas seu jus
 canonicum vocamus. Ea siquidem erat ho-
 rum modestia, ut decreta hujusmodi sua, le-
 ges vocare non auderent, ne Principum ac

Magistratum auctoritatem sibi arrogare viderentur. Et quanquam Principes ipsi negligentibus episcopis ac sacerdotibus leges plerumque ad gubernationem ecclesiarum, & ritus ecclesiasticos pertinentes ferrent: tamen ea veneratione sacros illos canones prosequerentur, ut ab eorum præscripto vix unquam sibi deflectendum esse ducerent. Et Justinianus noster disertè ait, se ita leges scribere, ut sacros canones imitentur. Totum autem jus canonicum, quo nunc utimur, præcipuis aliquot voluminibus continetur. Unum est à *Gratiano* compositum quadringentis ferè ab hinc annis, quod variis canonibus sententiisque veterum patrum undique collectis referuntur, decretorumque titulo inscribitur. Nec eo libro ullus est in hoc genere utilior, quamvis in eo nonnihil desiderent eruditi. Fatetur Martialis quodam versu, in suis libris mala plura esse, quam bona, aut mediocria, nec aliter ullum scribi librum solere: nemo tamen sanus ideo libros ejusmodi omnes contemnendos aut rejiciendos esse dixerit. At Gratianus noster plurimis abundat præclaris aureisque sententiis, ut æquum non sit, ob nonnulla, si quæ in eo deprehenduntur errata, è studiosorum manibus librum longe utilissimum excutere, nullo duntaxat meliore, probatioreque allato. Alterum volumen est Gregorii noni editum
 nomi-

omine, quod diversorum pontificum Romanæ sedis epistolas, quæ dicuntur *Decretales* complectitur. In eo Decretalium volumine multa intueri licet, quæ à prisca illa disciplina, quam decretorum liber à Gratiano editus continet, multum degenerent. Atque hinc natum est illud apud nostrates tritum ac vulgo jactatum, Male cum rebus humanis actum esse, ex quo decretis alæ accesserunt. Est enim hæc rerum humanarum conditio, ut ferè in deterius prolabantur: Sic omnia fatis, inquit poëta, in pejus ruere, & retro sublapsa referri. Ejus tamen libri lectio negligenda juris studioso non est, quod multa ad juris non modò pontificii, sed etiam civilis cognitionem utilia contineat. Quo enim tempore conscriptæ sunt illæ epistolæ, quibus pontifices Romani de jure consulentibus more veterum imperatorum respondebant, causæ ecclesiasticæ antiquam simplicitatem jam amiserant, erantq; hujusmodi, ut ad eas dirimendas ac definiendas J.C. & pragmatici adhiberentur: unde factum est, ut canonum peritus, nisi idem juris civilis scientia instructus sit, vulgari proverbio inter rudes & imperitos numeretur. Alius est liber *Bonifacii octavi*, quem ideo in Francia receptum non esse accepimus, quod quæ in eo extant constitutiones, pleræque in odium, & æmulationem Philippi Francorum regis editæ, & ad Romanæ aulæ quæstum excogitatæ credantur.

tur. Utcunque se res habeat, quisquis in foro hodie versari cupit, non parum ejus libri lectione juvari potest: nec dissimilis est ceterorum librorum tum à *Clemente quinto*, tum ab aliis promulgatorum ratio: ex quibus, si cum judicio legantur, fructus & commodi plurimum colligere licet. Quanquam enim libenter facio, ut juvenes ad horum librorum studium adhorter: tamen ab omnibus vitiis eos pertinaciter vindicare nequaquam institui. Illud enim fateri vel inviti cogimur, mores hominum Ecclesiæ titulo insignitorum ita paulatim degenerasse, ut posteriores constitutiones pontificum fere anterioribus cedant, ac de eis meritò dici posse videatur, quod scribit Homerus:

Παῦροι γὰρ οἱ παῖδες ὁμοῖοι πατρὶ πέλονται.

Οἱ πλεονες κακίας, παῦροι δὲ τε πατρὸς ἀρεῖας.

Itaque sicut hoc tempore valde necessarium est, sacerdotum deformatos mores ad priscam religionem revocare: ita expediret fortassis ex tot tantisque constitutionibus pontificiis, quicquid verius, syncerius ac utilius est in breve aliquod volumen conferre. Nec id futurum aliquando desperamus hoc præsertim pontifice Julio tertio, quem rumor est (atque utinam is non vanus sit) de ruinis Ecclesiæ fulciendis & restituendis canonibus antiquis serio cogitare. Quo nihil potest in ejus mentem ac cogitationem cadere

ere divinius. Extant Hesiodi versus,
 bus ætatis suæ vitia deploꝛat, & se alio
 nore natum non esse conqueritur.

Μηκέτ' ἔπειτ' ὥφελον ἐγὼ πεμψοίμιν με-
 τεῖναι

Ἀνδράζιν ἄλλ' ἢ προδοθῆναι ἢ ἐπετα
 γενέσθαι.

Sed quoniam his votis nihil proficitur, mo-
 dis omnibus enitendum est, ut veteres mo-
 res ac instituta revocantes, auream quan-
 dam ex ferrea ætatem efficiamus. Verus est
 illud,

Moribus antiquis res stat Romana, virisq;

Quod de ecclesia & statu ecclesiastico mul-
 to verius dici potest. Nec aliter censuerunt
 antiqui illi patres in conventu Niceensi, qui
 ita decreverant, τὰ ἀρχαῖα ἐπὶ κρείετω.

Quam ad rem noster hic tractatus nonnihil
 ut spero, adjumenti allaturus est: hoc enim
 mihi propositum fuit, ut sensim ab heroicis
 ætatibus ad nostrorum usque temporum fe-
 cem deveniens, priscos canones ac instituta
 primùm, deinde recentiores constitutiones
 in medium adducerem: sed temporis ubique
 habita ratione, quo edita ac promulgata
 quæque fuit: exempla quoque inserui, ex
 Eusebio, Sozomeno, Socrate, Theodorito,
 Chrysostomo, Basilio, Gregorio, Hierony-
 mo, Augustino, Cypriano, atque aliis vete-
 ribus scriptoribus Ecclesiasticis decerpta,
 quos mihi eam ob rem evolvere omneis non
 sine

sine magno labore ac vigiliis necesse fuit. Itaque quisquis omnium sæculorum, atque ætatum à Christo, & ejus Apostolis ad nostra usque tempora canones, decreta, constitutiones, ritus moresque ecclesiasticos nosse, ac invicem conferre volet, hi nostri libri si minus satisfacient omnino, certe non minimo ei futuros adjumento confirmare ausim. Nam cum hæc primum scribere aggressus sum, mihi tantum animus erat, commentarios ad memoriæ subsidium, & locos communes de rebus in foro usitatis conscribere, qui mihi ad causas forenses tractandas usui essent. Verùm ab amicis persuasus, ut commentationes meas cum studiosis communicarem, non invitus feci, ut rerum omnium, quæ in jure pontificio disputantur, fontes indicarem ac patefacerem, quò ad plures manaret nostrarum vigiliarum, si quæ sit, utilitas, & non iis tantum, qui foro & litibus dediti sunt: sed ceteris etiam omnibus prodessem. In iis sane, quæ ad forum & judicia præcipue spectant, modum adhibui, qui docendi rationi & methodo, quam in toto hoc opere secutus sum (haud scio, quam foeliciter) mihi convenire videbatur: nec singulas, quæ incidere solent, quæstiones, quæque ab aliis spinose subtiliterque disputantur, omnino hic agitandas esse putavi. Quanquam plerasque sic attigi, ut verear, ne à quibusdam in ea re nimius existimer, qui
nihil

nihil de fece, quod ajunt, nos haurire facile patientur. Male etenim docet, qui omnia docet. Idque à nobis non multos ante annos satis demonstratum est in eo libello, quem de docendi discendique juris ratione ad And. Guillartum scripsimus, qui tum nobis Jus civile interpretantibus operam dabat, nunc præfectura libellorum juvenis adhuc, sed prudentia senili in regia, summisque tribunali-
bus fungitur. Aceleganter Chrysostomus: *In lampadem, inquit, si parum instillaveris olei, satis alimenti habet ignis: Sin justo largius infuderis, etiam quæ in ea est, flammam extinguēs.* Nec minus venusta similitudine usus est Aristo, Græce quidem, uti & Chrysostomus, sed in hanc sententiam: *Veratrum si crassius sumptum fuerit, purgat: truxum vero ac comminutum, suffocat: sic Et nimis anxia subtilisq; in philosophia disputatio.* Quod ad elocutionem attinet, quid nam hic præstiterim, paucis dicam. Equidem ut à novo illo & vere portentoso genere orationis, quod barbari doctores condiderunt, multum semper abhorruì: ita dedi operam, ut propriè, Latine ac dilucidè, res mirum in modum involutas & obscuras explicarem: nam jus pontificum, quod multos annos jacuit, nec ullum habuit lumen Latinarum literarum, non nihil excitare ac illustrare conatus sum: idque tametsi consecutum me non profiteor: secutum tamen esse præ me fero: Ac
vehc-

vehementer eos hortor, qui majorem dicendi facultatem sibi comparaverint, ut inchoatum informatumque à nobis opus aliquando expoliant. Non enim hæc nitescere posse diffidimus, modo egregius quispiam artifex operi manus admoveat. Illud sane omnino vitare non potuimus, ne rebus novis nova quædam imposeremus nomina, aut recepta vulgo retineremus: quamquam id à nobis modice factum est, & cum ad id nos cogere inopia videbatur. Licuit enim,

————— *semperq, licebit*

Signatum presente nota producere nomen.

Quod & in Philosophia Cicero ipse fecit plerumque, & alii non pauci, quorum apud omnes eruditos gravis est auctoritas. Livius quidem de summis Magistratibus Carthaginensium loquens, non consules eos, sed *Suffetes* potius vocat. Itaque fastidii delicatissimi est, ea verba contemnere ac despuere, quæ à nostræ religionis auctoribus, & veteribus theologis usurpata sunt. Quo nomine Spiridion quendam Episcopum apud Cyprios concionantem, acriter objurgasse fertur, ut Sozomenus ait. Hæc de pontificio, seu canonico jure, deque nostro instituto paulo fusius præfari volui, ut quanta sit hujus juris non solum utilitas, sed etiam dignitas quædam & amplitudo, iis præsertim juvenibus, qui liberalius instituti, cane pejus & angue jus pontificium oderunt hoc tempore,

tempore, planum facerem, & simul ostenderem in re tenui, jejuna & abjecta, ut est quorundam persuasio, tantam me operam non collocasse. Nam ceteris, qui nulla re magis, quam quæstu & lucro comoveantur, quales permultos alunt fere tribunalia, super-
vacanea fortassis oratio nostra futura est: cum hi vel eo solo nomine jus canonicum amplectantur, ac velut filiolarum exosculentur suam. Iis enim litibus, quæ ex rebus ecclesiasticis oriuntur, & jure magis pontificio, quam civili dirimuntur, omnia vix foras hodie sufficiunt: cujus rei duæ mihi præcipuè videntur esse causæ: Una est, quia personarum ecclesiasticarum, quæ jure pontificio reguntur, ea est multitudo, ut populus universus in tres ordines distribuatur, Sacerdotium, Nobilitatem ac Plebem, quorum omnium amplissimus est sacerdotum sive ecclesiasticorum ordo: Altera causa est, quia immensas Ecclesiæ opes nemo non, quibuscunque modis potest, ad se rapit: innumera-
biles ejus rei gratia passim excogitantur technæ & fraudes: veteres canones indignè miserabiliterque solvuntur: ut quæ inde nascuntur, controversiarum neque finis neque modus ullus reperiatur. Unde fit, ut nulla alia ex re uberior quæstus ad causidicos, pragmaticosque redeat. Proinde qui ad quæstum omnia referunt, nec ullum sibi alium finem studiorum, scopumque proponunt,

nunt, hi mea oratione non egent, quò ad studium juris pontificii alliciantur. Cum iis igitur mihi res est impræsentiarum, qui cùm generosioris indolis sint, & literis elegantioribus expoliti, jus pontificium ob eas, de quibus jam diximus, causas averfantur & fastidiunt: quibus nostra oratione jam aliqua ex parte satisfactum esse opinor. Nam isti vituperant factum, quod ab aliis unum laudatur maximè: quòd videlicet cum antiquorum canonum simplicitate recentiorum argutas, ut dicunt, ineptias conjunxerimus. Est enim posteriorum canonum usus hodie major & frequentior in foro. Sed illi fortassis de rebus forensibus admodum solliciti non sunt. Itaque illud eis objiciemus, quod elegans & festivus poëta scribit:

Non opus est nobis nimium lectore guloſo:

Hunc volo, qui fiat non sine pane ſatur.

Et sane mirari satis non possum ista ab iis despicere, qui libros de sacris, sacerdotibus, cæremoniisque veterum ethnicorum cum voluptate legunt, ejusque rei scientia, ut honesta ac liberali delectantur. Nam ut eis concedamus posteriorum pontificum decreta veteribus longe dissimillima esse, & quædam forte in eis reperiri, quæ aliquam emendationem correctionemque desiderent: tamen vicissitudinem illam admirabilem ac mutationem cognoscere juvat, quam in nostra religione tot secula pepererunt. Nùm minus

nuslibenter Neronis & Caligulæ perditissimorum hominum res gestas legimus, quam Augusti, Trajani, Marci, & quorundam aliorum, qui prudenter & fœliciter Romano præfuerunt Imperio? Est enim harum rerum cognitio homine politico digna: nec dubium est quin jura, quibus nunc utimur, pontificia, ad statum publicum & politiam maximè spectent, quæ tamen si aliquando emendata immutataque fuerint, ut sæpe res hujusmodi solent: tamen futurum auguror, ut eorum cognitionem nihilominus affectet posteritas, nec satis eruditus habeatur, cui hæc ignota fuerint. Illud postremo hîc admonere lectores volumus, quædam in his scriptis inveniri posse, quibus nondum suprema manus imposita sit. Id enim nobis non licuit, cum otii temporisque satis ad ea recognoscenda limandaque non suppeteret, & magnæ nos rationes impellerent, ne ultra editionem differremus. Idque eò nos æquiore animo fecimus, quod spes nobis sit multorum exemplo scripta nostra, quamvis edita jam pervulgataque, cum id necessitas poposcerit, emendare, & subinde opus sub incudem ita revocare, ut novissima quaque editione absolutius atque limatius in publicum prodeat.

LIBER PRIMVS

De

ECCLESIA ET MINISTE-
RIIS ECCLESIASTICIS.

ARGVMENTVM.

Quoniam via & ratione de benefi-
ciis ecclesiasticis differere insti-
tuimus, opera pretium nobis vi-
sum est, ab ipsa Ecclesia initium
facere: Deinde ministeria, officiaq; eccle-
siastica sic describere, ut quid unius cuiusq;
sit proprium, facile intelligi possit. Nam
hoc fundamento non jacto, qui rem tractant
beneficariam, sepe numero eos pertur-
bare omnia ac confundere videmus. Quis-
quis enim nescit, quid sit Ecclesia, quid
potestas ecclesiastica, quemadmodum à
politica differat, qui sint episcopi, pres-
byteri, diaconi, hypodiaconi, & alij hu-
jusmodi ecclesiarum sive gubernatores
sive ministri, hunc necesse est in magna
rerum, quæ ad hoc argumentum perti-
nent, ignoratione versari. Elementa si-
quidem hæc sunt totius juris pontificij, quo
utimur

utimur, quodq; tot voluminibus perscriptum nobis pontifices reliquerunt. Sed & de monachis quoq; aliquid attingere oportet: idq; eo magis, quia beneficia, que regularia dicuntur, aliter satis commodè explicari, cognosciq; non possunt.

CAP. I.

De

Ecclesia, potestate ecclesiastica & civili, ac de utriusque discrimine.

CIVITAS una est inter Christianos unaque Resp. late per orbem diffusa, nec ullo circumscripta loco, quam usitata jam receptaque appellatione *Ecclesiam* dicimus, hujus sacrosanctæ & augustæ civitatis status in sacris, & sacerdotibus & magistratibus consistit, ut de publico Romanorum jure scribit *Ulpianus leg. 1. de Just. & Jur.* Nam etsi religionis & sacrorum procuratio omnibus aliis rebus antiquior nobis esse debeat, tamen imperio magistratus ad tranquillitatem inter homines tuendam est opus, sine qua ne religio quidem consistere potest. Itaque Justinianus noster maxima

DEI inter homines dona esse ait *Novel. 6. sacerdotium & imperium*, quòd unum divinarum rerum administratio, alterum humanarum gubernatio moderatioque sit. Non enim ut apud Hebræos quondam atque Romanos iidem & reges erant & pontifices, *Eusebius lib. 1. histor. Eccles. cap. 5. c. clerics. 2. distinct.* ita in Christiana Republ. idem homo utramque personam sustinet, & utrumque munus exequitur: sed duæ sunt functiones diversæ, quarum unaquæque plurimum operis habet ac difficultatis. *can. duo sunt. 96. dist.* Communis tamen est utriusque finis & scopus, nempe religionis & mandatorum divinatorum in otio & pace conservatio. Hinc Justinianus noster de consensu & concordia rerum divinarum & humanarum, sacerdotii & imperii loquens, symphonix verbo utitur. Ejus verba hæc sunt: *Novel. 42. ὡς ἐπὶ τὰ θεῖα πράγματα, καὶ ἀνθρώπινα συνδεσµένῃα μίαν συμφωνίαν τοῖς ἐρηταῖς ποιῆσθαι ψήφοις.* Nec minus imperium magistratus, quam sacerdotium à DEO constitutum est, ut docet Paulus *ad Rom. cap. 13.* Sunt enim magistratus & sacerdotium velut unius corporis, id est, Ecclesiæ duo membra præcipua: quorum alterum alterius auxilio eget. Sed eò sacerdotium magistratu dignius habetur, quòd hic corpori & rebus externis, illud animæ, ac spiritui potissimum serviat. *d. can. duo sunt.* Itaque

que harum gubernationum altera spiritalis vulgo dicitur, quia spiritus & animæ tantum est curatio, altera temporalis, quia non æternarum rerum ac spiritalium administratio est, sed externarum potius & corporalium, quæ ad temporariam hanc vitam pertinent, & pro tempore, mutationem recipiunt. Id satis ostendit Valentiniani Imperatoris oratio, de Ambrosii ad Episcopale munus promotione, apud *Theodoritum lib. 4. cap. 7.* Nam cum Ambrosius, qui tum præturaungebatur, omnium suffragiis lectus esset episcopus Mediolanensis Ecclesiæ, exultans gaudio Valentinianus, dixit se gratias agere DEO, quod is animorum curationem ei viro tradidisset, cui ipse antea corpora commiserat. *c. Valentinianus 63. dist.* Tametsi autem Ecclesiæ, cœtus, ac multitudo Christianorum omnium, fideliumque sit, tamen aliter nonnunquam accipitur in jure pontificio: nempe pro collegio & conventu sacerdotum, ac ministrorum doctrinæ divinæ, qui clerici appellantur. *not. in can. relatum. de iusta. c. cum clerici. de verb. significat. c. ult. in prel. vices suas.* Hinc potestas ecclesiastica, à civili seu politica distinguitur. Sed de utriusque potestatis discrimine & officiis videndum est, & ab ecclesiastica tanquam sublimiore dignioreque incipiendum.

CAP. II.

De

*Potestate & Jurisdictione
ecclesiastica.*

Sacerdotum functio & officium latissimè
 spater. Nam præter docendi munus, ad-
 ministrandi sacramenta, ordinandi mini-
 stros Ecclesiæ, & quædam alia, quæ non
 sunt instituti nostri, potestatem habent al-
 quas, veluti leges condendi de cæremoniis, &
 aliis id genus, ut omnia decenter & ordine
 fiant. Item de rebus in religione obscurio-
 ribus judicium faciunt: ac si quæ dubitatio
 emerferit, eorum cognitio est, non magi-
 stratum civilium. *l. omni innovatione. Cod.
 de sacros. eccles.* Causam enim fidei in ec-
 clesia agendam quis abnuat? inquit Am-
 brosius *c. convenior. 23. q. 8.* Præterea juri-
 dictionem aliquam, & coercionem habent
 in ecclesia, quoniam absque disciplina ai-
 qua munus suum tueri non possunt. Ea ai-
 tem disciplina duplex est, una populi, altera
 cleri. Nam populum sibi commissum, cor-
 ripiendi castigandique & à sacra commu-
 nione arcendi jus habent, ob grave scilicet
 delictum & contumaciam, quæ noceat ec-
 clesiæ. *c. novit. de judic.* Quæ potestas ni-
 hil detrahit imperio magistratus, quia nihi-
 lominus coercere, & legitimis suppliciis de-
 linquen-

linquentes afficere ei licet. *l. 1. C. de summa
trin. l. placet. C. de sacros. eccl.* Potest &
sacerdotibus obistere, si temerè & ob alias
causas, quam quæ canonibus expressæ sint,
quempiam à communione summovertint.
No. 123. ut paulò post docebimus. Ad-
hæc delicta quædam sunt, quæ legibus non
puniuntur, ut usura, concubinatus, periur-
ium &c. correctioni tamen ecclesiæ sunt
obnoxia; & ideo *crimina ecclesiastica* ap-
pellantur. Hæc de causis criminalibus.
Causæ verò civiles laicorum in Ecclesia non
judicantur, nisi quæstio aliqua de fide, aut re
alia spiritali occurrat. *d. c. convenior. d. l.
omni innovatione.* aut nisi consentiant litiga-
tores. *l. si qui ex consensu C. de episc. aud.*
Non ignoro Theodosium Imperatorem
Romanum legem promulgasse, qua cautum
erat, ut lites omnes & controversiæ forenses
ad iudicium ecclesiæ remitterentur, si alte-
ruter litigatorum id postularer. Quæ lex
à Carolo Magno postea renovata, confir-
mataque fuit. *c. quæcunque. 11. q. 1. c. novit.
de iud.* Sed mutatis episcoporum moribus,
in desuetudinem abiit, ut credibile est, utra-
que constitutio. Nec verò dubium est, quin
sacerdotibus reges omnes ac principes in hu-
iusmodi rebus cedere, seque eis subiectos
agnoscere debeant. *c. quoniam. 18. dist. c.
quis dubitet. c. duosunt. 96. distinct.* Quam-
obrem Valentinianus Imperator, cum de

episcopi cujusdam electione ageretur, ita locutus est sacerdotibus: *Talem in pontificali constituite sede, cui & nos, qui gubernamus imperium, sincere capita nostra submittamus: & cujus monita, dum tanquam homines deliquerimus, necessario veluti curantis medicamenta suscipiamus.* Et Constantinus ad episcopos conventus Niceni: *DEUS*, inquit, *vos constituit sacerdotes, & potestatem vobis dedit de nobis quoq; judicandi.* *Hist. Eccl. lib. 10.* Proinde Innoc. pontif. Roma, Arcadium Imperatorem à sacra communione summovit, quia consenserat, ut Joannes Chrysostomus à sua sede pelleretur. *d. c. duosunt.* Et Ambrosius Valentiniano Imperatori fortiter obstitit jubenti, ut templum sedemque suam Arrianis cederet. Sed nihil est ea historia memorabilius, quam *Theodoretus. lib. 5.* describit de Theodosio Imperat. quem idem Ambrosius cum Mediolanensis Episcopus esset, non solum exclusit à comunione & ingressu templi: sed etiam ad publicam pœnitentiam deposita purpura, omnique regio ornatu, adegit, quod apud Theſſalonicam aliquot millia hominum indicta causa, ipsius jussu trucidata essent: ut nescias majorémne Episcopi libertas, an Imperatoris obedientia animique demissio admirationem mereatur. *c. cum apud. 11. q. 3.* Ac ut ejus rei perpetuum superesset monumentum, pleniorque esset satisfactio, suis monitis & exhortationibus

nibus perfecit quoque Ambrosius, ut legem promulgaret Imperator, quæ etiamnum in Codice Justiniani inter Constitutiones Imperatoris extat, *tit. de pœnis. l. si vindicari.* in hæc verba: *Si vindicare in aliquos severius contra nostram consuetudinem pro causa intuitu iusserimus, nolumus statim eos aut subire pœnam, aut excipere sententiam: sed per dies triginta super statu eorum, fors & fortuna suspensa sit.* Eadem humilitate ac dejectione usus est Federicus primus, qui Ænobarbus est appellatus, in Alexandrum III. pontif. Rom. sed vi & armis, ne dicam tyrannide pontificis coactus, qui Imperatorem pro templi foribus humi prostratum pedibus calcasse fertur, ac illud ex sacris literis pronunciari iussisse, *Super aspidem & basiliscum ambulabis, conculcabis leonem & draconem.* Nec verò aliorum principum necessaria est cōmemoratio, qui à pontificibus Rom. excommunicati sunt & anathemate notati: cū in manibus omnium sint historiæ, & quæ adduximus exempla, ad id quod instituimus demonstrandum sufficient. Quod ad disciplinam clericorum attinet, notandum est, ob quascunque causas laici castigantur ab Ecclesia, multò magis eos puniendos esse. Sed magistratus nihilo secius in eos animadvertunt, postquam à suis antistitibus depositi, ac de gradu suo dejecti fuerint, nisi *crimina sint ecclesiastica.* Nov. 83. & 123. *Ecclesiastica* voco non

non ea tantum, de quibus locuti sumus, concubinatum, perjurium &c. sed etiam venationem, bellum aut negotiorum secularium tractationem, aliave id genus, quæ clericis interdicta sunt, ceteris non item. Nam de iis non cognoscunt Magistratus. *d. Nov. 83. § 123.* De causis verò civilibus clericorum non sacerdotes olim, sed præfides & Magistratus cognoscebant. *l. cum clericis. l. omnes. l. jubemus. Cod. de Episc. & Cler.* Sed ne advocarentur à ministerio suo, & ut promptius lites finirentur, Justinianus civilium quarundam causarum cognitionem eis permisit: sed ita ut liberum esset victo, sententiæ contradicere & ad civilem magistratum provocare. *d. Novell. 83. § 123. can. si quis. II. q. 1.* Verum constitutiones Romanorum pontificum huic juri non parum derogaverunt: quibus cautum est, non solum ut clerici ad magistratus tribunal inviti non trahantur, sed ut ne volentes quidem Jurisdictioni magistratus se subicere possint, siue civilis sit, siue criminalis causa. *c. significasti. c. si diligenti. de foro compet.* Qua de re videnda sunt, quæ Gratianus ex variis auctoribus collegit quæstione prima, causæ siue hypotheseos undecimæ.

CAP. III.

DE

*Pœnis & coërcitionibus
ecclesiasticis.*

QUOD autem diximus de coërcitione, quam habent sacerdotes tum in clero tum in populum, id paulò longiorum explicationem desiderat: quia nondum satis demonstratum est, quo genere coërcitionis possint uti, & varia commemorantur *pœnarum genera* in antiquis recentioribusque canonibus, quarum ut gravissima, ita etiam usitatissima fuit olim exterminatio illa, quam canones ἀφορισμὸν & ἀνάθημα nos *excommunicationem* vulgò appellamus: Eaque uti adversus quenquam non licebat, nisi ex gravi aliqua causa, propter quam canones id fieri juberent, ut ait Justinianus Nov. 123. Nam is qui excommunicatus & anathema factus est, non solum à sacris summo-
veretur, verùm etiam ab hominum consortio, quasi aqua & igni quodammodo interd-
ctum ei sit. Estque hoc pœnæ genus illi non dissimile, quo Druydes sacerdotes Gallorum olim usos fuisse testatur *Cæsar lib. 6. de bello Gall.* his verbis: *Si quis aut privatus, aut publicus eorum decreto non stetit, sacrificiis interdicunt. Hæc pœna apud eos est gravissima.*

vissima. Quibus est interdictum, ii numero impiorum ac sceleratorum habentur, ab iis omnes discedunt, aditum sermonemq; defugiunt, ne quid ex contagione incommodi accipiant: neq; iis petentibus ius redditur, neq; honos ullus communicatur. Solebant quoque Græci ἐργασθαι τὸ ἀγοεῖν, καὶ τὸ ἱερῶν, id est, foro & sacris arcere. Cujus pœnæ pleraque in Græcis auctoribus exempla reperiuntur. Sed & Plin. lib. 6. cap. 22. testatur, Regem Arabum morte multari, nullo interimente, averfantibus cunctis, & commercia etiam sermonis negantibus. Magnus est autem hujus excommunicationis usus propter disciplinam Ecclesiæ & excommunicati emendationem: est enim nervus Ecclesiasticæ disciplinæ, ut verè Innocentius quartus ait *c. cum inter. de consuet.* Nec ut pareat quis, ideo excommunicatur, sed ut pudore suffusus resipiscat tandem, & ad frugem bonam redeat. Quod cùm acciderit, absolvitur, & ad sacram communionem admittitur. *can. inter hæc. 33. q. 2.* & hæ sunt claves regni cœlorum, potestasque ligandi & solvendi, quam Christus Apostolis suis eorumque successoribus concessit. *cap. audivimus. cap. quodcunq; 24. quest. 1.* Quod est accipiendum, si quis simpliciter excommunicatus fuerit. Si enim inter sacros homines, & ut Græci dicunt ἀναθήματα habitus sit auctoritate Ecclesiæ propter atrocissimum

forte

fortè scelus aliquod, omnis ei spes veniæ,
 ut plurimum adimitur. *cap. Engeltirudam. 3.*
quest. 6. cap. nemo. 11. quest. 3. cap. si quis
suadente. 17. questio. 4. Sed quo gravior
 est pœna, eo apud DEUM futurus est ac-
 ceptior, si Ecclesiæ judicium æquo animo
 ferat, hocque commodo severitas condem-
 nationis compensatur & mitigatur. Verùm
 animadvertendum est, non temerè quen-
 quam olim absolvi consuevisse absque casti-
 gatione aliqua propter exemplum, ut dixi;
 & ut exploratum esset, eum serio ad Eccle-
 siam redire. Itaque ut satisfaceret Ecclesiæ
 quam læserat, & simul pœnitentiæ suæ ac
 mutatæ voluntatis clarum documentum
 præberet, plorans & sordidatus publice ab-
 solutionem petere cogebatur. *c. cum aliquis.*
11. quest. 3. Sed hæc satisfactio ex causa
 aliqua honesta aliquando remittebatur, sicut
 & pleræque aliæ pœnæ ecclesiastica aucto-
 ritate alicui inflicta. Eaque remissio, quæ
indulgentia vulgò appellatur, res est apud
 nos hodie frequentissima. *notat. in. c. quod*
autem. de pœn. & remis. Præter hanc ex com-
 municationem, quæ tam clericis quàm laicis
 varias ob causas irrogatur, aliæ sunt pœnæ
 ecclesiasticæ, quibus clerici præcipue affici
 solent. Nam ministerio, officioque suo
 vel ad tempus. *c. presbyter. 2. quest. 5.* vel
 in perpetuum iis interdicitur, *c. si quis vi-*
duam. 50. distinct. 6. si quis à modo. 81. distinct.
 Fitque

Fitque interdum hæc *interdictio* simpliciter & sine adjunctione, interdum adjicitur, ut nudum honoris gradusque sui nomen retineat absque administratione. Qua pœna Melitium episcopum aliquando multatum fuisse scribit Theodoricus *lib. 1. cap. 9. Tripar. lib. 2. can. 12. c. presbyter. 28. distinct. c. presbyteros. 50. distinct.* Aliquando etiam augendæ pœnæ causa exprimitur, ut in monasterium conjiciatur & includatur. *c. si episcopus. 50. distinct.* Est & pœna carceris jure pontificio recepta. *c. quamvis. de pœn. in 6.* Quamvis à Juris civilis auctoribus non probetur. *l. aut damnum. de pœnis.* Sed & curiis olim tradi solebant, eisdem servituri, ac ex clericis fiebant curiales, quorum in jure civili crebra est mentio. *c. clericus. 3. quest. 4. c. si quis sacerdotium. c. statumus. II. quest. 1.* Verùm curiam interpretati sunt quidam Pontifices potestatem civilem, & magistratum, cui traduntur solenni exauctoratione præcedente, quam *degradationem* vocant, ut magistratus in eos animadvertat. *c. ad falsariorum. de cri. fals. c. novimus. de Verb. Sign. c. degradatio. de pœn. in 6.* Quod non eò dico, ut ejusmodi exauctorationem improbem, aut magistratus animadversionem in criminibus, quæ ecclesiastica non sunt, cujus etiam meminit Justinianus in locis suprâ adductis: sed morem in ecclesia receptum nocentes clericos tradendi suppli-

suppliciis afficiendos, veteribus cognitum fuisse vix mihi persuadeo. Hujus autem pœnæ exemplum est apud Justinianum, *Nov. 123.* cum jubet presbyteros aut diaconos, qui post ordinationem uxorem ducunt, curiæ cum bonis suis tradi. Meminit & *Theodorus lib. 4. cap. 22. trip. hist. lib. 7. c. ult. & lib. 6. cap. 7.* Sed notandum est eos, qui ita condemnati essent, honore & privilegiis curialium sive decurionum frui solitos non fuisse, quamvis onera omnia curialia subirent, ut ex *Novel. Justiniani 45. de Judæis, Samaritanis & hereticis* facile colligitur. Ac de iis curialibus, quos Majorianus in quadam constitutione *servos Reipub.* vocat, multa apud Gratianum leguntur, *33. 51. 53. dist.* quæ à proposito nostro alieniora sunt, & aliàs fortè à nobis explicabuntur. Reperitur & inediae sive jejunii pœna in jure pontificio. *c. presbyter. 82. distinct.* Item infamiæ, atque adeò supplicii corporis. *c. ante omnia. 35. dist. c. conspirationum. 11. q. 1. can. 1. 23. q. 5.* De exilio & deportatione loquitur Gregorius in quadam epistola decretali. *c. 1. de Calum.* Ex quo apparet judicia ecclesiastica à magistratuum animadversione non multum differre, si recentiorum canonum sine delectu ratio habeatur. *not. in c. qualiter. de accusat.* Sed magistratus nostri usquequaque non permittunt, ut à veterum canonum præscripto hîc recedatur. Ac memoria repeto, damna-

d rum

tum fuisse non ita pridem iudicio Curiae centumviralis archiepiscopum Biturigum, quod sacerdotes aliquot liburnicarum, sive triremium praefecto vinciendos & remigio mancipandos tradidisset. De multa seu poena pecuniaria, quae hodie quorundam antistitum avararium non mediocriter augere solet, quaestio agitata est, & sanè propter avaritiae suspicionem ab eo sacerdotes abstinere decet. *c. licet. de poenis.* Idque exemplo Theodosii Imperatoris, qui se hoc cavere ait, ne in iis, quae ad morum correctionem spectant, fisci rationem habere videatur. *l. i. C. de secund. nupt.* Quatenus autem eam poenam irrogare liceat, copiosè docet Felinus *in c. irrefragabili. de offic. ord.* Sed instituti nostri est in hoc exordio capita rerum attingere, non ea sigillatim pertractare, quae propriam disputationem requirunt.

CAP. IV.

An ius gladij habeat ecclesia.

EX his constat sacerdotes jurisdictionem aliquam tam in populum quam in clerum semper habuisse: sed olim moderatius aliquando exercebatur, nulla vi corporali adhibita. Sed incorruptius ac sincerius,
& ma.

& magis ex usu, ut arbitror, ecclesiæ. Cujus rei vel illud argumentum est, quod Eugenius secundus instituisse carceres & vincula ad clericos coercendos primus omnium fertur. Nunc ea poenarum genera excogitata, & usitata sunt, ut Jurisdictio ecclesiastica à gladii potestate non multum discrepet: cum tamen nullo unquam tempore tanta fuerit morum corruptio in ecclesia. Sed nec ea jurisdictio ab episcopis ipsis nunc exercetur, quod olim non solum magna cum gravitate & decore, sed etiam lenitate ac simplicitate fiebat, sed à vicariis quibusdam juridicis qui *officiales* vulgò dicuntur. Quorum auditoria calumniis, imposturis ac strophis forensibus quæcunque regia ac prophana tribunalia longè superant. Gladii igitur jus, imperium non habent sacerdotes, sed magistratus civilis, ut clarè testatur Christus, cum ait: *Regnum meum non est de hoc mundo, & : Reges gentium dominantur eis: Vos autem non sic.* Nam & Petrus præcipit eis, ut pascant gregem non dominantes. Inde Hieronymus ad Nepo. *Episcopi, inquit, sciant se sacerdotes esse, non dominos. c. esto. 95. distinct.* Itaque dicuntur non habere territorium, nec præbendi, summovendique facultatem, *l. pupillus. §. territorium. de verb. sign.* magistratibus quibusdam Romanis non dissimiles, qui ut *Gellius ait. lib. 12.* vocationem habebant, non prehensionem. Nam

& Justinianus noster episcopus non *domi-*
nos, ut hodie vulgò appellari solent, sed spi-
 ritales patres vocat, *Novel. 81.* Nec nos
 movere debet, quod plerosque sacerdotes,
 atque ecclesias imperium illud, quod à Jure-
 consultis dicitur merum, omnemque juris-
 dictionem exercere videamus. Ea siquidem
 potestate non ut sacerdotes, sed ut Duces,
 Comites, ac domini utuntur. Quod non
 videtur usquequaque improbandum esse,
 modò ea gubernatio à spiritali procuratione
 eos non avertat. Nam sicut prædia sibi do-
 nata à principibus aut aliis propria habere ac
 retinere possunt: ita & jurisdictionem, quæ
 cum prædiorum donatione transfertur.
 Præterea quid verat dominum ac principem
 civitatis alicujus aut provinciæ, si idoneus
 reperiatur, episcopum creati? Quod si usu
 venerit, nemo dixerit, opinor, eum faculta-
 tes ac patrimonium suum deserere oportere;
 quasi id retinendo, episcopali munere
 fungi non possit. Certè *apud Theodorum*
lib. 2. cap. 30. cujusdam Jacobi mentio est,
 qui ejusdem civitatis & princeps & episco-
 pus fuit. Sed ea jurisdictio nihil commu-
 ne cum sacerdotis officio habet. Ideoque
 cum eam exercet sacerdos, aut ejus nomine
 alius, duplicem gerere personam intelligitur.
 Itaque ab eorum judiciis non Synodi, non
 Episcopi, non Archiepiscopi, non denique
 Romani pontifices: sed rex tantum; ac ju-
 dices

dices regii appellantur. Hinc etiam vulgò
 traditum est, secundum leges civiles & re-
 gias eam Jurisdictionem exerceri debere
gloss. in cap. ult. de prescript. cap. quo jure. 8.
distinct. Nolim tamen episcopos neglecta
 propria functione prophana tractare nego-
 tia, nisi fortè necessitas aliqua urgeat. Idque
 Eusebii illius exemplo, quem Theodorus
libro 4. cap. 13. scribit militari ornatu & tiara
 capiti imposita Syriam circumeuntem pres-
 byteros & diaconos creasse. Sed plerique
 sunt nostro tempore à religione & sacris,
 quàm quivis Satrapæ, & principes prophani
 longè alieniores. Nec aliud eis curæ est, quàm
 ut ditionem & possessiones suas quo jure
 quaque injuria tueantur & augeant. Simi-
 les enim planè sunt Demadi illi Atheniensi,
 qui nolentibus Atheniensibus divinos ho-
 nores Alexandro decernere, *Videte, inquit,*
ne dum cælum custoditis, terram amittatis. Ac
 mihi nunc venit in mentem fabellæ, quam
 Fulgosius ille, qui Ligurum imperio dejectus
 fuit, *lib. 6. suorum collectaneorum,* refert in
 hanc sententiam: Cùm Archiepiscopus
 idemque dux Colonia Agrippinæ in Ger-
 mania per quendam pagum iter faceret, &
 ingens armatorum numerus more gentis
 eum prosequeretur, fortè fortuna bubulcus
 nescio quis eum aspiciens, vehementius ri-
 dere cœpit. Ac interrogatus, quænam tanti
 risus causa esset, respondit, valdè sibi ridi-
 culum

culum videri, quòd Petrus Apostolus sacerdotalis ordinis princeps, in tanta inopia vitam egisset, ut ejus successores adeò locupletarentur, & regibus satrapisque pares fierent. Obiciente verò Archiepiscopo, personam se duplicem sustinere, ducis scilicet & episcopi: & tum ducis munere fungi, cùm armatus, satellitioque stipatus incedit, in sacra autem æde episcopum ac sacerdotem agere, multò majorem cachinnum sustulit rusticus. Denuò igitur causam rogatus, Velim, inquit, hoc unum abs te doceri, cùm hunc ducem cujus personam geris, jam factum cacadæmones ad inferos rapient, quonam iturum esse episcopum existimas? Excipitur tamen pontifex Romanus constitutione Bonifaciana, quasi jus gladii habeat in omnes Christianos, sed usum & executionem spontè regibus concedat, negotiis spiritualibus nimis scilicet districtus & occupatus. *extravag. Unam sanctam. de major. obed.* Itaque conferendi regna totius orbis Christiani, & eadem auferendi potestatem sibi vendicat, *c. venerabilem. de elect. c. ad apostolica. de re jud. in 6. cle. Romani. de judeju.* Et certum est Chilpericum regem Francorum hominem minimè malum ac simplicem à Zacharia pontifice dejectum regno, & Pipinum in locum ejus suffectum fuisse. *c. alius. 16. quest. 6.* Alius quoque pontifex nomine Leo, Carolum Magnum creavit

creavit Imperatorem, & Imperium ex Græcia Romam transtulit. & Innocentius quartus habito conventu Lugduni Federicum secundum Imperatorem Romanum abdicavit Imperio *d. cap. ad apostolica.* Quibus exemplis admonemur, pontificem Romanum, tanquam monarcha sit, in omnes imperatores ac reges imperium exercere, & quicquid habent imperii ac majestatis reges ac imperatores, id ab ecclesia Romana omnino pendere. Quod & Clemens quintus in concilio Viennensi constituit. *cle. pastoralis. de re judic.* Sed ea constitutio sic displicuit nobili Jurisconsulto Cyno Pistoriensi, ut eam quasi ex pontificiorum errore profectam notare ac elevare non dubitaverit. Atque ita censuerunt plerique alii non contemnendæ auctoritatis Jurisconsulti. Bartolus verò eam perfunctoriè & dicis causa, ut ita loquar, tueri videtur magis, quàm verè & ex animo. Idque apparet primùm ex eo, quòd fluctuat ille contra morem suum, nec certam profert sententiam. Deinde, quia non obscure significat, ideo se eam constitutionem defendere, quod in loco Ecclesiæ Romanæ subiecto maneat. *Bart. in leg. i. de req. reis.* Extat sanè constitutio Clementis V. qua Bonifacianam sic interpretatur, ut Francorum regem non aliter pontifici Romano subiectum esse dicat, quàm antea eam constitutionem fuerat. Idque in Philippi Pulchri

Francorum Regis gratiam se facere testatur, qui gravem ea de re contentionem cum Bonifacio habuerat. *extravag. meruit. tit. de privileg.* Quale verò hoc beneficium pontificis in regem fuerit, alii viderint. Ego certè neminem paulò saniores, eruditiorumque hoc tempore esse arbitror, cui inceptum illud Bonifacii probari possit. Ac maximè verendum est, si tales esse pergant reliqui, ne D. Bernhardi vaticinium tandem verum esse comperiamus, qui ad Eugenium pontificem Romanum scribens de utroque gladio : Utrumque inquit, habere si voles, utrumque perdes. *lib.2. de confid. ad Eugen.* Traditum est in Meroe, Jovis sacerdotes adeò superstitione implessè animos, ut nonnunquam misso nuntio necem regi Ætiopiæ demandarent nullo detrectante, aut mandatum jussionemve abnegante: donec ad Erganem regem perventum est, qui omnes occidit, & sacerdotium sustulit.

CAP. V.

De

Civili gubernatione.

Politica gubernatio magistratus, à DEO perinde constituta est ac sacerdotium ipsum, ut ante diximus. *c. quæsitum. 23. quæst. 4.* Quod adeò verum est, ut ita sensè-

senferint Ethnici, inter quos Homerus dif-
fertè ait, régis imperium à Jove proficisci.
Versus ejushisunt. *lib. i. Iliad.*

—— ——— ἐπεὶ οὐποτ' ὁμοίης ἔμμορε πμῆς
Σκηπτῆχος βασιλεὺς, ὥτε Ζεὺς κῦδος ἔδωκεν.

Et *lib. 2.*

Θυμὸς δὲ μέγας ἐστὶ διοτρεφέος βασιλῆος
Τιμὴ δ' ἐκ διός ἐστι, φιλεῖ δὲ ἐμνηστέα Ζεὺς.

Id enim natura est insitum hominibus, au-
ctore Aristotele. Quare cùm id jus natu-
rale sit, id est, à DEO naturaliter mentibus
nostris inditum, necesse est, ut & divinum
quoque dicatur. Id docet Paulus *Roman. 13.*
cùm ait, omnem hominem potestatibus ex-
cellentibus subditum esse debere, nec magi-
stratum sine causa gladium gestare; cùm ad
vindican-
da scelera DEI minister sit. Quos
enim doctrina & exhortatio sacerdotis com-
pescere, ac meliores efficere nequit, hi metu
suppliciorum abstinere à flagitiis per magi-
stratum coguntur. *c. non frustra. 23. quæst. 5.*
l. i. de just. & jur. Petrus quoque nos ad-
monet, ut regem honore prosequamur, ut-
que non tantum ei, sed etiam præsidibus ab
eo missis ad nocentium vindictam, & lau-
dem rectè agentium pareamus. Magnum
igitur DEI donum est, & non mediocris
usus inter homines hæc potestas, quæ rerum
omnium ad incolumitatem status publici
spectantium gubernationem complectitur.

Sola enim sacerdotibus relinquitur Ecclesiæ rerumque ecclesiasticarum ac spiritalium curatio. *c. re quidem. II. quæst. 1.* Sed potestas hæc civilis utcunq; delibata primùm à sacerdotibus, deinde sensim ac pedetentim adeo imminuta est, ut ad extremum penè in ordinem redacta sit, quod jam à nobis demonstratum est. Illud præcipuè hic tractandum occurrit, an principes seu magistratus in ecclesiam resque aut personas ecclesiasticas imperium aliquod & potestatem habeant, & sciendum est verbis tam Petri quàm Pauli suprà recitatis, quia generalia sunt, etiam clericos & personas ecclesiasticas contineri. *c. magnum. II. quæst. 1.* De Romanis pontificibus suprà aliquid attigimus, quorum aliqui Imperatorem dominum suum nominare haud quaquam veriti sunt. *c. sacerdotibus. II. quæst. 1. c. salonitana. 63. distinct. c. quoties. I. quæst. 7.* Alii etiam ipsius iudicium libenter, aut æquo certè animo subierunt. *c. nos si incompetenter, 2. quæst. 7.* Sed hoc nimis sanè odiosum hac tempestate argumentum omittamus. Notandum est præterea magistratum sive principem non modo corporis substantiæq; nostræ custodem esse, quasi ad vim atque injuriam prohibendam tantùm constitutus sit: sed etiam religionis & cultus divini, quod ad externam disciplinam attinet. Quamvis enim legibus civilibus ea præcipuè contineantur, quæ ad arcendam injuriam tuendamque pacem pertinent;

nient : tamen & de plerisque aliis rebus ad honestatem aliquam, & maximè ad religionem spectantibus leges fiunt. Quarum omnium custodem esse magistratum Aristoteles ait. Tria siquidem juris præcepta sunt, quorum primum est, honestè vivere : ejusque præcepti multa exempla sunt in jure civili, de quibus alibi diximus. Nec me latet de rebus sacris ac spiritualibus judicium esse ipsius ecclesiæ. Nam synodi episcoporum ac presbyterorum de rebus sacris rectius, quàm prophani homines judicare possunt. *dict. leg. omni innovatione. Cod. de sacrosanct. eccles. d. cap. convenior.* Quod satis animadvertit Alexander Romanus Imperator, quamvis Christianæ Religioni addictus non esset. Sic enim de eo scribit Lampridius : *Pontificibus tantum detulit & quindecim viris, atq; auguribus, ne quasdam causas sacrorum à se finitas iterari, & aliter distingui pateretur.* Nec alienum est à proposito, quod de Leontio Tripolitano episcopo à scriptoribus ecclesiasticis memoriæ proditum est. Cùm enim Constantius Imperator in conventu episcoporum de ecclesiasticis multa verba faceret, & promulgaret constitutiones, omnibus aliis approbantibus, hic solus obstinatè tacuit. Ac seiscitante Imperatore, cur ipse loquentibus ceteris solus taceret, respondit se cogitandum mirari apud se, quod à propriis negotiis tantum ei superesset

otii, aliena ut curaret. Quamvis autem de rebus sacris iudicium sit ecclesiæ, ut diximus: tamen ubi semel constituta sunt ac iudicata, magistratus officium est ecclesiæ iudicia & decreta tueri & conservare, si id necessarium esse perspexit. Itaque blasphemias, hæreses & omnem impietatem externam punit & vindicat. *c. quando. 23. quest. 4. c. de Liguribus. c. quali. 23. quest. 5.* Sacerdotes item in officio continet magistratus, disciplinam ecclesiasticam constituit ac reformat. *c. filiis. 16. quest. 7.* Quorsum enim tot constitutiones principum editæ sunt de officio sacerdotum, & disciplina ecclesiastica, nisi eas executioni mandare possint? Quales permultæ sunt Romanorum Imperatorum *lib. 1. Cod. Justinia. & lib. τῶν νεαρώων.* Sed multò plures extant principum Galliæ antiquorum, & Caroli Magni præsertim, brevi, ut spero, in lucem exituræ, ut de recentioribus taceam, quæ nemini non hodie in Gallia cognitæ sunt. Ex quibus facilè perspicui potest, principem leges condere posse, quibus episcopi ceterique omnes ecclesiæ ministri ad canonum ecclesiasticorum, veterisque disciplinæ observationem in regno ac ditione sua compellantur. Eoque jure atque auctoritate post hominum memoriam usi ferè sunt reges nostri, non tantum in Galliæ suæ episcopos, sed in ipsos etiam pontifices Romanos, si quid in finibus Galliæ adver-

adversus canones & disciplinam ecclesiasticam moliri viderentur. Hujusque libertatis expressissima quotidie vestigia conspiciuntur in summis tribunalibus, cum à *rescriptis Romani Pontificis appellationes* interponuntur. Nam etsi ab executione ejusmodi rescriptorum appellari soleat magis, quàm à rescriptis: tamen effectu hæc appellandi genera non differunt: & videtur hic mos ex errore interpretis ortum habere. *cap. i. x. de appell.* qui rescriptum D. Pii apud Vlpianum è Græco in latinum malè convertit. Et quoties præsens rerum status mutationem aliquam in spiritualibus rebus poscere credebatur, habito conventu episcoporum Ecclesiæ Gallicæ, quod tempori visum erat convenire, constituebatur. Ac tantum abest, ut Romani Pontificis ullum interveniret decretum, ut is etiam interdum in ordinem cogi soleret. *c. de capitul. 10. dist.* Exemplorum pleni sunt annales nostri & acta monumentaque curiæ Parisiensis de Clodoveo, Carolo Magno, Ludovico Pio, Philippo Augusto, Sancto Ludovico, Philippo Pulchro, Carolo quinto, Carolo sexto, Carolo septimo & aliis regibus perpetuæ memoriæ causa diligentissimè perscripta, & vulgò circumfertur *libellus curiæ Parisiensis ad Ludovicum undecimum* Francorum regem missus, in quò miserabilis illa Ecclesiæ confusio, ac perturbatio demonstrata est, quæ ex Romanæ

manæ curiæ nundinatione tum nascebatur, & simul Regum nostrorum ac magistratum in asserenda libertate Ecclesiæ Gallicæ adversus Pontificem Romanum virtus, & constantia. Suffragatur nobis Isidorus apud Gratianum, cujus hæc verba sunt: *Principes seculi nonnunquam intra ecclesiam potestatis adeptæ culmina tenent, ut per eandem potestatem disciplinam ecclesiasticam muniant.* & paulò post: *Cognoscunt, inquit, se DEO reddituros esse rationem propter ecclesiam, quam à Christo tuendam suscipiunt: nam si ve augeatur pax & disciplina ecclesiæ per fideles principes, si ve solvatur, ille ab eis rationem exigit, qui eorum potestati suam ecclesiam tradidit. c. Principes. 23. quest. 5.* Principes enim sunt religionis & Ecclesiæ defensores, ac ut Esaias loquitur, nutritii, *cap. 49.* Id quod Justinianus noster expendisse videtur, cùm ait, se nihilo minorem Ecclesiæ, quam vitæ suæ curam habere. *Novel. 3.* Eòdem pertinet Joadis Regis exemplum memoria dignum, quod imitari coguntur aliquando Reges Magistratusque nostri: nam cùm suspectos haberet sacerdotes, ne pecuniam interverterent, quæ offerebatur à populo ad tutelam templi, eam primùm in arcam clausam inferri, deinde scriba suo præsentem fabris ac cæmentariis erogari jussit. *4. Reg. cap. 12.* Porro ex jam dictis satis colligi potest, non omnino alienum à vero esse, quod plerique asserunt,

concilium sive *conventum ecclesie*, *principis iussu* & imperio *convocari posse*. Nam etsi de pontificis Roma. auctoritate contendere hîc nolum: tamen si officio in hac re suo non fungatur, nec ceteri fortè ejus consiliarii & collegæ *Cardinales* vulgò appellati: sed canones omnes, quod abominor, & disciplinam ecclesiasticam contemnant, ac pro nihilo ducant: boni certè principis est ejus negotii curam suscipere, nisi malit ecclesie desertor ac proditor verius, quàm tutor haberi. Quod non modò Constantinum, sed plerosque etiam alios Imperatores Rom. fecisse veteres testantur historię. *c. sexta. 16. dist. c. Adriannus. 63. dist.*

CAP. VI.

Quam potestatem habeat princeps circa ministeria ecclesie.

DE clericorum ac ministrorum Ecclesie ordinatione loco magis idoneo disputaturi sumus. Sed interim animadvertendum est, quamvis sacra res & maximè spiritualis habeatur, nihilominus Regem nostrum in eam plurimum juris atque auctoritatis meritò sibi vindicare: nam *episcoporum* & archimandritarum *creatio* ferè ex ejus nutu pendet, sublata canonicorum atque monachorum

monachorum electione. Quod ægrè admodum fert hodie universa ecclesiasticorum hominum natio, querunturque vulgò ex aulicorum fece prophanos abjectissimosque homines sibi antistites dari solere. Verùm eos cogitare & expendere imprimis decet, cùm eorum cupiditas & corruptio tanta esset, ut nulla veterum Canonum habita ratione indignissimos quosque promoverent, ut in re prorsus alioqui desperata, hoc veluti cauterium quoddam necessarium visum fuisset. Deinde non ita de his rebus princeps decernit, ut incommodis, si quæ sunt, vitiiisque medendi facultas Ecclesiæ, aut eis qui se *ἐκκλησιαστικὸν* ejus esse & capita dicunt, omnino erepta sit. In consecrationibus enim & solennibus ordinationibus liberum est eis, sine gravi morum, ætatis, doctrinæ examinatione neminem in clerum recipere, & tales consecrare sacerdotes, qui idonei sunt ad quamcunque functionem Ecclesiæ, quam princeps ipsis committere voluerit. Nam princeps impositionem manuum, consecrationem, inquisitionem ecclesiasticis viris nunquam ademit, sine qua nemo Ecclesiis præficitur. Hūc accedit, quòd cùm princeps patronus sit ecclesiarum ac monasteriorum, non permittunt canones eum hoc jure fraudari; quod nihil plane aliud est, quàm præsentatio quædam seu nominatio: adeo ut pontificibus oblatum nominatumque, si idoneus

neus non videatur, rejicere & aliter ecclesiis
 consulere liceat. Ac certo certius est, nullo
 unquam tempore siue canonicos siue mo-
 nachos tantum potuisse, ut sine permisso re-
 gis electionem aliquam celebrare ipsis lice-
 ret. Eodemque jure imperatores ac reges
 alios plerosque usos fuisse constat etiam in
 electione Rom. pontificis. Qua de re
 multa Gratianus collegit, ad quem lectores
 remitto. *c. Adrianus, c. in Synodo. c. cum
 longè. can. Reatina. 63. distinctio. can. hinc est
 etiam. 16. quest. I.* Optarem sanè à princi-
 pibus majorem haberi delectum persona-
 rum. Attamen res ejusmodi est, ut ecclesia-
 stici viri de se magis, quàm de principe, qui
 patroni tantùm, non etiam ordinatoris of-
 ficio fungitur, conqueri debeant. Quod si
 culpam conferant in pontificem Roma.
 ut plerosque eorum crebrò facere audio,
 quod probationem ac examinationem sibi
 retinere & legibus omnibus ac canonibus
 quoscunque passim solvere consueverit, ipse
 me nihil interpono. Penes alios esto hac
 de re judicium. Illud unum vere ingenuè-
 que dico, nihil Reipubl. Ecclesiæque Gallicæ
 mihi videri utilius, quàm auctoritate regis
 pastores præfici ecclesiis, si à pontifice Ro-
 mano obtinere possint episcopi, ut ordinatio,
 inquisitio, ac confirmatio secundum veteres
 canones libera ipsis relinquatur, modò ipsi
 officii sui meminisse velint. Quis enim est

adeò imperitus rerum, ut Romanæ curiæ artes non norit, & quantum ea hirudo Gallicæ exorbeat sanguinis quotidie, non satis intelligat? Dicam, quod à viris peritissimis, ac diu in Republ. versatis non semel accepi, quanquam incredibile videtur, quotannis variorum diplomatum à pontifice obtentorum nomine ad *septingenta*, aut eo amplius *aureorum millia* hinc Romam exportari tollere, quæ ita illi velut capta vinctaque detineantur & custodiantur, ut nullo unquam postliminio ad nos redeant. Quid multa? In proverbium abiit jamdudum Romana permutatio, plumbi videlicet cum auro, non minus quàm illa Diomedis & Glauci apud Homerum: cujus & Ulpianus noster meminit. *l. i. de contrah. empt.* Nec causari possunt episcopi hujus regni liberam non fore ordinationem, si regis auctoritas necessario accedat: est enim ad frænandum non paucorum cupiditatem summè utilis ac necessaria, qualis fuit olim populi consensus, sine quo non poterant ministri ecclesiæ ab episcopis ordinari. Idque potest iis obijci, quibus absurdum videtur, *ius*, quod *regaliorum* à nostratibus vulgò appellatur, regem nostrum in quasdam sui regni ecclesias habere. Quid enim aliud hîc agit Rex, si pauca quædam excipias, quàm quod à civibus cujusque civitatis & plebe quondam fieri solebat? cujus consensu, ut dixi, pastores ecclesiarum ordina-

ordinabantur. Nam ipsam ordinationem & inquisitionem, quæ cum beneficii collatione conjuncta antiquitus erat, nunquam sibi attribuit. Populo autem propter tumultus & dissidia verisimile est hoc jus ademptum, ac in principem translatum esse. Nam scinditur incertum studia in contraria vulgus. Quo tamen jure nec semper, nec in in omnibus ecclesiis princeps utitur. Sed de his omnibus infra copiosius differemus, *lib. 3. c. ult.*

CAP. VII.

De

*Hierarchia, & variis
administrationibus
Ecclesie.*

Quæ sit potestas ecclesiastica, & quemadmodum à politica differat, satis pro instituto disseruimus. Nunc de iis videndum est, per quos ecclesiasticæ res procurantur & administrantur. Quorum varii sunt gradus. Nam, ut Petrus Apostolus in epistola Clementis ait, *Ecclesia magnæ cuipiam navi similis esse videtur, in qua præter vectores seu epibatas, gubernatore, prætore, nauta, & ministris quibusdam aliis opus est.* Populus enim in ecclesia vectoribus, episcopus prætor,

presbyteri nauticis, diaconi & alii, qui clerici dicuntur, reliquo navis ministerio comparantur. Horum igitur alii parent, nulloque munere ecclesiastico funguntur: & hī verbo Græco *laici*, quasi populares vulgò dici solent. Alii imperant, & principatum quendam in ceteros habent, qui *Hierarchia* à Græcis appellatur. Quanquam eo verbo rarissimè ulos fuisse veteres existimo. Hi enim *ministri* aliorum, quàm domini aut principes vocari maluerunt. Quod eorum singulari modestiæ & sanctitati ascribendum esse putamus. Sed de nomine, modò ut rem teneamus, minus est laborandum. Ut igitur tota res commodius explicetur, ministerium doctrinæ divinæ, quod Lucas vocat, *διακονίαν τῆς λέξης*, à ceteris ministeriis distinguemus. Circa ministerium doctrinæ animadvertendum est, Christi legatos sive Apostolos initio exorientis ecclesiæ per singulas civitates, in quibus Christus colebatur, administratores quosdam instituisse, qui gubernarent ecclesias, ipsisque præessent. Hos vocarunt *sacerdotes*, quòd sacrorum curationem haberent, & *presbyteros*, id est, seniores, quòd prudentia & gravitate venerabiliores essent ceteris. Nam hoc Græcum verbum non ad ætatem sed ad dignitatem quandam potius refertur. *c. clericos. 21. dist.* Idque multis exemplis demonstrat Budæus noster. Quam loquendi formam nostrates imitantur.

imitantur, *Seignores* vulgò appellantes eos, quos honore aliquo dignos judicant. *c. 1. de cens.* Dicuntur præterea *ministri*, ut ait *Chrysostomus, homil. 2. in epist. ad Philip. & pastores*, quod ministrent magis quàm dominantur ceteris, & gregem sibi commissum pascant. Quod verbum iis convenire, qui alios gubernandos susceperunt, indicat *Homerus*, cùm *Agamemnonem* subinde vocat *ποιμένα λαῶν*. Sed & *episcopi* quoque, quasi speculatores atque inspectores sunt appellati. Quo ferè sensu *episcopi* ab *Arcadio Jureconsulto* vocantur, qui pari ceterisque rebus venabilibus præsunt. *l. ult. de muner. & hono.* Nam *Paulus* in epistolis utraque appellatione, presbyteri nempe & *episcopi*, promiscuè utitur. Idque *Chrysost.* *August.* *Hierony.* & plerique alii annotarunt. *d. c. clericos. c. olim. 95. dist.* Verùm communis illa administratio presbyterorum visa est incommoda propter dissidia & contentiones, quas pariebat. Quare ne unusquisque ad se trahens Christi ecclesiàm rumperet, ut inquit *Hierony.* operæ pretium duxerunt in singulis civitatibus unum ex presbyterorum ordine ceteris præficere, ita ut cum eorum consilio omnia gereret, atque administraret. Huic uni nomen *episcopi* quod ante omnibus erat commune, attributum: ut insigni aliqua propriaque appellatione à ceteris facilius discerni posset. *can. legimus. 93.*

distinct. Proinde ex eo tempore reliqui presbyteri, nunquam episcopi sunt appellati. *Euseb. lib. 6. c. 33. hist. Eccl. & tripart. historiae lib. 4. c. 24.* Quamvis episcopi presbyterorum nomen non respuerint. *Eusebius lib. 5. cap. 24.* & notandum est in singulis civitatibus horum presbyterorum collegium quoddam fuisse, cui præerat episcopus. Cujusmodi est hodie *canonicorum* collegium, qui in eorum locum successisse videntur, & hunc cœtum presbyterorum vocat senatum ecclesiæ *Hieronymus c. Ecclesia. 16. quæst. 1.* Nondum enim presbyteri separatas habebant ecclesias, in quibus docerent & sacramenta administrarent. Quod vel Sozomenus demonstrat, cùm ait, consuetudinem fuisse in Alexandria tempore suo, ut uno existente super omnes episcopos, presbyteri seorsum ecclesias obtinerent, & populus in eis collecta solenniter celebraret. *Trip. histo. lib. 1. c. 19.* Sed crescente numero Christianorum, cùm passim constructæ essent basilicæ seu ecclesiæ non in civitatibus modo, sed etiam in vicis atque pagis, tandem inter presbyteros confusionis discordiæque vitandæ causa, ubique terrarum divisæ sunt regionibus, ita ut unusquisque sua Ecclesia regioneque contentus ab aliena omnino abstineret. Cujus rei auctor fuisse dicitur Dionysius urbis Romæ episcopus, ut ex ipsius epistola ad Severinum episcopum Corduben-

dabensem scripta colligitur, quæ integra
 apud Gratianum non extat. *can. 13. quest. 1.*
De ecclesiis, inquit, *parochianis*, unde apostoli-
 cam sedem consulere voluisti, qualiter sint custo-
 dienda per Cordubensem provinciam, ac divi-
 denda sacerdotibus, nihil tua charitati melius
 nobis videtur intimare, quàm ut sequaris, quod
 nos in Rom. ecclesia nuper egisse cognoscitur.
 Ecclesias verò singulas singulis presbyteris, dedi-
 mus parochias, & cæmeteria eis divisimus. Sed
 unicuiq; jus proprium habere statuimus, ita vi-
 delicet ut nullus alterius parochiæ terminos, aut
 jus invadat: sed unusquisq; suis terminis sit
 contentus, & taliter ecclesiam & plebem sibi
 commissam custodiat, ut ante tribunal æterni Ju-
 dicis ex omnibus sibi commissis rationem reddat,
 & non Judicium, sed gloriam pro suis actibus
 accipiat. Hanc quoq; normam charissime, te
 & omnes episcopos sequi convenit, & quod tibi
 scribitur, omnibus quibuscunq; potueris, notum
 facias, ut non specialis sed generalis fiat ista præ-
 ceptio. Anacletum autem idem decrevisse
 apud Gratianum legimus, quod Diony-
 sius Romæ factum fuisse refert. Presbyteri,
 inquit, per castella & modicas civitates atq; vil-
 las debent ab episcopis ordinari & poni: singuli
 tamen per singulos titulos suos, &c. *can. episcopi.*
80. distinct. Historiographi, ut Platina, di-
 visionem quandam titulorum & diocesium
 in urbe Euaristo atque Marcello ascribunt.
 Sed cujus inventum hoc fuerit, non multum

arbitror ad rem pertinere. *Paroecias* autem appellarunt veteres fana illa & ecclesias, quæ singulis assignantur presbyteris in cuiusque episcopi diœcesi. Sed paulatim corrupto vocabulo, *parochia* appellari cœperunt. *tit. de paroch.* Quanquam pro tota illa diœcesi ipsius episcopi, quæ in varias regiones distributa est, frequenter hoc verbum accipitur, ut postea dicemus. *lib. 2. cap. 7.* Sciendum est præterea *post hanc ecclesiarum partitionem* & distributionem episcopi in magna illa diœcesi sua & presbyterorum in suis Ecclesiis parem non fuisse potestatem atque auctoritatem: cum *ordinatio presbyterorum*, ceterorumque ministrorum ecclesiæ, basilicarum consecratio, & quædam alia episcopo tantum permilla sint, non etiam presbyteris inferioribus. *can. perlectis. 25. distinct.*

CAP. IIX.

De
*Variis presbyterorum
 generibus.*

Presbyteri, quos episcopo subesse diximus: non omnes ejusdem gradus, dignitatis atque auctoritatis sunt. Nam *archipresbyteri* inter eos reperiuntur: sicut & inter episcopos *archiepiscopi*. *Grat. in dec.*

*dec. 60. distinct. c. 1. de atat. & qual. S*unt autem archipresbyterorum duo genera: quorum urbani quidam dicuntur, alii vicani. *Urbani* dicuntur, qui in urbe & in maiore ecclesia officio suo funguntur. Cùm enim episcopus propter absentiam fortè vel occupationes suas, non possit omnia episcopi munia vel solus, vel unà cum presbyteris obire, sed curas suas cum eis partiti necesse habeat: utilius visum est ex presbyteris unum ceteris præponere, qui ea quæ ad presbyterorum officium pertinent, partim ipse exequatur, partim aliis facienda præscribat: quàm omnibus simul presbyteris id committere, ne contentio aliqua inter ipsos ex communiione administrationis oriretur.

c. officium. de offic. archipresbyt. d. c. perlectis. 25. distinct. Itaque archipresbyter urbanus eam potestatem habet in maiore ecclesia, quam quivis presbyter in parœcia sibi assignata habere dicitur. Sed & ceteris quoque ejusdem ecclesiæ presbyteris, qui Cardinales, id est, primarii & præcipui dicuntur, ad differentiam eorum, qui in inferioribus Ecclesiis sunt constituti, haud dubiè præest.

c. 2. de offi. Archipresbyt. Archipresbyteri *vicani* nullam in urbe potestatem, nullum ministerium habent, sed in maioribus celebrioribusque pagis constituuntur. Ac singulis præter Ecclesiæ propriæ curationem, certarum ecclesiarum, certorumque presbyterorum,

rum, qui videlicet per minores titulos habitant, inspectio, observatioque committitur. *c. ult. de offic. Archipresby.* Hactenus de presbyteris episcopo inferioribus. Nunc de episcopis est videndum, quorum varii quoque gradus reperiuntur.

CAP. IX.

De

*Episcopis, qui gradus sint
episcoporum, & quæ
potestas olim fuerit eorum,
qui chorepiscopi
dicebantur.*

EPiscoporum varii sunt gradus. Quidam enim præsent uni alicui civitati, & vicis, qui illi civitati subsunt. Et hi simpliciter *episcopi* appellantur. Alii non tantum civitati, sed etiam provinciæ, quæ multas civitates complectitur, præsent, & dicuntur *archiepiscopi*, quod episcopis superiores sint. *Metropolitani* autem ideò vocantur, quia in metropoli aliqua, id est, matrice civitate jam olim constituti sunt. Alii non uni provinciæ, sed multis præfecti sunt: & in omnes non solum episcopos, sed etiam archiepiscopos potestatem habent. Ideoque

prima-

primates seu patriarchæ dicti sunt. c. clerici. 21. dist. c. urbes. 80. dist. c. provincia. 99. dist. Hi sunt numero quatuor (præter Romanum Episcopum, qui vertex omnium, & princeps esse dicitur, de quo mox videbimus) Constantinopolitanus, Alexandrinus, Antiochenus, Hierosolymitanus. *c. antiqua. de privi. c. sacrosancta. c. Constantinop. c. renovantes. c. diffinimus. 22. dist.* Quibus & alii quidam veluti *minorum gentium patriarchæ* adjecti sunt, Aquilejensis, Cantuariensis, Biturigenis & Gradenis. Ideò autem instituta est potissimum hæc hierarchia, ut augustæ illius ac divinæ civitatis, quam nos Ecclesiam vocamus, unitas ac tranquillitas melius conservetur. *Nam Ecclesia una est*, inquit Cyprianus, *quæ in multitudinem latius incremento fecunditatis extenditur. Quomodo solis multi radij, sed lumen unum, & rami arboris multi, sed robur unum tenaci radice fundatum. c. loquitur. 24. q. 1.* Deinde hujus ordinis hierarchici ingens in eo conspicitur utilitas, quod sicut episcopus convocat presbyteros suæ civitatis & vicorum civitati subjectorum, ut eorum consilio res ecclesiasticas administret, & controversias dirimat: sic archiepiscopus, aut patriarcha suæ provinciae aut nationis antistites cogit & congregat, quò graviora negotia in ampliori majorique conventu tractari ac definiri possint, & quæ perperam ac injustè decreta, vel judi-

judicata sunt ad majus judicium gradatim referantur: 6. q. 3. & 4. Nam hujus rei gratia synodi tam civitatum, quam provinciarum, atque nationum singulis annis indicibant. 18. dist. c. sicut olim. de accusatio. Quod & constitutione quadam præcipit Justinianus. Nov. de sanct. episc. Illud præmittendum non est, antiquitus cum episcopi otio, ut verisimile est, suo consulere vellent, vicarios quosdam episcopos ordinare solitos fuisse, qui vulgò *chorepiscopi* dicebantur, auctore Damaso in verbosa quadam epistola, quasi *χωρεισκόπαι*, id est, rustici episcopi: quia non in civitate, sed per vicos & pagos munus episcopi quadantenus gerebant. Nam lectores, exorcistas, ceterosque inferioris ordinis clericos ordinare ipsis licebat, quamvis presbyteros, aut diaconos ordinare non possent. conc. Ancyr. c. 13. conc. Neocas. c. 13. conc. Antioch. c. 8. & 10. c. eccles. 68. dist. Verum hoc prætexu, quod episcopalem honorem sibi insolenter arrogarent tandem, nec ulla fatis bona ratio eorum institutionis appareret, id munus omnino sublatum atque antiquatum est. c. quamvis. c. chorepiscopi. 68. dist. & facilè mihi persuadeo, archipresbyteros, de quibus ante locuti sumus, in eorum locum successisse, quibus neque episcopi nomen attributum est, neque aliud quicquam eorum, quæ episcoporum propria sunt: ne fortasse ipsis audaciæ
atque

que insolentia illius, propter quam de-
fecti fuerant minuti isti episcopi, occasio præ-
beretur.

CAP. X.

De

*Episcopo Romano, ac de
ejus amplitudine &
auctoritate, tum de
nominibus variis,
quibus appellari solet.*

EPiscopus Romanæ urbis, quin primus
patriarcharum olim habitus sit, dubium
non est. Id enim variis conciliis & prin-
cipum sanctionibus est constitutum. *Novel.*
Justin. 131. Unde in historia ecclesiastica
non semel legimus jus convocandi univer-
salis concilii ad ipsum pertinere. Quam po-
testatem à Christo acceperit, necne, meum
diffinire non est, sed theologiæ professo-
rum. Ego etenim, qui me Jurisconsultum
profiteor, de his rebus tanquam politici cu-
jusdam ordinis causa, *hominum consensu* in-
stitutis, ita differo: veritus scilicet, ne theo-
logi nostri temporis aut interdicto mecum
contendant, aut me ex jure manu conserutum
vocent, quod temerè in proprias ipsorum
posse-

possessiones irruerim. Sive igitur hoc datum est urbi, quæ caput Imperii erat, sive apostoli Petri memoriæ, qui primus in ea sedisse dicitur, aut denique ipsius Christi institutioni, ut vulgò receptum est, constat vetustis temporibus, primam præcipuamque sedem episcoporum in Ecclesia Romana fuisse. Quo *honore* atque dignitate initio moderatè admodum usi sunt, adeò, ut ceteros episcopos fratrum, collegarumque loco semper habuerint, nec *imperium* exercere in eos regum ac principum more unquam in animum induxerint. Id quod ex epistolis Hieronymi ad Nepotianum & Euagrium facile perspicitur. Nam & concilio Carthaginensi 3. cap. 26. vetitum fuerat, ne quis *princeps sacerdotum*, aut *summus sacerdos*: sed tantum primæ sedis episcopus appellaretur. c. *primæ sedis*. 99. *distinct.* Itaque quod de summo Romanæ urbis pontificatu legitur in *Novel. Justiniani*, qua de præscriptione centum annorum loquitur, quibusdam valdè suspectum est, nec in Græco Justiniani codice *ἡ νεαρχὴ* reperitur ea constitutio. Hinc Gregorius pontifex Romæ Joanni episcopo Constantinopolitanæ urbis, quæ nova tunc Roma propter translationem imperii dicebatur, vehementer obstitit, cum Imperatoris Mauricii auctoritate fretus, *episcopum se universalem* ecclesiæ esse contenderet, & extat ejusdem Gregorii in Gratiani

tiani collectaneis epistola ad Eulogium patriarcham Alexandrinum scripta, qua episcopi universalis titulum quasi superbam insolentemque appellationem respuit. *can. eccl. 99. distinct.* Verum non ita multò post *Bonifacius tertius* magna contentione à Phoca Imperatore obtinuit, ut episcopus *Oecumenicus* & universalis fieret: eamque auctoritatem ceteri ejus successores non solum mordicus retinuerunt, sed mirabiliter auxerunt etiam, præsertim à Pipini & Caroli magni Franciæ regum temporibus, qui studio incredibili Ecclesiam Romanam sunt profecuti, adeò ut regium excedat fastigium pontificatus, & magnitudine sua nunc laborare videatur. Admirati sunt veteres *sacerdotem Commanorum* in Ponto, cui ut à Strabone literis proditum est, regum Ponticorum tempore maximus secundum regem honos habebatur, & regium diadema gestare licebat. Commana etiam imperio ejus suberat, cum sacris servis, qui *hieroduli* dicebantur, non pauciores sex millibus, in quos omnem potestatem habebat, dempta solum vendendi facultate. Nec eo inferior perhibetur Commanorum sacerdos in Capadocia, de quo multa idem auctor scribit. Fuerunt & alii, quorum splendor & magnitudo multum celebratur. Verum ea est Pontificis Romani amplitudo & majestas, ut omnes, quotquot usquam fuerunt pontifices

rifices ac sacerdotes, longo post se intervallo
 reliquerit, & hæc, ut ita dixerim, *monarchia*
 magno consensu Christianorum ideò re-
 cepta est, opinor, quia tot tantæque inter
 episcopos erant dissidia tam discrepantes
 sententiæ & voluntates, ut in illa jam pro-
 pemodum ferrea ætate nullum aliud præsen-
 tius remedium ad conservandam ecclesiæ
 unitatem superesse videretur. Scitum
 etenim est illud Homeri; οὐκ ἀγαθὸν πολυ-
 κriegεῖν, εἰς κriegεῖνος ἔσω, εἰς βασιλεύς. Quid
 quod naturales dicuntur esse conversiones
 Rerumpubl. ut mirum non sit Aristocra-
 cratiam aliquando in Monarchiam commu-
 tari, & rursus Monarchiam in aliud guber-
 nandi genus, cum vel hæc in tyrannidem, vel
 illa in Oligarchiam degenerat. Etenim *Hie-
 rarchia* hæc de qua loquimur, Ecclesiastica eò
 evasit, ut non abs re quis civili cuiuspiam gu-
 bernationi eam comparaverit: tamen si lon-
 gè dignior augustiorque habeatur. Nec
 sanè me fugit, quid Christus ipse de muneris
 ecclesiastici, & principatus atque imperii di-
 scrimine Apostolos suos docuerit, quidque
 Petrus ea de re scripserit in gravi illa epistola,
 qua episcopi officium ab eo describitur. Sed
 hæc theologis libenter discutienda relin-
 quimus. Quæsitum est à plerisque, cur
 Episcopus Rom. Ecclesiæ *Papa* appelletur,
 quasi hoc vocabulum ceteris episcopis com-
 mune non sit. Verùm illi magnoperè fal-
 lun-

luntur, cū ex antiquis scriptoribus constet omnes episcopos ac presbyteros, qui sanctitate vitæ & doctrina commendarentur, honoris causa sic nuncupari olim consuevisse. *not. in cap. si Papa. 40. distin.* pauca ex infinitis exempla hīc proferam. Hieronymus in epistolis, Augustinum episcopum Hipponensem subinde Papam vocat. Apud eundem Athanasius, Epiphanius, Evagrius, Alypius, Chromatius, Theophilus Papæ dicuntur. Martinus Episcopus Braccarensis passim apud Gratianum, Papa vocatur, & sæpe *concilium Martini Papa* commemoratur ab eodem. *c. Episcopo. 8. quest. 1. cum simil.* Sic enim ferè librum vocant, quem is ex variis Græcorum Synodis excerpserit atque collegit. Cyprianus quoque Papā crebrò appellatur in jure pontificio. *c. absit. 50. dist. c. omnis. de consec. dist. 1. c. 1. de consecr. dist. 2.* Nam Πάππας Græcum nomen à veteribus usurpatum patrem significat, vel Suida auctore. Hinc Arrianus in Bithyniacis scribit, Jovem à Bithyniis Πάππαν appellari solitum fuisse. Sed vulgò receptum est, ut uni Romano pontifici hoc vocabulum attribueretur. Illud quoque proprium esse Romani pontificis nonnulli tradunt, ut *servus servorum DEI* nuncupetur. *not. in proœm. Decret.* Quo pertinent vulgares, nec omnibò insulsi clerici, quos Decretorum Gratiani interpret refert. *gl. in c. quoties. 1. q. 7.*

*Roma tibi quondam suberant domini domi-
norum :*

Servorum servi nunc tibi sunt domini.

Verùm hæc ut otiosa omninò, aut certè non
admodum ului futura jam omittimus.

CAP. XI.

De

Conventibus ecclesiasti- cis, quas Synodos vo- cant.

DE Synodis jam aliquid attigimus superi-
ori capite : sed ea res pleniorẽ discus-
sionem requirit. Sunt autem Synodorum
tria genera : Unum est earum, quæ à cujus-
que civitatis episcopo celebrantur. Nam
episcopus sacerdotes ac presbyteros parœ-
ciæ suæ *quotannis* convocare solet. *c. annis. 18.
dist. cap. sicut olim. de accu.* Sed quoties,
aut quo tempore anni, jure pontificio non
satis expressum est. Itaque hîc spectanda
erit consuetudo. Niceensis enim concilii
canon quo certum tempus definitum est, de
provincialibus conciliis loquitur, de quibus
mox dicturi sumus. *c. habeatur. 18. distinct.*
Quod à plerisque animadversum non est.
glo. prag. Ac tamen solenne ordinarium-
que sit, sacerdotes qui Ecclesias regunt ad
Syno-

Synodum convocare, non etiam ceteros clericos & archimandritas seu monasteriorum præsules: tamen si justa aliqua causa episcopum moveat, his etiam mandare potest, ut ad Synodum accedant. *cap. quod super his. de major. & obed. c. Episc. cap. ult. 18. distinct. cap. ult. 28. quest. 2. not. in c. dilectis. de offi. ord. c. ex ore. de privileg.* De sodalibus mendicantibus aliquando dubitatum fuit. Verum Gregorius pontifex constituit eos ab episcopis cogendos non esse, ut solennibus Synodis adsint. *c. nimis. de excess. prelat.* Illud animadversione dignum est, eos quia ad Synodum ire non compelluntur, canonibus in Synodo editis obtemperare nihilominus debere. Olim hi conventus indicebantur, ut episcopus simul cum presbyteris de disciplina cleri, de causis ecclesiasticis, de doctrina divina deliberaret. Nihil enim quod paulò gravius esset, episcopi absque eo cœtu ac veluti Senatu quodam facillè decernebant. 15. *quest. 7. in decret.* Sed hujus honestissimi instituti vix umbram hodie retinemus. Synodus provincialis est conventus episcoporum cujusque provincie, qui à Metropolitano aut patriarcha convocatur. *cap. regula. 3. distinct. & tota 18. dist.* Addit Gratianus auctoritate etiam Romani pontificis præsente ipsius legato concilia provincialia celebrari. *d. cap. regula.* Quamvis autem hic conventus præcipuè episcopo-

rum sit : tamen ab Innocentio tertio constitutum est, collegia Ecclesiastica, quæ vulgò *Capitula* vocamus, etiam convocari debere. *c. ult. de his quæ fiunt à prel.* Quod tamen plerisque Juris pontificii doctoribus parum probatur. *not. in cap. grave. de prob.* Archimandritas invitos adesse non cogi vulgò receptum est, quòd singuli episcopi postea ipsis exponant, quæ in concilio gesta, constitutaque sunt. *c. decernimus. 18. distinct.* Sed verius est, non hos tantum, sed interdum etiam laicos homines adesse debere: quod vel eorum intersit fortassis, vel necessarium sit eorum consilium. *not. in d. c. grave. c. ad sedem. 35. quest. 5.* Nec aliter hoc definiri posse videtur, cum ex varietate causarum pendeat. Et animadvertendum est hujusmodi Synodos secundum veteres canones bis in anno aut saltem semel celebrari. *cap. babeatur. & sequ. cap. quoniam. 18. distin.* Ac in eo conventu tractantur & judicantur causæ ecclesiasticæ, totiusque cleri mores reformantur & corriguntur, ut scribit Justinianus. *Novel. 123. de sanct. episc.* & Synodus Antiochena constituit *can. propter. 18. distinct.* Cujus rei gratia testes, qui dicuntur *Synodales*, constitui moris est, sicut & in cuiusque episcopi Synodo. *c. episcopus in synodo. 35. q. 6. cap. praterea. de testib. cog.* Nam si quid gravius occurrat in conventu episcopi, & presbyterorum, quod majoris
& am-

& amplioris conventus judicium pōstulet, aut si quis ab eo injuria se affectum conquerratur, ad concilium provinciale id deferendum est. *c. si quis à proprio. 21. q. 5.* Illud quæsitum est, an episcopus in eo conventu deponi, ac de gradu suo dejici possit. Et certum est priscis temporibus id usitatum fuisse concilio Antiocheno. *c. 12. c. si quis à proprio. 21. q. 5.* Sed pontificiis quibusdam decretis talis condemnatio prohibita est, inconsulto Romano pontifice. *c. accusatus. & seq. 3. quest. 6. not. in c. ex tua. de cler. non resid.* Sed & Gratianus ait hujusmodi consilia ad corrigendum non etiam ad constituendum, vel diffiniendum efficacia esse. *18. distinct. in prin.* Verùm hanc Gratiani sententiam improbant multi existimantes Synodum provincialem canones constituere posse, qui intra provinciæ fines vim habeant. *gloss. ibidem.* Cujus rei pleraque exempla ex veterum monumentis proferre licet. Sanè in judicandis causis ecclesiasticis antiquitus multum Romanæ sedi triburum est, adeò ut plerumque ejus sedis arbitrio judicia episcoporum atque adeo conciliorum provincialium vel infirmarentur, vel rata manerent. Quod vel ex canonibus Sardicensis concilii perspicitur potest. *c. si quis episcopus. 2. quest. 6.* Ac si tametsi magna sæpe fuerit hac de re contentio, & canonibus concilii Milevitani ab episcopis Africanis prohibitæ fuerint hu-

f 3

jusme.

iusmodi provocationes, *c. placuit. 2. q. 6.* quas etiam magnopere detestatur Bernardus *lib. 3. de Consi.* Romani pontifices ad extremum obtinuerunt, ut eorum iudicio ceteri omnes episcopi subessent, utque ipsi nullius censuræ essent obnoxii. *c. cuncta per mundum. 9. q. 3. c. nemini. 7. q. 4.* Quod ad causas tamen attinet, in quibus ad Romanam sedem hodie interponitur appellatio, decreta Basiliensis concilii in Gallia ferè observantur, nec discutitur aut iudicatur Romæ negotium, sed in qua diœcesi lis cœpta est, in ea Iudices dantur. *tit. de causis. in prag. Et in concor.* Superest, ut de synodo universalis & œcumenica aliquid dicamus. Ac imprimis quæritur, qui interesse huic synodo debeant: quod Panorm. fatetur nullo jure expressum esse *in cap. grave. de presb.* Et sanè magna canonum decretorumque pontificiorum varietas hîc reperitur. De episcopis orbis Christiani minus dubitatur, & extat in decretalibus formula & conceptio jurisjurandi, qua obstringuntur omnes episcopi, ut ad Synodum veniant. *cap. ego. de iurejuran.* De monasteriorum antistitibus, presbyteris, & quibusdam aliis clericis aliquot exempla leguntur in jure Pontificio. *c. in nomine Domini. 23. distinct. c. Adrianus. 63. dist.* Reges præterea ac Imperatores non adfuisse tantum Synodo, sed & præfuisse legimus: *c. futuram. 12. quæst. 1. c. nos.*

ad finem. 96. distinct. ca. si quis ingenuus. 29. quest. 2. cap. Adrianus. 2. 63. dist. Sed & alios quoque laicos homines interdum concilio adhibitos fuisse constat. c. ad sedem. 35. quest. 5. Verum illud scrupulum plerisque injicit, quod immensa illa quorumlibet clericorum turba non videtur absque magno incommodo & confusione ad hunc conventum admitti posse. Deinde alienum videtur ab ecclesiastica disciplina, ut laici de ecclesiasticis negotiis judicium faciant: c. bene quidem. 96. dist. c. non placuit. 16. q. 7. Confusio autem vitari potest, si ex singulis provinciis moderatus aliquis numerus eruditiorum ac probatiorum eligatur, & ad Synodum mittatur. Nam & alioqui pastoribus destitutæ manerent Ecclesiæ. De laicis verò nihil aliud respondendum nunc occurrit, quam quod *Nicolaus Pont. scribit ad Micha. Imperatorem*. 96. distinct. Ubinam legistis, inquit, Imperatores antecessores vestros Synodalibus conventibus interfuisse, nisi forte in quibusdam, ubi de fide tractatum est, quæ universalis est, quæ omnium communis, quæ non solum ad clericos, verum etiam ad laicos, & omnes omnino pertinet Christianos? Quamvis enim Judicia ecclesiastica soli exercent sacerdotes & clerici. d. ca. bene qui. tamen ubi de eo negotio agitur, quod ad Ecclesiam universalem pertinet, quæ non solum ex clericis, sed etiam ex

laicis constat. *c. Ecclesia. de consec. distinct. 3.* æquum non est laicos ab hujusmodi deliberationibus summoverti, sed communi potius decreto omnia diffiniri, quod & ab ipsis Christi Apostolis observatum fuisse satis Lucæ testatur historia, *Actor. 15.* Atque ita celeberrimi juris pontificii doctores senserunt. *glo. cap. Adrianus. 1. 63. distinct. glo. c. ult. de his quæ fiunt à prel.* tametsi Panormitanus in libro quæstionum, laicis deliberationem & consilium permittens, judicium ac definiendi facultatem adimat. Nolim tamen in hunc conventum quoslibet laicos passim recipi, sed cum regibus & principibus eos, qui in quaque provincia insignis alicujus doctrinæ, & sanctitatis nomine celebrantur. *d. c. ad sedem.* Idque si unquam aliàs maxime hoc sæculo necessarium est, quo episcopatus & sacerdotia indoctissimis hominibus & à religione alienis deferri solent. Priscis temporibus rarum ac prodigio simile habebatur, aliquem Ecclesiæ præfici, qui divinarum literarum doctor non esset, nec idè laicorum contemnebatur judicium. Cùm igitur hodie episcopi nostri paucis exceptis, sacrarum literarum scientia cæteris ex populo longè inferiores sint, quonam ore soli de rebus divinis judicium sibi arrogabunt?

CAP. XII.

De

Diaconis, Hypodiaconis, & aliis inferioris ordinis & gradus clericis.

Hucusque de iis Ecclesiarum administrato-
ribus tractavimus, qui ministri doctrinae divinae dicuntur: jam de cæteris est videndum, id est, Diaconis, Hypodiaconis, &c. Dicuntur autem *Diaconi*, verbo Græco episcoporum ministri, nec Episcoporum modo, sed etiam presbyterorum, ut concilio Carthaginiensi quarto. *cap. 37. cap. Diaconi. 93. dist.* sancitum est. Et quamvis Diaconi seu ministri vocabulum episcopis quoque ac presbyteris conveniat, magis quam principis aut domini, atque ita olim usurpatum sit, tamen iis de quibus loquimur propriè id tributum est, ut facilius esset eorum à cæteris distinctio. Appellantur & Levitæ aliquando, propter similitudinem ministerii: Lege siquidem Mosaica instituti sunt Levitæ, ut Aaroni sacerdoti inservirent, ac ministrarent. *21. distinct. can. 1.* Quamobrem in cœtu sacerdotum, aut coram sacerdote aliquo Diaconis sedere vetitum est. *cap. pervenit. cap. non oportet. 93. distinct.* Institutio au-

tem eorum orta est ab Apostolis, quamvis presbyteri seu episcopi à Christo ipso instituti sint, ut ait Cyprianus. *c. Dominus. 93. dist.* Cum enim Apostoli in divina doctrina occupati ministrare non possent mensis, quæ pauperibus tum parari solebant, septem Diaconos, sive ministros ejus operis gratia constituerunt. *Actor. 6. cap.* Eorum igitur officium olim in cura pauperum præcipuè, & rerum earum quæ Ecclesiæ offerebantur, pauperum clericorumque alendorum gratia versabatur. *ca. præcipimus. 12. quest. 1. c. in sancta. 92. distinct.* Hinc fit ut hodie in Ecclesia oblationes ad altare factas recipiant, cum hypodiacōnis suis. *cap. clericos. 21. distinct. cap. perlectis. 25. distinct.* Proinde quidam juris pontificii consultus non levis apud nostrates auctoritatis, Diaconus, inquit, hospitalitatis nomen est, presbyter ætatis. *gloss. prag. tit. de æta. & qualit. card. verb. cardinales.* Sed postea id munus auctum est, ut Clementis & Euaristi rescripta indicant. Ait enim Clemens, Diaconi Ecclesiæ sint tanquam oculi episcopi oberrantes, & circumlustrantes cum verecundia actus totius Ecclesiæ, perscrutantes diligentius si quem videant vicinum fieri præcipitio, & proximum esse peccato, ut referat hoc ad episcopum, & ita episcopo suggerere, quæ ad cultum Ecclesiæ & disciplinam ejus pertinent, Diaconis cura sit. *c. diaconi. 93. distinct.* Et Euaristus,

Dia-

Diaconi, inquit, qui quasi oculi videntur esse episcopi, in unaquaque civitate septem debent esse, qui custodiant episcopum prædicantem, ne ipse episcopus ab insidiatoribus quoquo modo infestetur, aut lædatur à suis, aut verba divina detrahendo, aut insidiando polluantur, vel despiciantur, sed veritas spirituali redoleat fervore, & pax prædicata labiis cum voluntate animi concordet. *cap. Diaconi. 2. 93. distinct.* Hieronymus quoque ad Rusticum de Diaconis ita loquitur, ut magnum fuisse eorum munus in Ecclesia facile appareat. Diaconi, inquit, sunt quos in Apocalypsi legimus, septem Angeli Ecclesiarum, hi sunt septem candelabra aurea: hi sunt voces tonitruorum, virtutum operatione præclari, humilitate præditi, quieti, humiles, evangelizantes pacem, annuntiantes bona, dissensiones & rixas, & scandala resecantes: docentes, soli DEO colloquentes in templo, nihil penitus de mundo cogitantes: dicentes patri & matri, Non novi vos: & filios suos non agnoscen-
tes. Sine his sacerdos nomen non habet, ortum non habet, officium non habet. Hic minister DEI dicitur, quia scriptum est: Major est qui ministrat, quàm cui ministratur, & sicut est in sacerdote ministratio, ita in ministro sacramenti dispensatio. Sacerdotibus etiam propter præsumptionem non licet de mensa Domini calicem tollere, nisi
eis

eis traditus fuerit à Diaconis : ita enim Dominus noster omnipotens universa disposuit, ut qui majorem se esse crediderit, minor esset, & qui minor videretur, major existeret. Denique quàm hoc verum sit, ipse perpende. Levitæ componunt mensam Domini : Levitæ sacerdotibus cùm sacramenta benedicunt, assistunt : Levitæ ante sacerdotes orant : ut si distinctio locorum creditur in mundo, etiam in altari DEI videant sibi Episcopi qui superbi sunt, diaconos anteponi : si humilitatem diligunt, & diaconi majores se esse in eo quòd sunt humiles, recognoscant : tunc demum ut aures habeamus ad DEUM, diaconus acclamat, ipse prædicat, ipse hortatur, ipse etiam commovet astantibus sacerdotibus, ne leviter hanc vocem qua loquitur hæc, & pacem annuntiat, audiant, aut negligenter aspiciant. Sufficit huic ordini, tantum fuisse per DEUM concessum, ut non solus sacerdos in templo DEI solum agere & implere videatur. *c. diaconi. 5. 93. distinct.* Ex quibus locis planum, ut arbitror, factum est, tum doctrinam divinam & sacrorum procurationem, tum disciplinam ecclesiasticam ad diaconorum munus & functionem aliquatenus pertinere, quamvis non solum episcopis, sed etiam presbyteris inferiores sint. Extiterunt sanè nonnulli quondam adedò vecordes, ut eos presbyteris anteponendos, nedum exæquandos esse contenderent.

erent, adversus quos acriter invehuntur Hieronymus, in *Epist. ad Euag. ca. legimus. 83. dist.* & Augustinus, in *questio. vet. & nov. testa. 9. 101.* Et hanc scribit Hieronymus causam fuisse tantæ insolentiæ & supercilii, quia diaconos paucitas honorabiles, presbyteros turba contemptibiles faciebat. De Diaconis Romanæ Ecclesiæ Cardinalibus vulgò appellatis, qui moribus nostris episcopos omnes non modo presbyteros antecedunt, paulò post disseremus. *Hypodiaconi* longo post Diaconos tempore instituti sunt, quòd diaconi omnia quæcunque ad ministerium suum pertinent, obire & exequi præ multitudine negotiorum non possent, nondum videlicet institutis ordinibus, qui inferiores dicuntur. Subest ergo *Hypodiaconus* diacono, ut presbytero diaconus, juxta vetus proverbium, *δὲλθ' ἐν δὲλθ', δὲσώτης ἐν δὲσώτῃ.* idque vox ipsa satis indicat. *c. cletos. 21. dist.* *Archidiaconi* ex corpore Diaconorum creari primùm soliti sunt eadem ratione qua & Archipresbyteri ex presbyterorum ordine, de quibus supra locuti sumus, *d. c. legimus.* nempe ut quæ ad diaconorum officium spectant, tam ipsi exequerentur, quàm à diaconis exequenda perficiendaque curarent ac juberent. *c. perlectis. 25. distinct. c. volumus. 89. distinct. & 94. dist. c. si quis. c. ult.* Horumque institutionem novam non esse ex eo constat, quod Hieronymus

eorum

eorum meminerit ad Nepo. & veterum alii plerique, *hiflor. trip. lib. 5. cap. 48. Theo. lib. 2. cap. 13.* Tradunt & historicorum nonnulli Laurentium Martyrem sub Sixto Pont. Romano hoc munere functum, & pecuniæ ecclesiasticæ custodiam habuisse. Porro huic Diaconorum cœtuis qui sub Episcopo oblationum omnium obventionumque ecclesiasticarum curam habebant, cùm valdè excrevissent ecclesiasticæ possessiones ac redditus, adjuncti sunt *œconomi*, vel potius in *œconomos* hoc onus rejectum est, *c. quoniam. ca. in nova. 16. q. 7.* ut liberius possent diaconi presbyteris sacramenta dispensantibus in Ecclesia assistere & ministrare: & ne prædiorum possessionumque procuratio varizque lites, quæ earum rerum nomine mōveri solent, à sacro spiritalique munere eos avocarent. *concil. Chalced. c. 26. & Hispal. 2. c. 9.* Horum crebra mentio est in constitutionibus Justiniani. Tametsi autem presbyterorum gradus quàm diaconorum longè sublimior nunquam non habitus sit, & contradicentium ambitiosa temeritas gravissimorum virorum auctoritate repressa semper ac damnata: illud tamen obtineri ad extremum non potuit, ut archidiaconi in presbyteros, atque aded in archipresbyteros ipsos potestatem non haberent. Idque excusatur hoc prætextu, quod Archidiaconi non modo inspectionem & observationem, ut

olim,

olim, sed coërcitionem etiam jurisdictionemque habeant, & veluti quodam magistratu fungantur. *c. i. de offic. archid. can. perlectis. 25. distinct.* Maximæ autem dignationis hoc munus fuisse superioribus sæculis in Gallia, vel illud argumento est, quod nostrorum annalium scriptores memoriæ prodiderint, Ludovici Crassi Francorum regis filium in Ecclesia Parisiensi hoc munere functum fuisse. Quanquam id alia etiam ratione factum dici fortasse potest.

CAP. XIII.

De

*Cardinalibus Romana
Ecclesia, cur ita vo-
centur & unde or-
tum habuerint.*

ORdo postulare videbatur ut post Pontificem Romanum, de amplissimo purpuratorum collegio, qui *Cardinalium* nomine censentur, differeremus: sed quia inter eos episcopi quidam sunt, alii presbyteri, alii diaconi, melius esse duximus & ad docendum accommodatius, de diaconis aliquid prius attingere. Et videntur Cardinales appellati quasi præcipui atque primarii, cæterisque Episcopis, Presbyteris & Diaconis digniores

ac præstantiores, non aliter ac magistri quidam militum dicuntur Cardinales in vetere *Indice civilium, militariumque officiorum*, qui absque ullius auctoris nomine editus est. Nam episcopo Romano ad tantæ majestatis fastigium evecto, par erat non solum episcopos urbi vicinos, à quibus consecrabatur, sed presbyteros & diaconos quoque ejusdem urbis simul cum capite suo paulatim crescere, cum præsertim horum consilio ut quivis episcopus sive archiepiscopus in Ecclesia regenda ab initio uteretur, ut ex jam dictis perspicuum est. Non enim videntur presbyteri urbis Romæ aut diaconi multo majoris olim dignationis, quàm aliarum ecclesiarum fuisse. Idque Hieronymus Ecclesiæ Romanæ presbyter & ipse crebrò affirmat. Cujus temporibus Cardinalis appellationem in usu nondum fuisse verisimile est, cum nusquam ea vox in scriptis ejus reperiatur. Deducitur autem à *cardine*, nisi fallor, quò sustinentur & volvuntur ostia sive januæ. Eorum siquidem consilio, nutu & auctoritate totus orbis Christianus moveri, volui, sustentarique creditur. Inde apud Latinos authores hæ loquendi formulæ manarunt, *in eo rei cardo vertitur*, id est, ex eo tota res pender: & *Cardinem causæ in aliquo ponere*, id est, summam litis constituere. Quintil. Hic causæ cardinem ponit, in quo si victus fuerit, etiam in sequentibus

bus ruit. Quamvis igitur usitatum non fuerit apud veteres Cardinalis vocabulum, tamen ratio probabilis ostensa est, quamobrem summa illa Ecclesiæ columina nunc ita appellentur. Sed omittendum non est aliquanto latius olim acceptum fuisse vocabulum ab iis, qui illud fabrefecerunt atque usurparunt. Nam Gregorius Magnus sæpe numero in epistolarum volumine de episcopis loquens *sacerdotes cardinales* eos appellat, quod presbyteris, ut supra diximus, majores & excellentiores sint. *c. relatio. c. illud. 21. q. 1. c. pastoralis. 7. q. 1. Et Leo c. 2. de of. archipres. lib. 5. decret. presbyteros cardinales* meo iudicio vocat, non quosvis presbyteros, sed qui in maiore Ecclesia, quam cathedralē dicimus, rem divinam simul cum episcopo suo faciunt: *Canonici* hodie vulgò appellari. Mitto quod in quibusdam civitatibus, cuiusmodi Ravenna est & Compostella, etiamnum sacerdotes quidam prædici hoc nomen retinent. Sed splendor amplitudōque Senatus illius Romani, qui ex cardinalibus constat, facit ut hodie in cæteris ecclesiis excepta Romana, ludibriis obnoxia sit non minus quam Ivetotii Regis apud nos ista appellatio. *glos. can. pudor. 32. quæst. 2.* Hi enim à regio non longè absunt fastigio, eorumque insigne est ruber pileus. Cujus usum Innocentius IV. ordinandi ejus ordinis causa ipsis concessit. Ex

his facile est colligere quod interpres Decret.
 quodam in loco scribit, Episcopi cujusque
 civitatis majorem quam diaconi aut presby-
 teri Romanæ Ecclesiæ cardinalis dignitatem
 esse. Quod vel autoritate Augustini con-
 firmatur in quadam ad Hieronymum Ro-
 manæ Ecclesiæ presbyterum epistola. Quam-
 quam, inquit, secundum vocabula quæ usus
 obtinuit, episcopatus sit presbyterio major :
 Augustinus tamen Hieronymo minor est. *c.*
quamquam 2. q. 7. *ubi glo.* Nec aliam esse
 causam presbyterorum aut diaconorum ur-
 bis Romæ, quam cujuscunque alterius civi-
 tatis demonstrat *Hieron. in epistola ad Evag.*
c. legimus. 93. distinct. ubi gloss. Quod qui-
 dem sacrosanctæ potestatis elevandæ gratia
 nunc à me dictum nolim quisquam existi-
 met, sed ut fons & origo ejusdem magis in-
 notescat. Verùm hæc invaluit consuetudo,
 quæ speciosis quibusdam rationibus vulgò
 defendi solet, ut tam presbyteri quam dia-
 cono Romanæ Ecclesiæ cardinales longo in-
 tervallo omnes alios episcopos ac presby-
 teros antecedant. *gloss. in prag. sanct. in verbo,*
legitimè. tit. de num. & qual. card. Ac ta-
 met si ad dignitatem episcopalem promoveri
 eos quotidie videamus, certum tamen atque
 exploratum est, contra veteres canones &
 instituta majorum id fieri, cùm assidui in
 Ecclesia parœciaque sibi commissa more
 aliorum cujusque diœceseos presbyterorum

ac diaconorum esse debeant. *c. 2. de cler. non resid.* Itaque veniam eis & gratiam canonum impetrare necesse est.

CAP. XIV.

Qui fuerint olim Ostiarii, Lectores, Exorcistæ, Acoluthi, & cæteri omnes qui clerici appellantur: unde mos tondendi capitis ortus sit, atque item consuetudo canendi in sacris ædibus.

IN veteri Ecclesia non erat hæc munerum distinctio, quæ postea in usum venit, ut alii Ostiarii dicerentur, alii Lectores, Exorcistæ, aut Acoluthi, sed Diaconorum Hypodiaconorumque muneri conjuncta erant hæc omnia. *c. 1. 21. dist. c. ult. 60. dist.* Hujus rei locuples testis est Hieronymus. *in. 19. c. Esaja*, qui ordines quinque ac veluti classes totius Ecclesiæ describens post episcopos, presbyteros & diaconos, nec ostiariorum, nec lectorum, aut acoluthorum mentionem ullam facit: sed fideles omnes in

quarto ordine locat, & catechumenos in postremo. Verum precedente tempore unum idemque munus in plura dispertitum est, idque à Cajo Pontifice Romano primum ut quidam scribunt: ejusque partitionis faciendæ magna oblata est occasio. Nam ut seminarium quoddam esset eorum, qui episcopis, presbyteris & diaconis succederent, alebatur sumptu publico magnus juvenum numerus Ecclesiæ ministerio consecratorum, qui interim non solum instituebantur in studio literarum, sed portio aliqua etiam munerum ecclesiasticorum ipsis committebatur. Eorum nempe quæ leviora minorisque momenti essent, quæque antea à diaconis obiri solebant, ut his veluti rudimentis quibusdam ad majora gravioraque obeunda prepararentur. Ac nequa confusio perturbatioque eam functionem impediret, distincta sunt divisaque inter ipsos officia, ita ut unusquisque suo muneri bona fide incumbens, de alieno sollicitus non esset. In qua distributione gradus quidam ideo constituti sunt, quod eorum munerum alia aliis digniora videbantur, nec poterat quisquam ad majus promoveri, qui in minore antea versatus non fuisset. Sed de his gradibus constituendis ac discernendis, quia non convenit inter juris pontificii theologiæque doctores, & subdifficilis est explicatio propter varietatem locorum ac temporum, quæ authorum locis,

locis, qui de ea re scripserunt, non nihil tenebrarum obduxit, sequar distinctionem ordinemque traditum à Gelasio, Sylvestroque pontificibus Romanis apud Gratianum, *can. illud. 77. distinct. can. à subdiacono. 93. distinct.* qui quatuor classes ponunt, ostiariorum, lectorum, exorcistarum, acoluthorum, nec dissimilis est enumeratio Leonis Pontificis. *can. seriatim. 32. distinct.* nisi quòd iis omnibus præponit clericos, sicut & synodus Carthagin. *psaltas, can. psalmista. 23. distin.* quasi psaltarum aut clericorum distinctus sit à cæteris ordo, isque infimus omnium. Nam Isidori descriptiones non moror, in quibus mihi non videtur usquequaque ordinis rationem habuisse. *c. clericos. 25. distinct. can. perlectis. 25. distin.* Primus igitur gradus, ut ab infimis incipiamus, eorum est, qui Græce *πυλωγοί*; Latine *ostiarii* dicuntur, quibus aperiendi & claudendi templi cura mandatur, eosque repellendi & excludendi, quibus sacra communione interdictum est. *d. can. perlectis.* Hi numero centum fuerunt in Ecclesia Constantinopolitana, autore Justiniano. *Novel. 3.* Secundus gradus est eorum, qui sacras scripturas ex suggesto in Ecclesia recitant, & hi *ἀναγνώσαι*, id est, *lectores* dicuntur. *d. c. perlectis.* Quo munere aliquando functum fuisse in Ecclesia Julianum imperatorem testis est Theodoricus. *lib. 3.* Author est etiam So-

crates, in Alexandria Ecclesia non solum fideles, sed etiam catechumenos huic ministerio adhiberi solitos fuisse, cum in cæteris ecclesiis id minimè observaretur. *Tripar. lib. 9. cap. 38.* Tertius gradus est *Exorcistarum*, quorum officium erat catechumenis & energumenis, qui à cacodæmone vexabantur, manus imponere, & solennibus quibusdam imprecationibus & obsecrationibus dæmones fugare. *d. can. perlectis.* Ulpianus noster exorcizare verbum impostorum esse scribit. *l. i. Digest. de extraor. cognit.* Nec mirum est ab Ulpiano Christianæ religionis hoste acerrimo impostores fuisse ministros Ecclesiæ appellatos, cum & Christo ipsi idem aliquando objectum fuerit. *Matth. 27.* Nam Ulpianus (ut obiter id referam, quod de eo Lactantius scribit) rescripta principum contra Christianos. *lib. 5. de offic. procon.* collegit, ut doceret quibus pœnis affici oporteret eos qui se cultores DEI confiterentur. Horum exorcistarum non meminit Justinianus in libro τὴν νεαρών, quod in Ecclesia Constantinopolitana, ut existimo, usitatum non esset hoc ministerii genus, sed meminit Valentinianus. *leg. presbyteros. Cod. de episcop. & cler.* Quartus gradus est eorum, qui *Acoluthi* Græcè dicebantur, id est, comites seu ministri, ideo fortassis, quia episcopum comitabantur, quodcunque proficisci vellet. Nam episcopus magno famu-

litio

litio stipatus jam olim incedebat, ut author est Justinianus. *Novel. 6.* Et extat rescriptum cujusdam Pontificis apud Gratianum, quo præcipitur episcopis, ut comites semper aliquos secum ducant famæ suspicionisque vitandæ causa. *can. iubemus. de consecr. distinctione prima.* Vel ideo Acoluthi appellati sunt, quòd funus unà cum canonicorum & ascetiarum cœtu comitarentur. Nam eos id munus obire solitos fuisse satis perspicuum est ex constitutione Justiniani *Novel. 59.* Sed nescio quomodo tandem factum est, ut hoc munus in *luminariorum* curam postea conversum sit, & Doctores nostri passim acoluthos *ceroferarios* interpretentur. *dicto can. perlectis.* An autem cantores propriam classem ordinemque distinctum à cæteris habuerint, nec ne, quæri solet, & hoc sensisse videtur Isidorus. *d. can. perlectis.* cujus sententia autoritate Justiniani utcunque juvatur. *Novel. 3.* Et fortasse aliquo tempore, & aliquibus in ecclesiis ita observatum est. Ego autem puto omnium ordinum, ac præsertim inferiorum, de quibus antè diximus, commune fuisse psallendi officium. *can. in sancta. 92. distinct.* Movet me quòd Pontifices, quorum suprà meminimus, in ordinum catalogo hunc non recenseant. *can. illud. 77. distinctione. can. à subdiacono. 93. distinctione.* Ideò autem Leo Pontifex in primo ordine posuit clericos, eosque ostiariis præ-

posuit: & synodus Carthaginienſis psaltas, ſive cantores: quandoquidem recens co-
 optatis in clerum non ſtatim proprium con-
 cedebatur officium, quamvis permitteretur
 eis unà cum cæteris in choro psallere, idque
 ſine ulla epiſcopi ordinatione. *dicto cap.
 psalmiſta.* Verùm quia nihil habebant, quod
 cæterorum commune non eſſet, quamvis &
 psaltæ, & clerici verè dicerentur, in certam
 claſſem eos non rerulit Gelafius. Utcunque
 ſeres habeat, certum eſt eos non minus inter
 clericos, quàm cæteros, de quibus ſuprà di-
 ximus, numerandos eſſe, cùm divino cultui
 addicti mancipatique ſint. *can. duo ſunt. 12.
 queſt. prima.* Nam quamvis appellatione
 τ κληρων in ſacris libris fidelium grex conti-
 neatur, qui cuique epiſcopo ſive preſbytero
 fortè obtigit gubernandus. *1. Petri. cap. 5.*
 tamen peculiariter his hoc nomen tribuitur
 conſuetudine loquendi vulgò recepta, qui
 ſacro miniſterio Eccleſiæ dediti devotique
 ſunt, ideò fortaffis, quia olim forte eligi ſole-
 bant, vel quòd eos DEVS velut forte qua-
 dam in ſuos elegiſſe videatur. *can. duo ſunt.
 12. queſt. 1.* Specialiter autem hoc nomine
 designari ſolent ii, qui raſo tonſoque capite
 in clerum recepti nullo adhuc proprio mini-
 ſterio funguntur, nec aliud nomen pro-
 prium habent: unde autem hic *mos tondendi
 radendique* ortum habuerit, vix certò co-
 gnoſci poteſt. Quidam exemplo Naza-
 ræorum

ræorum Mosaicæ legis inductum id putant,
 de quorum instituto mentio est *in libr.*
Numerorum. cap. 6. Nazaræi verò diceban-
 tur, ut quidam eruditi interpretantur, quæ ut
 liberius vacarent legi discendæ & expenden-
 dæ benignitati DEI, aliorum commercio se
 abdicabant ad tempus, & Domino se totos
 dedebant: Vel qui cùm profusius vino, &
 reliquis corporis deliciis usi fuissent, postea
 severiori vitæ generi se mancipabant, ut cor-
 pus affligerent. Alii à Sacerdotibus Ægy-
 ptiis id ortum asserunt, quorum meminit
 Herodotus in Euterpe. Alii verò hunc fuisse
 morem antiquum testantur, ut ii demum
 comam nutrent, qui elegantix, ornatus &
 lauticiæ studiosiores essent. Ideoque ut cle-
 rici inanis cujuscunque apparatus & splen-
 doris se contemptores profiterentur, statu-
 tum fuisse, ne quis in clerum nisi vertice raso
 admitteretur. *Augustinus de oper. monacho-*
rum, ad finem, & in libro retractuum. Et
 huic sententiæ maximè suffragatur, quod
 Æmilius & alii quidam non leves Authores
 scribunt, olim in Longobardia capillum bar-
 bamque ponere, sanctioris cujusdam dedi-
 tionis argumentum fuisse. *Æmil. in Carol.*
Magno. Nam & apud Francos, ut idem ait
Æmilius in Clodo. & Clota. 2. promissa
 barba, intonsusque capillus Regiæ nobilita-
 tis insigne habebant. Adde quòd apud La-
 cædæmonios quondam ingenui tantum

comamalebant. Inde illud Aristophanis in Avibus, ejus meminerunt Paræmiographi. Δῖλος ὢν κόμην ἔχεις. *Servus cum sis, comam habes.* Curiositatem verò & delicias veterum Romanorum in coma & capillis insectatur *Seneca, lib. de brevité. vitæ, cap. 12.* his verbis: Quid illos ociosos vocas, quibus apud tonsorem multæ horæ transmittuntur, dum decerpitur si quid proxima nocte succrevit, dum de singulis capillis in consilium itur, dum aut disjecta coma restituitur, aut deficiens hinc atque illinc in frontem compellitur? Quomodo irascuntur si tonsor paulò negligentior fuit, tanquam vivum tonderet? Quomodo excandescunt, si quid ex juba sua decisum est? Si quid extra ordinem jacuit, nisi omnia sua in annulos suos reciderunt? Quis est istorum, qui non malit tempus suum turbari, quam comam? qui non sollicitior sit de capitis sui decore, quam de salute? qui non comptior esse malit, quam honestior? Hos tu ociosos vocas, inter pectinem speculumque occupatos, &c. Ego in plerisque constitutionibus observavi tonsuram pœnæ genus, idque grave & ignominiosum fuisse, quarum nonnullæ quæ Principum Romanorum sunt, apud Harmenopulum extant, aliæ inter constitutiones Caroli Magni, & quorundam aliorum Franciæ Regum referuntur: Tantus erat hominum ejus temporis in comam suam affectus.

Sed

Sed & Paulus in epistola ad Corinthios indecorum ait viros comatos esse, idque naturam ipsam satis nos docere scribit. 1. *Corint.*

11. Quæ Pauli admonitio hujus clericorum instituti fortè causa fuit. *c. prohibete. 24. distin.* Verùm ut ad cantiones revertamur,

sciendum est hunc canendi morem longè antiquissimum, & jam inde ab apostolorum temporibus in Ecclesia usitatum fuisse.

Quod vel ex epistolis Pauli facillè animadverti potest. Testatur id ipsum & Plinius

Cæcilius in quadam ad Trajanum epistola, in qua de Christianis ita loquitur: Affirmabant hanc fuisse summam vel culpæ suæ, vel

erroris, quòd essent soliti statò die ante lucem convenire, carmenque Christo quasi DEO, secum dicere invicem, &c. Sobria

enim illa musica & pronuntiationi vicinior quàm cantui, quam in Alexandrina Ecclesia fertur instituisse Athanasius, *Augustin. lib.*

10. *confess.* facit ut verborum sensus efficacius influant in animos auditorum, non illa

operosa & theatrica quæ hoc tempore in Ecclesia frequentatur. In plerisque sanè

ecclesiis serò admodum ritus canendi receptus est, cùm Augustinus *in lib. 9. confess. c. 7.*

scribat tempore Ambrosii primùm in Ecclesia Mediolanensi institutum, ac inde in

alias occidentales ecclesias perductum fuisse. Et Theodoritus auctor est. *lib. 2. c. 24.*

Flavianum, & Diodorum in Ecclesia Antioche

tiochena morem Davidicos psalmos decantandi, in duas partes divisis canentium cœtibus, induxisse. Hodie sic ista modulatio ubique probatur, ut inter omnia Ecclesiæ ministeria tanquam præcipuum maximèque necessarium habeatur, celebreturque. Nulliusque rei tutela major est ac sumptuosior in sacris ædibus. Nec tantum iis cantionibus vacant inferiorum ordinum clerici, quibus hæc cura olim mandabatur, sed sacerdotes etiam & diaconi, quibus officio cantandi aliquando interdixit Gregorius, ne vel hi à pauperum cura, vel illi à doctrina divina propter hoc psallendi onus averterentur, *c. in sancta. 92. distinct.* Adde quod sicut ex ordine presbyterorum & diaconorum antiquitus creati sunt archipresbyteri & archidiaconi, sic cantorum choro hodie præsidet unus, *præcentor* vulgò appellatus, penes quem est auspicatus melodiæ, quod Græci ἐνδοξίμου vocant. *can. clerics. 21. dist.* Quo in munere plurimum inesse dignitatis creditur, adeò ut vel archipresbyteris ipsis, nisi fallor, præponi soleant.

CAP. XV.

De scholæ ecclesiasticæ magistris & doctoribus.

Quamvis episcopi officium sit populum in Ecclesia docere, tamen apud Paulum docto-

doctores à cæteris Ecclesiæ ministris & pastoribus distinguuntur. *Ephe. 4.* Fuerunt enim antiquitus ecclesiasticæ scholæ, ad clericorum & aliorum egentium eruditionem, institutæ: quibus scholis præficiebantur magistri, qui non literas modò sacras, sed Grammaticam etiam & liberales disciplinas docerent. Erat igitur hoc munus à pastoris officio distinctum & separatum. Quæ ratione Gregorius episcopum quendam ob-
jurgat, quod Grammaticam profiteatur. c. turbat. 37. dist. c. cum multa. 86. dist. Et veteris hujus consuetudinis in Alexandrina Ecclesia meminit *Eusebius lib. 5. eccle. histo. c. 10.* in qua Ecclesia sanctos eo munere fuisse Pantenum, Origenem & Achillam viros doctissimos refert, *lib. 6. c. 3. lib. 7. cap. 29.* Idemque de Didymo Alexandrino scribit *Ruffinus lib. 11. eccle. histo. c. 7.* Recentioribus verò canonibus statutum est, ut non solum in majoribus, seu cathedralibus ecclesiis, sed in cæteris etiam inferioribus magistrj, doctoresque liberalium artium juventutis erudiendæ gratia ab episcopo & collegio Ecclesiastico constituentur. *c. de quibusdam. 37. distin. c. 1. c. quia nonnullis de magist.* Sed invaluit consuetudo, ut ab episcopo *scholarchus* quidam omnibus his scholis ecclesiasticis præficiatur, qui magistros deligat, & cætera quæ ad scholarum tutelam necessaria sunt, procuret & exequatur.

CAP. XVI.

De

*Sacris ordinationibus,
& cur olim absolutè
quemquam ordina-
ri vetitum sit.*

Presbyter, Diaconus, Hypodiaconus, Lector &c. nomina quondam fuerunt certorum ministeriorum ac onerum in quaque ecclesia, nec ullus horum erat, qui munus illud suum non exequeretur. Nam quia absolutè & sine titulo ordinationes fieri vetabantur, certum erat ministerium cuiusque sive presbyteri, sive diaconi, sive lectoris. &c. & cuique certus locus assignabatur, cui velut mancipatus adstrictusque erat. *glo. c. ult. 66. distin.* Verba concilii Chalcedonensis hanc prohibentis ordinationem hæc sunt: Μηδένα ἀπολελυμένως χειροτονεῖσθαι, μήτε πρεσβύτερον, μήτε διάκονον, μήτε ὅλως πινὰ τῶν ἐν τῷ ἐκκλησιαστικῷ τάγματι, εἰ μὴ ἰδικῶς ἐν ἐκκλησίᾳ πόλεως, ἢ κώμης, ἢ μαρτυρείᾳ, ἢ μοναστείᾳ ὁ χειροτονούμενος ἐπικηρύττοιτο. &c. Quæ verba refert *Gratian. 70. dist.* ubi possessionis legitur, pro pagi, sed forrassis interpres νόμης legit, non κώμης. Huic consentaneum est, & quod ibidem ex concilio Pla-

centino recitatur: Sanctorum canonum
 statutis consona sanctione decernimus, ut
 sine titulo facta ordinatio irrita habeatur, &
 in qua Ecclesia quis intitularus est, in ea per-
 petuò perseveret. *c. Sanctorum. 70. dist.* Po-
 steriores verò constitutiones Pontificum
 huic juri derogaverunt, quibus constitutum
 est, ut irrita non sit ordinatio, sed is qui or-
 dinavit, ordinatum si egens sit, interim alere
 cogatur, dum certus ei titulus assignatus
 fuerit. *c. 2. c. episcopus. cap. cum secundum. de
 prebend.* Quæ constitutiones confusionem
 incredibilem & dedecus attulerunt Ecclesiæ.
 Idque satis prospexerat futurum Justinianus,
 ut ex *Novel. III.* facile colligitur. Sed ad
 rem. Quia igitur redditus ferè aliquis, sive,
 ut loquimur, beneficium cum ministerio
 conjunctum erat, simul cum ministerio &
 beneficium ipsum conferebatur. Non aliter
 ac hodie, cum Princeps magistratum creat,
 annonas & stipendia illi magistratui attribu-
 ta concedere eadem operâ intelligitur. Hinc
 factum est, ut omnes clerici, tutelæ cætero-
 rumque munerum personalium vacationem
 habeant, ne videlicet ob munera publica à
 functione ministerioque suo avocentur. *l.
 presbyteros. C. de episc. & cler.* Argumento
 illud est, quòd iis demum hæc vacatio tri-
 buitur, qui in ministerio suo occupati sunt.
*leg. generaliter. C. de episc. & cler. can. gene-
 raliter. 16. quest. I.* Hodie nec diaconis, nec
 aliis

aliis inferioribus clericis ullus locus est in Ecclesia, ullumve ministerium, aut munus quod exequantur. Sed quia priscis canonibus statutum est, ut nemo presbyter ordinetur, nisi per omnes gradus inferiores ascenderit, ideo dicis causa, ut ita dicam, gradatim ordinari solent, idque certo quodam solennique ritu, ut ad honorem presbyterii, aut quemvis alium sublimiorem capeßendum idonei reddantur. Potestque dici *imagi-
ria* hæc *ordinatio*, quomodo olim *imagi-
ria* militia dicebatur sine ullo labore & exercitatione. Presbyteri autem ordinantur certo etiam ritu ac cæremonia, non ut ecclesiam certam regant, certumve populum, ut olim fiebat, sed ut si fortè contingat eos ad curationem alicujus Ecclesiæ promoveri, ii quasi jam consecrati atque initiati eam suscipere, beneficioque illi conjuncto frui possint. Ac interim missas passim celebrare eis permittitur, vel gratis, quod perrarò fit, vel accepta ab aliquo levi tenuique mercede. Itaque *Utopienses presbyteri* non intulsè fortassis nec ineptè dici poterunt, ut à Germanis illis presbyteris qui certas Ecclesias regunt, discernantur. Septem verò hujusmodi ordinationum gradus vulgò esse dicuntur, totidemque sacramenta, quamquam de numero controversia est inter juris pontificii theologiæque Doctores. Primus est Presbyterorum. Secundus Diaconorum.

Tertius

Tertius Hypodiaconorum, & sic deinceps. Proinde tam onus procurationis Ecclesiæ rerumque ecclesiasticarum, quàm emolumentum beneficiumque illi cohærens, ab ordinatione moribus nostris ita separatur, ut ordinatio absque injuncto onere beneficioque collato fiat. *cap. cùm secundum. de prabend.* Et hæc quidem verbi significatio hodie vulgò probatur, nec eam improbare volo. Ego autem latius hoc vocabulum in tota hac disputatione ferè accipio, nempe pro quacunque ad ministerium ecclesiasticum promotione. Et hoc sensu Archiepiscopi, episcopi, archipresbyteri, archidiaconi, præpositi, decani, æconomi, archimandritæ rectè dicuntur *ordinari*, cùm eliguntur, creantur, instituuntur. Estque hæc significatio apud Juris pontificii quoque aucthores usitata. *60. distin. can. 1. 2. 3. c. abbatem. c. nullam. 18. q. 2.* Nam & apud veteres Latinos *ordinari* dicebatur is, qui ad honorem magistratumve aliquem provehebatur. *Tranquillus in Vespas.* Quendam è charis ministris dispensationem cuidam quasi fratri petentem cùm distulisset, ipsum candidatum ad se vocavit, exactaque pecunia quantam is cum suffragatore suo pepigerat, sine mora ordinavit. *Idem in Domitia.* Auditus est certè dum ex eo quærit ecquid sciret, & quid visum esset ordinatione proxima Ægypto præficere Metium Rufum. Hinc consequi-

tur presbyteri duplicem ordinationem esse. Una est, cùm solenni ritu consecratur, & idoneus redditur ad Ecclesiæ gubernationem, quamvis nulla ei Ecclesia tum assignetur quam regere possit. Altera est, cùm ei certa Ecclesia committitur regenda, certumque beneficium confertur sine ullo ritu ac cæremonia: etenim verbo *ordinationis* utitur Gratianus in utraque significatione. *c. adjicimus. 16. q. 1. vide c. pastoralis. 7. q. 1.*

CAP. XVII.

De

Pseudoclericis.

Diximus in superiori capite, veteres canones hodie frigere & negligi, quibus cautum erat, ut nemo absolutè clericus ordinaretur. Qua ex re plurimum incommodatum est in Ecclesia Christiana. Nam quia nulli certo muneri destinantur, qui vulgò ordinari solent, & rasum habere verticem satis est, vix ullus reperitur, qui ad Sacrum illum ordinem non adspiret, ut ejus ordinis privilegiis atque immunitatibus fruatur. Cùm autem nemini ferè hæc initiatio negetur ab antistitibus, qui fortassis è re sua credunt esse quam plurimos sibi obstrictos, subiectosque homines habere, nunc perditissimus quisque ac profligatissimæ vitæ in eum ordinem

dinem coopatur, & ad illud veluti impunitatis asylum confugit. Quondam ii demum clerici habebantur, qui munere suo fungebantur in Ecclesia, nec alius quisquam privilegia istius ordinis sibi vindicare audebat. *not. in c. ult. de vita & honest. cler. l. generaliter. C. de episcop. & cler.* Sed hodie invaluit ea consuetudo aut corruptio maxima potius, ut ad severitatem judiciorum publicorum eludendam, detonsum caput cum antistitis nescio cujus elogio, id est, gravissimorum scelerum impunitatis symbolo quodam, iudicibus ostendere sufficiat. Atque hinc fit, ut principum atque magistratum in tantâ tamque manifesta indignitate conniventiam satis admirari non possim. Sed de hoc genere clericorum, aut *pseudoclericorum* potius aliis in locis infrâ differemus.

CAP. XIIX.

De

Canonicorum collegio.

DE canonicis satis antè dictum videtur ea parte, qua de presbyteris & aliis quibusdam Ecclesiæ ministris disseruimus. Nam *canonicorum collegium*, quod veluti senatus quidam est Ecclesiæ, ut verbis utar Hieronymi *can. Ecclesiæ. 16. q. 1.* ex his conflatum est. Dicti autem videntur canonici à *canone*

sive regula, quia communem quandam vitæ regulam, institutumque observant. Ideoque *canonicè vivere* dicuntur à Gregorio *cap. quoniam. 12. quest. 1.* Quo sensu *canonicas* quasdam *mulieres* à Justiniano dictas arbitrator. *Novel. 59.* Nam ecclesiarum ministri antiquitus certis se votis obstringebant, ferè non aliter ac monachi de quibus mox dicturi sumus. Nec eorum vitæ ratio à monachorum instituto multum discrepabat. Sed posteaquam horum sodalitiarum nonnulla iis vinculis soluta liberataque sunt: factum est ut cæteri ab imperitis, qui vim Græci verbi parum assequiebantur, non simpliciter canonici, sed *Canonici regulares* vulgò dicerentur, quasi diversa esset utriusque vocis significatio. Quod si quis à *canone* dictos potius esse contendat, id est, pensione, sive annona quæ ipsis distribuebatur, velut pro stipendio & mercedè, equidem non repugno. Canonici enim ordinariamque ac certam pensionem ii tantum accipiebant fortè, qui in id collegium cooptabantur: cæteris Ecclesiæ ministris sive clericis pro cuiusque merito aliquid erogari solebat, ex oblationibus incertis, quæ fiebant in Ecclesiâ. Nam ea est ferè ejus verbi significatio apud veteres. *l. placet. C. de sacr. eccles. l. 1. C. de indict. tit. C. de cano. frum. urb. Romæ. § lib. 7. v. apwv, const. 128.* Unde videtur & *canonica* illa *portio* nomen accepisse, cujus mentio crebra est
in jure

DE SACR. ECCLES. MINIST. LIB. I. II
in jure pontificio. *c. ult. de testa.* Quamvis
Innocentius III. satis probabiliter canonica
legitimam interpreteretur, *cap. officij. de*
testa. Habent hæc canonicorum collegia
suos quosdam præfectos, qui vel *præpositi*
vel *decani* secundum cujusvis Ecclesiæ con-
suetudinem dicuntur.

CAP. XIX,

De

Ministris Ecclesiæ qui clerici non sunt.

Quidam sunt ministri in Ecclesiis, qui lai-
ci atque adeo plebei nonnunquam
magis quam clerici censentur. Hujus-
modi sunt *æconomi*, qui dispensationem fa-
cultatum ecclesiasticarum sub episcopo ha-
bent, quorum meminit sæpè Justinianus *sub*
tit. de sacrosan. eccles. & tit. de episc. & cler.
Item *syndici* sive defensores & *apocrisiarj*
sive responsales, qui causis forensibus nomi-
ne Ecclesiæ & legationibus dant operam.
tit. de Synd. Hi quoque qui nolarum ænea-
rum pulsatione & campanæ sonitu convo-
cant populum, Ecclesiæ ministrant atque
inserviunt. Sed nemo horum ideo cleri-
cus esse intelligitur. Eadem est causa eorum,
qui ad ægotantium curam adhiberi olim

consueverant, & *Parabolani* idèd fortassis dicebantur, quia *παράβολον ἔργον*, id est, rem periculi ac discriminis plenam tractabant. *l. placet. C. de Episc. & cler. & l. parabolani.* His annumerandi sunt & *decani*, de quibus loquitur Theodosius. *l. non plures. l. qui sub prætectu. C. de sacrosan. eccles.* Nam hos in numerum clericorum non referri satis apertè ostendunt Justiniani constitutiones, quibus eorum officium describitur *Novel. 43. & 59.* Quamvis nonnulli decanos pro clericis & canonicis accipiant. *Alciat. in dictis ll.* sed cur inter clericos non numerantur, dixerit aliquis, sicut ostiarii & acoluthi, quorum munus non magis spiritale quàm istorum esse videtur? *glos. in c. l. 9. 3.* Respondeo ostiarios, acoluthos, & alios hujusmodi, de quibus supra dictum est, idèd clericos censerì, quia in clerum recipiantur, ut aliquanto spiritualia tractent, & presbyterorum atque episcoporum officio fungantur. Sed onus claudendi templi vel aliud simile, ut interim se exerceant, ut ad sacram functionem se præparent, ipsis injungitur. Alii verò, qui spirituali administrationi dicati consecratique non sunt, quamvis Ecclesiæ inserviant ac ministrent, inter clericos non sunt habendi. Constitutionibus tamen plerisque cautum est, ut non nisi ex clericorum cœtu ad tractanda Ecclesiæ negotia quisquam assumatur. *c. indica-*

tum. 89. dist. c. in nova. 16. q. 7. c. decernimus. de iudic. Quod jus aliquam utilitatem habet, si opera quædam sordida serviliaque demas, & earum rerum procurationem, quæ ab instituto clericorum abhorrent, cuiusmodi sunt forenses controversiæ. *l. repetita. C. de Episc. & cler.* Nam laicorum opera & labore in talibus negotiis uti magis decet.

CAP. XX.

De

Monasteriis & monachis, eorumque statu, conversatione & instituto.

Absoluto tractatu de clericis ac ministris Ecclesiæ, optimum iudicavimus & de monachis eorumque officio & instituto aliquid attingere, quandoquidem ejus rei cognitio valde utilis & necessaria est in re beneficiaria. Dicebantur autem olim *monachi* verbo Græco homines à cæterorum consortio segregati, & quietam tacitamque vitam durissimè & laboriosissimè in montibus, saltibus, ac speluncis degentes, idque certis legibus ac institutis, de quibus mox videbimus. Idem & *Eremita* & *Anachoreta*, & *Hesycasta* vocari solebant auctore Justino

niano *Novel.* 5. Hinc Hieronymus ad Paulinum: Sicupis, inquit, esse quod diceris, monachus, id est, solus, quid facis in urbibus, quæ utique non sunt solorum habitacula, sed multorum? *c. sicupis.* 16. q. 1. Et Pelagius Pontifex Romanus de eorum officio disserens, hæc tria ipsis attribuit, *quietem, orationem & laborem manuum.* *c. de presentium.* 16. *quest.* 1. Labore enim suo monachi olim victum sibi aliisque egenis parabant, ut Chrysostomus, Augustinus, aliique veteres tradunt, adeò ut celebretur in ecclesiastica historia cujusdam monachi apophthegma, *Monachus, qui non operatur, latronè par judicandus est.* *tripar. hist. lib. 8. cap. 1.* Quapropter Justinianus *Novel.* 133. Duabus, inquit, potissimum in rebus operam & diligentiam reponere oportet Monachos, ut aut sacris vacent scripturis, aut quas *manuarias* vocare solent artes monachos decentes meditentur exerceantque: siquidem mens inerti otio dedita haudquaquam sanè quicquam bonorum pepererit. Ac illud quidem ex Hieronymi aliorumque scriptis liquet, literis præsertim sacris operam eos dare solitos fuisse, ut non morum probitate vitæque sanctimonia tantum excellenter cæteris, sed etiam doctrina. *c. sic vive. c. si clericatum.* 16. q. 1. Itaque mirum videri non debet, quòd vitam monasticam Justinianus ut rem sacram ac divinam tantopere commendet:

Novel.

Novel. 133. cum ii non tantum sibi, sed etiam universo generi humano, precibus suis apud DEUM, exemplo, doctrina, labore & industria multum prodesse. Non enim natura abhorrebant ab hominum congressu, quod Aristoteles non immetitò damnat, tales improbos esse dicens, aut homine præstantiores. Nec ita ocio dediti erant, more pleudomonachorum nostri temporis, ut nihil in commune conferrent, & se homines esse, id est, ad societatem hominum juvandam natos non recordarentur. Non ignoro quosdam in eo grege repertos fuisse quorum superstitio nemini sano probari queat. Nam Theodorus *lib. 4. c. 28.* scribit monachum quendam sexaginta annos neque locutum cum ullo, neque à quoquam conspectum fuisse. Sed rara admodum fuisse hæc prodigia compertum est. Proinde ex monasteriis velut ex quodam seminario, legi & assumi consueverant ad munera ecclesiastica, qui probatissimæ inter ipsos vitæ & eruditionis habebantur: ut Augustinus cum alibi sæpe, tum maximè ad Aurelium scribens testatur *cap. nos. autem. cap. legi. 16. q. 1.* In qua quidem promotione & graduum ratio habebatur, de quibus ante disseruimus, *cap. monacho. 16. quest. 1.* & eorum antistitis seu archimandritæ consensus erat necessarius. *c. monachi cum pro utilitate. 16. q. 1.* Et quoties ad ministeria Ecclesiæ eos vocari continge-

bat, monasticum institutum officiumque deferere cogebantur, ut majore præstantiorique, fungerentur munere: quia simul utrumque obire & exequi non poterant: sicut & clerici cum vitam monasticam amplectebantur, *militiam* suam, ut ait Gregorius, munusque clerici amittebant. *c. nemo c. presbyteros. c. ne pro cuiuslibet. 16. q. 1.* Officium enim clerici est docere & pascere populum, monachus verò, ut ait Hieronymus, non doctoris, sed *plangentis* habet officium. *c. monachus. c. alia. cap. hinc est. 16. q. 1.* Quam ob causam nulli in monasteriis reperiuntur sacerdotes aut clerici. *not. c. non est. de regula.* Sed tanquam cæteri ex populo, qui *laici* Græcè dicuntur, ad communem omnium ædem sacram, percipiendorum sacramentorum causa se conferebant. *Panor. in cap. dilectus. de capel. mona.* Quod & Justinianus satis apertè ostendit. *Novel. 133.* Sed & sacerdotem accersebant interdum qui ipsis liturgiæ, quam *missam* vocamus, solennia celebraret, ut à monachis Scythi factum aliquando fuisse refert Hieronymus. *c. hinc etiam. 16. quæst. 1.* Ac idcirco suberant tam monachi quàm eorum antistites, Ecclesiæ presbyteris & clericis. *not. in d. c. cum dilectus.* ipsiſque longè inferiores habebantur. *c. à subdiacono. 93. dist. c. generaliter. 16. q. 1.* Verùm ut hac molestia liberarentur monachi, postea cœperunt ex his aliqui in suis monaste-

naſteriiſ presbyteri ordinari, ſed ita ut in cœ-
 tu tantum ſuo Sacramenta adminiſtrarent,
 & veluti quandam eccleſiam inter ſe conſti-
 tuerent, nec ad alias eccleſias amplius acce-
 dere, aut alienos presbyteros advocare co-
 gerentur. *c. 1. pervenit. c. interdicimus. 16. q. 1.* Atque ita ratio excogitata eſt qua idem
 & presbyteri, id eſt paſtoris atque doctoris,
 & monachi officio fungeretur ſine ullo, ut
 videbatur, incommodo. Cujus inſtituti
 mentio eſt in hiſtoria *Tripertit. lib. 8.* Quare
 cùm quidam episcopuſ prohiberet in certo
 monaſterio liturgiam celebrari, acriter eo
 nomine increpavit eum Gregorius. *c. Aga-
 pius. 16. q. 1.* Idemque Bonifaciuſ feciſſe le-
 gitur. *c. ſunt nonnulli. 16. q. 1.* Hac viâ pate-
 facta omneſ monachi, paſſim ſine ulliuſ Ec-
 cleſiæ gubernatione ſacerdoteſ creari cœpe-
 runt, quamvis ea turba monaſterio fortaiſſis
 non adeò neceſſaria eſſet, credo ut care ma-
 jorem ſibi dignitatem conciliarent. Nam
 ut ſuprà diximus, monachorum ordo gradu
 clericorum erat inferior. Præterea variis
 conſtitutionibuſ poſtea ſancitum eſt, non
 ideo monachum ab inſtituto vitaque mona-
 ſtica recedere poſſe, quòd in aliena Eccleſia
 clericuſ ordinatuſ ſit, non quòd ſimul cum
 eccleſiaſtica procuratione, monaſtica obire
 munia niſquequaque compellatur, quod uti-
 que fieri nequit, ſed ut habitum monaſti-
 cum retineat, cæteraque hujusmodi obſer-

vet,

ver, quorum executionem Ecclesiæ ministere-
 rium non impedit. *c. de monachis. c. hinc est.*
 16. q. 1. Quamvis autem suprà dictum sit,
 monachos in cœtu suo tantum sacramenta
 administrare, nec populum eos regere pos-
 se: tamen si intra monasterium Ecclesia ali-
 qua sit, in eoque populos regi soleat, consti-
 tutum est absque eorum consilio presbyte-
 rum illi Ecclesiæ ab episcopo præficiendum
 non esse. *cap. 1. de capel. monach.* Nam ve-
 rissimile est ibi Ecclesiam initio institutam
 esse, ut populus fidelis à viris sanctis & eru-
 ditis quales ferè tum monachi erant, priva-
 tim doceri & admoneri commodius posset,
 tametsi palàm docendi & concionandi ad
 populum facultatem non haberent, ut ante
 docuimus. Potest & alia hujus constitutio-
 nis ratio adduci, sed ea ex his quæ mox dicen-
 tur satis elucescet. Fuerunt postea & aliquæ
 extra monasteria Ecclesiæ, hodieque sunt ita
 subjectæ & obnoxia monasteriis, ut ab ipsis
 aut certè ipforum arbitrio & voluntate pres-
 byteri in eis ordinentur atque instituantur,
 idque accidit, vel quia in monasterii prædiis
 constructæ sunt fortassis ædes sacræ, in quas
 populus sacramentorum causa convenit: vel
 quia à dominis prædiorum monasterio id
 jus postea concessum est, & aliis quibusdam
 modis de quibus suo loco disseremus. *cap.*
illud. cap. cum pastoralis. cap. cum seculum. de
jure patrona. not. in cap. de monachis. de præ-
bend.

bend. cap. pastoralis. de donat. Et harum quidem ecclesiarum duo sunt genera: quædam enim à monachis tantum reguntur, aliæ à quibuscunque aliis sacerdotibus: quia sic ab initio institutum est, vel consuetudine longa introductum. *cap. possessiones. de rebus ecclesiæ non alienan. c. cum de benefic. de præbend. in 6. clemen. quia regulares. de supplen. neglig. prælatorum.* Ex his perspicuum est, quantum juris & authoritatis monachorum natio in populum & Ecclesias paulatim sibi vindicavit & acquisierit.

CAP. XXI.

De

Monachorum sectis.

MONACHORUM variæ sectæ & professiones sunt, sed eas tantum persequi in animo est, qui ad institutum nostrum conferunt, & ad rem beneficiariam maximè pertinent, cuiusmodi sunt *Benedictini*, omnium ut fertur, antiquissimi, & qui *Canonici regulares* vulgò appellantur. Cùm primùm igitur exoriri cœperunt monachi, idque in Ægypto, congruentem nomini suo vitam, id est, solitariam agebant. Et quanquam stasis horis ferè in unum locum eos convenire moris esset, tamen simul non commorabantur, sed domunculas sparsim per montes & saltus extru-

extructas habebant, unde non solum monachi, sed etiam *Eremita*, & *Anachoreta* meritò dicebantur. Sed postea visum est conducibilius ac decentius in eisdem ædibus eos habitare & vivere, omnia habentes inter se communia, & paupertatis, castitatis, obedientiæque votis obstrictos, quàm Timoniano quodam more in speluncis delitescere. *cap. sicericatus. 16. questio. 1.* Quod & Justinianus constituit. *Novel. 133.* & concilio Agathensi *cap. 38.* & concilio Aurelianensi confirmatum est. *cap. monachum. 20. quest. 4.* *Cænobia* tunc ea loca à communione vitæ, verius quàm *monasteria* à solitudine appellata sunt dicta *Novel. 133.* Sed *monachi* appellationem nihilo secius hi retinuerunt, quòd ea conversatio non multum adhuc abesset à solitudine. Et *Benedictini* sunt appellati, quod vir sanctimonia clarus *Benedictus* honestorum inter eos quorundam institutorum author fuisset. Deinde cùm in urbibus & celebribus locis manentes viri ecclesiastici, horum monachorum vitam & institutum sequi in animum inducerent excepta solitudine, quia conversari cum populo & multitudine propter ecclesiasticum ministerium cogeantur, *canonicorum regularium* nomen aptius eisdem & accommodatius visum est, quàm monachorum. Quod institutum æmulati sunt & alii, ministerio nulli ecclesiastico addicti: *not. in cap. causans.*

sam quæ. de iud. Nam & nostra patrumque memoria in plerisque cathedralibus Ecclesiis, sacerdotes & clerici, qui nunc *canonici* simpliciter & sine adjunctione dicuntur, simul cum Episcopo suo huic monasticæ vitæ generi erant addicti: & aliquas hujusmodi Ecclesias adhuc superesse existimo. *cap. si quis. 58. distin. cap. quorundam. 74. distinct. not. in d. cap. causam quæ. & cap. Quod DE I timorem. de statu monacho.* Itaque dicebantur non simpliciter, ut nunc *canonici*, sed *regulares* ab illo peculiari instituto, ac regula quam amplectebantur, & hoc modo discrimen inter eos designabatur, & aliarum Ecclesiarum *canonicos*, qui hujusmodi se votis non alligaverant, idque supra à nobis ostensum est. Hæc secta cujus author *Augustinus* perhibetur, cum Hipponensis Episcopus esset, latè Christianum orbem pervagata est, adeò ut eorum cœnobia hodie, in quibus locis monachorum nomen deletum non est, nusquam non reperiantur. Sed effectu à cæteris monachis differre non videntur. *cap. 2. de postul.* quamvis plerique asserant in odiosis monachos eos habendos non esse. *notatur in dicto capitulo, quod DE I timorem. de statu monachorum,*

CAP. XXI.

De

Monachorum gradibus & officiis.

INter monachos atque eos qui regulares
 dicuntur non minus quàm inter clericos,
gradus officiorum & administrationum hodie
 reperiuntur quorum insigniores & præci-
 puos cæteris omiſſis breviter hîc perſtringe-
 mus: nam ſicut clericis cujuſque Eccleſiæ
 præeſt epîſcopus, ita ſingulis monaſteriis
 præſidet unus, qui à Juſtiniano & plerîſque
 veterum *archimandrita* & *cœnobiarcha*, à
 cæteris vulgò *Abbas* appellatur. Hic intra
 monaſterii ſui ſepta præfectum quendam,
 ſive ut loquuntur, *Priorem clauſtralem* con-
 ſtituit: cujus vicaria utatur opera vigilan-
 tiaque in his, quæ ad ſodalitatis gubernatio-
 nem ſpectant. Et quia plerunque extra mo-
 naſterium minores aliqui conventus, atque
 ſodalitia monachorum ſunt eidem archi-
 mandritæ ſubdita: alii quidam præfecti eò
 cum libera poteſtate & authoritate dimit-
 tuntur, quos *Priores conventuales* appellant.
 In quibus autem locis conventus ille deſide-
 ratur, quem veriſimile eſt olim nuſquam de-
 fuiſſe, hi præfecti alia atque alia nomina ſor-
 tiuntur, de quibus hîc non eſt magnopere
 laboꝝ

laborandum. Omnibus autem non solum præfectis, sed etiam archimandritis præsidet unus, qui à Justiniano *Exarchus* vocatur, *Novel. 133.* Ac haud scio an is sit quem *ἀρχι-σεκρητης* vocat Hieronymus *ad Pammach.* Sed certæ tantùm sectæ monachorum hos summos antistites noverunt. *not. in c. ne religiosi. de regul.* Et notandum est, quamvis in plerisque cœnobiis & monasteriis hodie votis illis solennibus & religiosis alligari non soleant, de quibus paulò ante diximus, sed morè clericorum vivant qui *seculares* dicuntur, pristinam tamen appellationem adhuc retinent. Quod idè adjeci, ne quem fortè admiratio teneat, cùm in abbatiarum aut prioratuum sæcularium mentionem inciderit.

CAP. XXIII.

De

Mendicantium sodalitate.

S*Odales mendicantes* idèd à monachis separavimus, quoniam ab eis differre videntur. Monachorum enim propria est solitudo, & secessus quidam à cæterorum hominum consortio: à quo hi multum abhorrent, cùm palàm docere evangelium, & ad populum concionari soleant. Itaque

fratres sodalesque dictitantur magis quàm monachi. *Panor. in. c. causam qua. de iudici.* Eisdem tamen votis & aliquanto gravioribus obstringuntur quàm monachi, cùm nec singuli, nec universi quicquam ptoprium habere queant & votivam mendicitatem, nedum paupertatem, quæ illius germana est, ut apud Aristophanem Chremylus ait, si minus re, at certè verbis profiteantur. *c. exiit. de verb. sign. in 6.* Discrimen autem *πενίας καὶ πτωχείας* id est paupertatis & mendicitatis docet Aristophanes: cujus hi sunt versus *in Pluto,*

Πτωχὲ μὴ γὰρ βίος, ὃν σὺ λέγεις, ζῆν ἐστὶ
μηδὲν ἔχοντα.

Τὲ δὲ πένητος ζῆν. Φειδόμενον καὶ τοῖς ἐργοῖς
πρὸς ἔχοντα.

Περὶ γίνεσθαι δ' αὐτῷ μηδὲν, μὴ μέντοι μὴδ'
ὑπὸ λείπειν.

Porro hi mendicorum cœtus suos habent præfectos custodes sive observatores, & administratos, tam universales, quàm provinciales, per quos velut quædam Respubl. inter eos regitur, & administratur exemplo monachorum, de quibus jam diximus.

CAP. XXIV.

De Monialibus.

NOn solum viri, sed mulieres etiam apostolorum, Christi tempore ministerio

Eccle.

Ecclesiæ addicebantur, ut constat ex epistola Pauli *ad Timoth.* Et harum mulierum quæ *diaconissæ* dicebantur, crebra in jure tum pontificio, tum civili est mentio: eumque morem quasdam Ecclesias retinere etiam nunc accepimus. Verùm procedente tempore instituta sunt collegia, sive monasteria virginum DEO consecratarum, & solennibus votis obstrictarum, ut de monachis antè dictum est. Quod genus *monialium* verus ut existimò, non novit Ecclesia, ac ne *canonicarum* quidem, quarum meminit *Justinianus Novel. 59.* Hæ in singulis *parthenonibus* suis, suas habent antistitas exemplo monachorum, quibus nihilo minus parent quàm monachi archimandritis suis. De his autem aliquot extant constitutiones Justiniani, quibus vetat né *duplicicia monasteria*, id est, virorum simul & mulierum usquam sint, & ut eunuchi in singulis monasteriis constituantur, qui ipsarum negotia gerant. *Novel. 123. & 133.* Sed quicquid ad harum monialium institutum, & vitæ regulam pertinet Bonifaciana constitutione & Clementina plenius continetur. *c. periculoso. de stat. reg. in 6. clem. attendentes. de statu monach.*

CAP. XXV.

De

Sacerdotiis veterum Romanorum ante Christianismum.

IN Juris pontificii libris mentio reperitur Pontificum, Flaminum, Augurum, aliorumque hujusmodi sacerdotum, qui apud priscos Romanos ante Christianismum in usu fuere. *c. clericos. 20. distinct. c. in illis. 80. distinct. 26. q. 3. q. 5.* Nec veteris illius sacerdotii cum nostro inutilis videtur esse collatio, cum præfertim Latinè scribenda pleraque vocabula inde mutuemur. Itaque de eo pauca quædam ex multis hîc dicturus sum, quæ ad nostrum institutum magis spectare existimavi. Fuerunt autem hæc ferè sacerdotum genera: Pontifices, Augures, Flamines, Curiones, Feciales, Vestales, Salii, Duces Celerum &c. *Pontifices* omnibus sacris ac cæremoniis præerant, & sacerdotum omnium erant maximi ac supremi, id quod ostendit Cicero *in orat. pro domo sua. § lib. 2. de Legib.* Huic Pontificum collegio qui præerat, *Pontifex Maximus* dicebatur, cujus officium & auctoritatem describit *Livius lib. 1.* de Numa Pompilio loquens his verbis: Omnia publica privataque sacra Pontificis

rificis scitis subjecit, ut esset, quò consultum
 plebs veniret, ne quid divini juris (negligen-
 do patrios ritus, peregrinosque asciscendo)
 turbaretur. Nec cœlestes modò cæremoni-
 as, sed iusta quoque funebria placandos-
 que manes, ut idem Pontifex edoceret, &c.
 De eorum etiam munere, autoritatè digni-
 tateque plura scribit *Halicarnassens lib. 2.* &
nos expandētis juris civilis quosdam locos
obleruavimus, ut cū dicitur, Pontificem,
dum sacra facit, in jus vocari non posse. l. 2.
de in jus vocan. Pontificali autoritate com-
 pelli hæredes ad monumentum ædifican-
 dum. *l. hæreditas. de petit. hæred.* Pontificem
 de religiosis locis consulendum esse. *l. ultim.*
de mortuo infer. Pontificem à quibusdam mu-
 neribus non excusari. *leg. ult. de muner. & ho-*
nor. Sed longè eorum maxima autoritas in
 legum actionibus conspicitur, quas scribit
 Pomponius apud *collegium pontificum* fuisse.
l. 2. de origine juris. Nam ut Valerius ait, Jus
 civile per multa sæcula inter sacra cæremoni-
 asque deorum imortalium abditum, soli q;
 Pontificibus notum fuit. Quanta autem hu-
 jus pontificatus dignatio fuerit, vel hinc æsti-
 mare licet, quòd Imperatores Romanis, ut au-
 gustiores essent, ferè eo sacerdotio fungeban-
 tur. Sed cur hi summi Sacerdotes ita appellati
 sint, inter veteres tum Græcos, tum Latinos
 authores non convenit. Scævola, ut refert
 Varro *lib. 10. de ling. Latina.* dicebat Ponti-

fices dici à *posse & facere*. Nam verbum facere apud Plantum, Ciceronem, Virgilium, & alios scriptores probatos, pro sacrificare accipitur, sicut *δρᾶν ἄντι τῷ θεῷ* apud antiquos, ut docet Athenæus *lib. 14*. Sed idem Varro à *ponte* eos dici mavult, quòd ab eis Sublìcius pons factus primùm, ac sæpè restitutus sit. Plutarchus in *Numa* aliam etymologiam adfert. Verùm hanc investigationem, quæ non est magni usus, libenter missam facimus. *Augures*, qui à Græcis *ἰωονόμοι* dicuntur auspiciis præerant, ut sacris pontifices. *Cicero lib. 1. de natura deorum*. Erant enim artis divinandi periti, & signa à diis missa interpretabantur, ut Halicarnasseus ait, quamvis ab una specie, id est, ab avium garritu nomen acceperint. Tantum autem venerationis & authoritatis eorum collegio accessit, ut nihil publicè sine auspiciis, nec domi, nec militiæ gereretur. *Cicero. lib. 1. de Divinat.* Ut non immeritò scribat Cicero in *Orat. de Arusp.* authoritatem rerum benè gerendarum augurio contineri. Itaque nobilissimis quibusque & lectissimis civitatis Romanæ viris hoc sacerdotium deferabatur: eratque perpetuum, adeò ut nemo quàmlibet flagitiosus eo sese abdicare cogeretur. *Plutarchus in Problemat.* Quanta verò horum Augurum authoritas fuerit in Republ. docet Cicero *lib. 2. de Legib.* cujus hæc verba sunt: Maximum & præstantissimum in Republica

publica jus est Augurum, & cum auctoritate conjunctum. Neque verò hoc, quia sum ipse augur, ita sentio: sed quia sic existimare nos est necesse. Quid enim majus est, si de jure quærimus, quàm posse à summis imperiis, & summis potestatibus, comitiatus, & concilia, vel instituta dimittere, vel habita rescindere? Quid gravius, quàm rem susceptam dirimi, si unus Augur alium dixerit? Quid magnificentius, quàm posse decernere, ut magistratu se abdicent consules? Quid religiosius? quàm cum populo, cum plebe agendi jus aut dare, aut non dare? Quid leges non jure rogas tollere? nihil domi, nihil militiæ per magistratus gestum sine eorum auctoritate posse cuiquam probari? Ac hujus auctoritatis memorabile exemplum refert Plutarchus in *Marcel.* in hanc sententiam: Cùm Augures comitiis consularibus vitio creatos consules renunciassent, confestim Senatus literis ab exercitu eos revocavit, quatenus deposito consulatu hostibus ut consules bellum non inferrent. Flaminius acceptas literas non antè aperuit, quàm collata pugna versisque in fugam Barbaris, in agrum eorum excursionem fecisset. Redeunti igitur & multa referenti spolia, non processit obviam populus, quia revocatus non continuò mandatis paruerat: sed tam is, quàm ipsius collega consulatu se abdicare coacti sunt. *Flamines*, quos Diony-

sius Græcè *ἱεροφάνης* vocat, diis singulis
 erant attributi, *Cicero lib.2. de Legib.* à qui-
 bus cognomina habebant, authore Varrone
lib.4. de ling. Lat. ut flamen Dialis, Martia-
 lis, Quirinalis, Carmentalis, Pomonalis, &c.
 & quia inter Deos qui colebantur, aliquod
 discrimen erat, non omnium flaminum par
 erat dignitas, ut Festus ait. Proinde is qui sacra
 Jovi faciebat, id est, *Dialis*, maximæ digna-
 tionis habebatur, de quo multa annotavit
 Gellius. Majorum minorumque flaminum
 meminit Festus, & *archiflaminum* Gratianus
 in *rhaphodia* sua. Sed & *flaminicarum*, id
 est, *mulierum*, quæ hoc sacerdotio sicut viri
 fungebantur, mentionem apud veteres quo-
 que comperimus. Verùm omnia sigillatim
 hîc persequi ab instituto nostro est alienum,
 qui hæc veluti *πύρεργα* quædam breviter
 perstringere voluimus. *Curiones* singulis
 erant ascripti curiis, quæ numer. 30. erant
 Romæ, ut Dionysius scribit, & pro curiali-
 libus sacra faciebant. Horum verò nec
 genus sacrificandi, nec insignia describuntur
 ab eodem, quibus rebus maximè à Flami-
 nibus differebant. Illud ex Festo didicimus,
 quod minimè prætereundum hîc est, *Curio-
 nem maximum* à veteribus eum dici, cujus
 auctoritate curiæ, & curiones omnes rege-
 bantur. Hujusque meminit præter Livium
 & alios veteres Arnobius *lib.4. advers. gent.*
 Sedent, inquit, in spectaculis publicis sacer-
 dotum

dotum omnium, magistratuumque collegia, Pontifices maximi, & maximi Curiones, sedent quindecim viri laureati. & Diales cum apicibus Flamines, sedent augures interpretes divinæ mentis & voluntatis, nec non & castæ virgines perpetui nutrices & conservatrices ignis. Quem locum ideò hîc referre volui, quia sacerdotiorum Romanorum brevem descriptionem continet. *Fecialium*, quos *ἐρηνοδίκας* appellat Dionysius, collegium belli causa institutum fuit. Cùm enim religiosus vir, ac quietis publicæ studiosus Numa animadverteret bellum, quod absque justa causa infertur, nihil aliud quàm latrocinium esse, totam eam rem ex arbitrio sacerdotum ac religiosorum hominum pendere voluit. Non enim licebat Romæ bellum movere, nisi cognita causa feciales id justum esse pronunciaissent. Itaque fœlicitatem & successum Romanorum in bello, huic instituto & religioni quidam ascribere non dubitaverunt. Quænam autem fuerit horum fecialium autoritas, & qui ritus, præter eundem Dionysium Plutarchus docet in *Numa*. *Vestales* erant virgines, quæ Vestæ Deæ sacra faciebant, & sacrum ac sempiternum custodiebant ignem: de quarum institutione, ritu, cooptatione, castitate videnda sunt quæ Dionysius, Plutarchus, Gellius, & quidam alii memoriæ prodiderunt. Hæc enim, quæ vulgaria sunt, & protrita, accuratius hîc de-

scribere instituti nostri ratio non finit. Præter hos sacerdotes, commemorantur & *Salij*, qui sacra Marri facientes choreis & saltationibus dabant operam, ὑμνεταὶ τῷ ἐνοσίχλω θεῷ, ut Dionysius ait. Erant & *Duces Cælorum*, qui tametsi milites essent & regum custodes: tamen stata quædam solenniaque sacrificia celebrabant, nec ullos alios commemorat Dionysius, diligentissimè omnia persecutus sacerdotia, quæ à Numa instituta fuerunt. Ait enim leges sacrorum Numam ita libro uno complexum fuisse, ut tota ea descriptione in octo partes distributa, de singulis sacerdotiis, quorum erant totidem genera, separatim differeret. Reperitur tamen aliorum apud authores sacerdotum mentio, cuiusmodi sunt *Fratres aruales*, *Rex sacrificulus*, *duumviri*, & *decem viri sacrorum Galli*, *Epulones*, & *qui Titij sodales dicuntur*. Quorum sacerdotiorum explicatio & cognitio ex Tito Livio & aliis veteribus petenda est. Extat & Pomp. Læti non inutilis ea de re libellus. Quod verò titulo Fenestellæ circunferatur ejusdem argumenti opusculum, recentissimi scriptoris esse nemo dubitat, qui alicujus sit in re literaria judicii. Unum suprâ dictis adjiciendum est, quod à cæteris prætermisum esse miror, priscos Romanos non modò sacerdotes, qui Diis sacra facerent, sed etiam ministros quosdam sacrorum ac sacerdotum iis non absimiles, quos in sacris nostri

stris *Diaconos* appellamus. Eosque Camillos tum dictos fuisse testes sunt *Dionysius lib. 2.* *Plutarchus in Numa.* *Festus & Servius,* cum plerisque aliis. Et hactenus de sacerdotiis urbis Romæ, quibus similia quædam in provinciis atque municipiis fuisse dubium non est: quorum in jure civili crebra est mentio. *leg. 1. ad legem Juliam de ambit. l. in honoribus. de vacat. mune.* Nam *Phoeniarquia & Syriarchia* in constitutione quadam Imper. Constantini, nomina sunt provinciarum sacerdotiorum, *l. 1. C. de natur. liber.* Et *Martianus. tit. de mat. Senat.* vetat Flamini municipali & sacerdoti provinciæ ne uxorem ducat ancillam, scenicam, tabernariam, &c.

LIBER SECVNDVS

De

ORIGINE, DIFFINITIONE, AC DIVISIONE BENEFICIORVM.

ARGVMENTVM.

Superiore libro de ministeriis officiisque ecclesiasticis, propter quæ beneficia conferuntur, satis copiosè disputatum fuit: Jam de beneficiis ipsis tractandum est, & ab origine eorundem diffinitionibusque ac divisionibus incipiendam. CAP.

CAP. I.

De

*Facultatibus Ecclesiæ,
earumque origine &
processu.*

VT bonorum, quæ Ecclesiæ possidet, origo, finis & usus rectius intelligatur, à Christi usque ac legatorum ejus sive Apostolorum temporibus reperenda est nostra oratio. Ac imprimis constat ex sacra historia Christum facultates aliquas, quamvis pertenuis habuisse, nec ita vixisse eum, ut nihil proprium obtinens mendicare cogeretur, quòd nonnulli asserere non dubitarunt aliquando, sed meritò eorum opinio damnata est, *cap. 4. & 5. de verborum significat. in extravag. Joann. 22.* Mendicitas namque in valentibus & otiosis res est minimè toleranda, & furti speciem habet. *C. de val. mend. & in auth. de questor.* Oblatam enim sibi pecuniam aut quocunque modo quæsitam, Christus diligenter custodire solitus fuit, ex qua victum vestitumque, tam sibi quàm sectatoribus & comitibus suis compararet. *Joan. 13.* Hinc Augustinus, Habebat dominus oculos, à fidelibus oblata conservans & suorum necessitatibus, & aliis indigentibus tribuebat. Tunc primùm ecclesiasticæ pecuniæ forma est

est instituta, & ut intelligeremus quod præcipit non esse cogitandum de crastino, non ad hoc fuisse præceptum, ut nihil pecuniæ servetur à sanctis, sed ne DEO propter ista serviatur, & propter inopiæ timorem justitia deferatur. *can. habebat. 12. quæst. I.* Mortuo atque sublato in cælum Christo, Apostoli, Discipulique & cultores ejusdem non medio-crem pecuniæ vim possedisse leguntur, adeò ut quamvis ingens esset eorum numerus, ta-
men nemo inter eos egens reperiretur. Nam ut scribit Lucas de fidelibus Christianis, qui tunc Hierosolymis erant: Multitudinis credentium erat cor unum & anima una, nec quisquam eorum quæ possidebat, aliquid suum esse dicebat, sed erant illis omnia com-
munia. Et quotquot erant possessores agro-
rum, aut domorum, vendentes afferebant pretia, & ponebant ante pedes Apostolo-
rum, dividebaturque singulis, prout cuique opus erat. Eadem referuntur à Clemente, qui illis temporibus fuisse creditur, in epi-
stola, qua fratres & condiscipulos suos ad bonorum communicationem hortatur & incitat. *ca. dilectis, 12. quæst. I.* Quòd autem ex prædiorum venditione pecuniam confice-
re maluerint, quàm ea retinere, & ex eorum fructibus seiplos alere, Melchiades id factum ideo scribit, quia cùm futuram Ecclesiam in gentibus viderent, prædia possessionesque adipisci in Judæa utile non putaverunt. *ca.*

futuram. 12. quest. 1. Sed notandum est eos ad communicationem bonorum neminem invitum compulisse, quòd satis intelligerent eam à Christo non fuisse præceptam, & proprietatem distinctionemq; dominiorum, quæ consensu hominum naturalem rationem sequentium recepta est, juri divino Christianæque religioni repugnantem non esse: ea siquidem est hominum corruptio & improbitas, ut societas humana commodè retineri & conservari nequeat, si quis Platoniam communionem inter homines indiscriminatim constituere velit: Si qui tamen mutuo illo affectu & charitate, quam nobis unice commendavit præcepitque Christus, constantissimè ita ducantur, ut ultrè non modò facultates, sed operam quoque suam, laborem, industriam bona fide & citra fraudem ullam in commune conferant, non dubito quin vita eorum in hac æquabilitate, & communicatione rerum omnium, & jucundissima & fœlicissima futura sit. Scitè enim à veteribus illud dictum est, si quis id civiliter interpretari magis quàm calumniari velit: quietissimè victuros homines, si hæc duo verba *Meum & Tuum* de medio tollerentur. Quod & sensit haud dubiè Clemens in epist. cujus paulò ante meminimus. *glos. in d. c. dilectissimus.* Ideò autem proprietas & distinctio dominiorum probatur jure gentium, cui religio nostra minimè refragatur, quia obtineri

ab hominibus non posse creditur in tantis eorum vitiis, ut sine fraude & discordia in ea communione perseverent. Proinde cum Ananias agri venditi pretium retinuisse, parte tantum ad Apostolos delata, Petrus eo nomine illum non damnavit, sed quod dolo, simulatione, ac mendacio usus esset. Anania, inquit, cur implevit Sathanas cor tuum, ut mentireris Spiritui Sancto & fraudares de pretio agri? Nonne prorsus tibi manebat, & vœnundatus erat in tua potestate? *Actor. c. 5.* Hæc omnia satis demonstrant qualis fuerit status atque usus bonorum Ecclesiæ, tempore Apostolorum. Post eorum verò tempora, cum viderent Sacerdotes & Levitæ, & reliqui fideles per universum orbem dispersi, utilius fore si hæreditates & agros quos vendebant, ecclesiis quibus præsidebant episcopi, traderent, eò quod ex sumptibus eorum, tam præsentibus, quam futuris temporibus plura & elegantiora ministrare possent fidelibus communem vitam ducen-
tibus, quàm ex pretio ipsorum, cœperunt prædia & agros quos vendere solebant, *matricibus ecclesiis* tradere, & ex sumptibus eorum vivere. Hæc totidem ferè verbis ex Urbano transcripsimus, *c. videntes. 12. quæst. 1.* à quo id quoque decretum fuisse scribunt Platina, & quidam alii eum secuti, ut sacerdotibus liceret prædia ac fundos à cultoribus religionis oblatos recipere. Sed fallun-

tur illi meo quidem iudicio, cùm inter Urbani decreta, quæ extant, excepto eo quod recitavimus, nihil reperiatur quod ad hanc rem pertineat. Ex eo igitur tempore certatim unusquisque pius & fidelis prædia, possessionesque dabat Ecclesiæ: ex quorum fructibus non ministri tantùm, sed quicunque etiam alii egentes alerentur. Et hinc perspicuum est, quod & suprâ admonuimus, veteres Christianæ religionis cultores non ita paupertatem affectasse, ut opes nullas sibi parare atque asservare vellent, quamvis Imperator Julianus inde ansam arripuerit ecclesias fortunis suis spoliandi. Ecclesiarum enim bona auferens dicebat maximo se beneficio Christianos afficere, nimirum ut pauperes facti citius regnum cælorum intrarent. Quæ arte in Philosophos quoque nostri juris authores usos fuisse aliquando animadverti. *leg. in honoribus. de vacat. mune.* Ac præ cæteris Constantini celebratur liberalitas in Ecclesiam. *c. Constantinus. 96. distin. can. futuram. 12. q. 1. Tripar. lib. 1. c. 9.* Et extat ejusdem constitutio in Codice Justiniani, quæ permittit unicuique bona sua Ecclesiæ relinquere. Licinia quoque dives & potens matrona, bona sua Ecclesiæ Romanæ testamento reliquit, Marcello sedente, ut scriptores ecclesiastici literis prodiderunt. Sed nulli plus contulerunt Ecclesiæ Romanæ, nec magis potentiam ejus auxerunt, quàm Pipi-

Pipinus, Carolus, & Ludovicus Francorum reges. Quid ingentia hîc commemorem beneficia in cæteras totius orbis Ecclesias undique à pijs hominibus collata, cùm justum volumen descriptio ejus rei desideret? Quale illud est quod de Hilario Arelatensi episcopo Prosper memoriæ mandavit, nempe eum acceptis fidelium numerosis hæreditatibus, ecclesiam mirum in modum locupletasse. *can. expedit. 12. quæst. 1.* ex quo de cæteris conjectura fieri potest. Ac præter eos redditus, præterque decimam partem, non modò fructuum, sed etiam negotiationis, quæstus & lucri, de qua mox differemus, & alias quasdam largitiones, quotidie in sacro ipso conventu fiebant oblationes ad altare. *Theodor. lib. 5. cap. 18. c. omnis. de consecr. distin. 1.* Ut mirum non sit, quod nunc omnibus testatum & manifestum est, opes Ecclesiæ in immensum excrevisse. De oblationibus Ecclesiæ Romanæ loquitur Marcellinus *libro 27.* cujus verba, quia hujus tractatus nostri loca etiam alia quædam illustrant, hîc subjicere volui: Damasus, inquit, & Ursicinus supra modum humanum ad rapiendam episcopalem sedem ardentes, sciscis studiis asperrimè conflictabantur, adusque mortis vulnerumque discrimina adjumentis utriusque progressis, quæ nec corrigere sufficiens Viventius, nec mollire, vi magna coactus secessit in suburbanum, & in concer-

ratione superaverat Damásus, parte. quæ ei
 favebat, instante. Constatque in basilica
 Sicenini, ubi ritus Christiani est conventi-
 culum, uno diecentum triginta septem ca-
 davera reperta peremptorum, efferatamque
 diu plebem, ægrè postea delinitam. Neque
 ego abnuo, ostentationem rerum conside-
 rans urbanarum, hujus rei cupidos ob impe-
 trandum quod appetunt, omni contentione
 laterum jurgari deberi, cum id adepti, futuri
 sint ita securi, ut ditentur oblationibus ma-
 tronarum, procedantque vehiculis insiden-
 tes, circumspectè vestiti, epulas curantes pro-
 fusas, adeò ut eorum convivia regales supe-
 rent mensas, qui esse poterant beati revera,
 si magnitudine verbis despecta, quam vitiis
 opponunt, ad imitationem antistitum quo-
 rundam provincialium viverent, quos tenui-
 tas edendi potandique parcissimè, vilitas
 etiam indumentorum & supercilia humum
 spectantia perpetuò, numini verisque ejus
 cultoribus ut pueros commendant & vere-
 cundos. Omnes autem hujusmodi obven-
 tiones, redditus ac oblationes, in sua potestate
 habebat episcopus, ut præcipiunt canones
 apostolorum. *c. præcipimus. 12. quæst. 1. c. per-
 venit. 16. q. 7.* Sed ita tamen ut eas res non
 dispensaret ipse ac administraret, sed diaco-
 nis, hypodiaconis, œconomis ac defensori-
 bus earum dispensationem distributionem-
 que committeret, qui rationem postea to-
 tius

tius administrationis suæ ipsi redderent.
c. episcopus. 12. q. 1. c. vobis. 12. q. 2. Fiebat-
 que hæc distributio clericis & ministris ec-
 clesiarum. *d. c. pervenit.* quorum erat ut
 plurimum communis vita & conversatio.
*can. quia tua. c. scimus. c. nolo. c. non dica-
 ris. 12. q. 1.* quamvis ad eam communionem
 inviti nequaquam cogerentur. *c. certe. 12. q. 1.*
 Sed præcipuum locum in hac largitione me-
 ritò tenebant pauperes, quorum ingentem
 numerum alere solebat Ecclesia. Nec enim
 ulla res unquam majori curæ præcis Chri-
 stianis fuit, quàm pauperum sustentatio, ut
 plerisque in locis testatur Eusebius. Ac tot
 tantæque opes eo potissimum consilio in ec-
 clesiam conferebantur, ut inde nutrentur
 pauperes, eaque cura mandabatur episco-
 pis, quòd eorum erga pauperes studium
 omnibus perspectum esset. *l. 1. C. de episc. aud.*
 Quare bona Ecclesiæ passim in veteribus ca-
 nonibus dicuntur patrimonium pauperum.
c. quia juxta. 16. q. 1. Quia ratione Augusti-
 nus eos qui decimas Ecclesiæ non persol-
 vunt, tot homicidiorum reos futuros ait,
 quot pauperes fame mortui fuerint, quia rem
 à DEO pauperibus delegatam suis usibus re-
 servant. *can. 10. 16. quest. 1.* Proferre hîc
 possem & alia præclara veterum dicta in
 hanc sententiam, sed aliquot præcipua tan-
 tùm referam. Nam omnia persequi infi-
 nitum esset. Ambrosius, Aurum Ecclesia

habet, non ut seruet, sed ut erogat, & subveniat in necessitatibus. Quid est opus custodire quod nihil adjuvat? An ignoramus quantum auri atque argenti de templo domini Assyrii sustulerunt? Nonne melius conflatur sacerdos pro alimonia pauperum, si aliqua subsidia desunt, quam si sacrilegus contaminat & asportat hostis? Nonne dicturus est dominus, Cur passus est tot inopes fame mori? Certè habebas aurum, unde ministrasses alimoniam, &c. *can. aurum. 12. quest. 2.* Hieronymus *ad Nepot.* Gloria episcopi est pauperum opibus providere. Ignominia sacerdotis est propriis studere divitiis. Idem, amico rapere quidpiam furum est: ecclesiam fraudare sacrilegium est: accepisse pauperibus erogandum, & esurientibus plurimis illud reservare, vel cautum, vel timidum est, aut quod apertissimi sceleris est, exinde aliquid subtrahere, omnium prædonum crudelitatem superat. *can. gloria. 12. q. 2.* Idem, Clericos autem illos convenit Ecclesiæ stipendiis sustentari, quibus parentum & amicorum nulla suffragantur stipendia. Qui autem bonis parentum & opibus sustentari possunt, si quod pauperum est accipiunt, sacrilegium profectò incurrunt & committunt. *16. quest. i. c. ultim.* Ex his apparet dispensationem facultatum ecclesiasticarum episcoporum arbitrio commissam fuisse. Verùm ob cupiditatem quorundam

rundam parum rectè ac sincerè administran-
 tium, canones veteres modum rationemque
 dispensandi præscripserunt, nempe ut qua-
 tuor partes tam oblationum quàm aliarum
 quarumcunque obventionum fiant: qua-
 rum una pauperibus distribuatur: altera cle-
 ricis: tertia in ædificationem templi impen-
 datur: quartam episcopus retineat hospita-
 litatis exercendæ causa. *c. vobis. c. Vulturna.*
c. concesso. c. quatuor. Et seq. 12. quest. 2. can.
præfulum. 16. quest. 3. Sed ut est rerum hu-
 manarum conditio in eodem statu nunquam
 permanentium, hæc communium rerum
 distributio ad extremum antiquata prorsus
 & sublata est, ac singulis ministeriis certi
 redditus adjuncti & assignati, quibus ministri
 tanquam re propria fruuntur: eosque ipsi
 arbitrio suo dispensent atque administrent
 sine ullius aut diaconi opera, aut episcopi au-
 thoritate, & hos redditus ministeriis attribu-
 tos hodie vulgò *Beneficia* appellamus: cujus
 verbi significatio & origo plenius infrà discu-
 tietur. Quam partem abstulerint pauperes
 in hoc, ut ita dicam, familiæ herciscundæ ju-
 dicio, mihi nondum planè compertum est,
 tametsi quid ipsis hîc acciderit, & quàm hu-
 maniter accepti sint, satis suspicor. Sed
 hac de re aliàs erit opportunior dicendi lo-
 cus.

CAP. II.

De

Vulgari divisione bonorum ecclesiasticorum in temporalia & spiritualia.

Bonorum ecclesiasticorum quædam temporalia dicuntur: alia verò spiritualia. *Temporalia* vocant prædia illa & possessiones, quæ ex Principum aliorumque liberalitate obvenerunt. *Spiritualia*, decimas & alia id genus, quæ à fidelibus Ecclesiæ offeruntur. Nam decimas primitiasque, aut quæ loco primitiarum offerri solent, arbitrantur juris pontificii doctores divino jure sacerdotum & Ecclesiæ ministrorum esse, quòd lex Moisaica eas exsolui præcipiat. Itaque *res divina* dicuntur, quòd eas unius DEI benignitati, non cujusquam hominis munificentia acceptas referamus. Sacrae verò & *spirituales*, quòd hujusmodi oblationes DEO præcipuè consecrentur, & animæ spirituique nostro maximè existimentur conferre. Reliquæ autem possessiones, quas non à DEO, sed ab hominibus accepit Ecclesia, profanae omnique religione puræ habentur, ideoque *temporales* vulgò appellatae sunt. Nam quæ

quæ divina sunt ac spiritalia, eadem perpetua esse & nunquam interitura creduntur: cætera omnia caduca, fluxa & temporaria. Hinc ea videtur fluxisse appellatio. Sed ut ingenuè dicam quod sentio, divina & sacra aliquanto rectius & significantius appellari posse mihi videntur, quæ spiritalia vocant, ut incommodè sic efferatur divisio: Bonorum Ecclesiasticorum quædam divina sacraque sunt, alia humana ac prophana. Hujus ergo divisionis, quam juris pontificii consulti probant, fundamentum est lex Mosaica, de quo quid sentiendum sit, viderint alii. Certè si Thomæ aliorumque Theologorum opinionem sequamur, vereor ut consistere possit. *not. in ca. in aliquibus. de decimis.* Existimant enim illi decimas non idcirco deberi sacerdotibus, quod lege Mosaica id præcipiatur, cùm ea lege non adstringamur, nisi quatenus præceptum aliquod morale jurisque naturalis continet. *c. translato. de constitut.* Naturalis enim lex, quam, ut Paulus ait, gentes habent scriptam in cordibus suis, nunquam abrogatur. Itaque quamvis honestum piumque sit, ac juri naturæ consentaneum, quo bene merentes de nobis remunerari jubemur, ministros Ecclesiæ & pastores alere ac fovere: Determinatio tamen certæ quantitatis eo nomine præstandæ, puta octavæ vel decimæ partis bonorum &c. non tam juris naturalis est, quàm Mosaici,

id est, quod DEUS per Moſem Judæis tantum, non etiam aliis gentibus & populis ad tempus conſtituit. Quæ ſententia ſi vera eſt, equidem non video cur potius decimæ, quàm alii redditus Eccleſiæ, ſive divini ſive ſpirituales dici debeant. Verùm utcunque Theologi ſuam tñcantur ſententiam, inficiari nemo poterit, vetuſtiſſimam eſſe conſuetudinem de ſolvendis decimis in Eccleſia, quam ſanctiſſimi & doctiſſimi quique veterum maximè comprobarunt atque commendarunt. *can. revertumini. 16. q. 1.*

CAP. III.

Unde dicatur beneficium.

DE origine facultatum eccleſiaſticarum admirabilique earum incremento, & ut poſſeſſiones ac redditus, qui antè communes erant, diviſi ſint, & certis miniſteriis assignati, ſatis demonſtraſſe videmur ſuperiori cap. Cur autem *beneficium* appelleretur certa illa reddituum portio, quæ cuique miniſterio ob- tigit, videndum eſt. Nam plerique hanc vocem, ut barbaram omnino & ineptam re- fugiunt, & *sacerdotia* malunt, quàm benefi- cia hos redditus appellare. Verùm, niſi fal- lor, ſacerdotium pro munere ac dignitate magis, quàm pro redditu aut obventione ac- cipi videtur apud Latinos authores. Et
conſtat

constat hæc sacra stipendia non tantum sacerdotibus, sed alis etiam ministris concedi. Animadvertendum igitur est, moris fuisse veteribus prædia quædam ac possessiones militibus tribuere, ut hoc beneficio devincti animosiores ad Rempubl. tutandam redderentur. Id factum ab Alexandro Severo testis est Lampridius, quem & alii Imperatores ante Justinianum sequuti sunt, ut ex eorum constitutionibus apparet. *C. de fundis limitro.* Meminit & prædiorum hujusmodi militarium Constantinus quidam Imper. apud Harmenopulum *lib. i.* eaque *σεχωριαὶ κτήματα* & *σεχωριότητες τόπαις* vocat. Quibus perquam affinia sunt ea, quæ ob fidem & obsequium fruenda conceduntur, moribus non Longobardorum modò, à quibus hoc prædiorum fruendorum genus manasse ad nos videtur, sed etiam nostris, & omnium propè totius Europæ populorum ac gentium. Et hæc quidem prædia non ineptè *beneficia* à quibusdam appellata sunt: & *beneficarij* qui ea possident. Nam & *beneficiorum militum* mentio est apud Cæsarem in *Comment.* sensu haud omnino dissimili, & apud plerosque alios authores, quorum pura Latinaque est oratio. Hunc verò morem qui in rebus prophanis receptus erat, imitati sunt ecclesiastici viri, & prædia possessionesque ob ministerium Ecclesiæ singulis ministris adscriptas *Beneficia* vocaverunt

quæ utinam *veneficia* plerisque hodie non
 sint) quia post eam, de qua jam diximus, di-
 visionem hi redditus ecclesiastici magnam
 cum illis militaribus prophanisque beneficiis
 affinitatem habere credebantur, id quod alio
 in loco ostenturus sum. Itaque non tan-
 tum *de ministeriis*, sed etiam *de beneficiis ec-
 clesiasticis* hoc nostrum σύνταγμα inscribere
 volumus, ut veterem simul & novam lo-
 quendi consuetudinem in Ecclesia titulus in-
 dicaret. Nam ita hoc argumentum apud
 veteres tractatum offendimus, ut ministerii
 ferè mentio fiat, non proventus aut stipen-
 dii alicujus. At postquam honos non
 onus affectari cœpit, & quæstus est habita-
 ratio magis quàm muneris atque officii, unâ
 cum moribus hominum mutata est loquen-
 di ratio. Ut exempli gratia: solebant ita
 disputare antiquiores, ut quærent, *quis
 Ecclesie ministrum ordinare, & quis ordi-
 nari deberet.* Recentiorum verò quæ-
 stiones hæ sunt vulgò usitatæ, *quis benefi-
 cium conferre, cui conferri possit, &c.* Quod
 igitur primarium ac præcipuum meritò ha-
 bebatur quondam, id nunc accessionis
 cujusdam locum vix obtinet: quâ in re
 tanta est indignitas, ut eam dissimulare ne-
 mo bonus possit. Nam si Plinius suo tem-
 pore conquestus est ex gemmis confici vasa,
 in quibus aurum accessio esset, cum gemmæ
 vasis aureis accedere soleant, quanto justior
 hac

hac de re futura est bonorum virorum querela? Hoc autem idè hîc adjicere volui, ut ostenderem veteres canones de ministeriis loquentes, quanvis ætatem, ut ita dixerim, non ferant, & magna ex parte antiquati sint, tamen ad hanc disputationem de beneficiis plerumque trahi posse. Hinc natae sunt illæ theses: *Qui potest ordinare, potest beneficium conferre. Qui potest ordinari, potest beneficium capere; Et contra: Qui non potest ordinare, non potest beneficium conferre. Qui non potest ordinari, non potest beneficium capere.* gl. c. si eo tempore. de rescr. in 6. gl. c. de his. 28. dist. Ordinationem verò hîc latè accipimus, pro quacunque ad sacrum ministerium aliquod, aut munus ecclesiasticum promotione, ut ante explicatum fuit.

CAP. IV.

Quid sit beneficium, beneficij ecclesiastici dominium, ususfructusve cujus sit, Et an pensiones annuæ atq; hospitalia, beneficij appellatione contineantur.

Expli-

Explicatio verborum quâ jam usi sumus, sufficere posse videtur iis, qui simplicitatem amant in juris interpretatione: attamen ut iis quoque faciamus satis, qui hac simplicitate non contenti subtiliorem & accuratorem interpretationem requirunt, trademus *definitionem beneficii*, non perfectam quidem illam fortassis, & omnibus Dialecticæ legibus interservientem, sed quæ quantum rei natura patitur, ab earum legum præscripto non longè recedat. Sit igitur hæc definitio: *Beneficium est res Ecclesiastica, quæ sacerdoti vel clerico ob sacrum ministerium utenda in perpetuum concedatur.* Cujus definitionis singula verba ἀπὸ τῆς ἑξέως, ut dicitur, καὶ ἀπὸ τῆς ἐξέως hîc explicanda sunt. Ac imprimis dicitur *res*, quoniam non ministerium ipsum sive officium, sed commodum potius inde proveniens beneficium appellatur. Proinde is qui dignitate ecclesiastica ornatus est sine redditu ac proventu, cujusmodi sunt Archidiaconi quidam, quos *imaginarios & honorarios* vocare soleo, is beneficiarius dicendus non est. Dicitur *ecclesiastica*, quòd ea bona DEO & Ecclesiæ dicata consecrataque sint, ex quibus hujusmodi redditus constant. *c. res ecclesiæ. l. 9. 3.* Dicitur *Sacerdoti, &c.* quoniam si quid fruendum concedi soleat laicis hominibus ex bonis Ecclesiæ, quales sunt ii, de quibus diximus 19. cap. 1. lib. id beneficium propriè non dicitur.

cetur. Dicitur *ob sacrum ministerium*, quia sicut beneficia militaria ac prophana militibus ac prophanis hominibus ob fidem & obsequium dantur, ita hæc sacra beneficia, DEO consecratis ob sacram spiritalemque functionem conceduntur. Itaque hæc beneficia sacra spiritaliaque quodammodo esse dicuntur, quia tamen si proventus sacri non sint, sed prophani; tamen sacro ita cohærent muneribus, ut separationem non recipiant. *c. i. r. si quis obiecerit. i. q. 3. r. ad nostram. de simo. c. ult. de rescr. in 6.* Nec ulli conceduntur, qui ad munus illud obeundum idoneus non sit, puta sacerdoti aut clerico, ut jam dixi. Nam licet ostiarii, aut acoluthi munus, prophanum fortè quibusdam videri possit: quia sacræ ædis ostia claudere, & alia id genus exequi etiam laicus potest: idque nos quotidie fieri videmus & experimur, tamen considerandum est, quod suprà admonuimus, clericos eos dici, qui sacris initiati sunt, & ad sacram functionem delecti ac destinati, sed in levioribus muneribus institutionis cujusdam causa adhuc occupantur & exercentur, nec eis assignantur potissimum redditus ecclesiastici, ut ostia claudant, sed ut interim alantur ac instituantur, & sacerdotum episcoporumque perpetuum extet seminarium. Proinde annonæ sive præbendæ ecclesiasticæ laicis hominibus, & in canonicorum collegium minimè cooptatis solitæ concedi obnola-

nolarum ænearum pulsationem, aut aliud huic simile ministerium, beneficia ecclesiastica propriè non dicuntur, sed abusivè, & latissima significatione. *not. in cap. cum M. de constit. & in c. dilecto. de preb.* *Spiritualia* autem officia quæ sint, facilè ex his, quæ diximus in superiore lib. perspicui potest, veluti doctrina Evangelii, administratio sacramentorum, ordinatio ministrorum Ecclesiæ, excommunicatio, absolutio, dedicatio ecclesiarum, & alia id genus, quæ episcoporum, presbyterorum, & diaconorum propria sunt. *Sel. 1. part. quæst. 7.* Et quoties dubitatur an reditus, de quibus hîc loquimur, ad spiritale sacrumque ministerium constituti destinatique sint, nec ne: quia facti quæstio est magis, quàm juris, vulgò traditum est ad signa, notas & conjecturas recurrendum esse. Itaque si basilica, sive ædes sacra, altare, tintinabula, cœmeterium, & alia id genus, in eo de quo quæritur loco, reperiantur, sacrum ac spiritale beneficium esse judicabimus, nisi contrarium appareat. Dicitur *utenda*: quia dominium & proprietas clericorum non est, sed quàm diu vivunt, & munere suo funguntur, fructibus perceptis ad alendum se familiamque suam, utuntur. Quòd si præter victum vestitumque necessarium aliquid supersit, id alienare tanquam domini non possunt, sed egentibus erogare debent, extratque hac de re consti-

tutio cujusdam Synodi, quam vir quidam eruditus *diram* vocat. *c. episcopus. 10. q. 2.* Cui alia similis reperitur concilii Antiocheni, & *c. episcopus. c. ult. 12. q. 1.* Contendit enim eos usum fructum beneficiorum suorum habere, & fructus tanquam stipendium aliquod mercedemque sui laboris capere. Quod nec ratione, nec æquitate caret. Sed puto majores nostros satis animadvertisse, nihil Ecclesiæ exitius pestilentiusque esse, quàm ministrorum ejus nimiam opulentiam, id quod eventus, qui non modò *stultorum magister* est, ut ait Livius, sed etiam prudentissimi nonnunquam & perspicacissimi cujusque, satis docuit: ut meritò illud è Satyra nunc dici posse videatur: *Nullum crimen abest facinusq; libidinis, ex quo paupertas Romana perit.* Res enim ipsa loquitur: immensam principum quorundam munificentiam, utcumque pius esset eorum affectus, tantum virus in Ecclesiam sparsisse, ut ex *pixide* illa *Pandora* à poëtis decantata, non plus malorum inter homines, & calamitatum exiisse videatur. Initio ægrè admodum hoc datum est Ecclesiæ, ut prædia possessionesque sibi relictas aut donatas retineret. Et satis constat ex epistola Hieronymi *ad Nepot.* legibus Christianorum principum aliquando prohibitum fuisse clericis, ne hæreditates caperent. Nam ut in omni genere mediocritas illa, quam optimus poëta

auream vocat, meritò commendatur, ita
 modus facultatum summopere hîc necessa-
 riusest. Bonifacius martyr aliquandò in-
 terrogatus, an liceret ligneis calicibus in sa-
 cris uti, ita respondisse fertur. *Olim aurei
 sacerdotes ligneis vasis, nunc lignei aureis
 utuntur.* Haud dubiè sentiens immodicis
 opibus facîle sacerdotes & gubernatores ec-
 clesiarum corrumpi. *can. vasa. de consecr.
 dist. 1.* Quæ ratio impulit veteres illos, ut
 clericis præter victum necessarium nihil per-
 mitterent ex facultatibus ecclesiasticis sume-
 re, nec puto quicquam salubrius potuisse
 constitui ad cohibendam eorum cupidita-
 tem & *πλεονεξίαν*, non quòd hæc ad vivum,
 ut dicitur, resecanda & summo jure cum eis
 agendum existimem, quod nec canones exi-
 gunt, opinor: sed quia verissimum est illud
 Satyrici poëtæ: *nemo satis credit tantum de-
 linquere, quantum permittes, adeo indulgent si-
 bi latius ipsi.* Legimus in histo. Tripar. lib. 11.
 c. 10. Episcopum quendam Constantino-
 politanum nomine Chrysanthum, nihil ex
 redditibus ecclesiasticis capere solitum fuisse,
 nisi dominico die panes duos: nec desunt
 alia hujusmodi exempla in scriptoribus ec-
 clesiasticis: ex quibus apparer quænam fue-
 rit veterum de bonis ecclesiasticis eorumque
 usu & administratione sententia. Nec ve-
 rò dissimile fuit quorundam politicorum
 hominum in Repub. judicium, idque satis
 ostendit.

ostendit Anaxander qui interrogatus, cur Spartani pecunias in ætarium publicum non colligerent: Ne, inquit, earum custodes corrumpantur. Itaque beneficiarios *usuariis* magis quam usufructuariis comparandos esse non uno in loco Panorm. docet. *in c. ult. de pec. cler. & in repet. c. cum esses. de testa. c. illud. 16. q. 6.* Nec ullum arbitror canonem esse, cui repugnet hæc sententia, quamvis ea moribus nostris recepta non sit. *glos. pragm. tit. de anna. in verbo, acquisitos.* Dicitur *in perpetuum*, quia cum ad tempus minister Ecclesiæ ordinari non possit, necesse est beneficium ipsum, quod ministerio conjunctum est, perpetuum esse. *c. 1. de capel. mon. in 6.* Nam & de beneficiis militaribus ac prophanis idem constitutum est, quibus hæc perquam vicina similiaque esse jam admonuimus. *titul. in quibus cau. feud. amit. §. ultim. in usib. feudo.* Excipitur tamen Romanus Pontifex, qui velut legibus canonicisque solutus beneficia ad tempus conferre posse dicitur. *not. in can. veniens. de fil. presbye. c. si gratiose. de rescr. in 6.* Inde consequitur præfecturas illas monasteriorum, quas vulgò *Prioratus claustrales* vocant; beneficiis non annumerari, quia perpetuæ non sunt, sed precariæ tantum, ac temporariæ administrationes. *Hosien. in c. de multa. de preb. Sal. quest. 21. part. 3.* Hactenus de diffinitione beneficii: cujus ut magis elucescat usus, tra-

Etandæ hîc sunt duæ vulgares quæstiones :
 quarum una est de *Annuis* sive pensionibus :
 altera de *hospitalibus ædibus*, an scilicet ap-
 pellatione beneficii contineantur. Nam
 contingit aliquando, ut ex redditibus bene-
 ficii certa portio quotannis alicui pendatur
 authoritate Romani pontificis, vel alterius
 episcopi ob certas causas, de quibus alibi
 differemus. *c. nisi essent. de præb.* Sed hujus-
 modi pensio, quæ *Annuum* genere neutro
 propriè ac Latine dici posse nobis videtur,
 beneficium non est. *cap. quamvis. de præb.*
in 6. not. in cap. ad audientiam. 2. de rescript.
 Cum enim ob nullum in Ecclesia sacrum mi-
 nisterium constituatur, & non tantum cleri-
 co, sed etiam laico competere possit, satis
 perspicuum est definitioni quam tradidimus,
 non convenire. *c. possessiones. 16. q. 1. not. in ca.*
præterea. 1. & 2. de transact. glo. pragm. tit. de-
collatio. §. item quod universitates. in verbo, be-
neficiorum. Sed de his infra plenius. Quod
 ad secundam quæstionem attinet, sciendum
 est, studium ingens Christianorum in omnes
 egenos, debiles, senes, peregrinos ac pûpil-
 los semper extitisse, adeò ut omnes passim
 Ecclesiæ nosocomia sua, xenodochia, bre-
 photrophia, orphanotrophia, gerontocom-
 mia, ptotchotrophia haberent : quorum
 mentio est apud Justinia. *tit. de episc. & cler.*
Theodor. lib. 5. Eccles. histor. c. 18. Sozom. lib. 6.
Tripar. cap. 29. Ea omnia nos hodie *hospi-*
alia

italia vocare solemus, quæ vox apud veteres Latinos in usu fuit, pro ea parte domus, quam opulentiores hospitibus advenientibus instruebant, eâq; utitur noster Ulpia. *l. si verò. de his qui deiec. vel effude. Vuru. lib. 6.* Sed quæritur, an huiusmodi hospitalia in numerum beneficiorum referenda sint? & constat ex definitione beneficii, si ab homine privato propria authoritate instituta sint, beneficia non esse: quia res ecclesiasticæ non sunt. Quod si in ea institutione episcopi auctoritas intervenit, ne hoc quidem casu beneficium dici meretur. *clém. 2. de præb.* quia eorum reddituum procuratio & administratio non clericis, sed quibuscunque viris probis & idoneis mandari solet, qui administrationis suæ rationem exemplo tutorum & curatorum reddere coguntur. Et hæc ita accipienda sunt, nisi ex ipsa institutione, aut, ut loquimur, *fundatione*, contrarium appareat. Quod in synodo Viennensi Clemens V. constituit. *clém. quia contingit. de religio. domib. l. orphanotrophos. C. de episc. & clér. Fel. in c. de quarta. de præser. & ca. in nostra. de rescrip.* Nam contingere potest ut beneficium sacerdoti attributum sit, ita ut præter sacerdotalem functionem, onus quoque pauperes alendi subeat. Certè apud Nicephorum in Ecclesiastica historia Euphemii cuiusdam mentio reperitur, qui simul & prochotrophus & presbyter fuit.

CAP. V.

Beneficiorum divisio & qualitas.

EXplicata diffinitione, aliquot divisiones beneficiorum docendæ sunt, ad nostri temporis mores accommodatæ: quarum in forensibus controversiis hodiè magnus est usus. Ac summa quidem divisio hæc est: Quædam beneficia titulum habent *dignitatis*, ut episcopatus, archidiaconatus, &c. Quædam habent curam animarum *sine dignitate*, ut parœcia. Alia neque dignitatis titulum habent, neque curam animarum, sed *simplicia nudaq;* beneficia sunt. Inter hæc tamen aliqua differentia reperitur. Nam quædam aliquid eminentiæ, ornamenti & decoris habent, ut canonicorum præbendæ. Quædam infima sunt atque humilia, de quibus omnibus sigillatim hîc differemus.

CAP. VI.

Quæ sint dignitates ecclesiasticæ, & quot modis accipiantur.

IN rebus publicis honores distinguuntur à muneribus. *tit. de muner. & honor.* Et diffini-

diffinitur *honor*, administratio Reipubl. cum dignitatis gradu. *Munus* verò, administratio Reipubl. sine titulo dignitatis. *l. honor. de muner. & honor.* An autem administratio dignitatem habeat necne, ex consuetudine & hominum existimatione judicari solet. *leg. ult. de muner. & honor.* Similiter in rebus ecclesiasticis quædam administrationes titulum dignitatis habent, & *Dignitates* à pontificibus appellantur. *tit. de præb. & dign.* idque ferè accedit quod administratio cum jurisdictione aliqua & potestate conjuncta est. *glo. in c. 1. de consuet. in 6. Panor. & alij in c. de multa. de præb.* Sed hæc exemplis illustriora fient. Episcopus summam in Ecclesia dignitatem habet, & quamvis alius alii præponatur, veluti archiepiscopus episcopo, archiepiscopo patriarcha, & his omnibus Pontifex sive episcopus urbis Romæ: idem nihilominus ordo horum omnium esse dicitur. Unde omnes episcopi, *fratres à Pont. Rom.* vocari solent. *c. quàm gravi. de crimin. fal.* Archimandritæ sive cœnobiarchæ, qui & *Abbat*es dicuntur, proximum episcopis locum hodie obtinent, quamvis olim, ut supra diximus, omnibus clericis postponerentur. *c. si quis deinceps. 16. q. 7. c. 1. de eta. & qualit. c. 2. de jud. ubi not.* Archidiaconi quoque, Archipresbyteri, primicerii dignitatem habent in Ecclesia eorumque munus ante à nobis descriptum explanatumque est,

de quibus speciales extant tit. *lib. 1. Decret.* Decani, non quorum meminît Justinianus, sed qui vulgò sic appellantur, hoc tempore, item præcentores, præpositi & cæteri similes, de quorum officio perscriptum nihil est in pontificio jure, dignitate præditi sunt, si consuetudo ecclesiarum, quæ maximè hîc spectatur, in numerum dignitatum officia hujusmodi referat. Id quod nominatim *de Decano* scriptum reliquit Bernardus *in c. ex parte. de cleric. non resid.* Sed notandum est, hæc ministeria, de quibus postremò locuti sumus, propriè & usitatè *dignitates* appellari in pontificio jure. Itaque specialius hîc accipitur dignitas, quàm suprà diximus, ut videlicet episcopatum non comprehendat. *c. dilectus. de concess. præb.* Quæri solet an præfectus monastici conventus, qui *Prior conventualis* dicitur, aut sodalium mendicantium sive præfectus, sive *custos* & observator, dignitatem habeat. Et réceptum est eos habere, quoniam appellatione prælatorum continentur, & jurisdictionem aliquam habent. *no. in c. edoceri. de rescrip. clem. 1. eo. tit. glo. in clem. dudum. de sepult. Fel. in c. insuper. de testib.* Idem traditum est de *vicario generali episcopi*, non de eo, qui extra civitatem in aliqua diœcesis regione constituitur, quem *foraneum* vocant. *not. in clem. etsi principalis. de rescrip.* His exceptis nullus clericus in Ecclesia dignitatem habere dicitur, nisi

nisi generaliter hoc verbum accipias. Nam adeo latè patet aliquando hujus verbì significatio, ut omnes clerici dignitatem habere dicantur. *c. deniq. 4. distin. can. reperiuntur. 1. q. 1. c. si quis post. 51. distin.* Atque hinc colligi potest, triplicem hujus vocis significationem esse. Nam imprimis generaliter omnem gradum Ecclesiasticum significat.

II. Omnem administrationem, cum qua conjuncta est jurisdictio.

III. Archidiaconatum, & alia hujusmodi officia, de quibus jam diximus. Hinc existit quæstio, cum sit tam varia hujus vocabuli significatio, quo sensu accipi debeat. Sed ex locis communibus de interpretatione definiri potest, ac imprimis subjecta materia, & mens disponentis spectari debet. Itaque in materia odiosa, quæ interpretatione adjuvari non debet, sed potius restringi, appellatione dignitatis non continentur episcopatus, veluti si de gratia legis, sive canonis facienda agatur. *Panorm. in c. cum Vinton. de elect. Sal. in 1. par. quæst. 3.*

CAP. VII.

De

Curatione animorum.

Ordo postulat ut de beneficiis, quæ propter curam animorum dantur absque

ullo dignitatis titulo, aliquid dicamus. Hæc autem beneficia habere dicuntur presbyteris quibus Ecclesia aliqua parochialis curanda regendaque committitur. Nam ea diœceseos pars, ejus curationem habent singuli presbyteri sub episcopo, *parochia*, aut fortasse rectius *parœcia* appellatur. *c. omnes basilicae. c. nullus. 16. q. 7.* Budæus noster jam dudum admonuit hæc aliter Latinè exprimi posse, ut *curia* dicatur, quam nos parochiam vocamus. *Curiales* verò parochiani ipsi, & *Curio* presbyter, qui parochianorum curationem ac gubernationem habet. Non me latet parochiam usurpari pro tota diœcesi episcopi, quæ multas complectitur ecclesias. *c. bonæ rei. 12. q. 2. c. apostolica. de donat.* Sed hîc aliter accipitur. Cura autem presbyteri, sive Curionis in ligatione animarum, ut scriptura loquitur, & earum absolutione præcipuè versatur. Sicut enim noxios à sacra communione arcet, ita veniam poscentes absolvit, ut suprà docuimus. Itaque jurisdictionem quandam spiritalem exercet, quæ pœnitentialis fori potestas vulgò dicitur. Sunt & alii qui disciplinam & contentiosam exercent jurisdictionem, & causas forenses judicant, quæ judicia ad Ecclesiam aliquando pertinere suprà admonuimus. Et quia spiritualis est ea jurisdictio, eam exercens dicitur etiam curam animarum habere, quamvis fortè nulli curiæ seu parœciæ præfectus

fectus sit. *Innoc. in c. cum satis. de offic. archid. ca. dudum. 2. de elect. ext. c. execrabilis ad finem, de preb.*

CAP. IIX.

Simplicia beneficia quæ sint, & præbendarum vocabulo quid significetur.

INter beneficia simplicia, quæ nec titulum dignitatis habent, nec curam animorum, primum gradum tenent *canonicorum præbende*. Nam ea majoris cujusdam dignationis splendorisque existimantur, quam cætera, propter jus suffragii quod habent in collegio honoratissimo, adeò ut separatim de his tractare commodius videatur *Pandr. in c. ult. de preb.* *Præbenda* autem vulgò dicitur annona quædam sodalibus sive canonicis alicujus Ecclesiæ in compensationem ministerii sui præstari solita, *c. si monachus. 16. q. 1.* Uti-
turque hoc verbo *Cassiod. lib. 5. variarum, in epistola ad Ampelium quendam scripta.* *Præbenda* aliquando rectius & Latinius *πρωτοκλήτωρ* quis vocaverit, exemplo veterum linguæ Latinæ scriptorum, à quibus eam vocem usurpatam esse animadvertimus. *l. in vi. de test. Gell. lib. 5. ca. 4.* Sed & *canon ea*
1 5 quo-

quoque præstatio dici poterit, ut antè diximus. Hujusmodi autem annonæ sive præbenda, ideò sacra spiritaliaque existimantur. *c. dilecto. de præb.* quòd sodalibus tantùm sive canonicis Ecclesiæ dicata sint, quos sacris initiatos esse necesse est: quorumque sacra spiritalisque functio habetur, quamvis animarum curationem, quam olim habebant, nunc deferuerint. *c. 2. de instit.* Nihil tamen prohibet ex redditibus Ecclesiæ communibus partem aliquam, quæ canonicis adscripta non sit, laicis hominibus, ut laboris industriæque suæ mercedem largiri, ut puta ædituis, aut iis quibus campanæ tinnitus cura mandatur. Quod genus erogationis per me licet, ut *præbenda* sive *præbendam* quisque voluerit appellet, sed quia nihil sacri spiritalisque habet, multum differt ab ea, de qua hîc differitur, quam muneri sacro spiritalique dicatam esse dicimus. *not. in c. cum M. de constit.* Et quia canonicorum corpus & sodalitium ex variis Ecclesiæ ministris conflatum est, quorum aliqui sacerdotes sunt, alii inferiorum ordinum clerici: item alii doctores Theologiæ, alii magistri & professores literarum, magna hinc præbendarum diversitas nata est. Nam quædam *sacerdotales* dicuntur, quarum nemo capax est, nisi sacerdos: aliæ inferiorum ordinum clericis conferri possunt, & hæc varietas in quibusdam ecclesiis observatur. *c. cui de non sacerdotali.*

c. ei cui. de prob. in 6. Præterea quædam *Theologales* sunt appellatæ, quæ Theologiæ doctoribus tantum in cathedralibus ecclesiis assignantur. Sunt & *magistrales* dictæ, quæ literarum magistris & præceptoribus attribuantur. *c. quia nonnullis. de mag. & in prag. sanct.* Sed hæc omnia accuratius infra disputabuntur. Ex jam dictis facile apparet, quænam sint reliqua beneficia, quæ *simplicia* appellantur. Nam ideò simplicia dicuntur, quia beneficia tantum sunt, nec eis ulla qualitas inest, exiis quas suprà commemoravimus. Quoties igitur beneficium tale est, ut beneficiarius curam alterius non habeat, sed aliter divinæ rei incumbendo, munere suo defungatur, *simplex beneficium* vocari solet. Exempla passim obvia sunt.

CAP. IX.

*Beneficiorum divisio in
regularia & secularia.*

SECUNDA divisio beneficiorum hæc est, cuius explicatio ex iis quæ superiore libro disseruimus de monachis, omnino pender. Beneficiorum quædam *Regularia* dicuntur: alia verò *Secularia*. *Regularia* sunt, quæ monachis & regularibus tantum acquiri possunt. *Secularia* quæ clericis etiam sæcularibus, id est, monastico voto regulaque non ob-

obstrictis. Cujusmodi censenda sunt omnia beneficia, nisi contrarium ostendatur. Nam si constet ita institutam fuisse ecclesiam, ut à monachis sive regularibus gubernetur, Regulare beneficium dicendum erit. *glos. pragm. tit. de collat. §. item quod ad dictas.* Verùm spatio temporis, nempe 40. annorum, status beneficii potest mutari, ut ex regulari sæculare, aut contrà ex sæculari regulare fiat. *c. cum de beneficio. de preb. in 6. clem. 1. de supplen. neglig. prelat.*

LIBER TERTIVS

De

HIS QVI POSSVNT BENEFICIA CONFERRE.

ARGVMENTVM.

POST diffinitiones divisionesque beneficiorum ecclesiasticorum, proximus locus est de iis qui beneficia conferre ac distribuere possunt. Et quia frequenter de ea re incidunt controversie, propterea quod varij non solum sacerdotes, pontifices, episcopi, antistites, sed alij etiam prophani homines hoc jus ut fructuosum valde, ne quaestuosum dicam, certatim sibi vendicent, hic locus separatim hic tractandus fuit.

CAP. I.

*Quorum beneficiorum
distributionem ha-
beat Romanus Pon-
tif. & quemadmo-
dum is ordinari eli-
gique debeat.*

DE his qui beneficia conferre possunt tra-
ctaturi à *Pontifice Romano* incipiemus,
qui primus episcoporum, primamque se-
dem occupare dicitur. Et hujus quidem
disputationis nostræ duæ sunt præcipuæ
quæstiones. Una de *potestate* Romani
episcopi in beneficia & ministeria Ecclesiæ.
Altera de *promotione* ipsius atque *ordina-
tione*. Quod ad primum attinet, sciendum
est eum priscis temporibus nullum jus nul-
lamque potestatem ordinandorum sacerdo-
tum aut clericorum extra propriam diœcesin
sibi vindicasse. Nam veteribus canonibus
episcopus à metropolitano & aliis qui sunt in
provincia episcopis, jubetur ordinari ele-
ctione cleri, ac plebis consensu hanc ordina-
tionem antecedente. 62. 63. 64. 66. *distin.*
Cæteri verò clerici ab episcopo suo ordinan-
tur, non à Romano episcopo, sed cum assen-
su

su plebis & civium, ut de episcopo jam dictum est. 67. *distin.* Cùm ergò pontifex Romanus secundum antiquos canones in alienis ecclesiis neminem ordinare, id est, ad ministerium Ecclesiæ promoveri possit, satis perspicuum est ex his, quæ secundi libri cap. 3. diximus, ecclesiastica beneficia totius orbis ab eo conferri non posse. Nec verò dubium est, quin vetustiores sanctioresque urbis Romæ episcopi sede Ecclesiæque propria contenti, reliquis episcopis ecclesiarum ipsis commissarum liberam administrationem reliquerint, quasi urbis unius magis quàm orbis episcopi, ut antè annotavimus. Quæ ratio fortè episcopum nescio quem movit, cujus meminit *Æmilius lib. 9. de reb. gest. Francorum*, ut paulò liberius Gregorio undecimo pontifici Romano responderet. Cùm enim Gregorius tum Avenione sedens, ab eo sciscitaretur, cur sedem suam non invideret: *Si quis, inquit, te roget, cur urbem tuam Romam tamdiu ab episcopis suis desertam non adeas, multò minus habeas quod responsurus sis quàm ego.* Posteriores verò pontifices sese intra hos fines non continuerunt, sed velut domini regesque omnia pro potestate agere, universalis Ecclesiæ gubernationem sibi arrogare non dubitarunt. Itaque dicitur Pontifex Romanus, plenam, liberam, nullisque legum vinculis adstrictam dispositionem omnium beneficiorum habere, & cum omni-

bus episcopis, quoties ei libuerit concurrere, eosque omnes prævenire vacuum beneficium conferendo, & antevertere posse, idque constitutionibus aliquot expressum est. *can. cuncta per mundum. 11. quest. 3. ca. proposuit. de concess. praben. ad c. honorem. de aucth. & usu. pal. c. 2. ca. dudum. de preb. in 6. clem. 1. ut lice pend. gloss. pragmat. tit. de electio. in verbo, reservationes.* Quæ quidem ipsæ satis tolerabiles essent, si nihil gravius inde consecutum fuisset. Non enim facilis erat Romanis pontificibus in tot provinciis, quot habet Christianus orbis longissimè ab urbe Roma distantes, ea præventio & occupatio. Ideoque non multum incommodi seu publicè, seu privatim, poterat afferre. Verùm hac via patefacta, mox ratio excogitata est aliquanto certior & expeditior, qua cæteris episcopis conferendorum beneficiorum facultatem adimerent. Invaluit enim mos, antiquis omnino incognitus, diplomatum expediendorum, quibus beneficia nondum vacantia mandantur certis personis conferri, cum ea vacare contingerit. *Gratiæ expectativæ* vulgò dicuntur, & *mandata de providendo*, de quibus infra. Hæc de priorè quæstione. Nunc de Romani episcopi *ordinatione* tractandum est, quæ quidem olim à cæterorum episcoporum electione non multum differebat. Vicini etenim episcopi, qui *Cardinales* dicebantur, clericis cardinalibus Romanæ Eccle-

Ecclesiæ convocatis, de ordinatione cum eis tractabant ac deliberabant. Deinde requisito non solum reliqui cleri, sed etiam populi consensu, Pontifex ab ipsis ordinabatur, & consecratur, ut sexta Synodus statuit, *can. in nomine domini. 23. distinct.* Quod si diversa fortè essent suffragia, vincebat sententia plurimorum. *can. si transitus. 79. distin.* Eligebatur verò presbyter, aut diaconus Ecclesiæ Romanæ, qui per omnes gradus inferiores ascenderat. *c. nullus. 79. distin.* Aliarum ecclesiarum episcopi etiam Cardinales ideò non eligebantur, opinor, quia veritum erat canonibus ne episcopus unius Ecclesiæ ad aliam transfiret. Quoniam autem multitudinis consensus videbatur necessarius, par erat & Principis voluntatem non negligi: & eò magis quod ad compescendam furentis plerumque populi temeritatem, ejus auctoritas ac majestas plurimum valeret. Itaque sine Imperatoris Romani consensu & auctoritate non solebat antiquitus Romæ pontifex ordinari. *ca. Agatho. ca. vota. ca. quia sancta. 63. distin.* Eademque ferè potestate singuli reges in ecclesias regni sui utebantur. *c. cum longè. 63. dist.* Sed non ideò jus eligendi clero ademptum erat. Verùm postea Carolo Magno & Othoni imperatoribus, ultrò jus eligendi pontificis Romani omnino concessum ac permissum est. *c. Adrianus. §. in Synodo. 63. distin.* Quod cum videre-

tur cleri populiue Romani libertatem infringere, tandem instantibus Romanis pontificibus, se se non amplius eo jure usus confirmarunt atque jurarunt. *ca. ego Ludovicus. cum ca. seq. 63. distin.* Forma autem jurisjurandi, quæ apud Gratianum hodie legitur, auctoritatem & consensum imperatoris, qui antè adhibebatur, ipsi fortassis non aufert, sed plenam illam potestatem arbitrio suo eligendi, quæ Carolo concessa fuerat. Qua tamen in re amplius deliberandum est. *can. cum Adrianus. 63. dist.* Hæc ferè ex Gratiano decerpimus, quibus posteriores aliquot constitutiones Romanorum pontificum addendæ sunt. Una est Alexandri tertii: in qua id præcipuum reperitur, quod electionem à duabus partibus Cardinalium fieri necesse est, cum antea majoris partis sententia sufficeret. *cap. licet. de electio.* Altera est Gregorii X. in concilio Lugdunensi, quæ formam electionis præscribit: & disertè ea cautum est, Cardinales absentes decem dierum spatio tantummodo expectandos esse. *cap. ubi periculum. de electio. in 6.* Tercia est Clementis quinti in concilio Viennensi edita quæ pauca Gregorianæ addidit constitutioni, non multum digna quæ hîc referantur. *clem. ne Romani. de electio.*

CAP. II.

An concilium æcumenicum beneficia conferat, & an ei subsit Romanus pontifex.

TRactatur quæstio, an synodus æcumenica, siue ut loquimur, concilium universale Ecclesiæ, beneficia possit conferre. Quæstionem facit, quòd pontifex Romanus, cui hoc jus competit, subesse dicitur concilio, & eo inferior esse. Quod an verum sit, ante omnia discutiendum est. Et videtur hoc imprimis juri divino consentaneum esse, ut Ecclesiæ, quam repræsentat synodus, potestatem omnimodam habeat, utque pontifex se ei subiectum agnoscat. Non enim uni Petro, cujus dicitur successor Pontifex Romanus, data est à Christo potestas ligandi & solvendi, sed toti Ecclesiæ. *Math. 18. cano. quodcunq;* 24. *quæst. 1.* Quamquam inficias non eo cæteris apostolis eum præpositum fuisse. Hinc, temporibus apostolorum quoties ordinandus fuit aliquis, siue episcopus, siue diaconus: vel aliquid discernendum quod ad Ecclesiam pertinet, nunquam id sibi sumpsit Petrus, sed toti Ecclesiæ

clésiæ permisit. Illud fuit in eo præcipuum, quòd cæteros convocare tanquam princeps apostolorum, & de his quæ agenda forent, apud eos orationem habere solitus fuit.

Act. cap. 1. 6. 15. Sicut hodie apud nos curiæ parliamentalis præses Senatum cogit, primus in senatu, cum opus est, verba facit, multaque alia exequitur, quæ præstantiam quandam personæ quam gerit, facile ostendant. Non ideò tamen major aut superior tota curiâ est, nec potestatem in universos Senatores, aut contra eorum judicia quicquam decernendi habet: quinimò ipsius curiæ, cujus caput esse præses dicitur, de controversiis omnibus iudicium est, non præsidis. Adde quòd curia in ipsum, si res exigat, ut in quemvis alium jus dicit, & animadvertit. Et hæc quidem olim ita se habuerunt. Verùm nescio quomodo tandem factum est, ut summum in omnes Christianos imperium uni sit tributum, utque legibus omnibus, canonibusque synodalibus imperatorum exemplo solutus sit. Nam Paschalis decretali epistola cautum expressumque est, nulla concilia Romanæ Ecclesiæ legem præfigere posse. *can. significasti. de electio.* & in decretis quibusdam synodalibus Romani pontificis excepta reperitur autoritas. *can. ideo. 25. quest. 1.* Quæ varietas diu magnam in Ecclesia perturbationem dissensionemque peperit. *Panormit. in prima suarum questio-*

num, & in tractatu de concilio Basil. Sed Constantiensis Synodus hanc dirimere voluit controversiam, statuitque in iis, quæ ad fidem religionemque pertinent, aut Ecclesiæ tam in capite quàm in membris constitutionem & reformationem, concilio pontificem subesse, eique obtemperare oportere. Id quod veteribus quibusdam canonibus factis convenit, *can. Anastasius. 19. distin. can. si papa. 40. distin.* & synodo Basiliensi postea confirmatum est. *tit. de potest. sacr. concil. in pragm.* Ut igitur ad propositam quæstionem redeamus, nec jus quo nunc utimur, nec mores qui ut Plautus ait, optimas leges perducunt aliquando in potestatem suam, videntur permittere, ut synodus universalis beneficiorum conferendorum potestatem sibi vindicet, cum episcopatus distincti sint, & certis personis hæc potestas attributa. Nec veterum exemplo carere videtur usquequaque hæc sententia, cum Theodoritus scribat, *libro 5. c. 9.* Nectarium in concilio generali episcopum Constantinopol. ordinatum fuisse, sed non sine clericorum omnium civiumque approbatione. Ac tamen si non invitus fateor, autoritate Romani pontificis synodum convocari, *can. multis. 17. distin.* quod ex Eusebio, Socrate, Theodorito cæterisque scriptoribus ecclesiasticis discere licet, id tamen parum ad rem pertinere existimo, multumque ab iis dissen-

tio,

tio, qui in eo firmamentum suæ opinionis constituunt. Non enim hîc quærimus an pontificis totiusque synodi consensu facta collatio valeat nec ne, quod indubitatum est. sed an quod Synodus de ea re decreverit, vel major pars synodi etiam dissentiente pontifice ratum sit.

CAP. III.

De

Legato Romano pontificis.

Quamvis Romanus pontifex, ut jam diximus, concurrat cum omnibus ordinariis in beneficiorum collatione, legatus tamen ipsius in provincia sibi commissa eodem jure non utitur, nisi sit Cardinalis. Nam si pontifex ex collegio cardinalium aliquem sibi legaverit, qui vulgò *legatus à latere* dicitur, hoc præventionis sive occupationis jus ei competit. *capit. 1. de offic. leg. in 6.* Potest & beneficia nondum vacantia reservare certæ personæ, ita ut secuta deinde vacatione ordinarius ea conferre non possit. *cap. præsent. de offic. leg. in 6.* Ad beneficia tamen vacatura jus concedere ei non licet. *cap. dilectus. de præben.* Nam mandata quibus hoc jus tribuitur, odiosiora sunt reservationibus, & majorem captandæ mortis alienæ occasio-

nem præbent. Reservatio enim non impedit, quo minus vacans postea beneficium, ab eo qui reservavit, cuius pro ipsius arbitrio conferatur, *gloss. in cap. 1. de offic. leg. in 6.* Sed notandum est beneficia quædam esse, in quæ legatus; quamvis Cardinalis sit, nullum jus habet: cujusmodi sunt ampliora beneficia ac dignitates, de quibus in quadam constitutione loquitur Bonifacius *cap. de liberatione. de offic. leg. in 6.* Item beneficia ad patroni laici præsentationem spectantia. *ca. cum dilectus. de iure patron.* Nam patroni clerici alia causa est, *cap. dilectus. de offic. legati. in antiquis.* Ut suo loco demonstrabimus.

CAP. IV.

De

*Episcopis ceterisque, qui
ordinarij collatores
dicuntur.*

Beneficiorum collatio non nisi extra ordinem Romano pontifici competit, ut jam diximus. nunc videndum de iis, qui ordinario quodam jure beneficia conferre possunt. Qua in re sic distinguendum videtur. Quoties vacat episcopalis sedes, collegium ejus Ecclesiæ futurum episcopum eligit. *cap. 1. de elect.* quam electionem confirmat Metro-

poli-

politanus. *cap. cum dilectus. de electio.* Idem observatur in Metropolitani ipsius electione, quem ab universis collegis electum confirmat Patriarcha, sicut & Patriarcham ipsum confirmat pontifex Romanus. *authent. de privileg.* Non dissimilis est causa abbatis. Is enim à monachis eligi, *can. ult. 16. quest. 7. can. abbatem. 18. quest. 2.* & ab episcopo confirmari solet. *can. 2. 18. quest. 2.* Præbendas autem Ecclesiæ cathedralis, ac dignitates ejusdem receptius est ab episcopo conferri, sed totius collegii ecclesiastici consensu accedente, nisi consuetudo contraria ostendatur. *capite, ea noscitur. de his quæ sunt à pralat. notat. in capite, cum Ecclesia Vulterana. de electio.* In ecclesiis verò inferioribus, quæ collegii nomine & titulo insignitæ sunt, *presentatio* quidem ad prælatum collegiumque ipsius ecclesiæ pertinet, sed episcopi tanquam superioris est *institutio.* *can. nullus. 16. quest. 7. notat. in dict. cap. cum ecclesia.* Cætera beneficia quæ nomine collegii non censentur, confert episcopus, sed in hac collatione, cleri collegiiq; consensus sive consilium requiritur. *c. novu. cap. quanto. de his quæ sunt à pralat.* Et notandum est simulatque quis electus est & confirmatus, *ius beneficiorum conferendorum* ei competere, licet nondum consecratus sit. *cap. nosti. cap. transmissam. cap. qualiter. de elect. cap. avaritia. cõ. tit. in 6.* Quod adeò verum est, ut ne *inductio*

quidem illa in possessionem sit necessaria, nisi beneficium ab alio prius occupatum sit. *ca. eum qui. de preben. in 6.* Sed & *sine confirmatione ulla* interdum hoc jure uti potest: veluti si episcopus aliquis cis Alpes electus sit, cujus confirmatio à Romano pontifice pendeat. Nam interim ei deneganda non est administratio, si totius collegii suffragia meruerit. *ca. nihil. de electio.* Item *Antistimonialium* post electionem statim administrare incipit. *cap. indemnitatibus. §. si. verò. de electionib. in 6.* De *fiduciariis antistitibus*, id est, quibus velut fiducia contracta, commendantur Ecclesiæ moribus nostris. *libro 5. dicemus.*

CAP. V.

De

*Curatore dato episcopo,
quem vulgò coadju-
torem appellamus.*

Cum episcopus ob morbum animi vel corporis, aliamve hujusmodi causam fungi munere suo non potest, durum inhumanumque visum est, eum episcopatu suo deicere, sed ne ecclesia pastore destituta maneat, datur ei adjutor atque dispensator rerum ecclesiasticarum, quem nos & *curatorem* possumus appellare: qua de re multa leguntur

tur apud Gratianum, 7. *quest.* 1. Hujus rei exemplum est apud Eusebium libro 6. *ecclesiastic. histor. cap.* 9. de Alexandro qui adjutor datus est Narcisso Hierosolymorum episcopo, quod is jam senio fractus pontificis munia obire non posset. Et convenit inter omnes, si quasi non sanæ mentis homini datus sit hujusmodi curator, eum posse beneficia conferre, quia plenam administrationem habet. *leg. inter bonarum. de administrat. tutor.* & incertum est, an & quando episcopus ad sanitatem mentis reversurus sit. *leg. ambiguitatem. Cod. de usufruct.* Si verò propter senium vel morbum corporis, qui usque ad animum non penetret, datus fuerit curator, crebrior opinio est, collationem beneficiorum nihilominus ad episcopum ipsam pertinere, *gloss. pragmat. tit. de collat.* idque exemplo minoris, qui sine autoritate sui curatoris contrahit matrimonium. *l. in copulandis. C. de nupt.* Sed mihi videtur alia causa esse matrimonii quàm beneficiorum collationis. Nam curator minoris rerum ipsius tantum administrationem habet, non etiam personæ. Itaque mirum non est, si in nuptiis contrahendis minimè requiratur ejus consensus. Cùm autem generaliter datur hîc curator, rerum ecclesiasticarum dispensationem sive administrationem habet. *can. quamvis. 7. quest. 1.* Itaque non video cur beneficiorum conferendorum facultas hæc

generali concessione non contineatur. Fa-
 teor tamen hoc casu æquum esse ita curato-
 rem dari ab initio, ut episcopo libera confe-
 rendorum beneficiorum facultas relinqua-
 tur: atque hujusmodi salva ei maneant,
 quorum executionem morbus senectusve
 non impedit. Sed de his alibi copiosius.
tit. de cler. agrot. in 6. cap. grandi. de suppl.
negl. pralato. in 6. cap. is cui. de elect. in 6. cap.
venerabili. de officio delegati. in antiquis.

CAP. VI.

De

*Collegio ecclesiastico va-
 cante sede episcopali.*

PAULò ante diximus collationem benefi-
 ciorum jure quodam ordinario ad epi-
 scopum spectare, nisi mentis compos non
 fuerit, &c. Nunc quæritur mortuo episco-
 po, & vacante sede episcopali, quis possit
 beneficia conferre? Et jure cautum est, col-
 legium ipsius Ecclesiæ, quod vulgò *Capitu-
 lum* appellatur, interim conferre non pos-
 se, sed collationem futuro episcopo inte-
 gram relinquere debere. *ca. 2. ne sede vacante.*
 Quod est accipiendum, nisi collatio ad col-
 legium ipsum cum episcopo communiter
 pertineat. Hæc enim communio efficit,
 ut deficiente uno, potestas conferendi ad al-
 terum

terum devolvatur. *cô. tit. in 6.* Potest sanè collegium electos confirmare, & præsentatos à patronis instituire. *cap. cùm olim, de major. & obed.* quoniam ea res futuro successori non adeò gravis est, ut beneficiorum collatio. Nam tametsi beneficia principaliter conferantur, ut ecclesiis consulatur, non personis: tamen episcopus cui vult gratificatur conferendo, & ita viros probos sibi conciliat ac devinctos reddit, adeò ut collatio beneficiorum *in fructibus* ipsius episcopatus numerari soleat. *notat. in dict. c. cùm olim.* Receptum quoque est interim dum vacat episcopatus, licere collegio Ecclesiam *commendare*, & viro idoneo administrationem concedere, donec eligendus episcopus ministerium pastoremque ei præfecerit. *notat. in dict. cap. cùm olim. & c. bonæ. de appell.* Illud animadvertendum est, quamvis collegium ecclesiasticum beneficia non conferat, ea tamen quæ *iurisdictionis* sunt, expedire & exequi posse. *tit. de major. & obed. in 6. not. in d. c. cùm olim.*

CAP. VII.

De

Propontifice, qui Vicarius appellatur.

Certi juris est *vicarium generale* episcopi beneficiorum conferendorum jus non habere.

habere. *cap. ult. de officio vicar.* Potest tamen specialiter ea facultas ei concedi ab episcopo, nec cuiquam alii qui vicarius generalis non sit. *notat. in dict. cap. ultimo. cap. de liberatione. §. ultimo. de officio lega. in 6. cap. statutum. de praben. eod. libro.* Quo casu beneficia vacantia quibuscunque personis idoneis rectè confert, præterquam ipsi episcopo, cujus vice fungitur. *c. 2. de consecr. in 6.* Cum enim una & eadem persona esse intelligantur, inter dantem ac recipientem beneficium nihil interesset, quod absurdum videtur. *cap. ult. de instit.* Verùm si vicarius, qui potestatem substituendi ab episcopo accepit, aliquem sibi substituerit, non prohibetur substitutus vicario beneficium conferre, cum ab episcopo magis quàm à vicario substitutus intelligatur. *leg. item eorum. Digest. quod cujuscun.* Quamvis autem beneficia non conferat vicarius generalis, confirmare tamen electos & præsentatos à patronis instituere posse creditur. *cap. ex frequentibus. de instit. cap. dilecto. de praben.* Tractari solet, an Episcopus vicario suo certi tantùm beneficii conferendi facultatem concedere possit. Quod dubitationem non habet, si de beneficio jam vacante loquamur. Sed si nondum yacet beneficium, vulgò traditum est, hanc facultatem nec vicario quidem concedi posse. *ca. constitutus, de conc. praben.* ne fraus fiat Lateranensi concilio, quo benefici-

cio-

ciorum nondum vacantium collatio tanquam inducens votum captandæ mortis alienæ prohibetur. *cap. nulla. de conc. prob.*

CAP. IIX.

De conductore.

Conductor reddituum obventionumque episcopaliū, an possit beneficia conferre quæsitum est. Solent enim antistites nostri temporis novo more ac veteribus incognito, muneris sui vacatione impetrata, ecclesiarum sibi creditarum redditus omnes fruendos locare, *ut lib. 8. dicemus.* Et videtur non posse, cum id ne vicario quidem ipsi liceat, ut sup. diximus. *Jus tamen præsentandi* habet, ut ex Alexandri rescripto colligitur, quod nonnulli interpretatione ita restringunt, ut de conductione ad non modicum tempus facta intelligatur. *cap. ex literis. de jure patron.*

CAP. IX.

De possessore.

Qui jus non habet conferendi beneficia, si *bonæ fidei possessor* sit, nihilominus conferre potest. Quod adeò verum est, ut ea collatio proprietarii ipsius collatione prior habeat-

habeatur. *cap. cū olim. de caus. possess. cap. querelam. de elect. cap. consultationibus, de iure patronat.* Nam collatio beneficiorum, ut antè admonuimus, fructuum pars esse intelligitur: & constat bonæ fidei possessorem fructus consumptos lucrari. §. *si quis à non domino. Instit. de rerum divisione. cap. gravis. de restit. spol.* Proinde si malæ fidei possessor contulerit beneficium, irrita est ea collatio. Et quorundam sententia est, hoc casu collationem à proprietario, qui non possidet, factam valere. Sed opinio contraria verior est, cū propria autoritate in valorem spoliare non debuerit. *cap. in literis. de restit. spol. Panorm. in dicto cap. consultationibus.*

CAP. X.

Sequestrum beneficia conferre posse: Et obiter explicati duo loci, qui invicem pugnare videbantur, Juliani scilicet Et Florentini fureconsultorum adversus aliorum sententiam.

Quæstio est controversi Juris, an seque-
 ster beneficia conferre possit. *Seque-*
strum vocamus eum, apud quem res contro-
 versa deponitur, ut finita lite & controver-
 sia, restituatur victori. *l. sequester. de verb.*
signif. l. ei apud quem. l. proprio. l. licet. de-
pos. Et probabilior mihi videtur eorum
 opinio, qui existimant eum conferendi jus
 habere. *Innocent. in cap. examinata. de jud.*
Felin. in capit. cum Bertoldus. de re judic. non
 quod possideat : nam & possessor esse, &
 non esse potest. Qua de re magna est inter
 juris Doctores contentio, nec satis convenit,
 quando possidere dicendus sit. Ego au-
 tem ita sentio, si ea mente sequestratio fiat,
 ut ipsa possessio, de qua existit controversia,
 dimittatur, sequester possidere: aliàs cu-
 stodiam rei tantum ei commissam videri.
 Sed si incertum sit, qua mente id factum
 fuerit, possessionem in eum translatam mi-
 nimè interpretabimur : id quod ex Juliani
 verbis apertissimè colligitur, *l. interesse. de*
acquiren. possess. Nec me movet quod Flo-
 rentinus scribit. *l. licet. depos.* *Rei deposita*
proprietas apud deponentem manet, sed & pos-
sessio, nisi apud sequester deposita est. Nam
 tunc demum sequester possidet, &c. Quibus
 verbis significare videtur sequester sem-
 per possidere, quamvis depositarius non
 possideat. Hæc enim verba non rectè meo
 judicio ab interpretibus vulgò accipiuntur,
 sed

sed mihi videtur is sensus esse, rei depositæ possessionem apud deponentem manere, nisi ipsa possessio deposita est, id est, nisi res animo dimittendæ possessionis tradita est, ut Julianus ait. *d.l. interesse*. Nam *deponere* verbum, dimittere significat, unde imperium deponere, magistratum deponere, & similes locutiones. Et Ulpianus *cap. 34. de acquiren. possess.* deponere possessionem dixit eodem sensu: *Animo*, inquit: *deponere & mutare possessionem nos posse Celsus & Marcellus scribunt*. Cui interpretationi mirum in modum congruunt & sequentia ejusdem Florentini verba: *Nam tunc demum sequester possidet*, id est, eo tantum casu possidet sequester, cum possessio apud ipsum dimissa depositaque est. Et subjicitur ratio. *Id enim agitur ea depositione, ut neutrius interim possessionis tempus procedat*. Dixit aliquis: Nihil ergo opus erat sequestri mentionem facere, sed generaliter excipere sufficebat, *nisi deposita est possessio*, id est, dimissa. Respondeo sequestri mentionem ideò factam esse à Florent. quòd penes depositarium non soleat possessio dimitti, nisi sequester sit. Ut igitur ad propositam quæstionem revertamur, quamvis sequester fortassis non possideat, eum nihilominus beneficia conferre posse arbitror. Nemo siquidem inficiari potest, quin administrationem habeat non temporalium modò sed etiam spirita-

spiritalium. *clem. de seq. possess.* Itaque
 fructuum collectio ad eum pertinet, in qui-
 bus & beneficiorum collatio numeratur.
 Adde quòd utilitas exigit, ut primo quo-
 que tempore Ecclesiis vacantibus provi-
 deatur. *c. ne pro defectu. de electis.* Non ob-
 stat huic sententiæ quòd fructus rei seque-
 stratæ debent restitui victori, quos seque-
 ster consumere hîc videtur, *clem. de seq.*
possess. Nam id accipiendum est de fructi-
 bus, qui conservari possunt: at collatio-
 nem beneficiorum differre, donec finem
 acceperit controversia, favor Ecclesiæ non
 permittit: nec ulla est alia horum fru-
 ctuum restituendorum ratio. Taceo quòd
 tametsi viros bonos conferendis beneficiis
 demereri fructus non exiguus meritò ha-
 beatur, quo non temerè quenquam pri-
 vari oportet. *glo. c. cum olim. de major. &*
obed. nimis tamen præfractè hoc jus defen-
 dere haud scio, an sacerdotem deceat:
 suspicionem certè *πλεονεξίας* cujusdam,
 atque adeò turpis quæstus effugere vix
 potest, qui tanti hoc jus facit, ut pro eo sibi
 asserendo tanquam pro reditu quovis
 comòdoque pecuniario dimicandum pu-
 tet. Nihilomagis obstat, quòd sequester
 nomine tantum alieno administrat, & cre-
 ditori similis videtur, quem constat ob jus
 patronatus, quod cum universitate ei obli-
 gatum est, præsentare ad beneficium obti-

nendum neminem posse. *cap. cum Bertholdus. de re jud.* Cessat enim hîc ratio, cujus antè meminimus, cùm patronus, idemque debitor interim præsentrare queat. Nullus autem litigatorum, quandiu res sequestrata est, ejus rei nomine quicquam exequi potest.

CAP. XI.

Jus conferendorum beneficiorum in Gallia regem habere, & unde id jus quod Regalia dicimus, ortum habuerit.

Quædam sunt in Gallia cathedrales seu episcopales Ecclesiæ, quibus rectore pastoreque destitatis, si quæ beneficia interim vacaverint, dum aliquis in demortui pontificis locum sussectus fuerit, rex noster jure suo, sed certo quodam modo ea confert, ac distribuit. Nam quæ beneficia pontifex ipse vivus ac superstes conferret (exceptis quæ *parochiales* dicuntur, ecclesiis) eorum collatio interim principis est: idque jus *Regalia* vulgò appellatum singularia quædam præcepta habet: de quibus

bus variis in locis hujus tractatus nostri differemus. *cap. generali. de elect. in 6. gloss. pragmat. tit. de annat.* Nec dubitandum est, quin hoc jus regi competat, saltem ob temporis vetustatem, quæ hominum memoriam excedit. *cap. i. de præscript. in 6.* Sed quia collatio beneficiorum res sacra, spiritalisque esse dicitur, ideoque à laicis prophanisque hominibus aliena, *cap. discernimus. de jud.* sunt qui hanc consuetudinem ex errore magis, quàm ratione profectam esse contendunt. *Archidiac. in cap. imperium. 10. distin.* Cujus opinionis refellendæ gratia non dicam quod Marsilius Patavinus ante annos ducentos ad Ludovicum IV. Imperatorem Romanorum scripsit, nempe beneficiorum distributionem rem omninò prophanam temporalemque judicandam esse, quæ principibus ac magistratibus prophanis magis quàm episcopis conveniat. Quæ res fortè quondam ex regibus nostris nonnullos impulit, ut proceres ac milites prophanos monasteriis præficerent, eisque monasteriorum opes fruendas largirentur. De quibus ita scribit *Æmylius libro 3. in Carolo Simplic.* Summī proceres prophani locupletissimorum cœnobiorum opes beneficio regum acceperant, ac monachis tantum in sumptum suppeditabant, quantum necessarius usus postulabat, ex iisque ipsi deligebant,

qui non *Abba* (nam id sibi nomen velut amplissimum arrogabant) sed *Decurio* vocitaretur. Per multas ætates is mos tenuerat, jam episcoporum jura invadebant. Simplex coacto concilio divitias pontificum sanctas esse constituit. Cœnobiorum libertas sanciri nondum poterat, quod earum facultatibus Robertus magister equitum ac Ugo fratres militem alebant, ac jam cum factionis suæ hominibus ad occupandum regni jus enitebantur. *Idem lib. 5.* Cœnobiorum opes prophanis proceribus attributas in Francia, ostendimus: Robertus Francus rex eum morem solvit. Henricus rex paternæ sanctitatis ea in re fuit æmulus. Quàmvis igitur beneficia ecclesiastica Marsilius non minus prophana esse censuerit, quàm quævis alia prædia, & reges Franciæ prophanis hominibus ea erogare non dubitaverint, tamen nec ratione, nec exemplis hujusmodi jus Regaliorum tueri velim. Illud dicam quod *libro 1.* jam attigi, & cuius mediocriter docto homini facile me probaturum spero, in his Regalibus nihil esse, quod à Christi apostolorumque doctrina, & veterum Ecclesiæ patrum canonibus & institutis magis discrepet, quàm in pontificia beneficiorum collatione. Nam si ad præscorum institutorum normam omnia exigere velimus, nullum est in Gallia beneficium, nullum

Eccle-

Ecclesiæ ministerium, quod absque regis consensu cuiquam deferri possit. Constat enim secundum veteres canones, in eligendis Ecclesiæ ministris, non solum cleri, sed etiam populi consensum maximè requiri: idque ab apostolis etiam ipsis observatum fuisse postea docebimus *libro 5*. Cum igitur princeps non modò unius è populo, sed totius populi *κεφαλὴ* sit, in quem omne jus quod populus habet, aut potest habere, transfusum est, satis liquet veteribus canonibus hoc jus ei ablatum non esse. Adempta siquidem populo ob tumultus fortè ac seditiones eligendi facultate, magna ratio suadet, ut in principes populi ac magistratus, magis quàm in sacerdotes translata ea potestas intelligatur. Dixerit aliquis, principem jus omne quod clerus olim habebat hîc sibi vindicare, adeò ut nullum clero, antistitibusque suffragium relinquat. Quod utique perquam absurdum esse videtur. Nam etsi *nominat*ionem illam, qua principes velut ecclesiarum ac monasteriorum patroni, utuntur, de qua suo loco dicemus, tolerabilem esse fateantur plerique, quòd clero suum jus hîc salvum maneat: nulla tamèn ratione fieri ajunt, ut plenum jus ministeria beneficiaque ecclesiastica deferendi principes habeant. Verùm admonuimus *lib. 1*. ordinationem, consecrationem ac proba-

tionem ministrorum Ecclesiæ, quæ olim cum beneficii collatione conjuncta erat, regem sibi non arrogare, sed antistitibus liberam omnino atque integram dimittere. Videant igitur antistites, ne ullos ordinent clericos absolutè & sine certa functione in ecclesia, ut concilio Chalcedonensi præcipitur, cujus *libro* I. meminimus: vel ne quenquam ordinent, qui ministerio Ecclesiæ dignus non sit, cui rex eum præficere voluerit. Hoc si facere in animum induxerint, nec passim quoslibet canonibus ecclesiasticis solvere, ut fieri hoc tempore solet, confirmare ausim hoc jus Regaliorum à *nominatone* illa, quæ fundatoribus patronisque ecclesiarum recepto jure competit, non multum differre. Itaque meritò antistitibus, qui graviter eo nomine de regibus conqueruntur, objici potest vetus proverbium, Διασούπας κρεῶν ὀφειλόμεν. Ex jam dictis perspicuum est, si vetustissimorum canonum atque institutorum ratio habeatur, principem in omnia Ecclesiæ ministeria atque beneficia plurimum jûris & auctoritatis habere: tantum abest, ut jus Regaliorum, quo nunc utitur in quibusdam tantum ecclesiis, nulla auctoritate aut ratione in mores perductum dici debeat. Posteriora verò decreta Romanorum pontificum, item synodi ecclesiasticæ, quantum regibus ac imperatori-

bus

bus hac in re tribuant, vel etiam ex Gratiani rhapsodia satis notum est, ex qua nos, quæ sequuntur, excerpimus. 63. *dist.* Adrianus pontifex Romanus cum universa Synodo Romæ congregata, Carolo Magno jus concessit Romanum pontificem creandi, præterea statuit, ut archiepiscopi & episcopi per singulas provincias ab eo investituram acciperent, utque aliter consecrari non possent. *c. Adrianus. eadem distinct.* Nec verò ista concessio, ut privilegium aliquod ex mera pontificis gratia & liberalitate profectum accipi debet, si vera sunt, quæ antè diximus, sed tanquam hominis ultrò bonam fidem agnoscentis confessio. Leo pontifex Romanus cum toto clero ac Romano populo Othoni imperatori idem jus concessit. *capite, in synodo. eadem distinctione.* Concilium Toletanum XII. aperte decrevit, episcoporum creationem regii juris esse. *can. cum longè. eadem distinctione.* Leo pontifex Romanus quadam epistola Lotharium & Ludovicum imperatores rogat, ut Reatinæ ecclesiæ gubernationem cuidam diacono concedant. *can. Rearina. ead. distinct.* Apud Gregorium mentio est cujusdam monasterii, quod in finibus erat Franciæ, præcipiturque ne abbas in eo absque Regali provisione constituatur. *can. hinc est. 16. quæst. 1.* Possem & alia quædam non

leviora his testimonia proferre: sed quia volumen illud Gratiani ita vulgò probatum est, ut pars juris pontificii hodiè habeatur, libenter feci, ut auctoritatibus ex eo sumptis uterèr. Non sum autem nefcius, quanta fuerit postea inter pontifices & imperatores quosdam de hujusmodi investituris contentio. Quod vel ex Æmilio rerum Gallicarum scriptore luculentissimo cognosci potest. Sic enim scribit *lib. 5.* Cum bellum sacrum in Asia geritur, & in Europa summus pontificatus cum imperio Cæsaribusque decertabat, quod vetusta jam consuetudine Augusti scipionem sacrum, annulumque pastorem episcopis cæterisque patribus dabant, eamque *sacrum dignitatum vestituram juraque regia* appellabant, contendebantque illa Carolo Magno à pontifice maximo Adriano cum patritiatus, & à Leone cum imperio data penes se esse. Idem *eod. lib.* de Henrico imperatore loquens: Paschali necesse fuit caput hostis sui corona exornare, ac *jus sacrarum vestiturarum* fando illi permittere. Discessit Cæsaris pontifex habita synodo decretum vi factum induxit. Eodem libro *vestituræ ecclesiasticæ baculiq; sacri ac annuli dandi* jure cessit Augustus. Et legatus Romanus in gratiam confortionemque piorum recepit: & *jus litui dandi* ea ratione restituit, ut id privilegium foret, ac homini datum ad posteros non

non valeret, nec exemplo haberetur. *Eodem libro.* Philippo primùm ac deinde Crasso regibus mirum est, quantum incrementi res sacrae ceperint. Imprimis abrogatum est jus Cæsaribus locupletissima sacerdotia, quibus videretur, dandi, quæ res multum virium illorum majestati detraxit in animis popularium. Causa imperatorum victa, indignatio tamen manebat & querela. Fuit etiam de ea re controversia non mediocris inter Philippum Pulchrum Francorum regem, & Bonifacium octavum: cujus meminit idem Æmylius *lib. 8.* Post tantas igitur tamque diutinas concertationes, hoc jus, quod *Regaliorum* appellatur, in sacra beneficia solum retinuerunt reges nostri, & credibile est eos ita decidisse, ac veluti transegisse cum Romanis pontificibus, cum totum obtinere quod petebant, ipsis non liceret. Certè illud jus concilio Lugdunensi primùm, cui Bonifacius octavus præfuit, *c. generali. de elect. in 6.* deinde Basiliensi probatum atque confirmatum est. *S. item quod dicto. de annat. in pragmatica.* De hoc autem jure melius erit fortassis pauca quædam obiter subicere ad forensem usum necessaria, quamvis ea disputatio ab hujus libri argumento paulò alienior esse videatur. Ac imprimis sciendum est, hoc jus non solum in distributione beneficiorum, sed

etiam in perceptione fructuum consistere. Nam princeps, quamdiu vacat episcopalis sedes, prædiorum omnium administrationem suscipit, ipsisque arbitrio suo utitur ac fruitur: idque existimant nonnulli ex *clientelarum*, seu, ut nunc loquimur, *feudorum lege* ortum esse, quod à vero non abhorret. Nec sanè multum refert, quomodo vacet Ecclesia episcopalis, an morte, an promotione ad aliud munus ecclesiasticum, aliisve modis, de quibus libro octavo tractavimus. De eo, qui in cardinalium Romanæ Ecclesiæ ordinem & collegium cooptatur, quæstio agitari solita est. Verùm ex iis, quæ scripsimus libro primo, satis apparet, Cardinalis Romani officium hujusmodi esse, ut alterius civitatis episcopo id exequi non liceat. *Panormitanus in cap. bonæ. de postulat. prælat.* Proinde is, qui ad eum dignitatis gradum provehitur, non immeritò dicitur episcopalem honorem amittere. Atque ita sæpe judicatum est in *curia centumvirali*, cujus propria ac peculiaris est de Regalibus cognitio. 1361. 20. Novembris. 1384. 2. mensis Julij. 1363. 20. Januarij. Ut autem vacare desinat episcopalis sedes, quædam requiruntur, quæ vulgari illa constitutione, cujus initium est, *Dum Episcopus*, disertè expressa sunt. Primùm enim novum antistitem ritè ac legitimè creatum lectumve esse

esse oportet. Deinde eum ut Regis clientem jurejurando in ipsius verba adauctum esse, & literas regias jurisjurandi hujus solenni nomine apud præfecturam ratiociniorum receptas perscriptasque esse necesse est. Hoc amplius aliis literis opus est, quibus præfecti ratiociniorum, regio fundorum episcopaliū dispensatori mandent, ut novum antistitem eisdem frui sinat. Nec antè desinit Rex jure suo uti, quàm administrator ille, seu dispensator hujusmodi literas acceperit. Et quia sæpenumero quæri solet, in quas episcopales ecclesias hoc jus Regaliorum rex sibi vindicet, apponam hîc catalogum, qui apud præfecturam ratiociniorum perscriptus reperitur, in hunc ferè modum: In tota provincia Senonensi, excepta diœcesi Antistiodorensi, Regalia locum habent: in provincia Rhemenensi, excepta diœcesi Cameracensi: In provincia Bituricensi, Lemovicensi, Chathurcensi, Ruthenensi, Albiensi, Mimatenensi: In provincia Turo-nensi, excepta Macloviensi, Venetensi, & aliis Britanniae ecclesiis. In archiepiscopatu Burdegalensi solum, non etiam in aliis ejusdem provinciae. De Pictavenensi, quia dubitabatur, præcepit rex, ut inquire-retur, &c. In tota Normania, Regalia locum habent. Superest, ut ex præceptis Regaliorum singularibus quædam hîc per-

perstringamus. Nam omnia persequi non est hujus loci neque instituti nostri. Ac præcipua quidem eorum præceptorum ad vacantia beneficia pertinent, quæ Regaliorum jure rex distribuit, tantisper dum sedes episcopalis vacat. Quæritur enim quandiu vacantia judicari debeant, ut rex ea conferre possit: & an ea, quæ vacare cœperunt ob mortem, aut delictum, aut aliam hujusmodi causam ante Regaliorum inceptorum tempus, collato alicui beneficio, vacare desinant. Et receptum est, quamvis beneficium ante id tempus collatum sit à Romano pontifice, si tamen possessio nondum fuerit eo tempore apprehensa, liberum sit regi beneficium ut vacans, arbitrio suo conferre. Dupliciter enim hic dicitur *vacare* beneficium.

Primò, cùm nemini ante tempus Regaliorum ita collatum est, ut jus aliquod adhuc ei quæsitum sit.

Secundò, cùm is cui fortè collatum est, non possidet: tametsi jure communi possessionis ratio haberi non solet. Sive igitur utroque modo beneficium, sive altero tantum vacet, collatio regis est jure singulari; idque Philippina constitutione nominatim cautum est.

Sed & quorundam opinio est, durante lite, quæ possessionis nomine mota est sine fraude, adhuc vacare beneficium, donec

vindicatæ alterutri adjudicatæ fuerint, quamvis fortè quis corpore incumbat possessioni.

Secundùm quam opinionem judicatum est anno 1387. die 18. Januarij. Idemq; dicendum putant aliqui, etsi quis per proccuratorem tantùm possessionem beneficii adeptus fuerit. Quia constitutio Philippina veram requirit possessionem, nec ullam juris fictionem admittit. Sed hæc sententia scrupulo non caret, ut aliàs demonstraturus sumus.

Adde quod si quis in canonicorum collegium lectus & cooptatus sit, receptio & in possessionem inductio, quæ ab eodem collegio peti solet, adeò necessaria est, ut de ea re collegium appellasse, & omnem diligentiam adhibuisse non sufficiat, ut judicatum est anno 1380. die verò 27. Novemb.

Aliud jus singulare in Regalibus reperitur, quia pendente lite possessio, quam *statum* vocant, interim regia liberalitate subnixo adjudicari, nec adversarius rem controversam sequestrari postulans audiri consuevit. Quinimo si triennij continui possessionem alleget, ne hac quidem præscriptione regis beneficiarius summovebitur, cui sola triginta annorum exceptio ob stare poterit, ut Ludovici XII. constitutione sancitum est. Sed vereor ne cancellos, quos mihi ipse circundedi, jam nimium

mium egredi videar. Itaque finem hic facio, reliqua paulò commodius suis quæque locis explicaturus.

LIBER QVARTVS QVIBVS POSSINT BENE- FICIA CONFERRI.

ARGVMENTVM.

SEquens locus est de personis, quibus beneficia possunt distribui, quonullus est in tota hac disputatione tractatu dignior. Non enim Isocrati assentimur, qui ad Nicoclem scribens ait: Non sicut sacerdotium, ita & regnum cujusvis hominis esse, cum in his beneficiis conferendis, morum, eruditionis, ætatis, natalium, conjugij, aliarumq; rerum hujusmodi maximè sit habenda ratio, ne parum idonei ad honores ecclesiasticos promoveantur. De quibus sigillatim in hoc libro differere, & à moribus promovendorum exordiri instituiamus.

CAP. I.

Quibus præditum moribus, & à quibus vitiis

alie-

alienum esse eum oporteat, cui beneficium confertur.

IN eum qui ordinandus est, & ad sacrum ministerium promovendus, sic inquirendum esse canones præcipiunt, ut morum & vitæ ante actæ potissimum habeatur ratio. *can. cum in cunctis. de electionib. c. si quis viduam. 50. distin. c. qui in aliquo. 51. distin. ca. priscis. 55. dist.* Nam sicut constitutio imperatoria magistros & professores artium primum vult excellere moribus, deinde facundia, *l. magistros. C. de professoribus & medicis.* ita à sacerdote, morum gravitatem & honestatem præcipuè efflagitamus. Scitum etenim illud est: *Quales in rebus publ. principes sunt, tales & reliquos solere esse cives.* Quod & ad Ecclesiæ præfectos atque ministros pertinere dubium minimè est. Quomodo enim potest, inquit Divus ille Hieronymus, præses Ecclesiæ auferre malum de medio ejus, qui in delictum simile corruit? Aut qua libertate peccantem corripere potest, cum tacitus ipse sibi respondeat, eadem se admisisse quæ corripit? *cap. ult. 25. distinct.* Verum & aliam rationem affert Justinianus noster *novella 123.* Si hi, inquit, quorum munus est orare pro populo, indi-

indigni ministerio DEI inventi fuerint, quomodo pro populi delictis placare DEUM poterunt? 49. *distinctione, in principio.* Et constat hunc morem jam inde ab initio fuisse in Ecclesia observatum, ut nemo ad sacerdotium seu ministerium Ecclesiæ reciperetur, nisi publicè in ejus mores inquisitione facta. Quod vel Lamprid. testatur in *Alex. Severo* his verbis: Ubi aliquis voluisset vel rectores provinciarum dare, vel præpositos facere, vel procuratores, id est, *rationales*, ordinare, nomina eorum præponebat, hortans populum, ut si quis quid haberet criminis probaret manifestis rebus, si non probasset, subiret pœnam capitis. Dicebatque grave esse, cùm id Christiani & Judæi facerent in ordinandis sacerdotibus, non fieri in provinciarum rectoribus, quibus & fortunæ hominum committerentur & capita. Ob quæ autem vitia arceatur quis à sacro illo ministerio, Paulus ipse non uno in loco docet ac demonstrat. 1. *ad Timoth. cap. 3. ad Titum. cap. 1.* Ex quo ferè sumpta sunt ea, quæ diffusissimè tractantur à Gratiano, à 25. *distinct. ad 50. suorum collectaneorum.* Ait enim Paulus, eum eligi episcopum seu presbyterum debere, qui sit *νηφάλιος*, id est, vigilans, *σώφρων*, id est, sobrius, *ἡσχυρὸς*, id est, modestus, *φιλόξενος*, id est, hospitalis, *μὴ πύργινος*, id est, non

vino

vino deditus, *μὴ πλεκτης*, id est, non percussor, *μὴ αἰχροκερδής*, id est, non turpis lucrari cupidus, *ἀμαχός*, id est, à pugna & contentione alienus, *ἀφιλάργυρος*, id est, pecuniæ non avidus, *μὴ αὐθκδής*, id est, non superbus nec præfractus, *μὴ ὀργηλός*, id est, non iracundus, *φιλάγαθος*, id est, bonarum rerum studiosus, *δικαίος*, id est, justus, *ὅσιος*, id est pius sive sanctus, *ἐγκρατής*, id est, temperans. Hoc autem ita accipi debet, non ut episcopus is demum eligatur, in quo nihil horum vitiorum penitus insit : res enim contra naturam penè est (inquit Hieronymus) sine peccato aliquem esse ; sed egregium & animi dotibus virtutibusque præcellentem multitudini esse oportet, ut ejus comparatione (quod idem ait) cæteri grex dicantur. *cap. unum. 25. distin.* Maximè verò illud cavendum est, ne quid accusatione judiciali criminationeque dignum ab eo perpetratum sit. Quod satis ostendit Paulus cùm ait eum *ἀνέγκλητον*, aut quod idem est, *ἀνεπίληπτον* esse debere. Et quanquam Paulus in eo loco de episcopis loquitur, tamen de cæteris omnibus presbyteris dubium non est, quin ea verba accipi debeant, cùm eo tempore iidem & presbyteri, & episcopi appellarentur, ut Chrysostomus & Hieronymus aiunt. De diaconis verò seu ministris ecclesiarum, qui presbyteri non-

dum

dum creati sunt, paulò post ita loquitur Paulus, ut facillè appareat, eum non minorem vitæ integritatem puritatemque ab illis, quàm à presbyteris exigere. Hinc à nostris traditum est, ob crimen hæreseos, *cap. odir. 1. quæst. 1. schismatis, cap. inter hæresim. 24. quæst. 3. ambitus, l. si quemquam. C. de episcopis. cap. nobis. de simon. cap. cum clerici. de pact. majestatis, cap. felicitis. de pœnis. in 6. sacrilegii, cap. venerabilem. de elect. falsi, cap. ad falsariorum. de crimin. fals. perjurii, cap. querelam. de jurejur. homicidii, cap. accedens. de accusat. cap. ad aures. de etate & qualitate. cap. ultim. de tempor. ordin. & alia hujusmodi crimina hominem beneficii incapacem reddi. Et observandi hîc sunt canones atque constitutiones, quæ causas continent, propter quas amittitur beneficium, de quibus postea aliquando plenius differemus. Nam ob easdem causas multò magis beneficium adipisci quis prohibebitur. *cap. ultim. 15. quæst. 1. cap. super his. de accusat.* Adde supradictis eum cui nota aliqua infamiæ iniusta est, & cujus apud bonos & graves viros gravata est existimatio, beneficium consequi non posse. *c. laici. 33. distin. cap. ult. de furt.* Quod & in eo locum habet, qui reus alicujus delicti postulatus est, quamvis fortè damnatus nondum sit. *c. ultim. de testi. c. omnipotens. de accusa.* Idem de eo est dicendum, cui*

cui vel sacra communione, vel officio ministerioque suo interdictum est. *ca. postularis. de cler. excommu. ca. cum bone. de etate & qualitat. ca. cum dilectus. de consuet.* Hæc autem omnia sic accipienda sunt, nisi veniam restitutionemque impetraverit beneficiarius vel à summo pontifice, cujus plenissima est in hac re potestas ac libertas: vel ab alio inferiore episcopo, cui interdum & gratiam canonis facere permittitur. *c. 2. de cler. non ord. minist. c. 2. de cler. pug. in dñel. ubi not.*

CAP. II.

Quarum literarum atque linguarum cognitione instructus debeat esse beneficiarius.

IMperitis literarum beneficia conferenda non esse certi juris est. *c. illiteratos. 36. distin. c. poenitentes. 55. distin. c. cum in cunctis. de elect. c. ult. de temp. ord. in 6.* adeò ut irrita censeatur huiusmodi collatio auctore Innocentio, quem & Felinus sequitur: *Innocent. in c. cum nostris. de conc. præb. Feli. in c. per tuas. de simon.* Proinde si quis fortè literarum ignarus ad sacrum ministerium obrepisseprehendatur, is confestim ab eo remo-

vendus est. *cap. ult. de etate & qual.* Nam si laicis prophanisque hominibus doctrina necessaria est, in iis profectò qui cæteris præsunt, & se doctores aliorum profitentur, intolerabilis est, nec ullam veniam meretur inscitia. *cap. si in laicis. 38. distin.* Hinc legitur *Oseæ. 4. cap.* Quia tu scientiam repulisti, ego te repellam, ne sacerdotio fungaris mihi. *cap. omnes. 38. distin. cap. nisi cum pridem. de renunt.* Et *Malach. 2.* Labia sacerdotis custodiunt scientiam & legem exquirunt de ore ejus. *c. sit rector. 43. distin.* Quibus locis admonentur sacerdotes, ut ignorantiam veluti pestem quandam, ut ait Isidorus, & ut legitur in concilio Toletano, matrem cunctorum errorum à se abjiciant, *c. ideò. 37. distin. c. 1. 38. distin.* Sacerdotis enim partes sunt, non solum docere verbum DEI, sed etiam contradicentes refellere, ac ut Paulus ad Titum scribit, *cap. 1. Titim. 1. 17.* Et rationem omniposcenti de fide sua eos reddere jubet Petrus. *1. Pet. cap. 3.* Quæ omnia absque doctrina & eruditione præstari non possunt. *can. qui ecclesiasticis. 36. distin.* periculum siquidem est, ne si cæcus cæco dux fuerit, ambo in foveam cadant. *can. ideò. 37. distin. can. quæ ipsis. 38. dist. cap. cum sit. de etate & qual.* Verum ad hanc eruditionem sibi parandam studio, labore, vigiliis, meditatione opus. Cujus rei quodnam locupletius

tius testimonium esse potest, quàm quod Paulus ad pedes Gamalielis legem & prophetas se didicisse testatur? *Actorum. 22.* quodque Timotheum ac Titum ad studium & lectionem tantopere hortatur & stimulat? *1. ad Timotheum. 4. ad Titum. cap. 1. 38. distin. can. 1.* Qua ratione constitutum est, ut beneficiarius studiorum causa absens, integros sui beneficii fructus percipiat. *cap. 2. de privilegiis. in 6.* Nec nos movere debet, quòd nostræ religionis Coryphæi literas non didicerint, cum omnia Spiritus Sanctus ipsis suggereret, ut ait Hieronymus, essentque ut loquitur Esaias *cap. 54. Theodidacti.* Nec verò *sacras* tantum literas, id est, vetus & novum testamentum intelligere sacerdotem oportet, sed *canones* quoque, qui dogmata & disciplinam ecclesiasticam continent, nosse debet. *can. nulli. 38. distin.* ac præsertim episcopus, cui ad dirimendas de matrimoniis aliisque huiusmodi negotiis controversias, canonici juris scientia perquam necessaria est. *cap. 1. de consang. ubi not.* Alia causa videtur esse *juris civilis*, cujus studium beneficiariis quibusdam Honorius tertius pontifex interdixit. *cap. super specula. ne cler. vel mon.* His etenim opprobrium est, inquit Justinian. si peritos se velint ostendere forensium disceptationum. *l. repetita. C. de episc.* Si tamen jus civile sacerdos velit legere,

non ut in foro versetur, & causas agat, sed ut ex illo æquitatis justitiæque uberrimo fonte aliquid hauriat ac degustet, quod ad professionem suam conferat, minimè id improbandum reor: nam ut de illo doctrinarum orbe taceam, qui à Græcis ἐγκυκλοπαιδεία dicitur, jus canonicum sive pontificium, saltem id, quo nunc utimur, magna ex parte cum jure civili conjunctum est, ut absque eo commodè tractari nequeat. Quæ ratio fortassis movit Alexandrum cum tota synodo Lugdunensi, ut non modò Juris civilis studium permitteret beneficiariis, sed vacationes quoque & immunitates studiosis largiretur. *cap. 2. de privileg. in 6.* De Honorio sanè nobis affirmare religio est, quod juris pontificii interpretès Goffredus Beneventanus in literas retulit, ignorantiam juris in pontifice notans, nempe Honorium non aliter ac Vulpem fecisse, quæ cum uvas procerae cujusdam vitis decerpere frustra diu conata esset, tandem eas contempsit ac damnavit, quòd sibi acerbiores viderentur. Allusit opinor ad illud Gabriæ poëtæ Græci tractichum:

Κερδῶ βότρω, βλέπῃς μακρῆς ἀμπέλους,
 Πρὸς ὕψος ἤρτο, καὶ καμῶσα πολλαίς,
 Ἐλεῖν, ἀπείπε, πρὸς δ' ἐαυτῷ πάντ' ἔφη
 Μὴ κάμνε, ῥαγὲς ἐμφαμίζῃς μάλα.

Verùm de his jam plus satis. Studium
medicinæ, seu ut loquuntur, *physicæ*, eâdem

Honorii constitutione non aliter ac jus civile prohibitum est. Nam medicos rudi illo seculo phyzicos fuisse appellatos, multis testimoniis argumentisque comper- tum habemus. *cap. ad aures. de etat. & qual- lit.* Videndum tamen est meo iudicio, quorsum hoc medicinæ studium ample- ctantur, ut de jure civili diximus. Quod enim præfatur Honorius de amplificando theologiæ studio, satis ostendit constitu- tionem de his accipiendam non esse, qui eo consilio student medicinæ, ut theolo- giam commodius ac foelicius tum discere, tum docere queant. Constat enim pluri- mum commodi atque ornamenti ex me- dicina, sicut & ex reliqua Philosophia, theologiæ studio accedere posse. Ut mit- tam quod Galenus doctrinam anatomi- cam theologiæ initium esse scribit, & adi- tum ad agnitionem DEI. Id quod satis probasse videtur synodus Basiliensis, quæ professores medicinæ à sacris beneficiis minimè arcendos esse voluit. *tit. de collat. S. insuper. in pragm.* Ac ut summatim omnia complectar, nulla est liberalium discipli- narum, quamvis fortè ethnicorum libris contineatur, quæ sacerdoti admodum uti- lis ac necessaria non sit, si modum in ea re adhibeat, & ad eum de quo jam dixi, sco- pum studia sua conferat. *can. turbat. 37. di- stin.* Qua de re Basilius Magnus in homi-

lia, cui titulus est, *De utilitate capienda ex Gentilium authorum libris*, copiosissime disse-
rit. Nec aliter veteres illos patres sensisse
verisimile est in synodo Carthagin. cum
episcopo præcipiunt, ne gentilium libros
legat. *can. 1. 37. distin.* nisi quis eorum ni-
miæ simplicitati, ne dicam superstitioni id
adscribere malit. Paulus episcopum *δι-
δασκαλόν* esse vult, id est, aptum idoneum-
que ad docendum : id enim est episcopi
munus præcipuum. *cap. inter cetera. de offic.
ordin.* At docere & explicare commodè
non potest, qui in veterum authorum le-
ctione diu versatus, magnam ac variam
doctrinam sibi non comparaverit. Quam-
obrem Julianus imperator, qui dictus est
Apostata, quod à religione Christiana defe-
cisset ad hellenismum, scholas Gramma-
ticorum, Rhetorum ac Philosophorum,
Christianis, quos *Galilæos* vocabat, inter-
dixit, futurum sperans, ut absque liberali
eruditione religionem tueri suam non pos-
sent. Author est Ammianus Marcellinus
lib. 22. & 25. Et Theodorus *ecclesiastica
historia lib. 3.* his eum verbis usum fuisse re-
fert : *Propriis pennis confirmur, ex nostris enim
libris arma capiunt, quibus in bello adversus nos
utantur.* Vide eundem *lib. 4. ca. 29. & Tri-
par. histor. lib. 6. c. 17.* De peregrinis linguis,
quibus theologiæ fontes continentur, ex-
tat Clementis V. constitutio, in concilio
Vien-

Viennensi edita, quæ nemini non juris pontificii studioso hodie nota est. *clem. 2. de mag.* Et Augustinus in quadam epist. Ut veterum, inquit, librorum fides examinanda est, ita novorum veritas græci sermonis normam desiderat. *c. ut veterum. 9. distin.* De libris ethnicorum pulchrè loquitur Beda: cujus verba hîc subjecimus: Turbat acumen legentium, & deficere cogit, qui eos à legendis sæcularibus libris omnibus modis existimat prohibendos, in quibus si qua inventa sunt utilia, quasi sua sumere licet, alioqui Moses & Daniel sapientia & literis Ægyptiorumque Chaldæorumque non paterentur erudiri, quorum tamen superstitiones simul & delitias horrebant. Nec etiam ipse magister gentium aliquot versus poëtarum suis vel scripturis vel dictis indidisset. *ca. turbat. 37. dist.* Sed, ut jam admonui, etiam atque etiam videndum est, ne hujusmodi Sirenes ab instituto itinere nos avertant, & τὸ πάρεργον, ut est in proverbio, ἔργον fiat. Si quis (inquit Hieronymus, enarrans epistolam ad Titum) artem noverit grammaticam vel dialecticam, ut rectè loquendi rationem habeat, & inter falsa & vera dijudicet, non improbamus. *can. si quis artem. 37. distin.* Idem alibi, Nonne vobis videtur in vanitate sensus & obscuritate mentis ingredi, qui diebus

ac noctibus in dialectica arte torquetur? &c.
can. nonne. 37. distin. Et Gratianus refert à
 Gregorio quendam episcopum reprehensum
 fuisse, non quia sæculares, ut vocant,
 literas didicerat, sed quia contra episco-
 pale officium, pro lectione evangelica
 grammaticam populo exponebat. *c. turbat. 37. distin.* Quæ hætenus à nobis dicta
 sunt de beneficiariorum eruditione, ea de
 episcopis accipi volumus, & cæteris ani-
 marum curatoribus, quorum munus in
 docendo consistit. Nam cæteri clerici or-
 dinum inferiorum, puta, lectores, aut can-
 tores, quamvis literarum expertes esse non
 debeant, ut scribit Justin. *Novel. 6. & 123.*
 eorum tamen inscitia non adeò ecclesiæ
 perniciosa est, toleraturque in eis qualif-
 cunque literatura, modò ut psallendi ac
 legendi periti sint, aut aliàs ad munus
 suum obeundum instructi. *not. in d. c. cum
 in cunctis. & in d. c. illiteratos.* At enim ni-
 mium severi censores ac rigidi plerisque
 fortassis videbimur, qui rerum omnium
 tam humanarum, quàm divinarum scien-
 tiam à sacerdote exigamus, cum vel in una
 aliqua arte ac disciplina excellere difficil-
 limum sit. Sed quid mirum nos in theo-
 logo ac sacerdote idem requirere, quod in
 oratore Cicero, in architecto Vitruvius?
 Est enim artium omnium ut præstantissi-
 ma, ita longè operosissima ac periculosissi-
 ma,

ma, quæ ad curam animarum pertinet. *c. ante. 40. distin. c. cum sit. de et a. & qualis.* Nec verò perfectam illam omnibusque numeris absolutam rerum cognitionem, quæ nusquam fortassis reperitur, ita desidero, ut non hîc mediocritatem amplectendam esse censeam, & nos homines esse, id est, in magna caligine & rerum ignoratione versari, obliviscar. In his enim tenebris beneficio sacroque ministerio dignus is judicari potest, qui mediocrem earum rerum, de quibus diximus, scientiam est assecutus, quique talis est, quales vulgò homines eruditos appellare solemus. *c. cum nobis olim. de elect. c. nisi cum pridem. §. pro defectu. de renun. l. sciendum. ff. de edil. edict.* Nec discrepat ab hac sententia, quod de suo architecto scribit Vitruvius in hunc modum: Non debet, nec potest architectus esse grammaticus, ut Aristarchus, sed non agrammatos: nec musicus ut Aristoxenus, sed nec amufos: nec pictor ut Apelles, sed graphidos non imperitus: nec plastes quemadmodum Myron seu Polycletus, sed rationis plasticæ non ignarus: nec medicus ut Hippocrates, sed non aniatrologetos, nec in cæteris doctrinis singulariter excellens, sed in his non imperitus, &c. Verùm ad hanc perfectæ eruditionis ideam respicere debet is qui alium ordinat, & beneficium ei confert: ac eò dignio-

digniore existimare, quo propius ad eam perfectionem accesserit. Nec enim ulla certa regulâ aut constitutione id definiiri potest, sed ejus arbitrio tanquàm viri boni ac prudentis id committitur, ut magnitudine muneris seu ministerii perpensa, cæterisque circumstantiis omnibus diligenter consideratis, de doctrinâ & eruditione judicium faciat. Et si qui sint à studio literarum penitus alieni, & patinis magis quàm paginis incumbentes, cujusmodi nostra fert ætas quamplurimos, quod utinam verè ne dicerem, eos ceu pestem quandam aversetur, nec ad ullum beneficium ministeriumve admittat. *gloss. pragm. tit. de elect. §. deinde.* Hæc autem eò libentius hîc explanare volui populariter quidem, & crassa, ut ajunt, Minerva, sed nisi fallor utiliter, quòd vulgaris illa scientiæ divisio in *eminentem, mediocrem, & sufficientem* parum commodè ac eruditè ab interpretibus tradita tractataque nobis videatur. *not. in d.c. cum in cunctis. de electionibus.*

CAP. III.

*An ob vitium corporis
à sacro ministerio be-
neficioque repelli quis
debeat.*

Cùm

Cum quæritur an ob vitium aliquod corporis debeat quis repellì à sacerdotio, multum refert an quis hoc malo se affecerit, afficiendumve curaverit, an violentia, aut natura id ipsi contigerit: & hi casus distinguendi atque separandi sunt. Quod ad primum attinet, præcipiunt canones apostolorum. *ca. 21. ut ἀποτμεῖται*, id est, ut vulgò interpretantur, qui sibi ipsi virilia amputavit, clericus minimè efficiatur, quod sui ipsius homicida sit, & inimicus creationi DEI. *c. si quis absciderit. can. hi qui. c. si quis pro ægritudine. 55. distin. cap. significavit. de corpor. vit.* Nam is neque viro- rum neque mulierum numero habendus esse videtur, ut olim Romæ in causa Genu- tii cujusdam decretum fuit, cujus meminit Valerius *lib. 7. cap. 7.* Eademque causa ejus est, qui sponte digitum aliudve mem- brum hujusmodi sibi absciderit, tanquam inimicus creaturæ DEI, ut diximus, *can. qui partem. 55. distin.* Quod Ammonio mo- nacho quondam accidisse ferunt. *histor. Tripart. lib. 8.* qui aurem dexteram sibi am- putavit, ne episcopus ordinaretur. Nam verbi ἀποτμεῖται, quo canon utitur, la- tior videtur esse significatio, quàm ut de virilium amputatione tantum intelliga- tur. Excusatur sanè is qui valetudinis causa secari se à medicis passus est. Nam quamvis id consultò factum fuerit, nec abso-

absoluta fuerit hæc necessitas, tamen valetudinis ratio & instans periculum, quod vitare voluit, veniam meretur. *can. si quis à medicis. 55. distin. c. ex parte. de corpor. vit.* Si quis autem superstitione, vel impatientia libidinis ductus, aut malæ alicujus suspicionis vitandæ causa seipsum castraverit, ut quondam Origenes fecisse traditur ab Eusebio *lib. 6. eccles. histor.* & alius quidam nomine Leontius, cujus apud Theod. mentio est, *lib. 2.* si quis inquam, sibi ob hujusmodi causam genitalia exciderit, sacro ministerio indignus judicatur. *c. hi qui. 55. distin.* Grati sunt enim DEO eunuchi quos castravit voluntas, non necessitas, ut inquit Hieronym. *can. qui sitit. 33. quest. 5.* Sed de his jam satis: ad eos qui non sponte & consultò mutilati sunt veniamus. Si quis igitur per vim à barbaris ac latronibus puta, eunuchus factus est, aut ita natus, is ordinari non prohibetur, ut habet vicesimus canon apostolorum, & canon primus Nicenæ synodi. *can. eunuchus. 55. distinct. cap. ex parte. de corpor. vit.* Proinde Dorotheum Antiochiæ episcopum fuisse scribit Euseb. *lib. 7. eccles. histor. c. 28.* quamvis natus eunuchus esset. Idem dicendum est, etsi casu aliquo fortuito id acciderit. *c. precepta. 55. distin.* Si quis tamen aliquod membrum, aut partem corporis amiserit, quæ ad ministerium functionem-

que

que ecclesiasticam necessaria sit, tamen casu & sine culpa sua, is ordinari prohibetur, non quia læso corpore est, inquit canon apostol. 77. sed ne ministerium ecclesiasticum impediatur. Quod si fortè claudicat tantum, vel oculo defectus sit, sed ita ut munus suum exequi nihilominus valeat, canones eum non arcent à ministerio. Non enim, ut inquit canon 76. apostol. mutilatio corporis ipsum polluit, sed inquinatio animæ. Posterioribus tamen decretis pontificum ministerio excluditur altero carens oculo, aut aliter læsus, si ea res magnam ei deformitatem afferat. *c. si evangelica. 55. distin. c. presbyterum. de cler. agros.* Quod ex cacozelia quadam legis Mosaicæ provectum videri potest. *Levit. 21. c. usq. adeò. 33. distin.* utcunque eam legem Theologi allegoricè interpretentur, *canone, Hinc etenim. 49. distin.*

CAP. IV.

De

Morbis corporis, qui hominem ministerij beneficiique ecclesiastici incapacem reddunt, item qui dicantur

energum-

energumeni & engastrimythi in jure pontificio.

Quifquis gravi morbo laborat, ut ad sacrum munus obeundum non fit idoneus, is beneficii capax non censetur, quamvis non eruditio, nec morum probitas, nec aliæ dotes animi in eo desiderentur. *cap. cum inter canonicos. de elect.* Quid enim si morbo comitiali corripiatur, quem Græci *ἑπληξία* vocant? Nam qui subito concidit, cujus ex ore spumæ moventur, ut inquit Celsus, cum membrorum ac nervorum distentione, is ad rem divinam in Ecclesia faciendam utilis judicandus non est. *c. communiter. 33. distin.* Idemque de aliis hujusmodi morbis est statuendum, tametsi eum qui jam ordinatus promotusque est, non dejiciant. *tit. de cler. agrot.* Maniaci autem, ac fanatici, qui à cacodæmone vexari existimantur, quin ad hunc locum pertineant, minimè dubito, quamvis Ulpiano is morbus animi, magis quam corporis esse videatur. *l. i. de edil. edict.* Nam & hi à sacerdotio repelluntur veteribus canonibus. *78. c. apost. c. maritum. c. communiter. c. clerici. c. usq. adeo. 33. distin.* Et animadvertendum est variis nominibus eos appellari solere: dicuntur enim *energumeni,*

gumeni, quasi lunatici, ut quidam interpretantur: de quibus sic statuit Synodus Carthagin. IV. Ut exorcistæ energumenis manus imponant, ut energumeni pavimenta domorum DEI verrant, ut energumenis assidentibus in domo DEI, victus quotidianus per exorcistas opportuno tempore ministretur. *c. exorcista. 23. distin. c. omni die, de consec. distin. 5.* Vocantur & *ἐγλασεῖμφοι*, cujus vocis mentio est apud Aristophanem, quasi dicas ventriloqui. Sic enim eos Latine vocat August. *c. illud. 26. quasi. 2.* qui spiritum pythone[m] habere dicuntur. *Act. 16. c.* quod malus quispiam genius (immotis nempe labiis) ipsorum in ventre inclusus loqui credatur.

CAP. V.

*Eos qui ex justis nuptiis
procreati non sunt,
ad ministerium ac
beneficium ecclesia-
sticum admitti non
debere, Et qua ratio-
ne id constitutum sit.*

Qui ex justis legitimisque nuptiis procreati non sunt, cujusmodi sunt spurii
p seu

seu nothi, & quos *naturales* appellamus, ii ad ministerium ecclesiasticum admitti prohibentur. 56. *distin.* & *ca. 1. de filiis presbyter.* Sunt qui autoritate legis Mosaicæ id confirmare nitantur, propterea quòd in Deuteronomio scriptum sit. *ca. 23. Non ingreditur Manser, id est, ex scorto natus, in Ecclesiam Domini.* Sed viri eruditi ingredi ecclesiam Domini interpretantur, *habere commercium cum populo DEI, & habere jus ducendi Israëlitem.* Quare ad rem ille locus non multum pertinet. Ratio autem hujus prohibitionis triplex affertur: Una, est metus incontinentiæ paternæ: quoniam sæpe accidit, ut mores patris sectetur filius, sitque non corporis tantum paterni, sed etiam animi quædam imago. Hinc illud tritum apud Græcos proverbium, κακὸς γένος καὶ τὸν ὄν. *can. si gens Anglorum.* 56. *distin.* Fortes enim creantur fortibus, &c. Hûc pertinet quod Honorius in quadam constitutione de filiis eorum, qui perduellionis rei sunt, loquens, scriptum reliquit: paterno deberent perire supplicio, in quibus paterni, hoc est, hæreditarii criminis exempla metuuntur. *l. quisquis. C. ad l. Jul. majest.* Quod si quis mihi aut Herculem ex adulterio natum objiciat, cujus maxime virtus enituit, aut eos pontifices, quos Damasus apud Gratianum recenset. *ca. Osius.* 56. *distin.* aut si qui sint alii similes, quibus

quibus arte benigna, & meliore luto finxit
 præcordia Titan. Huic respondeo ex
 Theophrasti sententiâ, quæ rarò accidunt,
 ea contemni à legislatoribus. *l. jura. ff. de le-
 gibus.* Altera prohibitionis ratio est, ut
 hoc etiam pœnæ genere plectatur ac vin-
 dicetur crimen paternum, quamvis nihil
 admiserint filii, & revera alieno laborent
 vitio. *l. spurij. ff. de decurio. l. legem. C. de na-
 tur. lib. c. nasci. 56. distin.* Nam verum est
 quòd scribit Paulus Jureconsultus. *l. isti
 quidem. ff. de eo quod met. cau.* tantum esse af-
 fectum patris in filium, ut pœnâ molestia-
 que filii magis quàm suâ terreatur & ex-
 crucietur. Qua ratione inductum est, ut
 libera non sit cum filiis naturalibus testa-
 menti factio, nec possit eis pater quantum
 voluerit, relinquere. *l. ultim. C. de natur. lib.*
 Unde ob crimen perduellionis, filii quan-
 quam insontes & nulli affines culpæ, pu-
 niuntur. *dict. leg. quisquis.* Qua de re sic
 loquitur Cicero in quadam ad Brutum
 epistola: Nec verò me fugit, quàm sit acer-
 bum parentum scelera filiorum pœnis lui:
 sed hoc præclare legibus comparatum est,
 ut charitas liberorum amiciores parentes
 Reipubl. redderet. Et alibi: Illud vide-
 tur esse crudele, quòd ad liberos, qui nihil
 meruerunt, pœna pervenit, sed id & anti-
 quum est, & omnium civitatum. Huic
 non dissimile est, quod statuit Constanti-

nus, de muliere, quæ se proprio servo junxit, nempe ut filii, quos ex ea conjunctione habuerit, exuti omnibus dignitatis insignibus, in nuda maneant libertate. *C. de mul. quæ se prop. serv.* Tertia ratio est, eorum qui ita nati sunt, probum quoddam & ignominia, ob quam indigni tanto munere judicantur. Nam etsi prætoris edicto notati non sint, nec inter infames habiti, tamen ea est ferè hominum de ipsis opinio, is contemptus, ut non immeritò macula quapiam aspersi quibusdam videantur. Azo in *summa*, *C. tit. ex quibus caus. irrog. infam. argum. dict. c. si gens Anglorum.* Cujus rei argumentum illud est, quod nemo est quin tali appellatione ut turpi ac contumeliosa offendatur, receptumque est eo nomine actionem injuriarum competere. *l. 3. ubi nor. ff. de libe. & posthum.* Itaque quamvis spuriiis jure civili Rempubl. capeßere liceat, præsertim si necessitas, & hominum penuria id flagitet, *l. generaliter. l. spurij. ff. de decurion.* tamen alia causa est sacri hujus ministerii, quod publicis omnibus civilibusque muneribus longè præstat. Nam & Aristot. *lib. 7. polit.* censet viliores humilioresque personas ad sacerdotium admitti non debere propter honorem qui DEO & religioni à civibus est impendendus. Id enim majestati DEI indulgetur (ut verbis Pauli Jureconsulti utar) cujus

sacris

facris vacare sacerdotes oportet. *l. non distinguemus. §. sacerdotio. ff. de recept. arbitr.* Non memovet, quod à quibusdam dicitur spurii nomen apud veteres ignominiosum non fuisse, cum Homerus *lib. Iliad. 8.* Teucrum alloquens, eumque laudibus extollens, νόθον nihilominus appellet :

Καί σε νόθον περ ἔοντα καμίσαιτο, ὦ ἐνὶ οἴκῳ.

Sed ne Euripidis versus ab hac sententia nos dimovere possunt, quibus ostendere nititur legitimis liberis nothos inferiores non esse: ita namque scribit *in Antigone*

Ὀνόμαλ' ἡ μεμπλὸν τὸ νόθον, ἢ φύσις δ' ἴση.

Et *in Euristheo*:

Μάτῳ δ' ἔθνητοὶ τὰς νόθας φάλαγγας ἄρα
Παῖδας φύλαεν, ὅς γ' ἂν χρεστὸς φύῃ,
Οὐ τένον' αὐτὰ πλὴν φύσιν Διὰ φθείρει.

Et *in Andromeda*.

Ἐγὼ γ' ἢ παῖδας σὺν ἑὼ νόθας λαβέιν.

Τῶν γνησίων γὰρ ἔδεν ὄντες ἐνδεεῖς

Νόμῳ νοσῶσιν, &c.

Non enim veterum hîc Græcorum mores respicimus, apud quos non ita magno in pretio pudicitia fuit, sed nostros Romanorumque tantum, qui nihil antiquius castitate & pudicitia unquam habuerunt. Cum igitur hæc ita se habeant, ponendum est, & pro certa firmaque regula constitutendum, eum qui ex justo matrimonio editus

non est, nullum beneficium consequi posse. *ca. cū in cunctis. ca. innotuit. de elect. cap. 1. de fil. presbyt.* Idque potissimum in sacerdotum filiis locum habet, cū ne filii quidem eorum iusti ac legitimi beneficium paternum capere possint. Paternum vocamus, quod pater ἀπείρους, & nulla media intercedente persona possedit. *cap. ad extirpandas. cap. ex transmissa. de fil. presbyter.* Regula suprascripta sic accipienda est, nisi quis natalibus restitutus, aut ut vulgò loquimur, legitimatus sit. *cap. per venerabilem. qui fil. sint leg.* Nam hæc restitutio naturales filios iustis & legitimis omnino exæquat, ut ait Justinianus, *Novel. 74. tit. quib. modis natur. efficiunt. sui.* Præterea professio monastica hanc maculam ex natalibus contractam quadamtenus abstergere dicitur. *Novel. Justinian. 5. tit. de mona. ca. non liceat. 19. quest. 3.* Nam ordinari potest monachus, quamvis nothus sit, sed nullam dignitatem, seu præfecturam ecclesiasticam consequi potest. *can. 2. 56. distin. cap. 1. de fil. presbyt. gloss. cap. ultim. eod. tit.* Sed etsi gratiam canonis spurio facere visum fuerit summo pontifici (quod interdum expedit & necessarium est, ne summum jus, quod dicitur, summa fiat injuria) is quodcunque beneficium adipisci poterit. *cap. innotuit. de elect. cap. ultim. de fil. presbyt.* Plenam siquidem & liberam quidlibet statuendi

tuendi, permittendi, decernendi facultatem habet Romanus Pontifex in re beneficiaria, quasi legibus omnibus canonibusque omnino solutus sit, ut suprà admonuimus. Eadem causâ videtur ejus esse, cui pontifex ipse sciens & prudens beneficium contulit, cùm eo casu voluntas ejus obscura non sit, eaque tanquam principis pro ratione habeatur. *arg. l. quidam. ff. de re judic.* Sed an hæc juris scripti mitigatio ac moderatio, cæteris quoque pontificibus & episcopis in sua cuique diœcesi permissa sit, quæritur. Et vulgò recepta est hæc distinctio: Si de eo quærat, qui ad beneficium paternum aspirat, gratia summi pontificis necessaria est, non modò si spurius, sed etiam si verus legitimusque filius sit. *ca. dilectus. de fil. presbyt.* Sin autem de alio quopiam beneficio, non de paterno agatur, quod spurius nancisci velit, ad constitutionem Bonifacianam recurrendum est, quam ex recentioribus scriptoribus quidam legisse non videtur. Ea autem constitutio omnem faciendæ gratiæ facultatem, nisi circa minores ordines beneficiaque simplicia, quibus animarum cura non cohæret, episcopis ademit, & summo pontifici attribuit. *c. i. de fil. presbyt. in 6.*

CAP. VI.

*Quibus sacris initiatum
esse eum oporteat,
qui ad sacrum bene-
ficio promovetur.*

NEmini potest sacrum beneficium con-
ferri, nisi sacris initiatus sit. *cap. cum
adèd. de rescript. cap. ex literis. de transact.
cap. 2. de instit.* Proinde si cui nondum ma-
nus imposita est, quamvis fortè clericus
fieri & in numeros, ut ita dicam, sacræ mi-
litiæ referri mox cupiat, rata non est bene-
ficii collatio. *arg. l. ex eo. de milit. testam. not.
in dict. ca. 2. de instit.* Idem dicendum est
& de eo qui clericorum more & ritu vivit,
nec tonsura, nec veste, nec cæteris rebus
quibuscunque ab eisdem differens. *not. in
dict. c. 2. Sel. 3. part. q. 6.* Hinc consequens
est, si quis obtento jam beneficio clericus
effectus fuerit, irritam nihilominus bene-
ficii collationem esse: quia quod initio
non valuit, tractu temporis convalescere
non potest. *l. quod initio. de reg. jur. not. in
dict. c. 2.* Verum imprimis videndum est,
ut ea ordinatio manuumque impositio
rectè atque ordine fiat. Alias beneficii
collatio, tanquam laico prophanoque ho-
mini

mini facta, nullius momenti plerunque
 judicabitur. *gloss. pragm. tit. de elect. §. deinde.
 ver. ordinibus.* Exemplis, ut res dilucidior
 sit, hoc demonstrabimus. Beneficii, quod
 cum animarum curatione conjunctum est,
 quisquam capax non est, nisi ad presbyte-
 rii usque gradum promotus fuerit, nec
 enim clericum esse hinc sufficit. *ca. licet ca-
 non. de electio. in 6.* Sed gradatim ad hunc
 presbyterii honorem ascendisse oportet.
 Nam is, cujus virtus in minoribus leviori-
 busque officiis probata non est, ut ad ma-
 jores amplioresque honores non tam af-
 cendat, quam profiliat, nec ratio, nec ve-
 tus disciplina ecclesiastica patitur. 52. 59.
*distinct. & 61. tit. de cler. per sal. pro. l. ut gra-
 datim. de muner. & honor.* Nam & Paulus
 vetat, ne ~~veo~~ ^{episcopus} episcopus ordinetur, id
 est, qui recens Christianæ militiæ nomen
 dedit. 1. *ad Timoth. cap. 3. & in decret. 48. di-
 stinct.* Quid enim absurdius quam ei gu-
 bernacula tradere, qui remum tenere non
 novit? ut verbis utar Augustini ad Vale-
 rium. *c. ante. 40. dist.* Itaque is qui bene-
 ficium hujusmodi petit, non tantum se sa-
 cerdotem seu presbyterum esse, sed grada-
 tim & progrediendo per omnes inferiores
 ordines eò provectum docere debet. Et
 quanquam hic rigor interdum laxatus le-
 gitur, ut cum Nicolaus etiamnum laicus
 ad episcopatum promotus est: Severus ex

lanificio vocatus est ad archiepiscopatum : Ambrosius nondum sacrâ tinctus aqua archiepiscopus est electus. *c. siatuiamus. 61. dist. Theodor. lib. 4. eccles. histor. c. 6.* tamen novorum, ut ait poëta, factorum exempla contra veteres canones ecclesiasticamque disciplinam non temerè ad consequentiam trahidebent. *l. 1. de constit. princ. c. non exemplo. 26. q. 2. Vid. can. apostol. 79.* Hinc tractatur quæstio, si quis non à suo, sed alterius civitatis antistite ordinatus sit, an ea ordinatio valeat : & imprimis constat, simul atque inter alicujus Ecclesiæ clericos quis receptus est, non posse eum ab alterius ecclesiæ episcopo ordinari. Id enim concilio Sardicensi ideò vetitum est, quòd discordia inter episcopos inde nasci soleret : cautumque est nominatim ac disertè ut irrita sit ordinatio. Grave siquidem erat episcopo, qui juvenem instituere & erudire in sua ecclesia cœperat, sperans sibi & toti ecclesiæ impofterum usui fore, ob alterius episcopi sollicitationem fortassis eo commodo privari. *can. 1. 71. dist.* Itaque quo casu ea ordinatio ad consequendum beneficium jure pontificio necessaria est, ita ordinatum beneficii incapacem esse arbitror. Verùm is qui nondum in ecclesia aliqua factus, ut ita dicam, tyrocinio, ad alienam se ecclesiam contulit, & ibidem ordinatus est, videtur tanquam sacris rectè initiatus benefi-

beneficium capere posse, cum ratio suprâ scripta hîc cesset. Nec me later constitutionibus pontificum posterioribus, atque adeo conciliis generaliter prohibitum esse, ne quis ab alienæ civitatis episcopo ordinetur, quòd perditissimi quique, quorum in patrio solo mores cogniti essent, ad alienam civitatem confugere, & ad sacrum munus obrepere solerent. *c. 1. c. eos. de tempo. ordin. in 6.* Sed nusquam statutum reperio, ut irrita nulliusque momenti sit talis ordinatio. *Guid. Pap. q. 449.* Etenim pleraque in jure tum civili tum pontificio facta tenent, quamvis ea fieri prohibeantur. *l. 1. §. biduum. quan. appel. l. relegatorum. §. ad tempus. de interdict. & relega.* Quæri potest, quomodo probet quis se ordinatum & sacris initiatum esse, si fortassis ea de re controversia oriatur. Et videtur Theodosii Imperatoris constitutio nullam probationem, nisi quæ literis episcopi fiat, admittere. *l. si qua per calumniam. C. de episc. & cler.* At jure pontificio à clericis peregrinantibus literæ probationis hujus gratiâ minimè exiguntur, sed testes aut etiam argumenta sufficiunt. *c. 2. & 3. de cler. peregr.*

CAP. VII.

An cœlibatus beneficiariis necessarius sit.

UT intelligamus, an conjugati beneficiorum capaces sint, altius repetenda est disputatio nostra, videndumque est non modò, quid recentioribus constitutionibus pontificum, sed etiam quid priscis canonibus de ea re statutum fuerit. Igitur vetus ecclesia conjugatos à sacerdotio non summovebat, modò unius uxoris mariti essent. Sic enim habet *canon Apost. 5.* Episcopus aut presbyter aut diaconus uxorem suam prætectu religionis non abjicito: si abjicit, segregator à communione: si perseverat, deponitor. Non enim idonea hæc causa visa est matrimonii dissolvendi, tametsi ea Jureconsultis veteribus proberetur. *l. vitricus. de donat. inter. vir.* Idem & synodo Gangrensi, & sexta synodo sancitum est, *can. si quis docuerit. can. si quis discernit. 28. distin. ca. quoniam. 31. dist.* Sed & in Nicæna synodo id quoque comprobatum est. Nam, ut scribit Sozomenus, cùm in Nicæna synodo vellent aliqui episcopis, presbyteris & diaconis uxorum suarum usum interdicere, exurgens quidam nomine Paphnutius contradixit, honestam
rem

rem conjugium esse contendens, & castitatem cum propria uxore concubitum. Cujus sententiam synodus laudavit, & amplexa est. *c. Nicana. 31. distin.* Sed & ipsi Apostoli Christi Petrus, Philippus, Paulus, leguntur uxores habuisse. *lib. 3. eccles. histor. cap. 30.* Hinc Justinianus *Novel. 3.* Epiphanium Patriarcham œcumenicum laudat, quòd ex sacerdotibus genus & originem ducat. Et Harmenopolus *lib. 4. promt.* de lege clericis matrimonium interdiciente differens, verbo ἀκρεβείας utitur, *ὡς ἀκρεβείας νόμος*, inquit, *ὡς κληρικῶν*, id est, de rigore legis quæ de clericis lata est, quandoquidem legislator θεομαχεῖν, ut puto, & cum natura pugnare ipsi videbatur. Nec aliter sensisse Chrysippum opinor, qui ducendam uxorem sapienti præcipit, ne Jovem Gamelium & Genethlium violet. Quamquam id ceu ridiculum notat Hieronymus *in Jovin.* Ex his autem qui cœlibes in clerum pervenerant, id est, qui ante ordinationem matrimonium non contraxerant, canon apostolorum 25. jubet ut lectores tantum & cantores, si velint, uxorem ducant, cæteris puta diaconis & presbyteris, id non permittit. Constitutum tamen fuit synodo Ancyrana, ut diaconi tantum, nam de presbyteris nulla mentio est, si in ipsa ordinatione protestati fuissent, se velle matrimonio-

trimonium contrahere, nec posse se continere, postea uxorem ducere possent, & nihilominus in ministerio manere. *c. diaconi. 28. distin.* Adde quòd presbyteri, quamvis adversus votum in ordinatione factum, & expressam professionem, uxorem duxissent, excommunicabantur tantùm, nisi gratiam eis episcopus facere voluisset, ut habetur *c. 16. Concilio Chalced.* aut à ministerio sacerdotioque summovebantur, ut scribit Justinianus *Novel. 22. de his qui nuptias iterant.* & habetur in *c. 1. Neocæsar. conc.* Nec idèò dirimebatur matrimonium. *ca. nupriarum. 27. q. 1. c. quidam. 27. distin.* Hodie autem ita jus constitutum est, ut conjugati nullo modo ordinentur, nec ad beneficia aut dignitates ecclesiasticas aspirent, id quod de presbyteris sanxit Justinianus, *Novel. 123. cap. 2. c. cum decorem. de cler. conjug.* Veriti sunt fortè istius juris authores ne gravissima matrimonii onera functionem muneris ecclesiastici impediant, nec immeritò. *Negotium habere qui vult,* inquit Plautus, *navem & mulierem, hac duo sibi comparato.* Hinc Cicero rogatus ab Hircio, ut post repudium Terentiæ sororem ejus duceret, omninò facere superfedid, dicens non posse se uxori & philosophiæ pariter operam dare. author Hieronym. in *Jovin.* Conjugatos accipimus, qui verbis in præsens tempus conceptis
nuptias

nuptias contraxerunt, quamvis fortasse secutus non fuerit concubitus. *extr. c. antiqua. de vot. not. in c. i. de cler. conjug.* Orientalis tamen ecclesia hanc constitutionem tanquam moribus populi parum congruentem non recepit, sed adhuc veteres canones servat. *c. cum olim. de cler. conjug.* Quod ad eos attinet, qui cœlibes in clerum admittuntur, hoc jure utimur, ut lectores, cantores, & qui in inferioribus ordinibus sunt constituti, nec ad subdiaconatum usque conscenderunt, uxorem ducere possint, tenetque matrimonium, quod ita contractum est, nisi alia causa obsistat: beneficia verò sua minimè retinent, sed statim vacare dicuntur. *ca. i. ubi glo. c. diversis. de cle. conjug.* id quod nonnulli accipiunt, etiamsi matrimonium ob aliquod impedimentum efficax non sit: sed hoc inferius disputabitur. Cæteris omnibus, puta hypodiaconis, diaconis, presbyteris, episcopis uxorem ducere fas non est, nullumque est matrimonium, quod ab ipsis contrahitur: præterea beneficiorum suorum amissione mulctantur. *ca. ut lex. 27. q. i. c. i. c. 4. de cler. conjug. c. pen. 27. distinct.* nec protestatio diaconorum recipitur cujus paulò antè meminimus, quoniam episcopi nullos ordinare jubentur, nisi se perpetuò cœlibes victuros promiserint. *c. i. 28. distin. novel. Justinia. 123.* Sed an statim ac nuptiæ con-

contractæ sunt, beneficia vacant, an verò privatio condemnatioque sit necessaria, controversi juris est quæstio, de qua suo loco differemus. *not. in ca. 2. de cler. conjug.*

CAP. IIX.

*Digamum à sacerdotio
& beneficio ecclesia-
stico summo veri, &
qua ratione id cano-
nibus sancitum sit.*

QUAMVIS conjugatus ad sacerdotium veteribus canonibus admittatur, ut diximus, digamus tamen omninò repellitur. *Digamum* vocamus non qui eodem tempore duas habet habuitve uxores, quod nunquam in ecclesia orthodoxa permillum, Romano autem jure semper vetitum fuit. *l. 2. C. de incest. nupt.* sed qui diversis temporibus. Sic enim habet *canon* qui dicitur *Apostolorum XVI.* Qui post baptismum duabus implicitus fuit nuptiis, aut concubinam habuit, is episcopus, aut presbyter, aut diaconus, aut denique in consortio sacerdotali esse non potest. Cui consentaneæ sunt constitutiones Justiniani. *Novel. 6. novel. 22. novel. 123.* Idque sumptum ex Paulo videtur, qui ad Timotheum

theum & Titum scribens, episcopos & diaconos unius uxoris viros esse vult. 1. *ad Timoth. c. 3.* & *ad Tit. c. 1.* Idem *ad Timoth. Vidua*, inquit, deligatur, quæ unius viri uxor fuerit. 1. *ad Timoth. c. 5.* Quorum verborum interpretatio apud Gratianum erat. 26. *dist.* Sic apud veteres Romanos ante Christianismum & alias item gentes, digami à sacerdotio repellebantur. Hieronymus *ad Geruntiam*: Hierophanta apud Athenas eviratur, & æterna debilitate fit castus. Flamen unius uxoris ad sacerdotium admittitur. Flaminea quoque unius mariti eligitur uxor. Ad tauri Ægyptii sacra semel maritus assumitur. Hinc sacerdos *univiria* dicitur à Trebellio Pollione. Nam etsi polygamia humano divinoque jure permessa sit, vitandæ incontinentiæ causa, tamen à veteribus patribus non satis honesta judicata est, quòd immodicæ cujusdam incontinentiæ argumentum esse videretur: adeò ut non dubitaverit Chrysostomus conjunctionem hujusmodi, scortationem appellare. Et sanè Paulus, ut ab eo, cujus summa sacrosancta que est apud nos autoritas, incipiam, hortator est virginitatis ac coelibatus. 1. *ad Corinth. 7.* Præterea satis constat, his omnibus, qui plures nuptias contraherent, quanquam laicis, pœnam olim impositam fuisse. Sic enim legitur in canone III. Neocæsarien. concilii.

cilii. De his, qui frequenter uxores ducunt, & de his, quæ sæpius nubunt, tempus quidem pœnitentiæ iis constitutum, manifestum est, sed conversatio & fides eorum tempus abbreviat, &c. *c. de his. 31. quæst. 1.* Item Chrysostomus apud Gratianum, Hac ratione, inquit, & Apostoli præceperunt secundas adire nuptias propter incontinentiam hominum. Nam secundam quidem accipere secundum præceptum apostoli licitum est, secundum autem veritatis rationem verè scortatio est, &c. *can. hac ratione. 31. quæstio. 1.* Et Augustin. Nec contra humanæ verecundiæ sensum audeo dicere, ut quoties voluerint, nubant, nec ex corde meo quotaslibet nuptias condemnare. *c. ultim. 31. q. 1.* Hæc ratio movit antiquos juris pontificii conditores, ut digamos ad sacerdotium non admitterent. Quomodo enim potest hortator esse viduitatis apud populum, qui & ipse conjugia frequentaverit? ut inquit Ambrosius in *lib. de off. c. una. 26. distinct.* Nec verò tantum à sacerdotio, sed ab aliis etiam inferioribus ordinibus eos summo-vendos esse putaverunt. *c. si quis viduam. c. cognoscamus. 34. distin. c. maritum. 33. dist.* Quòd si fortè ordinationem eorum sequuta fuerit digamia, ut si fortè in inferioribus ordinibus constitutus, alteram uxorem duxerit, statim irrita sit ordinatio, digami-
que

que omni privilegio nudati esse intelliguntur, adeò ut à laicis hominibus, & qui nunquam ordinati fuere, non differant, idque novo jure pontificio expressum est. *tit. de biga. in 6.* Veteri siquidem jure hac pœna tantum afficiebantur clerici, ut ad sublimiores ordines non pateret eis ascensus. Diaconi verò presbyterique à ministerio summovebantur, ut ex Justiniano colligere licet. *Novell. 22. de his qui nupt. iterant. c. seriatim. 32. distin.* Quod autem novo jure matrimonium hujusmodi cum sacerdotibus diaconisve contractum non teneat, nemini dubium esse potest. *ca. à nobis. de biga. non ord.* cum ne monogamia quidem ipsis ullo modo concessa sit post ordinationem, ut ex jam dictis apparet. Quod autem diximus humano civilique jure polygiam iis qui initiati non sunt, permissam esse, de jure civili, quod in libros Justiniani relatum est, accipi volo. Nam apud Harmenopolum Græcum authorem *lib. 4. tit. 7.* constitutio cujusdam Imperatoris legitur, quæ quartas nuptias interdicat omnino, & irritas esse jubet. Quod de digamis hætenus dictum est, in iis quoque qui viduam duxerunt, locum habet. *c. 3. ca. debitum. de biga. ca. si quis viduam. 34. dist.* Nam hos canon apostolorum XVII. digamis omnino comparat, hæc ut arbitror ratione, quia digamiam

uxoris, quam ducunt, probare videntur, ejusque digamiæ occasionem eis præbere. Nam digamia mulierem non minus, imò magis quàm virum dedecere videtur. Quare Portia cùm laudaretur apud eam (inquit Hieronymus *in Jovin.*) quædam benè morata, quæ secundum habebat maritum, respondit, Fœlix & pudica nunquam præterquam semel nubit. Itaque lege Mosaica præceptum fuit, ut pontifex virginem tantùm uxorem ducere posset. *Levit. 21.* Adde si lubet, quòd ridicula vulgò res est, & cavillis hominum obnoxia, uxorem viduam ducere, quod vel tritum apud juris civilis doctores diæterium Bulgari Jurisconsulti discipulorum in præceptorem satis ostendit. *gl. l. rem non novam. C. de judic.* Sed & Verrius Flaccus, ut refert Varro juris pontificii peritissimus, eos qui viduas ducerent, veteres fossas tergentibus comparare perquàm facetè solitus fuit. Hæc enim fuisse ejus sententia fertur, quia feriis tergere veteres fossas liceret, novas facere jus non esset: ideò magis viduis, quàm virginibus idoneas esse ferias ad nubendum. *Macrob. lib. 1. Satur. cap. 15.* Quamobrem non immeritò præcipit Hesiodus, virginem ducendam esse, ut gratis moribus imbui possit, *lib. 2. ἔργων καὶ ἡμέρας.*

Παρθενικὴν δὲ γαμεῖν, ὡς καὶ ἡθεὶς κεδναὶ διδάξῃς.

Ejus-

Ejusdemq; sententiæ est Aristoteles *lib. 1. æcono.* Porro idem jus esse in meretrice, quod in vidua satis perspicuum est ex canone Apostolorum, cujus suprà mentionem habuimus *cap. 17.* Qui viduam, inquit, duxit, aut divortio separatam à viro, aut meretricem, aut ancillam &c. *c. si quis viduam. 34. distin.* Meretrix autem quam canon Græcè ἐπίεργον vocat, accipienda est authore Hieronymo, quæ multorum libidini patet. *ca. vidua. 34. distin.* vel ut Augustinus ait, cujus publicè vœnalis turpitudine est. *c. meretrices. 32. q. 4.* Quæ igitur cum uno aut altero se miscuit, meretricis appellatione non continetur. *l. palam. de ritu nupt.* Veruntamen ad hanc quoque canon productus est, ut quisquis talem duxerit, à sacro ministerio arceatur. *c. curandum. c. precipimus. 34. dist. c. qualis. 30. quæst. 5.* Idque Toletano concilio disertè cautum atque expressum est. *ca. qui in aliquo. 51. distin.* De eo autem qui uxorem adulteram retinuit, quid judicandum sit, malo synodi ipsius verbis quàm meis referre. Verba Synodi Neocæsar. *ca. 8.* hæc sunt: Si cujus uxorem adulterium commisisse, cùm esset laicus, evidenter fuerit probatum, hic ad ministerium ecclesiasticum admitti non potest. Quòd si in clericatu eo jam constituto adulteravit, dato repudio dimittere eam debet. Si

verò retinere ejus consortium velit, non potest suscepto ministerio perfrui. *c. si cuius. 34. distin.*

CAP. IX.

De

*Beneficiariorum etate,
& legibus annalibus:
item de iis, qui plura
adversus canones be-
neficia impetrave-
runt.*

ÆTatis quoque habenda est ratio in beneficiis conferendis: idque nos docet Paulus, cum Timotheo præcipit, ut nemini citò manum imponat. *i. ad Timoth. cap. 5. ca. quid est. 78. distin.* Sed & Christus Joanni, quem maximè charum habebat, ideò prætulisse Petrum fertur, quòd hic senex, ille juvenis admodum esset. Paulus tamen Timotheum adhuc adolescentem Ecclesiæ præfecit, cum nulla adhuc regnaret ambitio in ecclesia, & eum prudentia senili eximiaque pietate & doctrina esse intelligeret. Nam sicut veteres Romani, authore Cicerone, *leges annales* non habuerunt, quas attulit ambitio, ut
gra-

gradus essent petitionis inter æquales : sic videntur canones ecclesiastici ministro- rum ætatem definientes ex hominum vi- tiis profecti esse. Leges egregiæ, inquit Tacitus, honesta exempla apud bonos ex delictis aliorum gignuntur. Sic orato- rum licentia, Cinciam rogarionem : can- didatorum ambitus, Julias leges : magi- stratum avaritia, Calphurnia scita pepe- rerunt. Horum igitur canonum consti- tutio & observatio perutilis Ecclesiæ ac necessaria non immeritò visa est, in iis præ- fertim muneribus, quæ graviora majoris- que momenti sunt. Ratio enim utilitas- que suadet, ut senex aliquis jam maturus, ac ut Homerus ait, *παλαιά τε ποικίλα τε εἰδώς* potius quàm juvenis rerum imperitus, clavum Ecclesiæ teneat. Idque in omni parte Reipubl. præceptum maximè te- nendum, nec unquam sine gravi necessita- te violandum est. Quare Sylla de Mario juniore dicebat, debere juvenem prius remo, quàm gubernaculo admoveri. Ac tamen si tribunatum militum puero dela- tum aliquando, atque adeò consulatum apud juris civilis authores legamus. *l. ne- mo. C. de religiof. l. ultim. C. de milit. test.* ta- men arbitror nullam id ætatis hominibus administrationem legibus concessam fuis- se, & juris authores de tribunatu consula- tive honorario sive imaginario tantum

loqui, quo titulotenus & absque ulla administratione fungebantur. Nam & militiae hujus imaginariae apud Cicero-
nem & Tranquil. mentio est. Videamus igitur quæ ætas legibus & canonibus defini-
ta sit. Et imprimis *episcopus* prohibetur eligi, nisi qui XXX. annum exce-
sserit. Idque concilio primum Agathensi, deinde Lateranensi constitutum est. *c. episcopus. 77. distin. c. cum in cunctis. de electio.* quamvis Justin. in *Novel. XXXV. annorum* tempus statuatur, *Novel. 123. Archimandrita* sive *abbas* cujus ætatis esse debeat, nusquam certo jure definitum expressumque reperitur. Quare ad canonem de dignitatibus episcopali inferioribus generaliter editum, cujus mox à nobis mentio fiet, hunc referemus. *d. c. cum in cunctis. §. inferiora.* Mulieri sanè monialium curam gerenti, quæ *abbatissa* dicitur præstituti sunt anni XXX. *c. indemnitatibus. de elect. in 6.* Sed eam constitutionem interpretatione ad viros porrigere & extendere dissimilitudo rationis non patitur: cum præsertim exemplo turpe esse dicant Jureconfulti foemineo vocabulo masculos contineri. *l. si ita scriptum. de leg. 2. in dignitatibus conferendis* cujusmodi sunt decanatus, archidiaconatus, &c. tempus XXV. annorum spectatur. Quod non solum in archimandrita locum habet, uti diximus, sed

sed in præfectis etiam illis monasticorum conventuum, qui priores conventuales appellantur. *c. ne in agro. §. ceterum. de statu monac.* In presbytero ætas 35. annorum, aut saltem 30. annorum requirebatur priscis canonibus. *can. presbyter. 78. distin.* Quod etiam Justinianus constituit *Novel. 123. can. nemo. 78. dist.* Presbyterumque intelligebant veteres, qui curationem animarum habebat, cuique certæ alicujus Ecclesiæ commitebatur gubernatio. Sed hodie brevius aliquanto temporis spatium, nempe 25. annorum definitum est, *d. c. cum in cunctis. §. inferiora.* Quo tempore diaconi, subdiaconi, acoluthi & cæteri inferiores clerici ordinari debeant in re beneficiaria, quam hîc tractamus, parum refert. Nam cæremonialis est & imaginaria tantùm hæc ordinatio sine ullo onere ac beneficio, quamvis olim promotio esset ad certum ministerium & cum beneficii collatione conjuncta. Quum igitur ordinationes fiebant ad certum ministerium beneficiumque, non ut nunc absolutè contra Chalcedonense concilium, alia ætas ordinationi seu ministerio, alia beneficii, quod illi ministerio conjunctum erat, collationi præscripta non erat. De præbendis canoniorum nihil satis expressum offendimus in jure pontificio, sed vulgò receptum est 14. annorum tempus, ut minimum requiri.

*Panorm. in c. super inordinata. de præb. Aliqui septem annos sufficere putant. ca. si eo tempore. de rescr. in 6. ca. ex eo. de elect. eod. lib. quorum opinio in simplicibus levioribusque beneficiis sine curatione animarum, & dignitate ulla, defendi potest, cum sit verisimile non alio consilio clericis inferioribus hæc assignata esse, quam ut ex eis ali, & ad ministerium Ecclesiæ institui possint. not. in d. ca. super inordinata. d. ca. si eo tempore. Tempus ergo quo potest clericus ordinari, id est, septem annorum, hîc inspicitur. can. de his. 28. dist. c. in singulis. 77. distin. c. ultim. de tempor. ordin. in 6. not. in. c. cui. de præb. in 6. clem. ultim. de etat. & qualitat. Hæc de legibus Ecclesiæ annalibus breviter dicenda putavi: quibus illud præterea adjiciendum est, solere pontifices Romanos pro potestate passim harum legum gratiam facere, ut *relæ* quædam *araneæ*, ut Anacharsis dicebat, esse videantur. Cæteris verò episcopis ita demum permittitur hæc relaxatio, si animarum curationem beneficium non habeat. cap. i. de etat. & qualitat. in 6. De hujuscemodi gratia, quod scribit alicubi Budæus noster, continere me non potui, quin hîc adscriberem: Translatitium inquit, esse jamdiu cœpit, interpretatione *juris Mercurialis* eos, qui nondum tutelæ suorum bonorum facti sunt, imò verò qui necdum in suam tutelam*

lam venerunt, ad annos venisse fingi tutelæ animarum *annalium legum* solutione. De iis qui ob multitudinem beneficiorum canonibus prohibitam, beneficiorum minimè capaces esse dicuntur, *lib. 8.* differemus.

LIBER QUINTVS

QVIBVS MODIS ACQVIRANTVR BENEFICIA, ET ECCLESIAE MINISTRI ORDINENTVR.

ARGVMENTVM.

NE homines non idonei ad ministeria honorésve ecclesiasticos aut irrepere aut irrumpere possint, editi sunt varij canones, quibus ratio munerum hujusmodi distribuendorum continetur: quam hoc libro accuratè ac diffusè exequemur & explicabimus. Nam mores hominum variis aetatibus ac seculis subinde mutati effecerunt, ut ex uno genere honores ecclesiasticos deferendi tandem multa exorirentur, Electio videlicet, Postulatio, Translatio, Conjunctio, Fiducia,

cia, Mandatum apostolicum, Reservatio, Nominatio, & cetera quæ singulis capitibus hîc describuntur.

CAP. I.

Quæ sit forma & ratio eligendi ministros ecclesiæ, tam vetus quàm nova: quidque inter ea beneficia intersit, quæ vulgò collativa & electiva dicuntur.

DE ratione & forma ordinandi ministros Ecclesiæ, nullum in sacra scriptura præceptum extare arbitror, sed ritus ab apostolis observatus, quorum exemplum vice cujusdam præcepti nobis esse debet, ex aliquot scriptorum sacrorum locis cognosci potest, quæ nos hîc adscripsimus. Ac primùm omnium Lucas scribit, *Actor. ca. i.* apostolos hortante Petro in locum Judæ proditoris Mathiam suffecisse, sed convocatis prius omnibus discipulis, quorum communi consensu id factum est. Cùm enim duo ipsis sacro munere digni vide-

viderentur, Iosephus & Mathias, quos in conspectu omnium statuerant, tandem precibus apud DEUM fufis, & facta fortitione, in eorum cœtum Mathias cooptatus est. In hac igitur creatione quamvis intervenerit fors, tamen electio aliqua iudiciumque antecessit. Idem in creandis diaconis sorte usos fuisse apostolos nequaquam ait, sed unâ cum discipulis, communi consensu elegisse septem, quibus coram tota multitudine post precationem manus imposuerunt. *Actor. c. 6.* Idem in cooptatione Barnabæ & Sauli, quæ facta est Antiochiæ, post preces & jejunium adhibitam fuisse manuum impositionem refert, *Actor. ca. 13.* Idem presbyteros per singulas civitates à Paulo & Barnaba constitutos fuisse ait, facta precatione cum jejunio. *Actor. c. 14.* Ex quo loco sunt qui colligant, suffragio populi creatos fuisse, quod verbum Græcum *χειροτονειν*, quo usus est Lucas, non simpliciter creare significat, sed suffragio & consensu populi tantum, quæ manuum elevatione significetur. Sed hæc sententia apud me dubia adhuc est, cum id verbum ad alia transferri plerumque soleat. Ex authoribus aliis qui sacri non habentur, Clemens apud Eusebium scribit, *eccles. histor. lib. 2. ca. 1.* Jacobum fratrem Domini à Petro, Joanne & Jacobo apostolis creatum fuisse episcopum, sed is nul-

nullius certi ritus meminit. *c. porro. 66. distin.* Testatur & Eusebius *lib. 3. ejusdem historiae, c. II.* vita functo Jacobo, omnes apostolos ac discipulos Domini, qui tunc superstites erant, ex variis locis in unum convenisse, & communicato consilio Symeonem episcopum elegisse. Nec aliud præterea adjicit. De epistola Clementis, qua se Petri successorem in Ecclesia Romana delectum ab eodem fuisse asserit, postea videbimus. Post apostolorum tempora editi sunt varii canones de episcoporum & aliorum Ecclesiæ ministrorum ordinatione. Nam canones qui dicuntur apostolorum, à Clemente, ut fertur, conscripti statuunt, ut episcopus à duobus aut tribus episcopis, presbyter, diaconus, & cæteri clerici ab uno episcopo ordinentur. Nam eo tempore cœperat in singulis civitatibus unus episcopus, qui presbyteris omnibus præesset, constitui, ejusque erat ordinatio & manuum impositio, non presbyterorum. Creatis archiepiscopis & Metropolitanis constitutum est, ut episcopus ab omnibus suæ provinciæ episcopis, si commodè congregari possint, ordinetur: in eoque negotio primas partes obtineat Metropolitanus, ejusque præcipua sit auctoritas. Sic enim Synodi Nicænæ Græcum canonem interpretor, qui de confirmatione apud nos usitata non loquitur.

c. episcopi. 64. dist. Nam præsentibus tam Metropolitano, quàm cæteris episcopis, fiebat episcopi electio, quanvis hodie post electionem adiri soleant: cujus rei testis est Cyprianus *lib. 5. epist. 4.* Cæteri verò ministri, præsentē episcopo, qui eos ordinabat, eligebantur. Ac suffragia non tantum cleri, sed etiam populi erant in hujusmodi electionibus. *c. episcopus. 24. distin. & 63. 67. distin.* Quod verisimile est & apostolorum temporibus observatum fuisse, licet non satis exploratum id sit. Unde Leo Pontifex, Nulla, inquit, ratio finit ut inter episcopos habeantur, qui nec à clericis sunt electi, nec à plebibus sunt expetiti, nec à comprovincialibus episcopis cum Metropolitani judicio consecrati. *c. nulla. 62. distin.* Idem, Vota civium, testimonia populorum, honoratorum arbitrium, electio clericorum in ordinationibus sacerdotum, &c. constituatur, &c. *c. vota. 63. distin.* Ipsi etiam Principes, cum opus erat, auctoritatem suam interponebant. Nec sanè æquum erat eos deterioris conditionis, quàm cæteros cives haberi. Ac similis propemodum fuit ratio creandorum sacerdotum apud veteres Romanos ante Christianismum, ut testatur Cicero *in 2. oratio. de lege agr. contra Rullum*, his verbis: Ne hoc quidem vidit, majores nostros tam fuisse populares, ut quod per populum
creari

creari fas non erat propter religionem sacerdotum, in eo tamen propter amplitudinem sacerdotii noluerunt populo supplicari. Atque hoc idem de cæteris sacerdotiis Cn. Domitius tribunus plebis vir clarissimus tulit, quod populis per religionem sacerdotia mandare non poterat, ut minor pars populi vocaretur: ab ea parte qui esset factus, is à collegio cooptaretur. Rectè tamen constitutum fuit in concilio Laodiceno, *c. 13.* ut multitudini & plebi non permittatur electio. *c. non est. 63. distin.* quæ, ut ait Origines, sæpe clamoribus aut grâtiâ, aut pretio excitata moveri solet, *c. si ergo. 8. q. 1.* Quanquam enim populo invito non dabatur episcopus, tamen immoderatam ejus cupiditatem clerus non cogeatur sequi, quasi ex populi arbitrio penderet electio, sed eos docere ac admonere debebant, & gravitate prudentiaque sua ab incœpto revocare. *c. docendus. 62. distin.* Electio igitur tam à clero, quàm populo celebrabatur, episcopo uno præsentem vel pluribus episcopis, ut jam diximus, inquirebaturque in mores, doctrinam, ætatem, natales, & cætera, de quibus integro libro disseruimus suprà. Ac si nulla nota aspersus reperiebatur, propter quam rejici deberet, statim ab episcopo vel episcopis manus ei imponebantur. Nec absque ea inquisitione consecrari ordin-

dinarive poterat. *concil. Nica. cap. 9.* Et plerique authores sunt, palam proponi solita fuisse nomina ordinandorum, facta omnibus potestate quicquid vellent eis objicendi. *Lamprid. in Alex.* Hæc fuit vetus forma ordinandorum Ecclesiæ ministrorum. Nec fuit ullum discrimen inter episcopos & alios ministros inferiores, nisi quod hi ab uno, illi à pluribus episcopis ordinabantur. Verum hæc forma eligendi non solum immutata, sed etiam in quorundam ministrorum ordinatione omnino sublata est, adeo ut plerique citra electionem in Ecclesia constituentur, jure quo nunc utimur, pontificio. Hinc beneficia quædam electione dicimur acquirere : alia collatione quadam & concessione, quæ nullam electionem requirat. Nam majora quædam amplioraque ministeria ac beneficia, cujusmodi *episcopia* sunt, solenni electione deferuntur. Cætera ab episcopis, & interdum à collegiis prætermisso illo solenni electionis ritu, tribui & conferri solent. Fit autem episcoporum electio à collegio canonicorum cathedralis Ecclesiæ, eo ritu & ordine, quem Innocentius in quadam synodo præscripsit. *c. quia propter. de elect.* Cæteri verò clerici præter canonicos suffragia non ferunt, ac multò minus laici, qui priscis temporibus interesse electioni, & verè eligere consueverant. *c. Massana.*

de elect. Is igitur in quem omnes canonici, aut certè *πᾶσι καὶ κατὰ τοὶ*, id est, major meliorque pars consenserit, post communicationem deliberationemque mutuam, quæ solennem suffragiorum perscrutationem continuò in ipsis, ut ita dixerim, comitiis sequitur, à collegio eligi debet: id à veteribus *dirimere sententias vel suffragia*, nisi fallor, dicebatur. Non enim suffragia & sententiæ singulorum hîc numerantur solum, sed etiam ponderantur, & is potior habetur nonnunquam, quem pars gravior atque melior comprobaverit. *c. in genesi. c. Ecclesia vestra. de elect.* Vincitque in dubio numerus, si nulla in meritis candidatorum, aut eligentium affectu, cæterisque hujusmodi, inæqualitas appareat. Ad quam demonstrandam admittitur is, qui contra numerum pugnat, nisi adversarius duarum partium collegii puncta tulerit, ut concilio Lugdunensi statutum est. *c. si quando. de elect. in 6.* Cùm autem nulla præterquam in calculis atque suffragiis inæqualitas reperitur, non satis est aliquem majore numero, quàm adversarium niti ut eligatur, sed majorem partem eorum canonicorum, qui adsunt, ab eo stare oportet. *c. ecclesia. c. Cumana. de elect.* tamesi juris civilis authores majorem partem anni in interdicto utrubi aliter interpretati sint. *l. majore. de verb. sign.* Et notandum est
omnes

omnes canonicos, qui in provincia degunt, ad hæc comitia vocandos esse. *c. coram. de elect.* Alioqui vulgò dici solet, magis obesse electioni contemptum unius absentis, quàm multorum præsentium intercessionem, & contradictionem. *c. bona. de elect.* Infirmatur enim ob eam causam electio, quanquam aliàs ritè, & plurimorum consensu celebrata, nisi fortè is, qui spretus esse dicitur, quod ita gestum est, postea ratum habuerit. *c. quod sicut. de elect.* Postelectionem hoc modo factam, confirmatio Metropolitani requiritur. *c. nihil. c. cum dilectus. de elect.* nec antè electus quicquam administrandi facultatem habet. *c. nostris. c. qualiter.* eaque confirmatio maturè fieri debet, & inquisitione examinationeque accurata præcedente, ut suprà diximus. *c. 3. c. nihil. de elect.* ita ut omnes audiantur, qui ordinationis impediendæ causa quidpiam objicere voluerint, quamvis fortè competitores non sint. Quamobrem Bonifacius veterem illam consuetudinem nomina ordinandorum publicè proponendi, cujus antè meminimus, non immeritò repetiit, ac renovavit. *c. ult. de elect. in 6.* Quòd si facta diligenti inquisitione electus non reperiatur idoneus, non modò non confirmatur, sed etiam in futuris comitiis, in quibus iteratur electio, iure suffragii carent, qui scientes prudentesque

talem elegerunt. *c. cum in cunctis. c. cum Vintoni.* Confirmationem sequitur *consecratio*, quæ olim à confirmatione non distinguebatur. Nam canonem illum Synodi Nicænæ, quem supra recitavimus, malè conversum è Græco in Latinum huic distinctioni occasionem dedisse suspicor. *ca. episcopi. 64. dist.* Fit autem hæc consecratio ab episcopis provincialibus cum auctoritate Metropolitani, ut ex canonibus ex Gratiano congestis perspicuum est. *64. dist. & seq.* Ac tametsi post confirmationem res ecclesiasticas administrandi jus habeat electus, tamen consecrare, & alia quædam id genus exequi ei demum licet, qui consecratus est. *c. transmissam. c. quod sicut. de elect.* Hæc cum ita se habeant, dubium non est quin episcopium inter ministeria seu beneficia, quæ dicuntur *electiva*, rectè connumeratur. De cæteris autem quæri solet. Et quorundam veterum opinio est, constitutionem Innocentianam, quæ ritum ordinemque electionis præscribit, ad omnia ecclesiarum quaruncunque collegia pertinere. Quæ opinio ad veteris Ecclesiæ ritum propius cæteris accedit. Sed moribus comparatum est, ut in episcoporum tantum & archimandritarum promotione hæc forma servetur. Et sanè plurimum in hac re consuetudini videtur tribuendum esse. Non enim institutum

Innocentii fuit, quæ ministeria beneficia-
 que electiva essent aut contrà, definire,
 quod eo tempore fortassis erat indubita-
 tum, sed in omnibus electivis formam at-
 que rationem eligendi ideò constituere
 voluit, quòd unusquisque propriam
 quandam eligendi viam, aut inutilem ple-
 runque, aut perniciosam Ecclesiis pro suo
 ingenio comminisceretur. *d. c. quia propter.*
 & excogitaret. Itaque in canonicorum
 promotione, aut aliorum, qui inferiores
 sunt, eam formam servari necesse non est.
 Sed cur ea beneficia, atque alia hujusmodi
 electiva non dicuntur, cum suffragiis
 omnium canonicorum promotio fiat?
 Respondeo duplicem hujus rei causam es-
 se: una est, quia cum suffragiis suis proti-
 nus beneficium conferant collegæ, nec
 ullam episcopi confirmationem expectent,
 simplex meraque electio nequaquam esse
 intelligitur, quocunque modo sententiam
 in conventu suo dixerint. Ut enim bene-
 ficium *collatione* acquiri dicatur, an ab una
 aliqua singulari persona, an ab universita-
 te aut collegio conferatur, nihil refert.
 Sunt qui hæc beneficia *mixta* appellent:
 nec id quidem malè, præsertim si solennis
 ille constitutionis ritus in dicendis senten-
 tiis observetur. Eadem enim opera, &
 eligere & conferre dicuntur, quia nulla
 ipsis confirmatione post eam electionem

opus est. Altera causa est, quia quoties Innocentianæ constitutionis forma servari non solet, sed consensum quoquomodo in cœtu atque conventu declarari sufficit, ut fit plerunque, non videtur propriè electio dicenda esse, quamvis fortè consensus, autoritas, aut confirmatio antistitis superioris requiratur. *gl. cap. sicut. de electio. in 6.* Proinde *collativa* dicuntur etiam ea beneficia, quæ episcopus cum consensu & consilio collegii confert, quoniam absque solenni ritu constitutionis Innocentianæ, is consensus voluntasque declaratur. Cùm autem eximia habeantur ea ministeria beneficiaque, in quibus præter ritum solennitatemque electionis, confirmationem quoque antistitis necessariam esse majores nostri voluerunt, constitutum est à Bonifacio octavo, ut generalibus diplomatum pontificiorum verbis contineri minimè intelligantur. *cap. cum in illis. de prob. in 6.*

CAP. II.

DE

Eo genere ad sacra ministeria beneficiaque promovendi, quod

vul-

*vulgò postulationem
vocamus.*

ANtiquis recentioribusque canonibus multifariam prospectum est, ut hominum ambitiosorum temeritas retundatur, & ut ne quis indignus promoveatur ad ministerium Ecclesiæ. Volunt enim canones in ministrorum electione, morum, doctrinæ, ætatis rationem haberi, & cæterarum rerum, de quibus *lib. 4.* abundè tractatum fuit. Illud etiam nominatim cautum est, ne quis episcopus ad aliam civitatem transferri possit, de quo plenius infra differemus. Quod si qui contra hanc disciplinam aliquem elegerint, non solum intercidit electio, sed electores etiam, qui jus suffragii habent, ejus amissione multantur, ut antè diximus. Verùm hæc ferveritas absq; humaniori interpretatione & *ὑμενεία* consistere non potuit. Quid enim si vir spectatæ integritatis & eruditionis reperiatur, qui sacris initiatus nondum sit, aut justæ ætatis non sit, nec alius idoneus fortè existat, qui Ecclesiæ præficiatur? Quid si Ecclesiæ magna aliqua utilitas ac necessitas suadeat, episcopum unius civitatis in aliam transferri? Itaque visum est juris pontificii authoribus ita rem temperare, ut summum jus æquitati cedat, & nihilominus salva sit priscarum legum ca-

nonumque reverentia. Non enim temerè electoribus permittitur alienæ civitatis episcopum aut nothum hominem vel prophanum, vel non legitimæ ætatis quasi sacro munere dignum, contra leges institutaque majorum eligere, sed superiorem antistitem adire, ab eoque veniam gratiamque canonum postulare ipsis licet. Quia impetrata eligere ita demum poterunt, si vitium propter quod canones electionem prohibent, libello postulationeque sua complexi fuerint, & nominatim expresserint. *not. in c. innotuit. de elect. & in c. ult. de postul. pralat.* Idque jure pontificio sic est constitutum. Sed moribus receptum est visitandi circuitus inanis causa, ut si visa fuerit æqua postulatio, statim ordinetur minister Ecclesiæ, aded ut postulationis admissio justæ electionis confirmationisque vim ac potestatem habere dicatur. *not. in c. ult. de postul. pralat.* Hujus autem postulationis nullum apud veteres exemplum reperio, nisi fortè in promotione Joannis Chrysostomi, cujus mentio est *lib. 10. Tripar. histor. cap. 3.* Sed ne ea quidem promotio huic nostræ omninò similis est. Nam tametsi utilitatis ac necessitatis causa à canonum præscripto nonnunquam recederent, ut docet *canon Apostolorum 79.* tamen quia episcopi præesse electioni, nedum interesse consueverant, eorumque ductu

ductu & authoritate omnia gerebantur, hæc solennis postulatio, quæ hodiè usitata est, omnino fuisset supervacanea. Itaque Theodor. *lib. 4. eccles. histor.* de Ambrosio loquens, qui sacro ablutus lavacro nondum erat, eum à populo & episcopis, qui jussu Imperatoris Valentiniani conveniant, episcopum Mediolani edictum fuisse scribit. *c. stataimus. 61. dist.* Quamvis Gratianus ad prisca sæculi mores non respiciens, postulatum fuisse potius asserat. *c. Valentinianus. 63. distin.* Cum autem dictum sit postulationis comprobationem electionis confirmationi parem esse, quibusdam fortassis videbitur inter electionem ac postulationem hodie nihil interesse. Verùm aliquod discrimen, nec id quidem leve adhuc animadverti potest. *c. episcopus. 61. distinct.* Non enim ut electo, ita etiam ei cujus promotio ordinatioque postulatur, ullum jus ex postulatione intelligitur acquisitum esse. Atque ideò interim canonicis variare, & sententiam mutare permissum est, donec antistes aditus, ipsique oblata postulatio fuerit. *ca. bonæ. de postul. prelat.* Nam canonici cum communi consensu & consilio postulandum esse aliquem decernunt, nequaquam se eum eligere testantur, sed libenter electuros ostendunt, si per leges & canones liceret. Quorum canonum rigorem laxari ac re-

mitti, & eligendi potestatem sibi fieri suppliciter petunt, aut certè voluntatem suam à superiore antistite comprobari, perinde ac si vera legitimaque esset electio, quod hodie receptum est, ut diximus. Ea siquidem petitio si justa utilisque Ecclesiæ videatur, pro solenni legitimaque electione haberi solet, ut nullam aliam electionem postea celebrari necesse sit. Qua ratione vulgò traditum est, in hujusmodi postulationibus, ritum ordinemque constitutionis Innocentianæ, cujus paulò antè meminimus, omninò servandum esse. Nam licet ex duabus viis altera extraordinaria sit, nihilominus eòdem ferre ambas, & par in utraque periculum esse videmus. Præterea qui hominem sacro munere indignum postulant, non continuò jus suffragii, ut electores amittunt, cum poscentes veniam, & vitium agnoscentes confidentesque, ejus quem ordinari desiderant, canones violare non videantur. *cap. innotuit. de elect.* Quod tamen est ita accipiendum, nisi tale vitium sit, ut gratiam canonum remissionemque sperare non debeant, ut puta, si noxius aliquis sceleratusque vir postuletur, in quo nulla vitæ emendatio eluceat. Hunc enim quem nefarium est promovere, postulantes, exemplo eligentium plecti mulctarique debere constitutum est. *c. 2. de postulat. pralat.* Quamvis autem

autem electio ac postulatio res diversæ
sint. *c. episcopus. 61. distin.* tamen quibus ver-
bis utantur postulare volentes, non mul-
tum referre arbitror, modò voluntas eo-
rum obscura non sit. Nam sive postulan-
dum se eligere, sive eligendum postulare
dixerint, nihil contra canones facere vi-
dentur, si constet eos gratiam ab antistite
suo exposcere velle, quia fortè vitium ali-
quod exponunt, propter quod jure suo eli-
gere se non posse ultrò fatentur. *c. post
translationem. de renunc.* Nam & veteres
promiscuè his verbis usos fuisse animad-
vertimus. *c. literas. 63. distin.* Nec me mo-
vet quòd Bonifacius constitutione qua-
dam sua, hoc pronunciandi genus ut ca-
ptiosum subdolumque improbavit. *tit. de
postul. pralat. in 6.* Nam adversus eos edi-
ta est ea constitutio, qui sacro munere in-
dignum quempiam eligere cupiunt, sed
quia verentur ne patefacta tandem ejus
indignitate, poenæ sint obnoxii, his verbo-
rum involucris improbitatem suam tegere
conantur. Quæri solet à quo gratia re-
missioque, de qua hîc loquimur, postulan-
da sit. Et quidem Romanus pontifex,
cùm de promotione episcoporum agitur,
quòd res magni ponderis sit, & ad exem-
plum maximè pertineat, eo nomine adiri
consuevit. *not. in cap. ultim. de postul. pralat.*
Pro cæteris verò majoribus ministeriis ita
demum,

demum, si vitium, propter quod inhibetur electio, tale sit, ut aliis antistitibus gratiam canonum facere non liceat. Proinde si candidatus XX. annos natus sit, nec animarum curatio petatur, sed aliud quidvis ministerium Ecclesiæ, apud proprium episcopum hæc venia rectè postulabitur: cum hoc genus gratiæ inter ea quæ recepit, ac sibi reservavit Romanus pontifex, non recenseatur. *tit. de atat. & qualic. in 6.*

CAP. III.

*Translatio episcoporum
quamobrem sit pro-
hibita: aliter expli-
catum, quàm à juris
pontificij enarratori-
bus factum adhuc sit.*

DIximus in superiore capite, episcopum unius civitatis ad aliam transire non posse, sed quia obiter id tantum attigimus, & res est animadversione digna, nunc de ea breviter hinc differendum est. Dubium autem non est, quin hæc sedium mutatio, ut ecclesiis valde perniciofa, jam olim canonibus prohibita sit, idque ex concilii *Nicani c. 15. Sard. c. 1. Antioch. 16. c. 21. Chalced.*

ced. ca. 5. Carthag. 3. can. 38. perspicuum est. d. c. episcopum. c. propter. 7. q. 1. Fit & hujus prohibitionis mentio in confessione fidei, quam misit Papa Damasus Paulino episcopo Thessalonicæ apud Theod. lib. 5. eccl. histor. c. 11. Ac idem Theod. lib. 1. ca. 19. Euseb. quendam insectatur, qui Nicomedia deserta, cujus erat episcopus, contra canones ad Constantinop. ecclesiam transferat. Cujus prohibitionis rationem hanc esse dicunt juris pontificii consulti, quia matrimonium quoddam inter episcopum & ecclesiam intelligitur contractum esse, quod hominum arbitrio dissolvi non potest, juxta illud, *Quod DEUS conjunxit, homo non separet.* Itaque ajunt eum qui episcopo se abdicavit, in alia civitate eligi & ordinari posse, quod priori vinculo matrimonii obstrictus esse desierit. *not. in ca. ult. de post. pralato.* Sed profectò longè alia ratio veteres ad id constituendum impulit, quæ concilio Sardicensi apertissimè expressa est, cujus concilii hæc verba sunt, è Græco in Latinum sermonem conversa. ca. 1. Osius episcopus dixit, non minus mala consuetudo, quàm perniciofa corruptela funditus eradicanda est, ne cui liceat episcopo de civitate sua ad aliam civitatem transire. Manifesta est enim causa quâ hoc facere tentant, cùm nullus in hac re inventus sit episcopus, qui de majore civitate

tate ad minorem transfiret, unde apparet avaritiæ eos ardore inflammari, & ambitioni servire, & ut dominationem exercent. Si ergo omnibus placet ut hujusmodi pernicies austerius vindicetur, nec laicam communionem habeat, qui talis est: universi dixerunt, Placet. etiam si talis aliquis extiterit temerarius, ut forsitan excusationem afferat, quod populi literas acceperit, cum manifestum sit præmio & mercede paucos, qui synceram fidem non habent, potuisse corrumpi, ut clamarent in Ecclesia, & ipsum petere viderentur episcopum, omnino has fraudes removendas esse damnamus, ita ut nec laicam communionem in finem accipiat talis, quod si vobis omnibus placet, statuite. Universi dixerunt, Placet. Hujus autem canonis pars tantum posterior extat, *in cap. 2. tit. de elect. li. 1. Decr.* sed à juris pontificii doctoribus, qui ex fonte non hauserunt, parum rectè explicata. Eandem quoque rationem confirmat Leo pontifex in quadam epistola his verbis, Si quis episcopus suæ civitatis mediocritate despecta administrationem celebrioris loci ambierit, & ad majorem plebem se quacunque ratione transtulerit, à cathedra quidem pellatur aliena: carebit etiam propria, ut nec illis præsideat, quos per avaritiam concupivit, nec illis, quos per superbiam sprexit. *c. si quis episcopus.*

pus. 7. q. 1. Et Theod. lib. 5. eccl. c. 8. clarè testatur authores canonum hujusmodi translationes prohibuisse, ut ambitionem præciderent. Illud non possum non admirari, quod Socrates in eccl. histor. priscis canonibus hanc translationem episcoporum vetitam fuisse negat: ideoque Proclum quendam qui Cyzicenus erat episcopus, Constantinop. episcopum ordinari potuisse contendit. lib. 2. Tripart. c. 8. canones enim ante id tempus de ea re editi hodie reperiuntur, quos supra indicavimus. Verum enim vero mutatio hæc tantam potest utilitatem aliquando asferre ecclesiis, ut non immeritò tolerari debeat. Canones siquidem mutationem sedis interdicentes, de ea non intelliguntur, quam necessitas utilitasque ecclesiarum flagitat; sed quæ ex cupiditate & ambitione episcoporum proficiscitur. c. mutationes. c. scias. c. episcopus. 7. q. 1. Cujus rei exempla apud Socratem varia leguntur in historia ecclesiastica, cujus modò mentionem fecimus, lib. 2. Tripart. cap. 8. Theodo. lib. 5. cap. 8. Et quædam alia pontifex Antherius refert, vulgòque receptum ac probatum est, quod is de Petro ex Antiochia Romam translato scribit, tametsi de ea re nonnulli dubitent. d. c. mutationes. Sed ne prætextu utilitatis ac necessitatis leges ecclesiasticæ eludantur & infringantur, hodie unius Ro-

mani pontificis arbitrio hæc transferendi facultas omninò commissa est. *totò tit. de transl. episc.* Qui alia via ad episcopalem sedem aspiravit, pœna adversus eum jure pontificio statuta est, ut munere utroque careat. *c. si quis episcopus. & c. seq. 7. q. 1. c. quanto. de transl. episc.*

CAP. IV.

*Quale sit nominationis
ac præsentationis jus
iis competens, qui pa-
troni ecclesiarum di-
cuntur.*

PRÆter episcopos canonicosque, quorum antè mentio facta est, sunt aliæ quædam personæ, quarum voluntas & consensus interdum in ordinandis ministris ecclesiarum requiritur. Nam si quis sacram ædem condiderit, atque constituerit clericum, qui sacri ministerii curationem habeat, *nominare* ei licet, & episcopo offerre, ut ab eo si idoneus judicatus fuerit, ordinetur, nec potest episcopus absque ea nominatione quenquam in hujusmodi Ecclesia ordinare. Id enim non solum canonibus pontificiis, sed etiam jure civili con-

constitutum est. *c. decernimus. 16. q. 7. Novel. 67. 123.* Sicut institutum ejus meritò commendatur, qui pio affectu religiosoque ductus, de sententia consilioque antistitis sui, rem suam consecrat DEO, ejusdem proprietate amissa, ita æquum visum est eum aliquid juris retinere, quod pietatis ipsius singularisque in ecclesiam voluntatis perpetuum monumentum esse possit. Idque aded probatur, ut vulgò proditum sit, tale jus ei competere, quamvis nominatim non receperit in constituenda Ecclesia. *c. significavit. de testi.* Nec multum refert, ut hoc jus retineat, an basilicam fundaverit, in suoque solo aut extruxerit ab initio, aut dirutam collapsamque restituerit, an verò ad ædificii ministrorumque tutelam redditum ei vectigalque certum largitus fuerit. *c. filiis. 16. q. 7.* Nam sine redditibus, qui dotes ecclesiarum in quibusdam canonibus non malè dicuntur. *c. decretum. 10. q. 1.* ut dotes prædiorum apud Papinianum. *l. 3. de instruct. lega.* nec quicquam ædificaretur ecclesia. Quamvis ergo dominus sit ejus soli, in quo basilicam ædificat, aut earum rerum quas Ecclesiæ constitutæ donat: tamen ratio juris non patitur, ut post consecrationem dedicationemque is locus, aut aliæ res DEO consecratæ, in ejus dominio manere dicantur, quamvis eo verbo quidam abusi fuerint. *c. monasterium. 16. q. 7.* Itaque *patroni* appellatio magis

quàm domini ei convenire credita est, quasi Ecclesiæ defensor propugnatorque tantum sit. Potest & idcirco patronus appellatus videri, quòd cum eo qui servum suum manumisit, aliquam similitudinem habeat. Is enim etsi dominus servi manumissi esse desinat, tamen jus quod dicitur patronatus, in jure civili, in eum perpetuò obtinet. Horum verò patronorum duo sunt genera. Unum est *laicorum*, ad quos nomine suo ex iis causis, de quibus locuti sumus, id jus pertinet: Alterum est *ecclesiasticorum*, quibus non suo nomine hoc competit, sed Ecclesiæ potius, cujus gubernationem administrationemque habent. Operæ pretium igitur est ea jura, quæ patrono post Ecclesiæ constitutionem supersunt, breviter & summatim perstringere. Quorum illud primum præcipuumque habetur, quod jam attigimus, nempe eorum qui ecclesiis præficiendi sunt, *nominatio*. Sic enim à veteribus linguæ Latinæ authoribus dicitur. *Brut. ad Cicer. epist. 7. Plinius lib. 2. & 4. epist.* cui vocabulo & Græcum, quo Justinianus utitur, respondet, vulgus *presentationem* vocat. Verùm hominem idoneum & sacro munere dignum, idque intra certum tempus nominare patronus debet. Nam patrono laico tempus quatuor mensium, ecclesiastico sex ad nominandum jure pontificio præ-

præscriptum est. Quo tempore præterito absque patroni consensu liberum est episcopo ecclesiæ ministrum ordinare. *tit. de jure patronat. in 6.* Quamvis autem nominandi jus habet patronus, in eum tamen, qui ab episcopo ordinatus est, nullam sibi potestatem vindicat. Quare ne ob culpam quidem gradu suo deicere eum potest, sed hoc ad antistitis officium spectat. Nec verò rerum Ecclesiæ administrandarum ullam habet facultatem, sed quia patronus est atque defensor Ecclesiæ, si malè versari ministros deprehenderit, non solum admonere eos & increpare, verum etiam deferre, tam apud magistratum ac principem, quam apud episcopum poterit. *c. filius. 16. quest. 7.* Sed & si ad inopiam fuerit redactus patronus, ex proveni-
tibus Ecclesiæ alii sustentarique debet, *c. quicumq;. 16. q. 7. c. nobis. de jure patro.* licet eorum dispensationem alias non habeat. Nam & is qui servum manumisit, cui hunc quadamtenus similem esse diximus, à liberto suo alimenta quoque exigit jure civili. *l. si quis à liberis. de liber. agnosc.* Jus igitur patronorum in ecclesias in iis ferè consistit. Et notandum est, mortuo patrono id jus ad hæredem ipsius transire. *c. considerandum. 16. quest. 7.* Ac si plures existant hæredes, in solidum quidem patroni sunt, non pro partibus hæreditariis. *c. i. de jure*

patrona. Verum quod ad nominationem, de qua hic differimus, attinet, non singuli hæredes in solidum jus nominationis habent, ut melior sit occupantis conditio, sed omnes simul nominant ac eligunt, in qua electione stirpium magis, quam capitum rationem habendam esse constitutum est, ita ut plures unius patroni hæredes, unius tantum personæ vicem sustineant. *clem. 2. de jure patron.* Hujus quoque juris donatio permutatioque permittitur. *c. ex insinuatione. de jure patron. c. nemini. 36. quæst. 7.* Sed quia juris divini aliquid immixtum habet, honestum visum non est juris pontificii authoribus, ut pretio cuiquam acquiratur. Ideoque venditio ejus prohibita est, nisi universitas quædam prædiorum, cui hoc jus accedat, distrahatur. *c. ex literis. c. de jure. c. cum sæculum. de jure patronat.*

CAP. V.

De

*Jure ordinandi ministros
Ecclesiæ, beneficiaque
conferendi, quod tan-
quam caducum ad
superiorem antisti-
tem devolvitur.*

Quia

Quia sæpenumero contingit, ut qui jus
 habent promovendi ministros Eccle-
 siæ, sive beneficia ministeriis assignata con-
 ferendi, negligentiores sint in eo negotio :
 æquum sanè fuit, huic malo atque incom-
 modo idoneum aliquod remedium quæ-
 rere. Itaque canonibus pontificiis cer-
 tum tempus definitum est, intra quod si
 Ecclesiæ vacanti prospectum non fuerit,
 statim id justanquam caducum, ad supe-
 riores antistites devolvitur, idque grada-
 tim, ut qui propioris gradus est primùm
 adeatur, & eo cessante reliqui sursum ver-
 sus progrediendo, donec ad summum
 pontificem perventum fuerit. *ca. licet. de
 supplen. neg. pralat. cap. nulla. de concess. praben.*
Caducum autem satis commodè ac Latine
 dici posse videtur, non aliter ac Jurecon-
 sulti veteres caducam hæreditatem, cadu-
 cum legatum, caducam dotem, caduca
 bona vocant. *l. item veniunt. de pet. her. l. si
 quis officium. l. dote. de rit. nupt. l. 3. de iis, quæ
 in testa. delent. l. 9. de S. C. Syllan. l. 2. si quis
 aliq. test. prohib. tit. C. de cadu. tollen.* Qui
 versantur in foro, & qui jus pontificium
 interpretantur, jus etiam *devolutum*, nec id
 quidem ineptè meo judicio appellare so-
 lent. Sic enim à veteribus juris authori-
 bus hæreditas, tutela, dominium, bona
 devolvi dicuntur. *l. pupilli. de solutio. l. ad
 fiscum. rer. amot. l. in fraudem. de jur. fisc. l. de-*

niq₃. quod vi aut clam. l. si quis sub conditione. de testa. tut. Sed ut cognoscamus quod spatium temporis singulis antistitibus, vel sodalitiis canones præscripserint, sciendum est, si de præsulatu aut cœnobiarcha agatur, trium duntaxat mensium illud tempus esse. *c. ne pro defectu. de elect. c. obedientibus. 63. distin. c. postquam. 50. distin.* Sin de aliis præfecturis atque ministeriis inferioribus, sex mensium. *can. nulla. c. dilectus. de concess. præb.* Quod tempus non ex quo vacare cœpit Ecclesia, computandum est, sed ex quo antistes vel collegium vacare eam scivit, nec impedimento aliquid ei fuit, quominus Ecclesiæ vacanti consuleret. *c. quia diversitatem. de concess. præb.* De tempore patronis ecclesiarum dato ad nominandum, sive, ut loquimur, *presentandum*, quod quatuor aut sex mensium est, postea dicemus. Unum hîc notandum est, quod vulgò receptum video, ei qui nominatum à patrono instituendi jus habet, id temporis spatium, de quo hîc differimus,tribuendum non esse, quod canones de temporis præfinitione editi, de eo qui nominatum instituit, minimè intelligantur. Non enim videtur rationi consentaneum, ut post semestre tempus, quod patrono indulgetur ad nominandum, tantundem antistiti ad eum qui nominatus est instituendum concedatur, ne ecclesiæ nimis

nimis diu pastoribus ministrisque suis carentes ac destitutæ jaceant. Itaque utilius esse putant juris pontificii consulti, si moderatum aliquod tempus à superiore antistite statuatur, intra quod institutio promotioque hujusmodi fieri debeat. Eademque causa ejus est, ad quem electionis confirmatio pertinet, *not. in c. nulla. de concess. preb.* Et hæc quidem omnia de cessatione & negligentia eorum accipienda sunt, qui jus promovendi vel beneficia conferendi habent. Nam si promotus sit indignus, vel aliter contra canones peccatum sit, &c. caduci jure ordinatio promotioque protinus & ἀμέσως ad summum pontificem devolvitur: præterquam in inferioribus ecclesiis, ut Bonifacius constituit, *c. quamquam. de elect. in 6.*

CAP. VI.

*Conjunctio beneficiorum,
quam Unionem vocant, quæ sit, & quibus ex causis permittatur.*

Genus quoddam acquirendi beneficia hodie usitatum est, cum beneficio, quod

quod quis possidet, aliud adjicitur & conjungitur. Nam etsi legibus canonibusque pontificiis solutus non fuerit, tamen utrumque obtinere potest. Cujus conjunctionis causa est utilitas aliqua, vel necessitas Ecclesiæ, ut exempli gratia: Si duæ vicinæ civitates, pagi vel compoleis sint, in quibus multitudo populi non mediocriter decreverit, si fana diruta sint, quæ reparari ac in pristinum statum restitui faciliè nequeant: si duo pastores ex oblationibus commodè non possint ali, & unus pro tempore sufficere videatur. *c. & temporis. c. postquam. 16. q. 1. c. 2. de relig. do. c. eam te. de atat. & qualit.* Ac tales magistratuum conjunctiones multæ apud Justinianum descriptæ reperiuntur, quales beneficiorum, munerumque ecclesiasticorum sunt, de quibus hîc differimus. *Novel. 8. 24. 25. 26. 27. 28. 29.* Civitatum quoque ac populorum, qui in unum coierunt, quædam exempla reperiuntur in antiquis monumentis, veluti Albæ atque Romæ apud Livium. Extat & elegans descriptio Ovidiana *lib. 6. Fastor.* in his versibus:

Hæc ubi narravit, Tatium fortemq, Quirinum,

Binaq, cum populis regna coisse suis:

Et lare communi socios generosq, receptos,

His nomen cunctis Junius, inquit, habet.

Hæc autem conjunctio tribus modis fieri posse dicitur. *gloss. in dict. c. & temporis. & in*

c. i. ne sede vacan. Primus est cùm duæ Ecclesiæ in unum veluti corpus confunduntur & coalescunt, aded ut una Ecclesia, unum ministerium unumque beneficium, non duo verè dici possint. Et hanc confusionem Justinianus verbo Græco ἐνωσιν *Novel. 28.* alii vulgò *unionem*, quasi verbum verbo reddentes, sed non satis Latinè vocant. Itaque beneficium, quod hujusmodi accessione auctum & amplificatum est, non modo συνημερίον, ut noster Pomponius loquitur, sed etiam λώωμερίον rectè appellabitur. *l. rerum mixtura. de usucap.* Secundus modus est, cùm ita connectuntur Ecclesiæ, ut in unum quasi corpus minimè conflentur, sed ut una superior sit ac principalis, altera inferior & accessoria. Quo casu in inferiore vicarius, qui sacrum ministerium obeat, constitui solet. *c. extirpanda. §. qui verò. de præb.* Tertius modus est, cùm neutra subjicitur alteri, sed ambabus suum titulum gradumque retinentibus, idem minister præficitur. *c. i. ne se. vac.* Sic enim à Gregorio Cumanam Musitanamque ecclesiam copulatas legimus, ut quamvis utraque maneret episcopalis, unum tamen atque eundem episcopum haberet. *ca. & temporis. 16. q. i.* Sed quæritur, cuinam hoc jus jungendi beneficia competat. Et certi Juris est, Romanum tantummodo pontificem duos episcopa-

tus conjungere posse, adeò ut nē legato quidem ejus id liceat. *c. quod translationem, de offic. legati.* Aliarum verò ecclesiarum ^{erectoris} & colligatio episcopis cujusque civitatis ac dioceseos permittitur. *cap. sicut unire. de excess. pralato.* modò ut collegii ecclesiastici consensum adhibeant. *cap. dudum. de reb. eccl. non alien. in 6.* Beneficium tamen episcopio suo adungere, vel collegio consentiente, eos non posse constitutum est. *clm. si una. de reb. eccl. non alien.* Archimandritæ autem hanc conjungendi potestatem non habent, sed ipsis consentientibus, episcopi cùm opus est, id exequuntur. *clm. in agro. §. adhac. de statu monacho.* Verùm animadvertendum est, ita demum hanc beneficiorum conjunctionem valere, efficacemque esse, si ob manifestam Ecclesiæ utilitatem necessitatemve fiat, idque causa cognita, & iis omnibus vocatis quorum interest. *c. i. ne sede vac. c. exposuisti. de præb. c. dudum. de reb. eccl. in 6.* Qua de re celebria Oldr. atque Decii responsa in manibus sunt. *Oldr. conf. 261. Deci. conf. 275.* Est enim valdè alienum à ratione, & canonibus pontificiis contrarium, ut absque gravi causa & necessitate duabus ecclesiis præficiatur unus, aut duobus in Ecclesia muneribus fungatur. *c. cum non ignores. de præb.* ac multò magis ut duas ecclesias ad unam redigendo, cultus divinus aliquod decre-

decrementum recipiat. Proinde quisquis contendit *ἐν λόγῳ* acquisitum sibi esse beneficium, ritè ac solenniter eam factam docere debet, sive à Romano episcopo, sive ab alio quocunque antistite facta proponatur. *l. actor. C. de probatio. Oldr. & Deci. ubi supra.*

CAP. VII.

De

*Fiduciis ecclesiarum tam
perpetuis quàm tem-
porariis, quæ com-
mendationes dicun-
tur.*

PRiscis temporibus cùm Ecclesiæ vacanti pastor idoneus statim præfici non poterat, interim ut ea evitarentur mala atque incommoda, quæ ut plurimum ἀναγκαῖα parit, solebat Ecclesia vacans probò alicubi viro commendari, & committi, qui tanquam tutor quispiam aut procurator bona fide actus sui rationem redderet. Hic enim pastor Ecclesiæ non erat, & ad tempus solum constituebatur. *ca. constitutum. 7. q. 1.* Itaque poterat & alterius Ecclesiæ ministro hæc curatio administratioque mandari. Non enim contra canones pontificios

cios duabus ecclesiis præfici videbatur, aut ab una ad aliam transferri, cum unius Ecclesiæ pastor perpetuus, alterius verò custos temporarius esset. *c. clericum. c. qui plures. 21. q. 1. c. obitum. c. Gatinensis. 61. dist. c. dudum. 2. de electionibus.* Sed nec illa inquisitio usquequaque adhibebatur, quam in promotione pastorum ministrorumve necessariam esse diximus. Proinde ei qui monachus non erat, sive *regularis*, ut vulgò loquuntur, monasterium poterat commendari, donec aliquis ex fodalibus *hæriarcha* electus creatusque esset. Verum res longè utilissima, & ad consulendum ecclesiis vacantibus inventa & excogitata, tandem in ipsarum perniciem pestemque mirabiliter conversa est. Nam quibus per canones non licet præfici ecclesiis aut monasteriis, moribus comparatum est, ut eisdem Ecclesiæ, vel monasteria in perpetuum, & quandiu vivunt commendentur. Atque ita concipitur formula hujus commendationis in diplomatibus pontificiis, *ut libera non solum dispensatio rerum, sed etiam consumptio atq; dissipatio ipsis permissa intelligatur.* Et sanè mirum est homines ingeniosos, qui fucum hunc commenti sunt, tantæ corruptelæ non alium colorem quaesivisse, ne tam apertè despici canones, & palam ludibrio haberi viderentur. Quasi verò consilium eorum non cuivis notum

per-

perspectumque sit, qui hac arte corrupte-
 lam maximam tueri & adumbrare conan-
 tur, qui verbis decoris obvolvunt vitium,
 & ut Aristophanes ait, ἐνὸμαλὶ διεπείρασσι
 ἢ μοχθήσαι. Itaque etsi vetus nomen ad-
 huc remanserit, & *commendatio* dicatur hoc
 beneficii acquirendi genus, quod Latine
 & propriè *fiduciam* appellari posse credide-
 rim: tamen res sic immutata ac deleta est,
 ut priscæ illius fiduciæ, de qua jam dixi-
 mus, vix imago quædam umbræve super-
 sit. Unde vulgò dicitur, titulum hunc
 fiduciarium hodie à legitimo titulo nihil
 differre: *not. in c. nemo. de elect. in 6.* & fidu-
 ciarium administratorem perinde ac ju-
 stum verumque gubernatorem Ecclesiæ
 fructus sibi acquirere, quanquam si ad ve-
 ritatis amissim, & veterum institutorum
 normam hæc exigere velimus, neuter re-
 bus ecclesiæ aliter quàm ut commendatis
 uti debet. Idque Leo pontifex ait, & nos
 suprà annotavimus. *c. sine exceptione. 12. q. 2.*
 Nec adversatur huic sententiæ, quòd *Com-
 mendare* apud Juris authores nihil aliud est
 quàm deponere: ac idcirco *custos* & *procura-
 tor* tantum videretur dici debere, qui hac ra-
 tione promovetur. *l. commendare. de verb. sign.*
l. Lucius. depos. c. 1. de depos. quoniam, ut di-
 ximus, plenior illa conceptio diplomatis
 pontificii, & mores ubique recepti faciunt,
 ut non simplex custos, depositarius pro-
 cura-

curatorye, sed dominus quodammodo habeatur. Nam & *procuratores in rem suam* appellantur à Jureconsultis, qui nihil minus quàm procuratores sunt, & suum, non alienum negotium gerunt. *l. qui stipendia. C. de procur.* Et certum est hujusmodi procuratoribus fiduciariorum istos dispensatores, aut ut verius dicam, fucatos dissipatores, de quibus loquimur, perquam similes esse, cum ipsis non ecclesiæ gratia, sed sua potius (ut rectè quidam ajunt) administratio concedatur. *Alcia. in l. pactum curatoris. C. de pact.* Atque hinc fit, ut fiduciæ hujusmodi perpetuæ nunquam revocentur, quamvis depositum mandatumve simplex revocari possit. *l. i. §. si sic deposuero. depos.* Illud postremo annotandum est, quod Rom. pont. episcopia monasteriaque in perpetuum commendandi potestatem sibi unus vindicat, eodemque jure utuntur cæteri episcopi in fana ministeriaque parœciæ suæ, exceptis curationibus animarum, quas ad semestrem solum tempus commendare possunt. *c. nemo. de elect. in 6. not. in c. si constiterit. de accusatio.*

CAP. IIX.

De

*Pontificiis diplomatis,
quæ vulgus gratias*

expecta-

*expectativas , &
mandata de provi-
dendo appellat, co-
piosa disputatio.*

INTER genera distribuendorum Ecclesiæ beneficiorum quæ hodie usitata sunt, unum longè celeberrimum est, de quo jam dicturi sumus, per diplomata scilicet pontificia, quæ vulgò *mandata de providendo*, & *gratiæ expectativæ* appellantur. Ex aula siquidem pontificis Romani profisciscuntur diplomata, quibus mandat ac præcipit beneficia quibuslibet conferri in diem mortis eorum sacerdotum ac ministrorum, qui ipsis fruuntur. Convenit tamen inter omnes quotquot sunt juris pontificii enarratores, hanc beneficiorum distribuendorum rationem apud veteres in usu non fuisse. Cujus rei argumentum afferunt sanè quàm probabile, quòd ne in volumine quidem decretorum, quod Gratianus edidit, ullum exemplum ullæve mentio horum diplomatum reperiretur. Avaritia etenim aulæ pontificiæ, post aliquot sæcula, hoc novum pecuniæ aucupium adinvenit, quod nunquam veteribus in mentem venerat. Ac tametsi speciosæ rationes adduci soleant, quibus tanta

αἰσχροτέραν tegatur & excusetur, tamen
 res ipsa loquitur, & nos quotidie satis do-
 cet experientia, quantum hæc lues pe-
 stisque noceat Ecclesiæ. Nam imprimis
 occasio datur captandæ mortis alienæ,
 præsertim sceleratissimis & profligatissi-
 mis hominibus, qui talia diplomata ferè
 impetrant. Jureconsulti veteres, quibus
 hæc Evangelii lux nondum affulserat,
 pacta conventionesque detestantur, qui-
 bus hæreditatem suam quis promittit al-
 teri, ne ejus hæreditatis spe ad optandam
 promissoris mortem invitetur, cum tamen
 verisimile sit, inter notos homines & ami-
 cos hujusmodi pacta iniri, & eum qui ita
 paciscitur ac promittit, probabili aliqua
 causa adduci, ut alteri fidat. Hoc autem
 diplomatum genere beneficium non ei
 quem eligit charumque habet beneficii
 possessor, cuique justa aliqua causa est con-
 fidendi, sed homini plerunque non solum
 ipsi ignoto, sed etiam improbo ac malevo-
 lo, quem libuerit Roman. pontifici nomi-
 nare, confertur aut conferri mandatur.
 Deinde lites & controversias innumerabi-
 les pariunt hæc diplomata, quibus nec
 Reipubl. quicquam est exitius, nec
 Christiano homine indignius. Verissi-
 mum enim est quod Isocrates homo à no-
 stra religione alienus, scribit, officium esse
 boni principis eas leges condere, quæ inter
 cives

cives quam paucissimas lites gignant. Nec dubium est cordatis hominibus, nedum Christianæ religionis cultoribus, hanc partem juris pontificii probari non posse. Hæc enim diplomata tantum offundunt ubique tenebrarum, tantamque fraudibus & strophis forensibus fenestram apèriunt, ut aliæ super alias contentiones & lites hinc quotidie exoriantur, ac velut Andabatarum more pugnent litigatores & causidici, nec iudices quamlibet perspicaces facillè jus & æquum in tanta caligine perspicere possint. Quæ res efficit ut astutissimus quisque, callidissimus, & improbissimus, quamvis jure nullo aut titulo nitatur, sæpius in hoc certamine victor evadat, & simplices homines liberaliorisque ingenii justissimam causam amittant. Non enim libenter tam odiosis litibus sese implicari sinunt, & ancipitem judiciorum aleam reformidant, cum præsertim ad strophas eludendas, quas fraudulentis captiosisque homines facillè hinc comminiscuntur, nati assuefactique non sint. Quid? quod in his litium anfractibus ingenti sumtu opus est, cui sufficere nequeunt inopes clerici, ideoque opulentioribus cedere coguntur? Præterea hæc *πλυνεργυμοσύνη* pontificum *ἀνδραγαθισμὸς* & ipsos avertit à proprio munere functioneque sua, & alios antistites non sine aliqua

fortassis injuria interturbat, ut neutri in tanta confusione munus suum obire possint. Ac ut summatim omnia complectar, nec necesse habeam speciatim enumerare, quæ in canonibus concilii Basiliensis perscripta sunt, illud dicam, quod aulae Romanæ quidam alumnus, Gomesius, ab alio nescio quo acceptum in commentaria sua referre non dubitavit. Nempe hujusmodi pontificum diplomatis, jus canonicum funditus eversum destructumque esse. Sunt tamen nonnulli, qui studio, ut credibile est, pontificibus blandiendi, asserunt, quicquid habent juris reliqui episcopi in re beneficiaria, id Romano pontifici acceptum ferendum esse, quasi omnia ab ipso tanquam fonte aliquo prodierint. Et cum possit jure suo totius orbis beneficia arbitrato suo dispensare ac distribuere, præclare cum cæteris agi censent, si partem aliquam benignè scilicet eis largiatur & indulgeat. *glo. ca. quanquam. de elect. in 6.* Sed quæ fuerit olim episcoporum in hac re potestas atque authoritas, satis antè demonstravimus libro tertio. Ut autem concedamus Rom. pontifici quidvis impunè hîc licere, tamen omnes boni, ut spero, mihi assentientur, non modò quid liceat, sed etiam quid honestum sit ab eo spectandum esse. Quid autem indecentius ac fœdius in Ecclesia potest esse, quàm hæc

hæc ministeriorum functionumque ecclesiasticarum perturbatio? *ca. pervenit. II. quæst. I.* Mitto quod pessimè videntur pontifices Romani sibi suæque majestati consulere, cùm eo nomine, ut cætera missa faciam, quæ non sunt hujus instituti, tantam apud Christianum populum sibi consulent invidiam, ut nisi DEUS aliquis huic rei prospiciat, magnum ab universa ruina excidioque periculum sit. Quanto circumspectius Lacedæmoniorum ille Rex, qui uxori objurganti, quod minus ac humiliter regnum filiis esset traditurus, quàm accepisset. Ego, inquit, eo majus relinquam, quo diuturnius. Verùm ut ex diverticulo in viam redeamus, certum exploratumque est jus quo utimur, quacunque ratione id constitutum fuerit. Quod ut intelligamus, animadvertendum est, cùm primùm Romani pontifices cœperunt ubique terrarum beneficia dispensandi facultatem sibi vendicare, parcè admodum ac moderatè ipsos eâ potestate usos fuisse. Non enim imperiosis istis diplomatis terrebant statim episcopos, & ad sibi parendum cogeabant, sed ut leviter primùm tentarent eorum patientiam, literis monere eos ac rogare solebant. Sed cùm preces & monita gravatè ab episcopis reciperentur, ac plerumque ea contemnerent, mox in præcepta conversa sunt. Verùm ne ea

quidem satis nervorum habuere, cum beneficium interim collatum alii adimendum non videretur, sed contumacia tantum non obtemperantis plectenda. Itaque ratio tandem excogitata est, qua beneficiorum dispensatio ad pontificis Romani potestatem & arbitrium omnino revocaretur: datis nempe per diplomata executoribus, qui aut episcopos ad parendum cogerent, aut eis imperium detrectantibus ipsi conferrent. Sic precibus primum usi pontifices Romani, deinde jussu ac minis, postremò vi aperta hanc sibi potestatem comparaverunt. Prospiciebant enim episcopos æquiore animo jugum accepturos, cui paulatim assuevissent, quàm si id ab initio per vim cervicibus eorum esset impositum: sicut Milonem ferunt eò facilius taurum gestasse, quòd eundem adhuc vitulum crebrius ferre solitus fuisset. Ac fuit tempus cum hic ritus observabatur, ut *trinas literas* ejusdem beneficii nomine ad episcopos mitteret Pontifex, quarum unæ *monita* tantum, alteræ *præcepta*, postremæ *legis actionem atq; executionem* complecterentur. Verùm hoc ritu antiquato, in quo veteris moris quædam velut reliquiæ conspiciebantur, ultimas solum, id est, *executorias*, usus Romanæ aulæ ad hunc usque diem retinuit: quæ effectum habent in octo mensibus tantum, ut canon pontificius

cuius docet. Nam quatuor menses liberos habent reliqui episcopi, nec beneficia eo tempore vacantia coguntur iis conferre, qui talia diplomata impetrant, quamvis nullo non tempore pontifex Romanus beneficium vacuum jure occupationis conferat. Sed etsi nullum à pontifice diploma impetratum fuerit, dubium non est, quin cæteri antistites in sua quisque parœcia, ecclesiis quocunque tempore anni vacantibus providere possint. Sunt autem hujusmodi executorum pontificis Romani duo genera. Quibusdam enim ita mandatur executio rescripti pontificii, ut antistites & collegia compellant ad beneficium conferendum, sacra communione eis interdicta, non etiam ut ipsi beneficium conferant, aut in possessionem mittant. *not. in c. abbatem. de rescript.* Itaque hoc mandato ita demum potestas conferendi adimitur antistitibus, si irritum & inane decreverit pontifex quicquid adversus ea factum fuerit. *c. si soli. de concess. præbendæ. in 6.* Alii sunt executores *ad providendum* vulgò appellati, quibus à Romano pontifice mandatur, ut negligentibus episcopis, ipsi provideant ecclesiæ qua de agitur, & beneficium conferant. Estque magna vis & potestas hujus mandati, quia simulatque oblatum est episcopo vel collegio, omnem providendi Ecclesiæ facultatem

continuò amittit, & quasi vinculo quodam injecto constrictas manus habens, beneficium amplius dare non potest. *c. si capitulo. de conc. præb. in 6.* Sed hoc jus Leonina constitutione, cujus sæpe meminimus supra, magnopere in Francia immutatum est. Nam ea constitutione modus diplomatum quasi vectigalis cujusdam ab antistitibus exigendi definitus est, ita ut nulli pontifici Romano toto sui pontificatus tempore plura concedere liceat. Est enim constitutum, ut in eos antistites, qui decem beneficiorum distributionem habent, uno diplomate contentus sit: in eos verò quibus quinquaginta, aut eo amplius beneficiorum dispensatio competit, duobus diplomatis possit uti. Deinde ea constitutio nulla diplomata probat quibus beneficiorum nondum vacantium spes offeratur, nisi verbis, ita ut constitutum est, conceptis perscripta fuerint. Est enim præscripta forma & conceptio diplomatis pontificii, quâ prætermissa vel mutata, mandatum pontificis irritum nullumque habetur. Quod tamen est ita accipiendum, si quid contra voluntatem ac sententiam eorum, qui formulæ exemplum proposuerunt, vel adjectum, vel detractum fuerit. Nam qui existimant id exemplum omnibus negotiis convenire, ut ne tantillum quidem ex eo immutare fas sit, persimiles

miles iis sunt, qui ex vulgaribus exomologeseos formulis peccata enunciant sacerdoti, etiam ea quæ non admisere confitentes. Extat autem formula rescripti sive diplomatis in ea constitutione Leonis plenè descripta, quam nos hîc integram non referemus, præcipuas tantùm ejus *clausulas* discuturi & explanaturi.

Prima igitur clausula diplomatis est, qua pontifex Rom. excommunicatum absolvit, hætenus ut diplomate ei concessum valeat. Nam aliàs rescriptum ab eo, qui summotus est à sacra communione, impetratum nullas vires habet. *c. 1. de rescr. in 6. c. postulastis. de cler. excom.* Effectus autem hujus clausulæ ad nullam aliam rem porrigitur, aded ut plerique tradiderint, nisi excommunicatus postea absolutus fuerit, beneficium ei prætextu diplomatis conferri non posse. Quæ sententia non solum Leonis formulæ, sed æquitati etiam ac rationi congruit. Interdum quoque hæc clausula ne ad diploma quidem, de quo hîc loquimur, confirmandum prodest, sed eas exceptiones, quæ ab aliis collectæ sunt, omitto. Facile autem hinc perspicui potest, quod antè diximus, singulas hujus formulæ clausulas non in omnibus diplomatis necessarias esse. Quid enim si is cui conceditur diploma, piorum ac fidelium communione summotus non sit?

Secunda clausula est, quâ Pontifex omnia beneficia ejus, cui diploma conceditur, cum vera eorundem æstimatione ac precio, pro expressis habet, quamvis expressa fortè non sint. Nam rescriptum tanquam obreptitium careret viribus, nisi pontifex hujus expressionis gratiam faceret. *c. si proponente. de rescript. cap. si motu proprio. de præb. in 6.* Cætera verò si quæ insint personæ vitia obtentu hujus clausulæ, pro expressis habenda non sunt: quia hanc extensionem formula non admittit. Sed ne hæc quidem clausula ubique necessaria est, cum beneficia non habentibus constet eam omnino supervacaneam esse. Eademque est sequentium ferè clausularum ratio.

Tertia clausula est, quâ pontifex exprimit, se nemine postulante, diploma ultrò concessisse, quæ clausula omnem obreptionis suspicionem tollit, efficitque ut ea tacuisse nihil noceat, quibus alioquin non expressis pontifici obreptum videretur. *cap. si motu proprio. de præbend. in 6. & reg. cancel.* Non enim ob conceptionem diplomatis arguendus est is qui ipsum non impetravit, sed ultrò sibi delatum accepit, tametsi fortè contra leges, aut canones concessum fuerit. *l. i. Cod. de pet. bon. subl.* Hæc clausula tamen non impedit, quo minus vitia personæ, quæ diplomate juvari vult,

vult, ipsi objiciantur, quasi legibus canonicisque solutus sit à principe, idque vulgò receptum est. *glos. in c. Romanus. de præbend.* Alii sunt præterea varii effectus hujus clausulæ, de quibus cæteri diligenter scripsere. *Fel. in c. ad aures. de rescript. c. causam. l. c. ult. de test. Staphil. de lit. grat.*

Quarta clausula est, quâ Pontifex ostendit non purè ac simpliciter se mandare, sed ita demum si pro alio non scripserit. Non enim velle intelligitur pontifex plurium beneficiorum dispensationem ab ordinario antistite exigere. *cap. mandatum. de rescript.* Et hæc quoque clausula satis demonstrat hanc formulam pro varietate negotiorum mutari posse. Quid enim si antistes quinquaginta beneficiorum conferendorum jus habeat? Nonne ex jam dictis constat pontificem Rom. duorum beneficiorum donationem sibi vindicare posse? Itaque conditio ita concipi poterit, si pro duobus aliis non scripserimus.

Quinta clausula est, quâ Romanus pontifex canonicum creat eum, cui diploma concedit, hac fine ut ad honores ecclesiasticos aspiret: idque propter morem ecclesiarum fit, quo honorem ecclesiasticum consequi nemo potest, nisi in canonicorum collegium ascitus fuerit. Et quia hi canonici *honorarij* suffragia ferre dicuntur, & quædam alia hujusmodi jura habere,

quamvis nulla sit eis annona adhuc attributa. *cap. pro illorum. de præb.* ideò Romanus pontifex ne canonicorum numerum augendo eos oneret, non simpliciter hîc canonicum creat, sed cum hac adjectione, ut dignitatem sive administrationem obtinere possit.

Sexta clausula est, quâ pontifex exprimit se beneficium duntaxat conferri velle, quod post mensem quàm oblatum fuerit antistiti diploma, vacaverit. Nam alioqui periculum erat, ne tantisper mandati pontificii denunciatio sustineretur ac differretur, dum alicui opimum beneficium habenti mortem instare exploratum esset. Sic enim futurum erat, ut muneribus expectationum donati à pontifice, opulentissima quæque beneficia auferrent: Verùm hæc clausula facit, ut appetente hora mortis, facta denunciatio non valde profit denuncianti, cùm ante finem mensis liberum sit antistiti beneficium alii dare. Clausula autem summoti pontificis, candidatus non nisi certior factus de imminente beneficiarii morte, & certa jam spe devorato beneficio mandatum denunciaret antistiti.

Septima clausula est, quâ Roma. pontifex ut legibus omnibus canonibusque superior, cuicunque legi, constitutioni, privilegio, consuetudini derogat, per quam effectus diplomatis impediri posset.

Hæc-

Haftenus de eo diplomate, quod antiftitibus, & cæteris mittitur: quorum partes sunt, vacantibus prospicere ecclesiis, & eisdem ministros præficere. Cui diplomati aliud ceu appendix quædam accedere solet, quod ab executione vulgò nomen accepit. Nam eo diplomate mandat cui-piam alii Romanus pontifex, ut non obtemperante antiftite, mandatum ipse exequatur. Nec difficilis est hæc posterior formula, modò ut prior rectè intelligatur.

De

Exhibitione ac denunciatione diplomatis pontificij.

Mandatum Roma. pontificis denunciari ac exhiberi debet, ut de nominatione postea dicemus, fitque ea exhibitio antiftiti aut vicario, ad quem dispensatio beneficiorum spectat, non ei cui executio mandati pontificii committitur. *cap. duobus. de rescript. in 6.* Hæc enim denunciatio est necessaria, ne alioqui possit antistes mandati ignorationem causari. *cap. si capitulo. de concess. præbend. clement. causam. de elect.* Quaratione mortuo interim antiftite, successorij ejusdem denunciabitur. *l. qui in alterius. de reg. jur.* Cùm autem hæc rescripta pontificis

tificis perpetua sint, nullum ad ea offerenda tempus præscriptum esse videtur. *l. falso. C. de divers. rescript.* quamvis de rescriptis quæ litium causa impetrantur, aliud constitutum sit. *c. si autem. c. plerunq. de rescript.* Tractatum est an ea quoque appendix edi debeat, quæ non ad antistitem, sed executorem potius dirigitur: quod non videtur magnoperè necessarium esse: nec formula id Leonina aperte requirit: tamen quia controversum jus, tutius & consultius erit utrasque literas edere.

De

Effectu diplomatis pontificij.

Oblatio exhibitioque mandati sive diplomatis pontificis obnoxium quodammodo obstrictumque beneficium reddit, ut alii conferri nequeat, *c. si capitulo. de concess. prebend.* Quod adeò verum est, ut is qui mandatum denunciavit ac exhibuit, cæteris omnibus anteponatur, quamvis scholarum candidati sint. *tit. de mand. apost.* Sed hoc est ita accipiendum, si beneficium quod petitur tale sit, ut ad diplomaticam hanc pontificis dispensationem pertineat. Quædam enim beneficia his mandatis non includuntur, ut exempli causa, *beneficia electiva*

electiva in quibus regiæ nominationi locus est. *tit. de reg. ad prælat. nom.* Item beneficia in comitatu Romani pontificis vacantia, quæ pontifices, quibus voluerint, dare solent, atque ita constitutum est *c. 2. de præb. in 6.* Beneficia quoque sæcularia iis qui mandatum habent, ad regularia obtinenda non obstringuntur, aut contrà. *§. voluimus. tit. de collat. in concord.* Nec alia videtur earum ecclesiarum causa esse, quarum præfectos nominant patroni, qui *laici* dicuntur, aut earum quæ in civitatibus sunt, vel oppidis muro cinctis, aliarumve id genus, de quibus in tractatu *nominationum* dicemus. Cum autem plures simul ambiunt, petuntque idem beneficium ab antistite sibi dari, is præfertur cæteris, in cuius gratiam prius rescripsit pontifex, quamvis fortè alius antè suas literas ediderit. *c. eum cui. de præb. in 6. c. tibi qui. de rescrip. in 6.* Quod si eodem tempore pro omnibus rescriptum fuerit, tunc literarum editionis denunciationisque tempus spectatur: in qua editione si concurrant, poterit antistes aditus, cui visum fuerit gratificari. *c. duobus. de rescript. in 6.* Canon tamen pontificius in hac gratificatione impetrationis, gradus, temporis, possessionis, patriæ, & quarundam aliarum rerum habendam esse rationem ait. *reg. cancel. 15.* Fit etiam interdum, ut posterioris melior sit, quàm

quàm prioris conditio: veluti si pontifex in posteriore mandato disertè exprefferit, ut is anteriori præferatur. *c. pen. de concess. praben. in 6.* Sed hæc clausula apud nos minimè recipitur, quòd contra Leoninam formulam adjiciatur rescripto. Idem accidit & cum prior mandati executionem non prosequitur. *S. declarantes. tit. de manda. apost.* Quid enim si juri suo expressim renuntiaverit? *c. sollicitè. cap. audita. de rest. spol.* Quid si eo negligente & alias res agente, beneficium fortè alteri jam collatum sit? *cap. si tibi absenti. c. si clericus. de prabend. in 6. c. tibi qui. de rescript. in 6. Panor. & Felin. in c. capitulum. de rescript.* Idem & in omnibus casibus dicendum, in quibus mandatum extinguitur: veluti si is qui obtinuit diploma, postea uxorem duxerit. *c. i. de cler. conjug.* si aliud beneficium consecutus sit, quod simul cum eo quod petitur retineri nequeat. *clém. gratia. de rescript.* Mortuo sanè pontifice mandata hujusmodi expirare vulgò receptum est. *c. si cui. de praben. in 6. S. rectè. Instit. mand. Panor. in c. dilectus. 2. de praben.* Quod quidem est ita accipiendum, res nisi integra esse desierit. *capit. si super gratia. de offic. deleg. in 6.*

CAP. IX.

De

*Reservationibus benefici-
ciorum, tam univer-
sè quàm sigillatim
factis.*

Affines sunt *beneficiorum reservationes* mandatis pontificiis, de quibus jam disseruimus. Nam Roma. pontifex beneficia quædam sibi reservare ac accipere solet, ut cùm postea vacaverint, ea solus conferat, idque vel universè, vel sigillatim. Universè, cùm majores (loco exempli) dignitates Ecclesiæ: sigillatim, cùm certi alicujus fani beneficium reservat. Hoc inter *mandata*, de quibus diximus, & *reservationes* istas interest, quòd illa jus tribuunt impetrantibus, his verò nihil juris cuiquam acquiritur, quamvis fortè persona expressa sit, cujus gratia reservatum est beneficium: ideoquè vacante postea beneficio, liberum est pontifici, cuivis alii arbitrio suo id dare. *not. in cap. cum dilectus. de jure patron. & in cap. i. de offic. leg. in 6.* Verùm hæ reservationes Leonina constitutione, quâ nunc utimur in Gallia, optima ratione sublatae sunt, sicut & cætera diplomata,

mata, quibus beneficiorum nondum vacantium spes ostenditur. Quod quemadmodum accipiendum sit, antè docuimus. Sed animadvertendum est, eas tantùm reservationes prohiberi, quæ à pontifice Romano fiunt. Nam beneficia, quæ in aula Romana vacant, quæque non tam à pontifice, quàm à jure ipso pontificio excipiuntur ac reservantur, à dispensatione pontificis non eximit constitutio. *cap. 2. de præb. in 6.*

CAP. X.

De

*Pontificum diplomatibus,
quæ vacantium be-
nificiorum nomine
impetrantur.*

DE potestate Roma. pontificis in beneficiorum vacantium distributione breviter differuimus *lib. 3.* Verùm ut jam oris quædam attexamus, superiorum capitulum disputatio nos admonet. Nec videtur docendi ratio, quam instituimus, permittere ut pontificum diplomata, quæ *vacantium beneficiorum nomine* impetrantur, ab iis de quibus proximè tractatum fuit, separemus. Romanus igitur pontifex fani cujuscunque beneficia quocunque tem-

tempore anni vacent, jure occupationis largitur, & cum omnibus Christiani orbis antistitibus ita concurrit, ut eos, beneficium dando, antevertere possit, idque *lib. 3.* docuimus. Donat & suo magis quam ullius occupationis jure sanctorum omnium beneficia, quorum præfecti in comitatu pontificio mortem obierint. *cap. 2. de præb. in 6.* Sed quaestio hinc existit, quam in judicio agitatam memini. An si quæ beneficia vacent eo tempore anni, quod Leonina constitutio scholasticis viris attribuit, pontifex Romanus aliis personis ea beneficia arbitrato suo donare possit? Et constitutionis verbis expressum est, libere pontificem ea beneficia conferre posse. Sed ea verba absque ullo incommodo videntur posse intelligi, modò ut scholarum candidatis, & cæteris quibus alia parte constitutionis hi menses attributi sunt, conferat. Quam interpretationem utilitas ipsa, quæ, ut Horatius ait, justis & æquum mater est, hoc præsertim tempore admittendam esse suadet.

CAP. XI.

De

Concilio Constantiano
ac Basiliensi, & de

*Pragmatica Gallo-
rum sanctione, Ro-
manorumque ponti-
ficum decretis, - qui-
bus eam aut convel-
lere omnino, aut
labefactare studue-
runt.*

ANtequam de nominationibus tam Re-
gis quam scholasticorum conventuum
dicere incipio, licet hîc paulisper digredi,
& pauca quædam de duobus nobilissimis
conventibus Constantiano scilicet & Basi-
liensi, in medium adducere, quorum co-
gnitio ad id quod instituimus, summè est
necessaria. Sigismundus Imperator cum
dissidia motusque ingentes videret in Ec-
clesia (erant enim tres Romani Pontifi-
ces, Joannes Bononiæ, Gregorius Arme-
ni, & Benedictus in Hispania) nihil anti-
quius habuit, quam ut pacem & tranquil-
litatem Ecclesiæ restitueret. Itaque ma-
gna cura studioque perfecit, ut ejus rei
gratia, consensu regum ac principum sacer
conventus indiceretur Constantiæ: in
quo ipse cum Joanne pontifice interfuit.
Nec sanè irritus fuit ejus conatus: nam in

eo conventu, pontificio imperio tribus illis, quos jam nominavi, abrogato, Martinus V. omnium consensu & suffragiis pontifex declaratus est, & omnes ferè contentiones sublatae. De constitutione verò ac emendatione Ecclesiae, quia quadriennium jam totum in dissidentium pontificum negotio consumptum fuerat, & nimis diu Ecclesiae suis pastoribus caruerant, nihil confici potuit, eaque res in proximum conventum synodumque rejecta est. Duo autem memorabilia decreta ejus conventus, & ad corrigenda vitia Ecclesiae magni usus extiterunt. Unum, ut conventus, sive synodus œcumenica, quasi à Christo protinus accepta auctoritate, pontificem etiam Romanum parere suis decretis cogat: & contumacem dictoque non audientem coerceat. Alterum ejusdem synodi decretum est, ut decimo quoque anno conventus Ecclesiae habeatur, ac sub finem cujusque conventus, locus ad proximum celebrandum idoneus à pontifice Romano de sententia totius conventus aut ab ipso conventu constituatur. Nec pontifici id tempus prorogare liceat, ac ne locum quidem mutare, extra quàm si necessitas aliqua id flagitet, & collegarum consensus accedat. Itaque mox secutus est conventus Basiliensis, rectè, si quis unquam alius, legitimèque indictus. Verùm

Eugenius, qui in Martini defuncti locum
 suffectus fuerat, modis omnibus hunc con-
 ventum dissolvere conabatur, nulla ratio-
 ne decretorum Constantianorum habita,
 quia satis prospiciebat, nisi ea decreta de-
 lerentur omnino, & perpetuæ oblivioni
 traderentur, fore ut paulatim coactis in or-
 dinem Romanis pontificibus, quorum
 erat jam invidiosa p̄testas, majorem sibi
 libertatem Ecclesia vindicaret. Sed Basi-
 leæ congregati patres nequaquam ab in-
 cœpto desistunt, præter paucos quosdam
 factiosos, qui ad conventum alium Euge-
 nii in Italia quò jure quaque injuriâ ab
 ipso indictum, proficiscuntur. Nam cæteri
 quorum & numerus major erat, & autho-
 ritas amplior, egregia constantia usi, Eu-
 genium ut contumacem & factiosum pon-
 tificatu dejecerunt, multaque præclare &
 utiliter decreuerunt in eo conventu, quo-
 rum præcipua capita partim ad authorita-
 tem conciliorum asserendam, partim ad
 ministros Ecclesiæ ordinandos, in officio-
 que continendos, partim ad rem judicia-
 riam constituendam, & lites dirimendas
 spectant. Quare Gallorum rex Carolus
 VII. synodo per oratores suos id ab eo
 contendente, non invitus fecit, ut ea de-
 creta in regno suo tuenda susciperet: sed
 habito prius in Biturigum civitate proce-
 rum, antistitum, aliorumque eruditissimo-
 rum

rum hominum atque gravissimorum conventu, quorum auctoritate & consilio adductus, ad ejus synodi decreta confirmanda nobilem illam constitutionem edidit, quæ *Sanctio pragmatica* vulgò appellatur. Quàm fœda autem ac planè miserabilis facies Ecclesiæ, quanta rerum omnium perturbatio atque indignitas tum fuerit, vel præscriptio ipsa proœmiumque constitutionis Carolinæ satis indicat. Proinde nihil ea constitutione popularius in Gallia, nihil majore bonorum omnium plausu unquam exceptum fuit. Ante ejus promulgationem infinita emanabant ex aula pontificis Romani diplomata, quæ ordinem ecclesiasticum & hierarchiam perturbabant omnino atque pervertebant. Antistitibus ordinandorum Ecclesiæ ministrorum adimebatur, & è manibus extorquebatur facultas. Indignissimi quique passim ad munera ecclesiastica (viris sanctitate & doctrina commendabilibus præteritis) promovebantur. Et quod longè turpissimum, ac bonis moribus maximè contrarium est, non eorum modò, qui è vivis excefferant, sed superstitem etiam spirantiumque hominum sacerdotia beneficiaque in diem mortis eorum, cujus captandæ dabatur occasio, conferri solebant. Præterea lites & controversiæ de rebus sacris & spiritualibus Romæ disce-

ptabantur, contra veteres canones, & alia quædam hujusmodi quotidie designabantur, quæ sigillatim hîc recenseri non est necesse. Ex quibus omnibus malorum atque incommodorum Nîas exoriebatur. Nam præter neglectam religionem, cultumque divinum, quo nihil potest exitiusius dici, exhauriebatur res nummîaria pecuniis omnibus ad sacerdotiorum mundinas, id est, ad Romanam aulam exportatis. Nisi fortè quis credat, aut gratis fuisse concessa, aut parvo constituisse ea Romæ, quæ magna ex parte ad quæstum excogitata esse, nemo est adeò rerum imperitus, ut non intelligat. Adhæc litibus omnia fervebant, præsertim inter ecclesiasticas personas. Superiorem causam habens, ob difficultatem itineris, & magnitudinem sumptuum ut plurimum cedere adversario, & manus dare cgebatur: deferiebantur civitates populo certatim Romanam commigrante; & ut verbis Ulpiani summam omnia complectar, viribus & viris miserè destituta erat Respubl. *leg. 3. de maner. & honor.* Proinde rex Christianissimus Carolus cum universa Galliæ suæ Ecclesia facile adductus fuit, ut Eugenii cavillationibus valere jussis, tam necessaria eo tempore decreta, quasi cœlitus ad se demissa complecteretur, & sanctione sua confirmaret. Scitè etenim ac verè quidam

eruditionis nomine ubique terrarum notus ac nobilis, cum quo mihi satis diu magna fuit familiaritas & consuetudo, de hac sanctione loquens, *Palladium Franciæ* eam vocare consuevit. Ut enim Palladis illud simulachrum in urbe Trojana è cœlo quondam cecidisse fertur, ita & hæc sacratissima constitutio ad fovendas Palladis artes, & viros eruditione insignes honoribus & beneficiis ornandos divino quodam favore Gallis concessa videtur: Ac sicut prædictum fuit ab Apolline ejus civitatis futurum exitium, si id simulachrum extra mœnia portaretur: sic illa sanctio sine maximo nostro incommodo è Republ. tolli omnino non potuit. Et tamen adeò invisa fuit Romanis pontificibus, ob eam de qua jam diximus, causam: ut ex annalium scriptoribus constet, nunquam eos quiescere potuisse, donec ea si non penitus convulsa & abrogata, at certè mirum in modum labefactata imminutaque esset. Non enim obscurum est, quibus machinis Pius II. Sixtus IV. Innocen. VIII. Alexander VI. Julius II. Leo X. eam oppugnaverint. Sed nemo acrius Pio eam aggressus est, si nostris annalibus fides habeatur: à quo tamen ipso cum adhuc privatus esset, & Æneas Sylvius vocaretur, Synodus Basiliensis strenuè contra Eugenium defensa fuerat. Atque hinc facile

apparet, simul cum nomine mutatum hominem, & velut quodam Circeo poculo in aliam naturam repente conversum fuisse. Quod & plerisque aliis principatu pontificio exornatis adversus omnium expectationem accidisse ferunt. Hoc enim est axioma certissimum inter id genus homines: *Si jus violandum est, regnandi causa violandum: aliis rebus pietatem colas.* Pius igitur pontifex à Ludovico undecimo Galliarum rege inductus miris technis editum expressit de hujus constitutionis abrogatione. Et fama est, in ea coitione Pontificem Joanne Ballua Gallo homine, & apud regem gratioſo, qui ad purpuram tunc aspirabat, sequestro & interprete usum fuisse. Certè constat Balluam magno cum impetu, & gladiatorio, ut ita dicam, animo mandata regis ad curiam centenariam detulisse, ut ea judicio suo de more comprobaret: & eo nomine contentionem ei fuisse non mediocrem cum regio cognitore, singularis integritatis, constantiaëque viro, qui à *fano Romani* cognominabatur. Is enim tam iniquæ postulationi quanquam sub principe imperiosissimo adeò viriliter obstitit, intercessitque, ut negotium confici non potuerit. Hunc etiam conatum graviter admodum ac prudenter curia ipsa repressit. Ac circumfertur etiam nunc libellus ejusdem curiæ,

riæ, quo Ludovico regi persuadere nititur, nihil exitius Reipubl. Gallicæ posse contingere, quàm si pontificis Romani ea in re desiderio aut cupiditati potius obsequatur. Religiosior enim hîc videbatur esse rex, apud quem fortassis nulla non in re, ut plerunque fit, sacrosancta pontificis autoritas habebatur. Idque cum considero, in mentem mihi venit quod Livius de Bacchanalibus loquens scribit in hæc verba: Nihil est in speciem fallacius quàm prava religio, cum deorum numen prætenditur sceleribus. Subit enim animos timor, ne fraudibus humanis vindicandis divini juris aliquid immixtum violemus. Itaque totus ferè liber Ludovico oblatus eò spectat, ut is omni religione exolutus, pontificis auctoritatem in eo negotio non magnificiat, nec tam quid impotentes homines flagitent, expendat & consideret; quàm quid utilitas regni, atque adeò Ecclesiæ, cujus propugnator est, exigat. Erant enim eo tempore, nec hodie tales plerique desunt, qui adversus Basiliensem conventum, Carolinamque constitutionem differentes, simplicioribus hominibus, & divini juris humanique peritia non sat instructis facile argutiis suis imponerent, ut Ludovico regi fucum eos fecisse mirum non sit. Sed sophisticæ eorum rationes, ne dicam syco-

phanticæ, nihilo magis eruditos ac pios homines movere possunt, quàm philosophi nescio cujus argumenta, qui nivem, quâ nihil est candidius, atram esse hominibus persuadere conabatur. Et horum calumnias, ac sophismata acutè refellit, edito nominatim hac de re libello, clari inter Jureconsultos nominis Panormitanus archiepiscopus, qui & ipse conventui Basiliensi interfuit. Meritò igitur Pii non satis piæ voluntati, & postulatis injustissimis vehementer ab omnibus reclamatum est: ideoque re infecta ejus nuncii atque interpretes abire coacti sunt. Quod cum animadverteret Sixtus, non ita multo post constitutionem annuente Ludovico, sed mitiorem paulò, ac pacis cujusdam fœderisque titulum præ se ferentem, edidit. Verùm ea quoque bonorum omnium consensu, quibus Romanæ artes non incognitæ erant, confestim explosa rejectaque est.

capit. I. de treu. & pace. in extravag. comm.

Ad extremum Leo decimus telam pertexere cupiens, quam Julius paulò antè exorsus fuerat, post varias coitiones, quæ in vulgus tandem innotuerunt, non sine perpetuo quorundam nostratium probro, constitutionem promulgavit, quâ Pragmaticæ sanctioni multum derogatum est, quamvis ea omnino antiquata abrogataque non sit, idque prius inescato mirabiliter

liter Francisco rege factum est, ut novis assentiretur decretis, quæ ob eam causam *conventorum* nomen postea semper retinuerunt. Maluit enim rex scenæ & tempori servire, cum aliquo suo commodo, quod & ipse fatetur: ac de jure publico aliquid remittere, quàm pro hac Helena toties cum Roman. pontificibus dimicare, cum præsertim ab illis nonnihil periculi imminere sibi intelligeret. Ac tametsi scholasticus Lutetiæ conventus hoc, ut ita dicam, Palladium sibi ereptum ægrè ferens, à pontificis decreto ad sacrum Ecclesiæ conventum provocasset, obtinuit nihilominus Leo, ut ejus provocationis ratione non habita, decretum suum regia auctoritate subnixum curia centenaria reciperet: utque ex ejus præscripto in omnibus summis imisque tribunalibus impofterum jus redderetur. Nec dubitat quisquam paulum modò versatus in foro, quin hac constitutione Leonina, tanquam certo jure in rebus judicandis hodie utamur.

CAP. XII.

De

*Nominatione regia in
ordinandis antistiti-
bus, & quales regis*

candi-

candidatos esse oporteat.

CONventis regiis, ac pontificiis, aut, si mavis, constitutione Leonina, cujus suprà meminimus, honores ecclesiastici longè aliter quàm canonibus statutum sit, in Francia deferuntur: ita ut nec electioni, nec postulationi ullus hodie sit locus relictus. Itaque duplex hosce honores conferendi genus apud nos usitatum est, per *nominationem* scilicet *regiam* & *scholasticam*, de quibus sigillatim hîc tractabimus. *Nominatio* autem verbum est maximè huic rei accommodatum & appositum, quo & veteres Latinos authores in re non adèd dissimili usos fuisse comperimus. Plinius *lib. 2. epistolar.* Sic illa die, qua Sacerdotes solent *nominare*, quos dignissimos sacerdotio judicant, me semper nominabant. Idem *lib. 4.* Mihi verò etiam illud gratulatione dignum videtur, quo successi Julio Frontino principi viro, qui me *nominatiōis* die per hos continuos annos inter sacerdotes nominabat, tanquam in locum suum cooptaret, quod nunc eventus ita comprobavit, ut non fortuitum videretur. Brutus *ad Ciceronem*, Is Panfæ locum petere constituit, eam *nominationem* à te petimus, neque conjunctiori dare beneficium, quàm nos tibi sumus, neque digniorem nomi-

nare

nare potest, quàm Bibulum. Græci autem nominationem hujusmodi *προβόλην* appellant. Quo verbo etiam usus est aliquando Gregorius. Quamobrem ut à *regia nominatione* incipiamus, Caput unum est constitutionis Leoninæ, ad eam nominationem pertinens, quo hæc ferè continentur. Vacante Ecclesia cathedrali vel Metropolitana, episcopus à collegio canonicorum non eligatur, sed rex intra sex menses virum gravem atque idoneum Romano pontifici offerat ac nominet. Ut autem idoneus habeatur, præter ea de quibus *lib. 4.* disseruimus, annos ut minimum septem & viginti natum eum esse oportet, quanvis veteres canones majorem ætatem requirant. Præterea necesse est eum in schola aliqua celebri solennibus gradibus ac titulis præditum esse: nempe Theologiæ aut Juris civilis vel pontificii magisterio sive *doctura*, qui apex est honorum scholasticorum, aut certè huic proximo gradu, quæm vulgò *Licentiam* vocant. Nos aliquantò eruditius, vel *prodocturam*, vel *μεθοδιδασκαλίαν* possumus appellare. Romanus verò pontifex principis candidato, in quo nihil horum desideretur, vacantis Ecclesiæ gubernationem committere debet. Quod si idoneus non fuerit is qui proditus ac nominatus est, principis partes sunt, alium quemvis intra spatium trium

trium mensium digniorem & commodiorem nominare. Et hoc quidem trimestre spatium labitur, simulatque repulsam accepit candidatus, & is qui in comitatu pontificis hoc negotium, ipsius nomine procurabat, de ea repulsa certior factus est. Sunt tamen ex candidatis principis nonnulli, quos pontifex creare antistites cogitur: tametsi hæc eis non insint, quæ scilicet constitutione Leonina veteribus canonibus addita sunt: id est, tametsi honores illos scholasticos consecuti non sint. Sic enim ea constitutio videtur accipienda esse. Nam eos qui secundum canones nullo modo idonei sunt ad regendam ecclesiam, à pontifice ordinari ratio non patitur. In hunc numerum regis gentiles ac consanguinei & alii illustres splendidi-que homines referuntur. Sæpe enim utilitas aliqua & ratio temporis exigit, ut huiusmodi personæ, si mediocritas aliqua eis adsit, posthabitis humilioribus, ad sacra antistitia promoveantur: nec aliter id fieri debere constitutione ipsa disertè expressum est. His adscribendi sunt & *sodales mendicantes*, quibus lege sodalitii solenibus conventuum scholasticorum gradationibus interdictum est: si modò tam excellens sit eorum virtus & doctrina, ut eos præfici ecclesiis publicè intersit. Quod dictum est de episcopis, id in cœnobiarchis

chiis, quas vulgò *abbatias* vocamus, locum habet, & aliis præfecturis inferioribus, si tales sint, ut *electivæ* dici mereantur. Quod quemadmodum accipiendum sit, suprà differuimus *cap. 1.* Sed animadvertendum est inter episcopia & Cœnobiarchias aliquid discriminis reperiri. Nam ætas trium & viginti annorum hîc sufficit, nec scholasticis gradibus ornatum esse principis candidatum necesse est. Monasticæ autem vitæ ac instituto, idque ejusdem sectæ & ordinis, (nam sectarum inter hos diversitas magna est, ut *lib. 1.* diximus) addictum solenniter eum devotumque esse oportet: alioqui nec regis nominatio, nec pontificis ordinatio proderit. Postremò notandum est hoc nominandi jus interdum principi non competere, ut puta, si in aula & comitatu pontificis Romani mortuo antistite vacaverit Ecclesia, quia tunc solius Pontificis nutu & arbitrio Ecclesiæ providebitur. Ejurato tamen præfulatu principis nominatio adhuc necessaria est, cùm lex de morte tantum loquatur. Sed etsi collegio alicui ecclesiastico, aut monasterio concessa fuerit speciali quodam privilegio facultas pastorem antistitemque eligendi, conventa regia pontificiaque eisdem non præjudicant.

CAP. XIII.

De

Scholastica nominatione, qua nunc in Gallia ferè utimur, compendiosa, sed accurata commentatio.

CONVENTU Basiliensi, & inclyta illa Caroli constitutione, de qua fusè disseruimus, literatis viris, tertia honorum ecclesiasticorum pars certa forma contributa fuerat, exceptis antistitiis ac præfecturis, de quibus superiori capite tractatum fuit. Eamque partem eis salvam reliquit pontifex Leo, etsi forma nonnihil ab eo immutata sit. Nam beneficia quæ quatuor mensibus vacant, id est, tertia parte anni, literarum cultoribus, qui scholasticis gradibus præditi fuerint, conferuntur, sed ita ut inter eos aliqua sit distinctio. Quidam enim à scholastico ipso conventu sollemniter nominantur atque commendantur, honores ecclesiasticos ac beneficia collaturis antistitibus. Alii absque ulla scholæ commendatione ambiunt, & utrisque sui menses ad petitionem sunt attributi. Sed de his qui *scholarum candidati*, seu, ut loquimur,

mur, à scholis nominati sunt, potissimum hîc loquimur : de quibus librum utilem & copiosum Rebuffus noster conscripsit. Et quia diffusum est hoc argumentum, summatim id tractaturi sumus, sed adhibita methodo, quæ res implicatas evolvat ac explicet : & paulò obscurioribus lucem aliquam adferat. Sunt autem præcipui quidam loci totius tractatus, quos hîc attingere singulos decrevimus.

I. *Quis nominare possit.*

Certo certius est scholis publicis ac celebrioribus Franciæ hoc *jus nominandi*, pro-
dendique beneficiarii competere. Id enim ita constitutum est, tum ut honoratiores essent scholæ, quas nullo non honoris, beneficentiæque genere profecuti sunt majores nostri. *l. quicquid. C. de advoc. divers. jud.* tum etiam quia certius ac fide dignius videbatur magistrorum præceptorumve de discipulorum studiis, quàm aliorum testimonium. *l. nemini. C. de advoc. divers. jud.* Scholas publicas hîc vocamus, publicè, seu quod idem est, publica autoritate institutas, quas Leo, more vulgari, *universitates* vocat : non quòd omnium disciplinarum in eis vigeat professio, ut ait Erasmus *de pronunc.* sed quòd professoribus ac studiosis literarum, corpus, collegium ac veluti

Rempubl. habere liceat, quamvis aliàs id jure prohibitum sit. Id enim significat *universitas* apud Jureconsultos, *tit. quod cujuscq; univers.* & *tit. de coll. illic. l. actor. rem ratam hab.* Itaque tametsi schola aliqua publica ad certarum tantummodo disciplinarum professionem instituta sit, quales sunt in Gallia pleræque: ea nihilominus hoc jure utetur. Cùm autem Leo de scholis publicis regni Franciæ passim loquatur in constitutione sua, satis perspicuum est, in finibus tantùm Franciæ huic scholasticæ nominationi locum esse. Verùm provincia aut civitas Franciæ accedens & conjuncta, quasi pars quædam ipsius ad constitutionem nihilominus pertinere videtur. *l. si convenerit. §. si nuda. de pign. act. l. inter socerum. §. cùm inter. de pact. dot.* Nec multum referre arbitror, an post constitutionem conjunctio hujusmodi, & ἐνωσις facta, aut schola fortassis nova publicè instituta sit nec ne, cùm sermo generalis atque indefinitus futura quoque complectatur. Nam si in constituenda servitute ita sit cautum, ne luminibus officiatur, omne lumen tam præsens quàm futurum contineri veteres responderunt. *l. si servitus. de servit. urb. præd.* Atque ita in specie non dissimili censuit Livius. *lib. 1. Decad. 3.* In fœdere Romanorum Carthagenensiumque cautum fuerat, ut neutri alteris eorumve sociis bellum

bellum inferrent. Saguntinis postea in populi Roma. societatem adscitis bellum intulere Carthaginenses : quærebatur an id contra fœdus ab eis factum esset. De qua re is ita pronuntiat, Satis cautum erat, Saguntinis fociis utrorumque receptis. Nam neque additum erat iis, qui tunc essent, necne qui postea assumerentur : & cum assumere novos liceret socios, quis æquum censeret, aut ob nulla quenquam merita in amicitiam recipi, aut receptos in fidem non defendi &c.

II. *Quis possit nominari.*

Ut quis nominari possit à scholastico conventu, non sufficiunt vulgaria illa, de quibus *lib. 4.* diximus, sed quædam alia necessaria sunt, ex Leonina constitutione. Nam gradibus titulisque scholasticis præditum esse eum, qui nominatur, oportet : quorum primus est eorum qui tyrocinii depositi insignia accipiunt, & vulgò *Baccalarij* dicuntur : ex quo gradu Theologiæ professores duos faciunt : alter est eorum qui *methodidascali* designantur : tertius ac supremus *doctorum* sive *magistrorum* est, quorum supra mentionem habuimus. Scholasticos titulos cum dico, eos tantum intelligi volo, qui à scholasticis conventibus solenni & accurata inquisitione prius fa-

eta, deferuntur. Quare *doctores codicillares*
 (sic enim more veterum appellari posse vi-
 dentur, qui diplomate principis seu pon-
 tificis honorarios illos titulos consecuti
 sunt) vulgò receptum est, ejus nominatio-
 nis, de qua loquimur, capaces non esse.
 Et notandum est horum graduum, vel in-
 fimum ac minimum sufficere, ut valeat no-
 minatio, præterquam in medicinæ diale-
 cticesque studio: cùm in hoc magistrum,
 in illo mellodidasalum esse oporteat.
 Prætereà tempus certum constitutione de-
 finitum est, quod in studiis ante solennem
 illam gradationem consumptum esse ne-
 cesse est, ut puta in *Theologia* studio, in
 quo gradus quatuor reperiuntur: tribus
 superioribus gradibus decem annorum
 spatium, sex verò annorum infimo præ-
 scriptum est. In studio *juris civilis aut ponti-*
fici summo ac medio septennium; infimo
 quinquennium est statutum. Eademque
 est ratio *medicina*, nisi quod infimi gradus
 in ea ratio non habetur, ut diximus. In
dialectica philosophiaq; studio quinquen-
 nium magistris præstituitur: & iis qui
μεθοδιδασκαλίας titulo ornari solent. *S. præ-*
terea. tit. de collat. in conc. Excipiuntur
 generosi homines & clavis natalibus orti,
 quos *nobiles* ac *gentiles* appellamus. In qua
 nobilitate judicanda utriusque parentis
 genus spectatur. Nam iad primum gra-
 dum

dum in studio juris civilis aut pontificii post triennium aspirant, idque arbitror constitutum esse, ut id genus homines ad studium juris alliciantur, quibus publicè interest Reipubl. gubernacula potius quàm tenuis fortunæ hominibus committi, eâdem prorsus ratione, quâ M. Ciceo quondam Romæ senatum decrevisse scribit, ut de principum filiis sex singulis Hetruriæ populis in divinandi arte instituendi traderentur. Ne ars, ut ipse inquit, tanta propter tenuitatem hominum à religionis autoritate ad mercedem & quæstum abduceretur. Splendor enim ille natalium non mediocre calcar est ad virtutem. Unde Salustius in *Jugurth.* Sæpè, inquit, audiui Quintum Maximum, P. Scipionem, præterea civitatis nostræ præclaros viros solitos ita dicere, cum majorum imagines intuerentur, vehementissimè animum sibi ad virtutem accendi, scilicet non ceram illam, neque figuram tantam vim in sese habere, sed memoria rerum gestarum eam flammam egregiis viris in pectore crescere, neque prius sedari, quàm virtus eorum famam atque gloriam adæquaverit. Quod si quis indignetur nobilibus tantum deferri in ecclesiasticis honoribus assequendis, quorum plerique fortassis à majorum virtute & gloria quàm longissimè absunt, is quæso, Senecam au-

diat, ita loquentem *lib. 4. de benefic. c. 30.*
Aliquando daturum me etiam indignis
quædam non negaverim in honorem alio-
rum: sicut in petendis honoribus quos-
dam turpissimos nobilitas industriis, sed
novis, prætulit. Non sine ratione sacra
est magnarum virtutum memoria, &
etiam plures bonos juvat, si gratia bono-
rum non cum ipsis cadat. Ciceronem filium
quæ res consulem fecit, nisi pater? Cinnam
nuper quæ res ad consulatum recepit ex
hostium castris? Quæ Sextum Pompejum,
aliosque Pompejos, nisi unius viri magni-
tudo? Tanta quidem ut satis altè omnes
suos etiam ruina ejus attolleret. Quid
nuper Fabium Persicum, cujus osculum
etiam impediret viri nota boni, sacerdo-
tem non in uno collegio fecit, nisi Verruco-
si & Allobrogici, & illi trecenti, qui ho-
stium incursioni pro Republica unam do-
mum objecerant? Hæc debemus virtuti-
bus, ut non præsentibus solum illas, sed
etiam ablatas è conspectu colamus. Quo-
modo illi id egerunt, ut non in unam æta-
tem prodesse, sed beneficia sua etiam
post ipsas relinquerent: ita & nos non una
ætate grati sumus. Hic magnos viros ge-
nuit, dignus est beneficiis, qualiscunque
est, dignos dedit. Hic egregiis majoribus
ortus est, qualiscunque est, sub umbra suo-
rum lateat, ut loca sordida percussu solis
illu-

DE SACR. ECCLES. MINIST. LIB. V. 325
illustrantur, ita inertes majorum suorum
luce resplendeant.

III. *Quomodo sit concipienda nominatio.*

Nominatio in scripturam debet redigi, ut ex Leonina constitutione satis apparet, quæ literarum identidem meminit. *S. præfati. S. volumus.* Quamvis alioqui scriptura ad conficiendum negotium minimè sit necessaria, *l. contrahitur. de pign.* A scriba autem scholastici conventus describi, & ejusdem conventus annulo signove obsignari eam oportet. *S. præfati. S. volumus.* Cujus signi quænam sit sculptura sive *apospbragisma* parum refert, modò à consuetudine hîc non recedatur. *not. in S. possunt. Institut. de testament.* Idemque dicendum est de ea testatione, quæ ad legitimæ studiorum temporis fidem faciendam conficitur. Prætereà nominationis formula sacerdotia omnia ac beneficia quæcunque is qui nominatur, obtinet, possidétve unà cum vera justaque vectigalis obventionumque æstimatione, & quantitate complecti debet. *S. volumus.* Cùm enim eos nominare non liceat, qui beneficiis aucti sunt ad quantitatem ducentorum aureorum, utile visum fuit in nominationis for-

mula hujus quantitatis mentionem fieri. Qua ratione percepta quæstiones aliquot quæ ab aliis copiosè hîc tractatæ sunt, facîle definiri poterunt. Quid autem appellatione beneficiorum contineatur, docuimus *lib. 2.*

IV. *Apud quos nominare oporteat.*

Quia nominationis, de qua loquimur, finis & scopus hic est, ut nominato beneficium quod postea vacaverit, conferatur, satis constat ita concipiendam esse nominationem, quasi apud eos fiat, qui beneficiorum conferendorum jus habent: cujusmodi sunt episcopi, collegia, & cæteri, quos *lib. 2.* commemoravimus. Eadem est patrônarum ratio, sed ecclesiasticorum tantum, quos nominatim exprimit Leonina constitutio, non etiam laicorum, in quos non simili potestate & imperio, ac in ecclesiasticos uti solent Romani pontifices. Durum siquidem est nec sacerdotali modestiæ congruum, prægrandes uberesque possessiones à laicis hominibus non modò gentilitiis hæreditatibus detractas, sed etiam juri humano & commercio exemptas, ita sacerdotes tenere, ut liberum etiam illud ecclesiarum patrociniû, quod bene-

benefici homines receptum voluerunt, ipsis auferatur. *not. in c. 2. de præbend. in 6.* Sed de his patronis aliquando fufius fuprà difputatum fuit.

V. *De professione ac denunciatione, quam Insinuationem vocant.*

In ſcholaflico conventu nominari ſolent literati viri abſentibus antiſtitibus, aliisve, qui promovendi ad ſacra minifteria potèſtatem habent. Quamobrem ne ejus rei ignorationem cauſari poſſint, profeſſio quædam denuntiatioque apud eos eſt neceſſaria. Et eſt conſtitutum, ut quadrageſimæ tempore ea denuntiatio fiat. Triplex autem ac interdum quadruplex teſtatio ipsis edenda eſt. Una *de gradu*, quo quis præditus eſt: altera *de legitimo ſtudiorum tempore*: tertia *de nominatione ſcholaflici conventus*: quarta *de nobilitate & genere*. Harumque omnium deſcripta exempla penes antiſtitem, vel patronum aliumve cui editio facienda eſt, demitti debent. Ac poſtquam edita ſemel fuerint hæc omnia, editionem repetere candidatus non cogitur, ſed quotannis nomen ſuum proferri debet, ne fortassis mutaffe voluntatem,

justa negandi causa est. Nam inter nominatos is potior cæteris habetur, qui prior nominatus est. Ac si plures eodem anno sint nominati, qui summo gradu, id est, *doctura*, præditi sunt, mediis & medii infimis anteponuntur, quibusdam exceptis, quos exprimit constitutio. *§. statuimus.* Inter eos, qui à scholastico conventu proditi non sunt, sed *incandida pura* petunt, ut ita dicam, locus est gratificationi, sicut & inter eos qui proditi nominatique sunt, cum nulla inter ipsos disparitas inæqualitasque reperitur. Hæc autem *circularis promotio* collatioque beneficiorum non perpetuò locum habet. Nam in Metropolitanis cathedralibusque ecclesiis annonæ quædam sunt theologis attributæ, quas *præbendas theologales* vulgò appellamus, quòd neminì, præterquam theologo, possint conferri, quoquo tempore anni vacent. *§. statuimus.* Curatio quoque animorum in civitate semper ei defertur, qui gradibus scholasticis præditus est: aut saltem legitimo temporis spatio, id est, triennio, vel theologiæ, vel juri civili aut pontificio operam dedit, &c. Nec id modò de civitate constitutum est, quod verbum peculiarem habet significationem in jure pontificio, sed etiàm de quacunque comopoli mœnibus cincta. *§. statuimus.* quæ authore Pomponio oppidum dici posse videtur.

l. pupillus. S. oppidum. de verb. sign. Adde quòd Romanus pontifex occupationis cuiusdam jure, à nonnullis existimatur beneficia quocunque mense vacantia cuius conferendi liberam potestatem habere. Sed hæc quæstio, quæ juris controversi est, paulò post à nobis discutietur.

LIBER SEXTVS

DE IIS QVÆ IN BENE-
FICIIS DISTRIBVENDIS
PRÆCIPVE OBSER-
VANDA SVNT.

ARGVMENTVM.

Genera omnium acquirendorum beneficiorum recensuimus in superiore libro, & explicavimus. Sed quia in huiusmodi acquisitione multa necessario observanda sunt, visum est nobis ea statim hîc subungere, & idcirco separatim hoc libro tractare, quod superior ad justam magnitudinem excreverit.

*Beneficium antequam
vacet, nec dandum,
nec promittendum
esse: & quàm gravi-
ter in hac re adver-
sus sacros canones
peccari soleat.*

Beneficia ecclesiastica, ut admonuimus
lib. 2. temporaria non sunt, ut publica
civiliaque munera quondam in Rep. Ro-
manorum, sed perpetua potius, ut in Gal-
lia sunt magistratus regii. Ac talis ferè
olim fuit Romæ Auguratus, quem Plin.
lib. 4. Epist. existimat insigne sacerdotium
esse, quòd non adimatur viventi: hoc tamen
interest, quòd sacra ministeria ac beneficia
nostri temporis ob maleficium & aliam le-
gitimam causam amittuntur. Auguratus
verò ita perpetuus est, ut quamlibet no-
cens ac sceleratus homo nunquam eo pri-
vari queat, authore Plutarcho *in problem.*
Proinde si quis administrationem ecclesia-
sticam habeat, non aliter ei successorem
mittere licet, quàm si mortem obierit, aut
aliàs vacaverit Ecclesia, quam administrat.
 toto titulo, de concessione prabend. c. non furem. 7.

quest. 1. Ac fuit quorundam opinio, ne mortuo quidem beneficiario posse beneficium dari, antequam demortui cadaver sepulturæ traditum fuerit. *c. bonæ. de elect.* quod tamen usquequaque receptum non est. *Vacantem* vero *Ecclesiam* aut beneficium dicimus, cum præfecto gubernatore seu administratore caret, non dissimiliter ac Jureconfulti vacantem mulierem vocant. *l. qui cætu. ad l. Jul. de vi publ.* *χοράζου ἐκκλησίαν* dicunt Græci, *con. Antioch.* & hac voce utitur Plin. *lib. 10. Epist.* ut *lib. 8.* dicemus. Nec multum refert an possideatur ab alio beneficium, an verò sit vacua ejus possessio, ut conferri possit. Sufficit enim in ea causa id esse, ut jure vacans dici queat. *c. licet. 2. de præbend. in 6. c. 1. §. sacri. de homicid. in 6.* Ac sicut vivi superstitisque hominis beneficium conferri prohibetur, ita etiam promissio ejus interdicta est, quamvis in tempus, quo mortuus fuerit beneficiarius, conferatur. Nec ex tali promissione ulla nascitur obligatio: quod & locum etiam habet, si quis sermone usus generali, tunc beneficium se daturum promittat, cum ejus dandi facultas se obtulerit. *c. 2. de concess. præb. in 6.* Nam hujusmodi promissiones ansam præbent affectu ndæ captandæque mortis alienæ, *c. de concess. præbend. in antiq.* quo nihil est à viri boni officio alienius. Idque vel Dema-

dis

dis illius exemplo edocemur, qui Athenis necessaria funeribus venditantem damnavit, cùm probasset magnum lucrum optasse, quod contingere illi sine multorum morte non poterat. Seneca *lib.6. de benefic. c.38.* Receptum tamen est, ut ascito in collegium canonicorum, annona seu præbenda quæ postea vacaverit utiliter promittatur: quia indecorum visum est, quemquam sine stipendio canonici munere fungi in Ecclesia. *c. relatum. de præbend. glos. c.2. de conc. præbend. in 6.* Pontifex sanè Romanus ab hac regula excipi solet, qui beneficia omnia, licet nondum vacantia, donandi, conferendi, promittendi, & arbitrio suo distribuendi, ac dispensandi potestatem sibi unus vindicat. *cap. proposuit, de concess. præbend.* Sed æquius erat ac longè decentius, eum non imperio tantum, sed etiam exemplo cæteros episcopos in officio continere. Nam in tanto fastigio collocatus, si leges, canones ac majorum instituta contemnat, exemplo magis quàm peccato nocet Reipub. Christianæ. Atque hinc fit plerunque, ut non adèò gravis cùm in reliquos antistites, tum in gregem ipsum universum ejus sit authoritas.

*In commune jubes (inquit Claudian.) si
quid censescq; tenendum,
Primus jussa subi, tunc observantior equi*

*Fit populus, nec ferre negat, quum videris
ipsum*

Authorem parere sibi: componitur orbis

Regis ad exemplum: nec sic inflectere sensus

Humanos edicta valent, quàm vita regentis.

Mobile mutatur semper cum principe vulgus.

Qua pœna autem afficiatur is qui superstitis hominis nondum vacans beneficium impetrat, tractatum est. Et imprimis constat eum ecclesiastica communione summo-
moveri. *c. 1. de concess. præb.* Deinde si quo honore graduq; ecclesiastico præditus sit, eo privatur. *c. imprimis. 2. q. 1.* Est & pœna infamiæ adversus eum statuta. *3. q. 2. c. audivimus.* Sed si quis probabili errore ductus mortuum aliquem esse crediderit, justam habere videtur excusationem. *c. præsentium. 7. quest. 1.* Qua de re Philip. Decius in quodam responso disseruit, *consil. 398.*

CAP. II.

*Omnem ambitum à collatione beneficiorum
procul esse debere.*

IN assequendis beneficiis nihil magis fugiendum est, quàm ambitus & largitio. Qua de re extat canon concilii Chalcedonens.

nenſ. c. ſi quis epiſcopus. l. q. l. in hæc verba : Si quis epiſcopus per pecuniam ordinatio- nem fecerit , & pretio redemerit Spiritus Sancti gratiam, quæ vendi non poteſt. ordinaveritque per pecuniam preſbyte- rum aut diaconum, vel quemlibet de his qui cognominantur in clero, promoverit : & diſpenſatorem aut deſenſorem, vel quemlibet qui ſubjectus eſt regulæ, pro ſui turpiſſimi lucri commodo : is qui hoc attentare probatus fuerit, proprii gradus periculo ſubjacebit, & qui ordinatus eſt, nihil ex hac ordinatione vel promotione, quæ eſt pro negotiatione facta, proficiat : ſed ſit alienus à dignitate vel ſolicitudine, quam pecuniis acquiſivit. Si quis verò mediator tam turpibus & illicitis datis vel acceptis extiterit, ſi quidem clericus fue- rit, à proprio gradu decidaſt : ſi verò lai- cus, anathematifeſtur. Græcè ſic habet.

Εἰς πρῶτον ὑπόμνημα ὑπὲρ χρημάτων χειροτονίας ποιήσωμεν, καὶ εἰς δεύτερον κατὰ λόγον τὸ ἄνωγον χάριν, καὶ χειροτονήσοι ὑπὲρ χρημάτων ὑπόμνημα, ἢ χωρεπίσχετον, ἢ πρέσβυτερους, ἢ ἀγαθέρας, ἢ ἑτέρον πινὰ τὸ ἐν τῷ κλήρῳ κατηλεθμημένων, ἢ παροδάλουτο ὑπὲρ χρημάτων οἰκονόμον, ἢ ἐκδοκον, ἢ ἀναγνωμαίον, ἢ ὅπως πινὰ τὸ κανόν, δι' ἀγαθοκερδία οἰκία, ὁ τῷ ὑπὲρ χρημάτων ἐλέγχῃς κινδυνεύετω περὶ τὸ οἰκεῖον βαθμὸν: καὶ ὁ χειροτονέμενος, μηδὲν ἐκ τῶ κατὰ ἐκπορεύειν ὠφελείῳ χειροτονίας ἢ παροδολῆς, ἀλλ' ἔσω

αἰχλόμενοι τῇ ἀξίας ἢ τῷ φρονήσμεθα, ὅπερ ὅτι
 χρήμασιν ἐτύχευ. εἰ δὲ τις ἐκ μεσιτῶν φανείη
 τοῖς ἑταῖροις καὶ ἀθεμίτοις λήμμασι, καὶ
 ἔτθ, εἰ μὴ κληρικὸς εἴη, τῷ οἰκείῳ ἐκπιπέτω
 βαθμῷ· εἰ δὲ λαϊκὸς ἢ μονάζων, ἀναθεματίζεσθω.

Extat & constitutio Anthemii Imperat.
 cujus hæc verba sunt, *titul. de episc. & cleric.*

in C. Justin. c. c. Si quemquam vel in hac
 urbe regia, vel in cæteris provinciis, quæ
 toto orbe diffusæ sunt, ad episcopatus gra-
 dum provehi DEO auctore contigerit :
 puris hominum mentibus nuda electionis
 conscientia, sincero omnium iudicio pro-
 feratur. Nemo gradum sacerdotii vena-
 litate precii mercetur : quantum quisque
 meretur, non quantum dare sufficit, æsti-
 metur : profecto enim quis locus tutus, &
 quæ causa poterit esse excusata, si vene-
 randa DEI templa pecunia expugnentur ?
 quem murum integritatis, aut vallum fi-
 dei providebimus, si auri sacra fames in-
 penetrabilia veneranda proserpat ? Deni-
 que quid cautum esse poterit aut securum,
 si sanctitas incorrupta corrumpatur ? ces-
 set altaribus imminere profanus ardor ava-
 ritiae, & à sacris adytis repellatur piacula-
 re flagitium : ita castus & humilis nostris
 temporibus eligatur episcopus, ut quo-
 cunque locorum pervenerit, omnia vitæ
 propriæ integritate purificet : non precio,
 sed precibus ordinetur antistes : tantum

CAP. XIII.

De

Scholastica nominatione, qua nunc in Gallia ferè utimur, compendiosa, sed accurata commentatio.

CONVENTU Basiliensi, & inclyta illa Caroli constitutione, de qua fusè disseruimus, literatis viris, tertia honorum ecclesiasticorum pars certa forma contributa fuerat, exceptis antistitiis ac præfecturis, de quibus superiori capite tractatum fuit. Eamque partem eis salvam reliquit pontifex Leo, etsi forma nonnihil ab eo immutata sit. Nam beneficia quæ quatuor mensibus vacant, id est, tertia parte anni, literarum cultoribus, qui scholasticis gradibus præditi fuerint, conferuntur, sed ita ut inter eos aliqua sit distinctio. Quidam enim à scholastico ipso conventu solennitè nominantur atque commendantur, honores ecclesiasticos ac beneficia collaturis antistitibus. Alii absque ulla scholæ commendatione ambiunt, & utrisque sui menses ad petitionem sunt attributi. Sed de his qui *scholarum candidati*, seu, ut loquimur,

mur, à scholis nominati sunt, potissimum hîc loquimur : de quibus librum utilem & copiosum Rebuffus noster conscripsit. Et quia diffusum est hoc argumentum, summatim id tractaturi sumus, sed adhibita methodo, quæ res implicatas evolvat ac explicet : & paulò obscurioribus lucem aliquam adferat. Sunt autem præcipui quidam loci totius tractatus, quos hîc attingere singulos decrevimus.

I. *Quis nominare possit.*

Certo certius est scholis publicis ac celebrioribus Franciæ hoc *jus nominandi*, pro-
dendique beneficiarii competere. Id enim ita constitutum est, tum ut honoratiores essent scholæ, quas nullo non honoris, beneficentiæque genere profecuti sunt majores nostri. *l. quicquid. C. de advoc. divers. jud.* tum etiam quia certius ac fide dignius videbatur magistrorum præceptorumve de discipulorum studiis, quàm aliorum testimonium. *l. nemini. C. de advoc. divers. jud.* Scholas publicas hîc vocamus, publicè, seu quod idem est, publica autoritate institutas, quas Leo, more vulgari, *universitates* vocat : non quòd omnium disciplinarum in eis vigeat professio, ut ait Erasmus *de pronunc.* sed quòd professoribus ac studiosis literarum, corpus, collegium ac veluti

Rempubl. habere liceat, quamvis aliàs id jure prohibitum sit. Id enim significat *universitas* apud Jureconsultos, *tit. quod cuiusq³ univers.* & *tit. de coll. illic. l. actor. rem ratam hab.* Itaque tametsi schola aliqua publica ad certarum tantummodo disciplinarum professionem instituta sit, quales sunt in Gallia pleræque: ea nihilominus hoc jure utetur. Cùm autem Leo de scholis publicis regni Franciæ passim loquatur in constitutione sua, satis perspicuum est, in finibus tantùm Franciæ huic scholasticæ nominationi locum esse. Verùm provincia aut civitas Franciæ accedens & conjuncta, quasi pars quædam ipsius ad constitutionem nihilominus pertinere videtur. *l. si convenerit. §. si nuda. de pign. act. l. inter socerum. §. cùm inter. de pact. dot.* Nec multum referre arbitror, an post constitutionem conjunctio hujusmodi, & *ἐνωσις* facta, aut schola fortassis nova publicè instituta sit nec ne, cùm sermo generalis atque indefinitus futura quoque complectatur. Nam si in constituenda servitute ita sit cautum, ne luminibus officiatur, omne lumen tam præsens quàm futurum contineri veteres responderunt. *l. si servitus. de servit. urb. præd.* Atque ita in specie non dissimili censuit Livius. *lib. 1. Decad. 3.* In fœdere Romanorum Carthagenensiumque cautum fuerat, ut neutri alteris eorumve sociis bellum

bellum inferrent. Saguntinis postea in populi Roma. societatem adscitis bellum intulere Carthaginenses : quærebatur an id contra fœdus ab eis factum esset. De qua re is ita pronuntiat, Satis cautum erat, Saguntinis fociis utrorumque receptis. Nam neque additum erat iis, qui tunc essent, necne qui postea assumerentur : & cum assumere novos liceret socios, quis æquum censeret, aut ob nulla quenkam merita in amicitiam recipi, aut receptos in fidem non defendi &c.

II. *Quis possit nominari.*

Ut quis nominari possit à scholastico conventu, non sufficiunt vulgaria illa, de quibus *lib.4.* diximus, sed quædam alia necessaria sunt, ex Leonina constitutione. Nam gradibus titulisque scholasticis præditum esse eum, qui nominatur, oportet : quorum primus est eorum qui tyrocinii depositi insignia accipiunt, & vulgò *Baccalaurij* dicuntur : ex quo gradu Theologiæ professores duos faciunt : alter est eorum qui *methodidascali* designantur : tertius ac supremus *doctorum* sive *magistrorum* est, quorum supra mentionem habuimus. Scholasticos titulos cum dico, eos tantum intelligi volo, qui à scholasticis conventibus solenni & accurata inquisitione prius fa-

eta, deferuntur. Quare *doctores codicillares* (sic enim more veterum appellari posse videntur, qui diplomate principis seu pontificis honorarios illos titulos consecuti sunt) vulgò receptum est, ejus nominationis, de qua loquimur, capaces non esse. Et notandum est horum graduum, vel infimum ac minimum sufficere, ut valeat nominatio, præterquam in medicinæ dialecticesque studio: cùm in hoc magistrum, in illo *mellodidasalum* esse oporteat. Præterea tempus certum constitutione definitum est, quod in studiis ante solennem illam gradationem consumptum esse necesse est, ut puta in *Theologia* studio, in quo gradus quatuor reperiuntur: tribus superioribus gradibus decem annorum spatium, sex verò annorum infimo præscriptum est. In studio *juris civilis aut pontificij* summo ac medio septennium, infimo quinquennium est statutum. Eademque est ratio *medicinae*, nisi quòd infimi gradus in ea ratio non habetur, ut diximus. In *dialecticæ philosophiæq;* studio quinquennium magistris præstituitur: & iis qui *μεθοδιδασκαλίας* titulo ornari solent. *S. præterea. tit. de collat. in conc.* Excipiuntur generosi homines & claris natalibus orti, quos *nobiles* ac *gentiles* appellamus. In qua nobilitate judicanda utriusque parentis genus spectatur. Nam iudicium ad primum gradum

dum in studio juris civilis aut pontificii post triennium aspirant, idque arbitror constitutum esse, ut id genus homines ad studium juris alliciantur, quibus publicè interest Reipubl. gubernacula potius quàm tenuis fortunæ hominibus committi, eâdem prorsus ratione, quâ M. Ciceo quondam Romæ senatum decrevisse scribit, ut de principum filiis sex singulis Hetruriæ populis in divinandi arte instituendi traderentur. Né ars, ut ipse inquit, tanta propter tenuitatem hominum à religionis autoritate ad mercedem & quæstum abduceretur. Splendor enim ille natalium non mediocre calcar est ad virtutem. Unde Salustius in *Jugurth.* Sæpè, inquit, audiui Quintum Maximum, P. Scipionem, præterea civitatis nostræ præclaros viros solitos ita dicere, cum majorum imagines intuerentur, vehementissimè animum sibi ad virtutem accendi, scilicet non ceram illam, neque figuram tantam vim in sese habere, sed memoria rerum gestarum eam flammam egregiis viris in pectore crescere, neque prius sedari, quàm virtus eorum famam atque gloriam adæquaverit. Quod si quis indignetur nobilibus tantum deferri in ecclesiasticis honoribus assequendis, quorum plerique fortassis à majorum virtute & gloria quàm longissimè absunt, is quæso, Senecam au-

diat, ita loquentem *lib. 4. de benefic. c. 30.* Aliquando daturum me etiam indignis quædam non negaverim in honorem aliorum: sicut in petendis honoribus quosdam turpissimos nobilitas industriis, sed novis, prætulit. Non sine ratione sacra est magnarum virtutum memoria, & etiam plures bonos juvat, si gratia bonorum non cum ipsis cadat. Ciceronem filium quæ res consulem fecit, nisi pater? Cinna nuper quæ res ad consulatum recepit ex hostium castris? Quæ Sextum Pompejum, aliosque Pompejos, nisi unius viri magnitudo? Tanta quidem ut fatis altè omnes suos etiam ruina ejus attolleret. Quid nuper Fabium Persicum, cujus osculum etiam impediret viri nota boni, sacerdotem non in uno collegio fecit, nisi Verrucosi & Allobrogici, & illi trecenti, qui hostium incursionem pro Republica unam domum objecerant? Hæc debemus virtutibus, ut non præsentem solum illas, sed etiam ablatas è conspectu colamus. Quomodo illi id egerunt, ut non in unam ætatem prodesse, sed beneficia sua etiam post ipsas relinquerent: ita & nos non una ætate grati sumus. Hic magnos viros genuit, dignus est beneficiis, qualiscunque est, dignos dedit. Hic egregiis majoribus ortus est, qualiscunque est, sub umbra suorum lateat, ut loca sordida percussu solis illu-

DE SACR. ECCLES. MINIST. LIB. V. 325
illustrantur, ita inertes majorum suorum
luce resplendeant.

III. *Quomodo sit concipienda nominatio.*

Nominatio in scripturam debet redigi, ut ex Leonina constitutione satis apparet, quæ literarum identidem meminit. *S. præfati. S. volumus.* Quamvis alioqui scriptura ad conficiendum negotium minimè sit necessaria, *l. contrahitur. de pign.* A scriba autem scholastici conventus describi, & ejusdem conventus annulo signove obsignari eam oportet. *S. præfati. S. volumus.* Cujus signi quænam sit sculptura sive *apospbragisma* parum refert, modò à consuetudine hîc non recedatur. *not. in S. possunt. Institut. de testament.* Idemque dicendum est de ea testatione, quæ ad legitimi studiorum temporis fidem faciendam conficitur. Præterea nominationis formula sacerdotia omnia ac beneficia quæcunque is qui nominatur, obtinet, possidetve unà cum vera justaque vestigalis obventio- numque æstimatione, & quantitate complecti debet. *S. volumus.* Cùm enim eos nominare non liceat, qui beneficiis aucti sunt ad quantitatem ducentorum aureorum, utile visum fuit in nominationis for-

mula hujus quantitatis mentionem fieri. Quia ratione percepta quæstiones aliquot quæ ab aliis copiosè hîc tractatæ sunt, facîle definiri poterunt. Quid autem appellatione beneficiorum contineatur, docuimus *lib. 2.*

IV. *Apud quos nominare oporteat.*

Quia nominationis, de qua loquimur, finis & scopus hic est, ut nominato beneficium quod postea vacaverit, conferatur, satis constat ita concipiendam esse nominationem, quasi apud eos fiat, qui beneficiorum conferendorum jus habent: cujusmodi sunt episcopi, collegia, & cæteri, quos *lib. 2.* commemoravimus. Eadem est patrônarum ratio, sed ecclesiasticorum tantum, quos nominatim exprimit Leonina constitutio, non etiam laicorum, in quos non simili potestate & imperio, ac in ecclesiasticos uti solent Romani pontifices. Durum siquidem est nec sacerdotali modestiæ congruum, prægrandes uberesque possessiones à laicis hominibus non modò gentilitiis hæreditatibus detractas, sed etiam juri humano & commercio exemptas, ita sacerdotes tenere, ut liberum etiam illud ecclesiarum patrociniû, quod bene-

benefici homines receptum voluerunt, ipsis auferatur. *not. in c. 2. de prabend. in 6.* Sed de his patronis aliquando fusius suprà disputatum fuit.

V. *De professione ac denunciatione, quam Insinuationem vocant.*

In scholastico conventu nominari solent literati viri absentibus antistitibus, aliisve, qui promovendi ad sacra ministeria potestatem habent. Quamobrem ne ejus rei ignorance causari possint, professio quædam denuntiatioque apud eos est necessaria. Et est constitutum, ut quadragesimæ tempore ea denuntiatio fiat. Triplex autem ac interdum quadruplex testatio ipsis edenda est. Una *de gradu*, quo quis præditus est: altera *de legitimo studiorum tempore*: tertia *de nominatione scholastici conventus*: quarta *de nobilitate & genere*. Harumque omnium descripta exempla penes antistitem, vel patronum aliumve cui editio facienda est, demitti debent. Ac postquam edita semel fuerint hæc omnia, editionem repetere candidatus non cogitur, sed quotannis nomen suum proferri debet, ne fortassis mutasse voluntatem,

tem, & nullum amplius beneficium affectare credatur. *§. præfati. §. teneantur.*

VI. *De effectu nominationis.*

Ea vis est ac potestas nominationis scholasticæ, ut petitio legisque actio sit prodita, quâ nominatus beneficium suo tempore vacans petere possit, si modò ritè & ex formula professus fuerit: Tempus autem quod Leonina constitutio nominationis attribuit, mensis est *Julius* cum *Januario*. Nam cæteri qui gradibus scholasticis insigniti sunt, non tamen proditi seu nominati à scholastico conventu, *Aprilem* & *Octobrem*, alii alios menses habent. Quibus omnibus in orbem beneficia conferuntur, nec ulla potuit commodior ratio excogitari, quâ viri literati tertiam partem beneficiorum consequi possint, quàm hâc circulari collatione. Quæ igitur mense Julio, Januarioque vacant, ob mortem, inquam, beneficiarii, non ob beneficii ejurationem, adeò nominatis obstricta, ut ita loquar, obnoxiaque sunt, ut suo jure ipsis ea petere liceat, & alii facta collatio irrita sit. *§. si quis verò. §. ult.* Hinc plerique ajunt eum quî alii contulit beneficium, posse mutata voluntate, nihilominus nominato conferre,

re, quæ sententia probabilis est. *c. non præstat. de regul. jur. in 6.* Sed animadvertendum est, quoties scholæ candidatus petit, curare eum oportere, ut non simpliciter, sed tanquam nominato expressim beneficium sibi conferatur : alioqui inutilis est collatio. atque ita confusionis fraudumque vitandarum causa sæpè judicatum est. Tempus autem intra quod petere debeat nominatus, constitutione expressum non est. Itaque videtur id boni viri arbitrio relictum esse. Sed æquum est ac rationi consentaneum, Lateranensis concilii tempus spectari, quod *sex mensium* est. *c. 2. de concess. præb.* Quod si requisitus antistes petentem ambientemque repulerit, jus conferendi, ut caducum ad superiores antistites gradatim devolvitur. *§. si quis verò.* ut suprà diximus. *c. 5.* Et pœna constitutione expressa eidem irrogatur, nisi justam hujus repulsæ causam allegaverit. *§. ult.* Justa verò causa potest esse, exempli loco, si is qui monasticis votis minimè obstrictus est, beneficium petat, quod ejus tantum sectæ atque instituti homines capere possint, aut contrà. Sic enim habet constitutio, ut sæcularia sæcularibus, & regularia regularibus conferantur. *§. & insuper.* Quæ verba à nobis explicata sunt *lib. 2.* Sed etsi alius cum ambiente concurrat, qui videatur ei præferendus esse,
justa

justa negandi causa est. Nam inter nominatos is potior cæteris habetur, qui prior nominatus est. Ac si plures eodem anno sint nominati, qui summo gradu, id est, *doctura*, præditi sunt, mediis & medii infimis anteponuntur, quibusdam exceptis, quos exprimit constitutio. *§. statuimus.* Inter eos, qui à scholastico conventu prodiiti non sunt, sed *incandida pura* petunt, ut ita dicam, locus est gratificationi, sicut & inter eos qui prodiiti nominatique sunt, cum nulla inter ipsos disparitas inæqualitasque reperitur. Hæc autem *circularis promotio* collatioque beneficiorum non perpetuò locum habet. Nam in Metropolitanis cathedralibusque ecclesiis annonæ quædam sunt theologis attributæ, quas *præbendas theologales* vulgò appellamus, quòd nemini, præterquam theologo, possint conferri, quoquo tempore anni vacent. *§. statuimus.* Curatio quoque animorum in civitate semper ei defertur, qui gradibus scholasticis præditus est: aut saltem legitimo temporis spatio, id est, triennio, vel theologiæ, vel juri civili aut pontificio operam dedit, &c. Nec id modò de civitate constitutum est, quod verbum peculiarem habet significationem in jure pontificio, sed etiàm de quacunque comopoli mœnibus cincta. *§. statuimus.* quæ authore Pomponio oppidum dici posse videtur.

l. pupillus. S. oppidum. de verb. sign. Adde quòd Romanus pontifex occupationis cuiusdam jure, à nonnullis existimatur beneficia quocunque mense vacantia cuius conferendi liberam potestatem habere. Sed hæc quæstio, quæ juris controversi est, paulò post à nobis discutietur.

LIBER SEXTVS

DE IIS QVÆ IN BENE-
FICIIS DISTRIBVENDIS
PRÆCIPVE OBSER-
VANDA SVNT.

ARGVMENTVM.

G*enera omnium acquirendorum beneficiorum recensuimus in superiore libro, & explicavimus. Sed quia in huiusmodi acquisitione multa necessario observanda sunt, visum est nobis ea statim hîc subungere, & idcirco separatim hoc libro tractare, quod superior ad justam magnitudinem excreverit.*

*Beneficium antequam
vacet, nec dandum,
nec promittendum
esse: Et quàm gravi-
ter in hac re adver-
sus sacros canones
peccari soleat.*

Beneficia ecclesiastica, ut admonuimus
lib. 2. temporaria non sunt, ut publica
civiliaque munera quondam in Rep. Ro-
manorum, sed perpetua potius, ut in Gal-
lia sunt magistratus regii. Ac talis ferè
olim fuit Romæ Auguratus, quem Plin.
lib. 4. Epist. existimat insigne sacerdotium
esse, quòd non adimatur viventi: hoc tamen
interest, quòd sacra ministeria ac beneficia
nostri temporis ob maleficiũ & aliam le-
gitimam causam amittuntur. Auguratus
verò ita perpetuus est, ut quamlibet no-
cens ac sceleratus homo nunquam eo pri-
vari queat, autore Plutarcho *in problem.*
Proinde si quis administrationem ecclesia-
sticam habeat, non aliter ei successorem
mittere licet, quàm si mortem obierit, aut
alias vacaverit Ecclesia, quàm administrat.
 toto titulo, de concessione prabend. c. non furem. 7.

quæst.

quest. 1. Ac fuit quorundam opinio, ne mortuo quidem beneficiario posse beneficium dari, antequam demortui cadaver sepulturæ traditum fuerit. *c. bonæ. de elect.* quod tamen usquequaque receptum non est. *Vacantem* vero *Ecclesiam* aut beneficium dicimus, cum præfecto gubernatore seu administratore caret, non dissimiliter ac Jureconfulti vacantem mulierem vocant. *l. qui cætu. ad l. Jul. de vi publ.* *χολαζισσις ἐκκλησίαν* dicunt Græci, *con. Antioch.* & hac voce utitur Plin. *lib. 10. Epist.* ut *lib. 8.* dicemus. Nec multum refert an possideatur ab alio beneficium, an verò sit vacua ejus possessio, ut conferri possit. Sufficit enim in ea causa id esse, ut jure vacans dici queat. *c. licet. 2. de præbend. in 6. c. 1. §. sacri. de homicid. in 6.* Ac sicut vivi superstitisque hominis beneficium conferri prohibetur, ita etiam promissio ejus interdicta est, quamvis in tempus, quo mortuus fuerit beneficiarius, conferatur. Nec ex tali promissione ulla nascitur obligatio: quod & locum etiam habet, si quis sermone usus generali, tunc beneficium se daturum promittat, cum ejus dandi facultas se obtulerit. *c. 2. de concess. præb. in 6.* Nam hujusmodi promissiones ansam præbent affectu indæ captandæque mortis alienæ, *c. de concess. præbend. in antiq.* quo nihil est à viri boni officio alienius. Idque vel Dema-
dis

dis illius exemplo edocemur, qui Athenis necessaria funeribus venditantem damnavit, cùm probasset magnum lucrum optasse, quod contingere illi sine multorum morte non poterat. Seneca *lib.6. de benefic. c.38.* Receptum tamen est, ut ascito in collegium canonicorum, annona seu præbenda quæ postea vacaverit utiliter promittatur: quia indecorum visum est, quemquam sine stipendio canonici munere fungi in Ecclesia. *c. relatum. de præbend. glos. c.2. de conc. præbend. in 6.* Pontifex sanè Romanus ab hac regula excipi solet, qui beneficia omnia, licet nondum vacantia, donandi, conferendi, promittendi, & arbitrio suo distribuendi, ac dispensandi potestatem sibi unus vindicat. *cap. proposuit, de concess. præbend.* Sed æquius erat ac longè decentius, eum non imperio tantum, sed etiam exemplo cæteros episcopos in officio continere. Nam in tanto fastigio collocatus, si leges, canones ac majorum instituta contemnat, exemplo magis quàm peccato nocet Reipub. Christianæ. Atque hinc fit plerunque, ut non adèò gravis cùm in reliquos antistites, tum in gregem ipsum universum ejus sit auctoritas.

*In commune jubes (inquit Claudian.) si
quid censesq; tenendum,
Primus jussa subi, tunc observantior equi*

*Fit populus, nec ferre negat, quum viderit
ipsum*

Authorem parere sibi: componitur orbis

Regis ad exemplum: nec sic inflectere sensus

Humanos edicta valent, quàm vita regentis.

Mobile mutatur semper cum principe vulgus.

Qua pœna autem afficiatur is qui superstitis hominis nondum vacans beneficium impetrat, tractatum est. Et imprimis constat eum ecclesiastica communione summo-
moveri. *c. 1. de concess. præb.* Deinde si quo honore graduq; ecclesiastico præditus sit, eo privatur. *c. imprimis. 2. q. 1.* Est & pœna infamiæ adversus eum statuta. *3. q. 2. c. audivimus.* Sed si quis probabili errore ductus mortuum aliquem esse crediderit, justam habere videtur excusationem. *c. præsentium. 7. quæst. 1.* Qua de re Philip. Decius in quodam responso disseruit, *consil. 398.*

CAP. II.

*Omnem ambitum à col-
latione beneficiorum
procul esse debere.*

IN assequendis beneficiis nihil magis fugiendum est, quàm ambitus & largitio. Qua de re extat canon concilii Chalcedo-
y nens.

nenf. *c. si quis episcopus. i. q. i.* in hæc verba : Si quis episcopus per pecuniam ordinationem fecerit , & pretio redemerit Spiritus Sancti grátiam, quæ vendi non potest: ordinaveritque per pecuniam presbyterum aut diaconum, vel quemlibet de his qui cognominantur in clero, promoverit : & dispensatorem aut defensorem , vel quemlibet qui subiectus est regulæ , pro sui turpissimi lucri commodo : is qui hoc attentare probatus fuerit, proprii gradus periculo subiacebit, & qui ordinatus est, nihil ex hac ordinatione vel promotione, quæ est pro negotiatione facta, proficiat : sed sit alienus à dignitate vel sollicitudine, quam pecuniis acquisivit. Si quis verò mediator tam turpibus & illicitis datis vel acceptis extiterit, si quidem clericus fuerit, à proprio gradu decidat : si verò laicus, anathematizetur. Græcè sic habet.

Εἰ τις ἐπίσκοπος ὅτι χρέμασι χειροτονίαν ποιήσῃ, καὶ εἰς πρῶτον καὶ ἀγὰρ τοῦ ἁγίου πνεύματος χάριν, καὶ χειροτονήσῃ ὅτι χρέμασιν ἐπίσκοπον, ἢ ὑποδιάκονον, ἢ πρεσβύτερον, ἢ διάκονον, ἢ ἑτερόν τινα τὸ ἐν τῷ κλήρῳ κατεριθμημένων, ἢ πρεσβύτερον ὅτι χρέμασιν οἰκονόμον, ἢ ἐκδικητόν, ἢ ὡρνομαχόν, ἢ ὅπως τινα τὸ κανόν, δι' αἰσχροκερδίαν οἰκείαν, ὃ τὸ ὅτι χειροτονίας ἐλέγχῃς κινδυνεύει, καὶ τὸ οἰκείον βαθμόν : καὶ ὁ χειροτονῶν, μηδὲν ἐν τῷ καὶ ἐκπορεύειν ὡφελείῳ χειροτονίας ἢ πρεσβυτερίου, ἀλλ' ἔστω

ἀπό τε τοῦ ἁγίου καὶ τῆς ἀξίας ἢ τῆς φρονήσεως, ὅπερ ὅτι
 χρήμασιν ἐπύχεν. εἰ δὲ τις ἐκ μεσιτῶν φανείη
 τοῖς ἑταῖροις αἰαροῖς καὶ ἀφιμύτοις λήμμασι, καὶ
 ἑτέροις, εἰ μὴ κλημένος εἴη, ὅς οἱ αἰεὶ ἐκπιπείτω
 βαθμῶς· εἰ δὲ λαϊκὸς ἢ μονάζων, ἀναθεματίζεσθω.

Extat & constitutio Anthemii Imperat.
 cujus hæc verba sunt, *titul. de episc. & cleric.*
in C. Justin. &c. Si quemquam vel in hac
 urbe regia, vel in cæteris provinciis, quæ
 toto orbe diffusæ sunt, ad episcopatus gra-
 dum provehi DEO authore contigerit:
 puris hominum mentibus nuda electionis
 conscientia, sincero omnium judicio pro-
 feratur. Nemo gradum sacerdotii vena-
 litate precii mercetur: quantum quisque
 meretur, non quantum dare sufficit, æsti-
 metur: profectò enim quis locus tutus, &
 quæ causa poterit esse excusata, si vene-
 randa DEI templa pecunia expugnentur?
 quem murum integritatis, aut vallum fi-
 dei providebimus, si auri sacra fames in-
 penetrabilia veneranda proserpat? Deni-
 que quid cautum esse poterit aut securum,
 si sanctitas incorrupta corrumpatur? ces-
 set altaribus imminere profanus ardor avari-
 tiæ, & à sacris adytis repellatur piacula-
 re flagitium: ita castus & humilis nostris
 temporibus eligatur episcopus; ut quo-
 cunque locorum pervenerit, omnia vitæ
 propriæ integritate purificet: non precio,
 sed precibus ordinetur antistes: tantum

ab ambitu debet esse sepositus, ut quærat-
 tur cogendus, rogatus recedat, invitatus
 effugiat: sola illi suffragetur necessitas ex-
 cusandi: profectò enim indignus est sa-
 cerdotio, nisi fuërit ordinatus invitus.
 Cùm sanè, si quis hanc sanctam & vene-
 randam antistitis sedem pecuniæ inter-
 ventu subiisse, aut si quis, ut alterum ordi-
 naret, vel eligeret, aliquid accepisse dete-
 gitur: instar publici criminis, & læsæ ma-
 jest. accusatione proposita, à gradu sacer-
 dotii retrahatur: nec hoc solum deinceps
 honore privari, sed perpetuæ quoque in-
 famiæ damnari decernimus, ut eos quos
 par facinus coinquinat & æquat, utrosque
 similis pœna comitetur. Quod autem de
 ordinatione dicitur, ad beneficiorum con-
 cessionem pertinet, quæ olim cum ordina-
 tione ipsa seu promotione erat conjuncta,
 ut *lib. i. diximus. c. ex multis. i. q. 3.* Si quis
 igitur largitione ad sacrum ministerium
 promotus, aut beneficium assecutus fuerit,
 ab eo repelli & summoveri debet, cùm ir-
 rita sit ac nulla talis promotio. *c. sanctorum.*
i. q. i. c. cùm clerici. de pact. Nec refert an
 quis pecuniam, an aliquid pro pecunia pa-
 ciscatur: quia omnes hujusmodi pactio-
 nes jure pontificio improbantur: quibus
 intervenientibus, gratuita dici non potest
 collatio. *c. quàm pio. i. q. 2. c. ult. de pact.* Hic
 autem ambitus vulgò *Simoniacus* dicitur à
 Simo-

Simone quodam apostolorum contemporaneo, qui mirificam illam divinamque vim ac potestatem Spiritus S. gratiam infundendi per manuum impositionem, quam habebant apostoli, ab ipsis emere & mercari voluit. *Act. c. 8.* Quisquis enim rem sacram spiritalemque precio sibi parat, aut alia re quæ precii vice fungatur, hunc *Simoniacum*, quasi Simonis illius æmulum & imitorem appellamus. Nec quicquam interest an ordinatori, an alii qui fortè competitor noster sit, largiamur aut promittamus. Quòd si quis litem habeat beneficii nomine, & adversario aliàs liti cedere nolenti pecuniam det vel promittat ob sumptus in litem factos, & vexationis redimendæ causa, hæc decisio transactioque non videtur ad *Simoniacum* ambitum pertinere: speciem tamen quandam ambitus habere dicitur: & ut fraudibus via præcludatur, meritò improbata est, nisi autoritate antistitis iusta aliqua probabilique de causa fiat. *c. cum pridem. de pact. c. constitutus. de transact.* Cum igitur ambitus verè non sit, sed commentitio iure pro ambitu habeatur, pœnâ transigentem non teneri vulgò receptum est: quamvis transactio irrita sit. *not. in d.c. constitutus.* Sed quæritur an librariis, qui tabulas ad fidem ordinationis faciendam conscribunt, rectè aliquid detur. Et generaliter

constitutum est à Gregorio, ne quid eo nomine accipiatur. *c. i. de Simon.* Quod plerique sic intelligendum censent, si hujusmodi librariis publicè salarium præbeatur, Nam alioqui opera eorum videtur aliqua remuneratione digna. Et sanè Basilien-
sis synodus pro labore scribentis modera-
tam dari mercedem statuit. *Sessio. 21.* Idque Justiniani constitutionibus consentaneum est, quibus quantitas describitur, quæ ministris episcopi ordinantis ab eo qui ordinatur danda est. *Novel. 123.* Sed etsi quis ex substantia facultatibusque suis aliquid Ecclesiæ offerre velit, non privatim aliquibus personis ecclesiasticis, id ab eodem Justiniano non solum permittitur, sed etiam maximopere commendatur. Verum ab invitis nihil exigitur, modica illa quantitate excepta, quam pro *enthroniastico* idem definiit.

CAP. III.

De

*Annua vectigali, quod
vulgò Annatam vo-
cant, à novis antisti-
tibus exigi solito: Et
explicata lex Julia de
ambitu.*

Uti-

U Sitatum est apud nos, & Leonina constitutione, -cujus sæpe meminimus, confirmatum genus vectigalis, quod vulgus *Annatam* vocat. Nam cum primum recens lectus est, & à rege nominatus, aut episcopus aut cœnobïarcha, Rom. pontifex anni integri fructus ejus beneficii percipit, eosque sibi statim solvi ac repræsentari curat. Hoc vectigal, quod *annuum* appellamus, non quod anniverfarium, sed quod unius anni sit, quidam à Bonifacio nono inventum, alii à Joanne 22. scribunt. *Platin.* Sæpe autem quæsitum est, an jure possit exigi. Et hæc ferè Theologorum est opinio, jurisque pontificii consultorum, Rom. pontificem lege simoniaci ambitus, ut cæteros episcopos teneri, si pro sacris ministeriis pecuniam accipiat. *not. in c. l. de Simon.* Nam præter canones, quos suprà citavimus, qui pecuniam omninò exigì vetant, hoc genus vectigalis à synodo Basil. damnatum est: & pœna ambitus adversus eos qui hac via ad sacra ministeria Ecclesiæ grassantur, atque adeò adversus ipsum pontificem statuta. *Sess. 21.* Nec satis perspicio ut se excusare possint hoc modo promoti à pontifice, quominus in canonum pœnam incurrant, & tanquam vitio creati, ut veteres loquebantur, dignitatem honoremque ecclesiasticum amittant, si quis ad priscae institutionis

normam potius, quàm receptæ consuetudinis, hæc exigere velit. Nam quoquo se vertant pontifices, quibuscunque decretis, constitutionibus pactisque hanc exactiorem tueantur, divinum oraculum semper eis opponemus. *Gratis accepistis, gratis date. glos. pragm. tit. de annat.* Quòd cùm ita sit, conventio inter regem nostrum, pontificemque Leonem inita, turpis omnino ac inhonesta quibusdam videtur, ideoque pro non scripta haberi ac rejici debere: ita tamen ut cætera capita ejusdem conventionis, quæ à ratione honestateque non abhorrent, nihilominus observentur. Non me latet, à juris civilis authoribus pollicitationes probari, quibus ob sacerdotium pecuniam Reip. quis promittit. *tit. de pollicit.* Sed alia causa est sacerdotiorum Christianæ religionis, ut ex jam dictis constat. Deinde ultrò offertur Reip. ea pecunia, nec eam promittere, aut non promissam dare quispiam cogitur. Nec verò inficias eo ex fructibus beneficiorum partem aliquam decerpi posse, si necessitas aliqua magnaue utilitas Ecclesiæ id flagitet. Verùm id coacto concilio fieri debet, ut appareat in Ecclesiæ gratiam & usum reverà, non in privatum paucorum hominum commodum eas facultates erogari & impendi. Quod & in synodo Constant. decretum est. *Ses. 43.* Sed objiciunt aliqui quod

quod Modestinus ait, legem Juliam de ambitu Romæ cessare, quod magistratuum creatio ad principis curam pertineat, non ad populi favorem. *l. i. ad l. Jul. de amb.* Idemque dicendum putant de pontifice Rom. cujus in ecclesia summus est principatus, ut ambitus argui non possit. Quibus ego breviter respondeo, legem Jul. adversus eos latam esse, non qui Reip. palam aliquid dabant, quod nulla lege vetitum erat, *tit. de pollic.* sed qui populum viritim distribuendo pecuniam clandestinis largitionib. corrumpebant. Proinde ea lex in iis magistratibus locum habere non poterat, quos princeps, non populus creare solebat. Verum ut gratis dentur hæc spiritalia sacraque munera, nec eo nomine quicquam accipiatur, episcopis omnibus ac pontificibus & voce divina, & sacrorum conventuum canonibus præceptum est, quandoquidem eorum cupiditati & avaritiæ aliter occurri non poterat. Ac ut obiter de principe dicam, quod dissimulari non potest, quanvis nulla lex principem coërceat, nihil tamen videtur magis à regia liberalitate, splendore & majestate alienum, quàm ob munera publica à subditis pecuniam exigere: id quod Justinianus noster in quadam constitutione graviter & copiosè demonstrat, ac dedignari se ait imitari eos qui ante se imperio præfue-

rant, qui pro pecuniis conferentes munera publica castigandi eos qui malè & injustè versabantur in munere suo potestatem sibi ademerant. Sed memoratu dignum est, quod idem ait, atque utinam principes nostri hoc corruptissimo tempore sæpius id expenderent. Ἀργυρολογεῖν τὰς ἀρχὰς πάσης ἐστὶ πονηρίας προαίμιον τε καὶ πέρας. *Pecunias ex magistratibus colligere, omnis iniquitatis & injustitiæ principium est & finis.* Nov. 8. *ut Judic. sine quoquo suffr.* Huic consentaneum est quod Lampridius de Alexandro Severo scribit, Honores juris gladii nunquam vendi passus est, dicens, Necessè est, ut qui emit, vendat: Ego non patiar mercatores potestatum: quos si patiar, dammare non possum. Erubesco enim punire illum hominem, qui emit & vendit. At hodie, ô turpem notam horum temporum! quotusquisque absque precio, eoque ingenti, ad ullum magistratum in Republica nostra provehitur? Nam etsi principes eam nundinationem minimè probare soleant, in iis quidem certè magistratibus, qui juri dicendo præficiuntur, nemo tamen est, qui nesciat ea munera suffragatores aulicos, velut in auctione licitationeque publica grandius pretium numerantibus addicere solitos esse. Itaque vix ullus hodie reperitur commendatione virtutis & doctrinæ ullo honore auctus in Re-
publi-

publica, & cui idem verè dici non possit, quod Cajum Cæsarem Syllæ quondam objecisse ferunt. Cùm enim Sylla indignabundus Cæsari, sua se in illum potestate usurum esse diceret, ridens Cæsar: Rectè, inquit, tuum putas esse magistratum, quem tuis pecuniis comparasti.

CAP. IV.

De

Annuis sive pensionibus, quæ beneficiis velut servitutes quædam imponuntur.

Beneficia cùm vacant, integra & sine ulla diminutione debent conferri. Quare si partem reddituum antistes beneficium conferendo retineat, in legem ambitus committit. *tit. ut ecclè. benef. sine dimi.* Sed nec duobus idem beneficium conferre, aut inter duos idem beneficium dividere potest, nisi ex iusta aliqua causa ritè legitimèque talis divisio fiat. *cap. majoribus. c. vacante. cap. cùm causam. de præb.* Receptum tamen est, ut quamvis uni tantum detur beneficium, nihilominus ei onus imponatur certam portionem ex beneficii redditibus alteri

alteri singulis annis pendenti. Quod genus penſitationis *annuum* neutro genere appellari poſſe arbitror: idque exemplo veterum quos ita locutos eſſe crebrò animadverti. *leg. ſcio. §. uxori. leg. ſicut annuum. leg. Titia. §. qui Marco. de ann. lega. l. ex annuo. l. ſi ſtipulata. de donat. inter vir.* Eſt igitur hoc *annuum* delibatio quædam beneficii, qua ex eo quod univerſum beneficiarii foret, pars quædam alicui confertur. Sic enim id nobis utcunque deſcribere ac delineare viſum eſt, exemplo Florentini Jureconſulti in legati definitione. *leg. legatum. de lega. 2.* Sunt autem hujusmodi annuorum tria genera. Quædam enim ob ſacrum ſpiritaleq; munus penduntur: ut cùm in eccleſia aliqua conſtituitur à monachis vicarius, qui eccleſiam ac populum regat: nam huic ex redditibus ſuis partem aliquam idoneam erogare coguntur. *cap. de monachis. cap. extirpanda. de præben. cap. 1. de præben. in 6.* Item cùm præter eccleſiæ rectorem ſive pastorem clericus quiſpiam ad eccleſiæ miniſterium neceſſarius inſtituitur: cui etiam portio reddituum beneficii debet à rectore ipſo ſuppeditari. *cap. conquerente. de cler. non reſid.* Ac tametſi beneficii, ut ita dicam, hi domini non ſint, ſed hanc portionem velut uſufructuarii, & à dominis quodammodo accipiant, tamen hoc ſtipendium à vero juſtoque beneficio

non

non differt, cū ob sacrum spiritaleque ministerium detur. Alia sunt annua, quæ ob *munus* aliquod *profanum*, ac, ut loquimur *temporale*, præberi solent, ut puta, advocatis ecclesiæ, & iis qui sonitus tinnitusque campanæ curam gerunt. Et hæc annua profana omnino sunt, quæ ob profanum officium profanisque hominibus tribuuntur. *can. quicunq. 12. quest. 2. can. possessiones. 16. quest. 1. Rota in clemen. 1. de rebus eccles. non alienan.* Alia sunt quæ absque ullo onere ac ministerio conceduntur, & *ἀπαρτὰ καὶ ἀννεγὰ* proveniunt: de quibus hīc potissimum tractaturi sumus. Ac in primis sciendum est, certis ex causis hæc onera servitutesque beneficiis imponi posse, non solum à pontifice Romano, sed etiam ab aliis antistitibus, qui inferiores dicuntur. Itaque si in fraudem, aut absque causa legitima annum alicui attribuerint, nihil actum esse intelligitur. *c. extirpanda. de præb. cap. audivimus. de collus. dereg.* Sed voluntas Romani pontificis pro justa legitimaque causa habetur in re beneficiaria. *clem. 1. ut lit. pend.* Prima igitur causa est, cū quis beneficium ejurat, ac dimittit in gratiam alterius, hoc consilio, ut pars aliqua fructuum, unde se tueatur, ei salva maneat. Nam etsi hujusmodi conditio à Simoniaco ambitu propè videatur abesse: *not. in cap. ex parte. de offi. deleg.* tamen quia
totum

totum negotium in voluntatem arbitriumque pontificis confertur, convenit inter omnes juris pontificii doctores impunè id licere. Et sanè iustissima plerunque huius rei causa potest esse, ut si ponamus pastorem alicujus ecclesiæ senio confectum velle ministerium suum cum bona pontificis venia alii cedere, nec tamen eas facultates habere, ut ad victum ei sufficiant: idque alibi annotatum est. Secunda causa est, cum duo permutare cupiunt beneficia sua, sed unum longè opimius est ac uberius altero: tunc enim ipsis consentientibus pontifex minus ac magis tenue beneficium certæ præstationi annuæ obnoxium reddit. Tertia causa est, cum lis inter duos beneficii alicujus nomine orta est: Quo casu solet pacis concordiaque causa ita res decidi, ut unus beneficium obtineat, alteri annuum ex ejus beneficii fructibus præbeatur. *cap. nisi essent. de præb.* Sunt & aliæ causæ, quas commemorant passim juris pontificii doctores, sed has tantum usus forensis probat in Gallia. Nam etsi quis benè meritus sit de ecclesia, aut inops, vel infirma valetudine sit, justa hæc causa annui dandi ex bonis ecclesiasticis habetur. *c. possessiones. 16. q. 1. c. quicumq. 12. q. 2. Oldrad. conf. 226.* Et hoc prætextu Romanus pontifex Cardinalibus Romanæ ecclesiæ annua attribuere consuevit, quòd absque eo
reditu

reditu splendorem suum (nam luxum dicere non ausim) tueri nequeant. Verum, ut supra diximus, quæ causa eum move- rit, inquirendum non esse vulgò traditur.

*Annuum, de quo hîc lo-
quimur, beneficium
ecclesiasticum, non
esse.*

Annua hujusmodi inter sacra benefi-
cia non recensentur, ut jam admonuimus.
cap. præterea. de transact. Proinde quæ de
beneficiis constituta sunt jure pontificio,
ad ea minimè pertinent. *cap. quamvis. de
præbend. in 6. not. in cap. ad audientiam. de re-
script.* Exempli gratia. Laicis homini-
bus non minùs quàm initiatis attribuun-
tur: quia nullum sacrum munus ministe-
riumvè desiderant, ideoque contracto po-
stea matrimonio non amittuntur. Quod
tamen pleriquè accipiendum esse ajunt,
nisi cùm cedenti beneficio suo annuum
constituitur. Quo casu, quia loco bene-
ficii datur, naturam quoque beneficii reti-
net. *l. si eum. §. qui injuriarum. ff. si quis caut.*
Præterea mortuo creditore non dicitur va-
care, ut impetrari sicut beneficium aliquod
possit, sed velut ususfructus extinguitur.
Remittitur etiam absque ullius pontificis
venia

venia, licet beneficio se abdicare nemo possit, sine pontificis auctoritate. *tit. de renunt.* Cum enim privatum alicujus hominis commodum tantum respiciat, cur ipsi de eo pacisci arbitrio suo non permittetur? *leg. si quis in conscribendo. Cod. de pact. leg. in re mandata. Cod. mand.* Excipitur annuum quod auctoritate pontificis pro alimentis alicui attributum est. Nam jus civile non patitur, ut transactio de alimentis sine decreto interponatur. *leg. cum hi. de trans.* Item potest hæc pensitatio, ut alius quivis reditus, pecunia redimi. Verum ob eam, de qua jam diximus, causam pontificis auctoritas accedere consuevit. Atque ita vulgò solent concipi tabulæ, quasi aliquot annorum pensionibus repræsentatis, ac ut loquitur Seneca, *in antecessum* datis, liberatum sit ea servitute beneficium. Adhæc, si añuum ita sit alicui attributum à pontifice, ut illud in alium transcribere possit, nihil prohibet eo nomine pecuniam, velut ab emptore accipi. Sed rarò hanc transcribendi emancipandique facultatem pontifices concedunt, uti accepimus. Denique non sicut beneficium, ita etiam hoc jus, quod profanum est, cum beneficio permutare licet, quia sacrarum spiritualiumque rerum cum profanis permutatio non admittitur. *cap. ult. de rerum permut. glos. pragm. tit. de coll. §. item quod ad universitates. in verb. beneficiorum.*

Annui

Annui potestas & effectus quis sit.

Quæ sit potestas & effectus annui, nonnihil antè demonstratum est. Sed hic locus aliquanto pleniorē disputationem exigit. Itaque animadvertendum est hoc jus simile quadantenus esse usufructui, quia cum persona extinguitur. *§. finitur. Instit. de usufruct.* Præterea beneficio sic inhaeret, ut ipsum sequatur ad quamcunque personam transeat. *can. si quis laicus. 16. q. 1.* Nam mortuo beneficiario hoc annuum à successore, qui in vacantem locum suffectus est, posse exigi dubium non est, nisi ex conceptione diplomatis aliud actum esse appareat. *d. c. nisi essent. ubi glos. de præben.* Cum enim ferè non concedatur alicui à pontifice, nisi in perpetuum, & quàm diu vixerit, ratio non patitur, ut finiri morte beneficiarii dicatur. Quod & de præteriti temporis pensionibus, quas vetus possessor beneficii debuit, accipiendum esse videtur, ad quas ecclesia sive beneficium obligatum est. *l. imperatores. ff. de pub. & vetigal.* Nec ideo minus adversus veterem possessorem, si fructus in usum ecclesiæ non impenderit, aut ejusdem fato functi hæredem agetur. Atque ita creditoris erit electio, utrum convenire malit. *not. in*

c. i. de solut. Cùm autem usufructuario comparetur is, cui annuum attributum est, tractari solet, an onera quæ dicuntur *patri-
monialia* subire cogatur. Et certum est hospitalitatis onus, & alia hujusmodi quæ ordinaria sunt, beneficiario incumbere, cùm eo nomine majorem partem fructuum ei dimittendam esse receptum sit. Cætera verò quæ extra ordinem indicuntur, pro portione sustinet is qui annui nomine partem fructuum capit. *l. hætenus. de usufruct. l. neq. de impen. in reb. dot. fact.*

CAP. V.

Beneficium purè ac simpliciter conferendum esse.

Quia beneficia gratis conferenda sunt, ut antè diximus, receptum est, collationem *sub conditione* fieri non posse. *c. ult. de pact. not. in c. significasti. de elect.* Excipitur conditio quæ inest collationi, quamvis fortè non exprimatur, ut puta, si vacat beneficium, &c. *gl. in c. 2. de elect. in 6.* Nam ea adjectio abusivè tantùm conditio appellatur: nec ullam vim suspendendi negotium, quod geritur, habet. *l. muto. de tute. gl. c. significatum. de præb. not. in l. actus legitimi. de reg. jur.* Quod autem dicitur *sub condi-*

conditione beneficium inutiliter conferri, de inferioribus antistitibus vulgò accipi solet, non de Romano Pontifice. Huic enim liberum esse ait, quancunque libuerit conditionem adjicere collationi, modò ea in crimen ambitus jure divino prohibiti non cadat. *cle. 1. ut lit. pend. not. in d. c. significasti.* Eadem est *alternationis* ratio quæ conditionis: idque à pontificii juris doctoribus plerisque in locis memoriæ proditum est. notabiliter *in t. pastoralis. 7. q. 1. in c. 2. de elect. in 6. Fel. in c. 2. de appell.*

CAP. VI.

An absque scriptura beneficij collatio valeat.

Simulatque pontifex beneficium se alicui conferre pronunciavit, jus ei acquisitum esse intelligitur, tametsi nulla scriptura, nullumve diploma ea de re confectum fuerit. *can. institutionis. 35. quæst. 2.* Itaque mortuo statim Pontifice à quo beneficium nudo sermone collatum est, irrita minimè est collatio, sed debent à successore diplomata & literæ expediri, in quibus ejus concessionis mentio fiat. *Bald. in l. humanum. C. de leg. & in l. ult. C. de com. ser. ma. cap. literis. de rescript.* Quæ literæ ad probationem necessariæ esse dicuntur,

contra communes regulas: nec licet beneficiario antequam eas literas acceperit, quicquam attingere, quod ad beneficium pertineat. *c. in iuncta. extrav. comm. de elect. Authent. de mand. princ.* Proinde ad fidem collationis faciendam testes non sufficerent. Pannormitanus *in cap. in nostra. de rescript. not. in l. pactum quod. C. de pact.* præterquam in exceptis casibus, de quibus non indiligenter ab aliis tractatum est. *Fel. in rubric. de constit.* Tametsi Jason ex facto consultus simpliciter responderit, scripturam necessariam non esse. *in leg. cum proponas filios. Cod. de pact.* Quæ autem sit authoritas ac fides literarum sive tabularum, quæ ab antistitibus conficiuntur, quandoquidem diffusè ab aliis agitata est quæstio, eam impræsentiarum omitemus. *not. in cap. post cessionem. de probat.*

LIBER SEPTIMVS
 QVOD IVS HABEAT BENEFICIARIVS IN BENEFICIO SVO ET QVEM-
 ADMODUM BENEFICIA
 RETINEANTVR ET
 CONSERVENTVR.

ARGU-

ARGUMENTVM.

OMne jus nostrum, inquit Ulpianus l. ult. de legib. aut in acquirendo, aut in conservando, aut in amittendo consistit: eaque divisione sæpe usi sunt nostri juris authores, lib. 8. Digest. quorum exemplum hîc nos secuti post acquisitionem beneficiorum operæpretium duximus, & de eorum conservatione aliquid scribere, tametsi is locus à cæteris vulgò prætermissus sit.

CAP. I.

De

*Decima tam ordinaria
& legitima, quàm
extraordinaria atq;
indicta.*

Beneficium ecclesiasticum, universitas quædam est variis ex rebus constans, quibus loco stipendii cujusdam beneficiarius fruitur. Ac ut de singulis breviter dicamus, prædia imprimis ac possessiones, quæ vulgò bona ac temporalia dicuntur, beneficio insunt, ut docuimus lib. 2. prætereà

tereà decimam omnium fructuum partem
à populo accipit beneficiarius, de qua etiam
differuimus *lib. 2.* Et quia lex Mosàica
eam dari jubet Levitis & Sacerdotibus,
quibus nulla terræ portio data fuit, cum
Moses Hebræis possessiones distribueret.
cap. i. de deci. juris pontificii doctores con-
tendunt, jure divino eam sacerdotibus no-
stri temporis deberi: quod & pontificum
aliquot constitutionibus expressum est.
c. parochianos. c. in aliquib. de decim. Sed
existimant ferè theologi non ideo quen-
quam jure divino ad eam præstationem
astringi dicendum esse, cùm ea lex abroga-
ta sit, nec hodie nos liget, ut ante diximus.
glos. cap. i. de decimis. in 6. Sunt qui asserant,
nos ita demum obligari ad decimam dan-
dam, si voto ad id nos obstrinximus. *l. 2.
de pollicit.* Quasi hæc decima similis sit ei,
quam veteres ethnici vovere Herculi &
consecrare solebant, authore Plutarcho *in
Problem.* Verùm inveterata consuetudo
ecclesiæ, & variæ constitutiones ea de re
promulgatæ meram liberalitatem fortas-
sis in necessitatem converterunt. Itaque
in hac disputatione de decima, ut ministris
Ecclesiarum jure debita, & quam ab invi-
tis exigere possint, loquimur. Nec solum
de fructibus prædiorum percipitur: sed
etiam de omni artificio, negotiatione, quæ-
stu, &c. *cap. ex transmissa. de deci.* Et hinc
vul-

vulgaris divisio decimæ in *prædialem* & *personalem* orta est. *cap. ad apostolica. de decimis.* Debetur autem curionibus potissimum, id est, presbyteris qui parœcias regunt, & animorum curationem habent. Id enim ab initio sic constitutum fuisse dicitur. *can. ecclesias. 13. q. 1. can. decimæ. can. de decimis. 16. q. 1.* Debetur interdum & aliis ecclesiis sive monasteriis, vel ob donationem ritè factam, vel ob longi temporis possessionem. *cap. cum contingat. cap. cum in tua. de decim.* Laici verò hujus juris capaces non esse dicuntur, quia ob sacrum spiritaleque munus clericis concessum est. Est enim Lateranensi concilio prohibitum, quod tempore Alexand. III. ante quadringentos annos habitum est Romæ, & quibusdam pontificum decretis, ne in homines laicos hoc jus transferatur. *cap. prohibemus. de decimis. cap. cum apostolica. de his que fiunt à præla.* Ante illud concilium sacræ decimæ jus, *clientelæ titulo*, militibus attributum fuerat à principibus quibusdam, idque totius cleri consensu, quòd Ecclesiam populumque Christianum adversus religionis hostes propugnarent. Et hujus rei auctorem fuisse in Gallia Carolum Martellum annalibus nostris proditum est. Sed quia id perniciosum Ecclesiis videbatur, synodus decrevit, ut ex eo tempore decima in laicum transferri non posset. Quamob-

rem qui jure clientelæ sacram decimam sibi vindicant hoc tempore, eam ante synodum illam Lateranensem sibi, ut clientibus Ecclesiæ concessam fuisse contendunt. Cujus rei, quia difficilis est probatio, utilitatis causâ receptum est, ut vetustam possessionem istius *juris clientelæ*, id est, quæ hominum excedat memoriam, probare sufficiat. *not. in cap. cum apostolica. de his quæ sunt à prælato.* Ad decimam autem beneficiariis curionibus præstandam, adeò obligatur populus, ut nemo excusetur, nisi hujus muneris vacationem impetraverit, quæ à pontifice Romano impetrari solet. *cap. dilecti. cap. suggestum. cap. ex parte. cap. licet. c. ad audientiam. cap. à nobis. de decim.* Nam consuetudine seu longa possessione hoc jus omnino non tollitur, quamvis minui possit, & decima in duodecimam aut aliam partem, quæ minor sit, converti. *not. in cap. in aliquibus. de deci. c. commissum. eod. tit.* Ex his quæ jam dicta sunt, existit quæstio, de *novalium decima*, cui scilicet debeat, an curioni beneficiario, an verò alii cui jus sacræ decimæ acquisitum sit. *Novale* autem hîc intelligitur profeissus nunc primùm ager, qui ante desertus, nec post hominum memoriam cultus fuit. *c. i. c. quid per novale. de verborum signif. in decret. l. ult. de ter. moto.* quamvis nonnunquam aliter accipiatur, *l. sylva. §. novalis.*

novalis. de verbor. signif. Ad quaestionem igitur propositam ut breviter respondeamus, sciendum est imprimis laicos, qui *jus sacrae decimae* sibi vindicant, ex novalibus percipere posse, sed curiones ipsos potius, quibus solis hoc jus olim compete-
 bat. De monachis autem, qui olim laici erant, nunc ferè sunt clerici, & aliis hujusmodi beneficiis paulò difficilius est judicium propter constitutionum pontificiarum obscuritatem. Sed vulgò receptum est, si *jus sacrae decimae* in certa parœcia diserte concessum eis fuerit, decimam quoque novalium ipsis deberi. *can. ex parte. de deci.* quia verba indefinita ad futurum quoque tempus referuntur. *l. si. servitus. de servit. urb. praed.* Quod si longa possessione id jus acquisierint clerici, decima novalium non ipsis sed curioni debetur, quoniam in loco recens profcisso nullam unquam decimam perceperunt. Ideoque ufucaptum ab eis hoc jus verè dici non potest. *c. cum contingat. c. cum in tua. de deci.* Addendum & illud est, quamvis ei qui longa fortassis possessione decimam sibi acquisivit, nominatim *decima novalium* jus ita tributum fuerit, ut non aliter ac decima vetere ea fruatur: concessionem tamen hujusmodi dimidiam partem non excedere, ne curiones & pastores ecclesiarum parœciarumque nimis graventur: id quod Alexandrina constitutio-

ne plenius continetur. *c. statuto. de deci. in 6.* Haftenus de legitima ordinariaque decima satis pro instituto dictum est. Est autem aliud genus decimæ, quam ideo *extraordinariam & indictam* vocare possumus, quod à pontifice Romano prætextu belli hostibus nostræ religionis inferendi, alteriusve necessitatis extra ordinem beneficiariis indicatur. *cle. ult. de dec. & eò. tir. in extravag.* Hodie hanc decimam rex in Gallia beneficiariis indicare ac imperare pro potestate solet, nec ullum ferè certius atque expeditius, quàm ex decumana ista pecunia vestigal habetur.

CAP. II.

De primitiis.

Affines decimæ sunt *primitiæ*, id est, primi fructus ex agro suscepti. Nam & hi lege Mosaica offerri jubebantur DEO, quamvis certa non esset definita quantitas, sed offerentium arbitrio derelicta, ut Hieronymus ait, *c. i. de deci.* Itaque prætextu legis divinæ ad certam eo nomine præstationem populum hodie cogi non posse inter omnes convenit. Nec dubium est, quin ea consuetudo, cujus meminit Hieronymus, quæ modum definierat, contraria consuetudine abrogari & antiquari poterit.

tuerit. *d. c. i. de deci.* Et hunc fanè morem primitiarum offerendarum videntur ab Hebræis ipsis accepisse Romani, quos scribit Plin. *lib. 18.* degustare vina aut novas fruges solitos non fuisse, priusquam sacerdotes primitias libassent.

CAP. III.

De oblationibus.

Oblationes dicuntur, quæcunque à piis fidelibusque Christianis offeruntur DEO & Ecclesiæ, sive res soli, sive mobiles sint. Nec refert, an legentur testamento, an aliter donentur. *c. qui oblationes. c. clerici. 13. q. 2. not. in c. causa. can. cum inter. de verbor. signif.* Et hoc vocabulo usus est Ulpian. *l. 5. tit. de don. inter. vir. & uxor.* Veteres *offerumenta* vocabant, authore Festo. Verùm hæc invaluit consuetudo loquendi, ut oblationes specialiter dicantur, quæ altari offeruntur in sacra liturgia, quam vulgus *missam*, Justinianus noster *αγίαν δεσποικιδω* appellat, *Novel. 123.* Huiusque oblationis, quæ apud veteres usitata fuit, Theodor. meminit, *c. de his. 10. q. 1. c. omnis. de consec. dist. 1. lib. 5. eccl. histor. c. 18.* & nos suprâ aliquid attigimus *lib. 2.* Et hæc omnes oblationes, sicut & decima, de qua jam diximus, inter res sacras spiritualesque

lesque numerantur : adeò ut clerici tantum, non etiam laici, eas capiant. *c. quia sacerdotes. c. sanctorum. c. ult. 10. q. 1.* Cum autem in bonis ac redditibus recenseantur ejus ecclesiæ cui offeruntur, meritò dicendum est, eas ad ejus ecclesiæ rectorem gubernatoremque pertinere. *Panorm. in c. pastoralis. de his quæ fiunt à præla. sine consen.*

CAP. IV.

De

Diariis, quæ distributiones quotidianæ appellantur : Et cur hoc genus erogationis adinventum sit.

Canonicorum beneficia ac præbendæ duabus ex rebus ferè constant. Nam in quibus ecclesiis est præbendarum distinctio, certa prædia ac possessiones obtinent singuli, quas sic in potestate sua habent, ut redditum ab alio quopiam accipere necesse eis non sit. Fructus autem hujusmodi sibi acquirunt, si præsentés sint in civitate, quamvis in templo quotidie non psallant, aut psallentibus non assistant. Nam quia canonicorum collegium velut quidam senatus est ecclesiæ, ut diximus *lib. 1.* per multa

multa sunt ad eorum munus pertinentia, quibus exequendis ecclesiæ non minus, imò verò magis prodesse possunt. Hoc enim psallendi munus, quamvis negligendum non sit, tamen olim inferiorum tantummodo clericorum fuit, nec inter præcipua, ac magis ecclesiæ necessaria habitum est. Quod & suprà admonuimus *lib. i.* Præter eas possessiones, qui psallunt in templo, aut sacris cantionibus intersunt, quamvis plerunque in collegium canonicorum cooptati non sint, hi in singulos dies, atque adeò horas stipem recipere solent, ac veluti quasdam sportulas, quibus à manu vulgò nomen inditum est, quod tantum præsentì in manu tradantur. *c. olim. de verbor. signif.* Sunt qui *distributiones quotidianas* appellent non ineptè. Ego à Latinis *Diaria* propriè vocari scio. Qua voce Justinianum, quamvis Græcè scribentem, *Novel. 123.* usum fuisse scio. Verba ejus hæc sunt de diaconissa loquentis, quæ cum suspecto aliquo viro habita: εἰ γὰρ τὸ τοῦ ὑπερδιπτυ πρῶτον, τὸ ἐκκλησιαστικῆς ὑποηρεσίας καὶ τῶν ἰδίων ἀφελῶν ἀπολελυμένη, ἐν μοναστηρίῳ καθιδδίδω. Videtur autem hoc erogationis genus ideò excogitatum esse, ut cum à beneficiariis vulgò contemneretur psallendi aut sacris assistendi munus, quasi proprium ipsorum non esset, spe hujus *dianomes* & mercedis illecti, id munus amplectere-

æteretur. Nam iis tantum qui sacris inter-
 sunt hæ sportulæ distribuuntur : non
 aliis, nisi fortè eos excuset valetudo, &c.
*c. de cætero. de cler. non resid. & tit. de cler. non
 resid. in 6.* Et hoc quidem adeò verum est,
 ut de eo qui ob Theologiæ studium abest,
 constitutum sit, hujusmodi sportulas eum
 non consequi, quamvis cæteros fructus lu-
 cretur. *cap. licet. de præben. cap. super specula.
 de magistr.* Favor enim studii hoc tantum
 efficit, ut absens pro præsentè habeatur :
 constatque ad consequenda hæc diaria
 præsentiam non sufficere, nisi sacris can-
 tionibus precationibusque quis assistat.
 Nam & aliàs quæ de fructibus & obven-
 tionibus beneficii constituuntur, veluti de
 solvenda beneficiorum decima, de hac *dia-*
nome intelligi non solent. Quamvis enim
 fructus aut redditus non malè dici possit,
extravag. Bonifac. tit. de deci. munus tamen
 illud psallendi, adempto præmio facilè de-
 fereretur à canonicis, cæterisque Ecclesiæ
 beneficiariis, quibus ea minutatim distri-
 buuntur, ut spè quæstus id faciant, ad
 quod efficiendum ideò cogi posse non vi-
 dentur : quia secundum veterem institu-
 tionem fortassis alia fuit eorum in Ecclesia
 functio. Cujus tamen rei non magnam
 habuit rationem Bonifacius octavus, ut ex
 ejus constitutione apparet, *d. extravag. de
 deci.* Unde fit, ut quod in compensatio-
 nem

nem ministerii illius antiquioris ac præcipuè datur canonico, tametsi fortè in singulas hebdomatas, menses, aut dies, distribui soleat, tamen appellatione *Diariorum* minimè hîc contineatur. Nam interdum canonici nullam certam possessionem pro ministerio suo assignatam habent, sed à divisore alio frumentum aut vinum stato tempore ipsis distribuitur. Sed & panes quoque dantur eisdem illis non omnino dissimiles, qui à juris civilis authoribus *panes civiles* dicuntur. Eaque cibaria licet cationibus sacris non assistentes, capiunt. *extravag. postulasi. & extra. cum nonnulla. de præben. gloss. prag. tit. de ann. §. voluit. in verbo, fructib. & tit. quo tempo. quisq. debe. §. jubet. in verb. distributiones. Oldrad. consil. 8.* Iis autem qui munus suum omnino negligunt, & sine justa causa absunt, nulli omnino fructus debentur. *cap. cum dilectus. de cler. non resid. nisi contraria sit consuetudo. c. cum omnes. de constitutio.*

CAP. V.

De

Reditibus & obventionibus quibusdam episcoporum.

Iura episcopalia quidam ita describunt, ut partim ad legem jurisdictionis, partim ad legem diœcesanam pertinere ea dicant. *glos. cap. dilectus. de offic. ord.* Quam distinctionem Panorm. ut ineptam & nulla ratione auctoritatēve nixam improbat. *d. cap. dilectus.* Nobis autem propositum non est, quicquid ad episcopi munus spectat hîc exequi, quod cæteri fusè expli- cant, *sub tit. de offic. ord.* & à nobis non indiligenter tractatum est *lib. 1.* De redditu & proventu illo tantum hîc differimus qui ex episcopio percipitur, præter ingentes possessiones & latifundia, quæ vulgò bona temporalia vocant. Postquam enim redditus ecclesiæ, qui antiquitus erant communes, & ab episcopo distribuebantur, divisi sunt, & singulis ministeriis attributi, quemadmodum à nobis dictum est *lib. 2.* episcopis singulis vectigal quoddam ab inferioribus ecclesiis pendi cœptum est. Hujusmodi imprimis illud est, quod in synodo à singulis curionibus, & inferiorum ecclesiarum gubernatoribus exigunt. Nam duos solidos singuli episcopo dare jubentur. *c. 1. c. illud. 10. quæst. 3. c. conquerente. de offic. ord.* Cujus muneris vacationem habent monasteria, ut concilio Toletano constitutum est. *c. inter. 10. q. 3.* Diciturque hoc jus vulgò *cathedraticum*, quod cathedræ, id est, honori episcopali debeatur.

Cathedra enim in jure pontificio pro honore ac munere episcopali sæpe accipitur. *c. non autem. c. placuit. c. si quis episcopus. 7. q. 1.* propterea quod olim episcopi, quorum munus proprium ac præcipuum est docere. *c. inter cetera. de offic. ord.* sedentes in folio & cathedra docebant. *Euseb. lib. 7. eccles. c. 15. c. 26. Tripar. lib. 5. c. 29.* Ac quoties episcopus aliquis creabatur, collocari in eo folio atque throno solebat, veluti possessionis cujusdam apprehendendæ gratia. Hinc *enthroniasticum* à Justiniano dictum est, *Novel. 123.* honorarium illud, quod episcopi munus suum auspicantes Ecclesiæ largiebantur. Hinc etiam dictæ sunt *cathedrales Ecclesiæ*, ut à cæteris inferioribus discernantur. *c. venerabili. de verb. signif.*

II. Cùm episcopus aut archiepiscopus provinciæ vel dioceseos suæ ecclesias & monasteria solenni more inspicit, earum ecclesiarum vel monasteriorum præfecti hospitio eum recipere, victumque ei præbere coguntur. *c. conquerente. de offic. ord. tot. tit. de censib. c. cum ex officiis. de præscript.* Et hæc est illa *hospitalitas*, quam nostræ religionis antesignani tantopere nobis commendarunt. *42. dist. c. 1.* Cujus forma & ratio quibusdam canonibus atque constitutionibus præscripta est. *c. placuit. 10. q. 1. c. 1. & seq. de censib. in 6.* Hoc autem munus idèò *procuratio* vocatur, quia ecclesiæ

episcopum procurant, id est, curant, alunt ac tuentur: sicut pueri dicuntur procurari à nutricibus, & equus à domino apud Plautum & alios authores Latinos, qui propriè ac emendatè locuti sunt.

III. *Quadrans illius decimæ*, de qua paulò ante diximus debetur episcopo, & eorum præterea quæ à mortuis testamento relicta sunt ecclesiis inferioribus. *d. c. conquerente. c. de quarta. de præscr. c. officij. c. requisisti. de testam.*

IV. Indicitur ab episcopis nonnunquam *extraordinaria collatio*, si necessitas urgeat: ut puta si ære alieno gravata sit ecclesia, si ad synodum generalem proficiscendum sit, &c. *d. c. conquerente. c. cum apostolos. de censib.* Aliàs omnis indictio prohibetur. *c. quia cognovimus. 10. q. 3. d. c. cum apostolus.* Sed hæc collatio, de qua loquimur, non videtur olim pro potestate & imperio indici consuevisse, ut nunc assolet: precibus enim ac suasionibus eam impetrabant episcopi non tanquam dominantes, &c. ut Petrus ait. proinde hoc munus *ἀπο τοῦ χαρίσματος*, nomen habet, quasi *charisterium* quoddam sponte oblatum potius, quàm vectigal vi extortum ac expressum sit.

CAP. VI.

De his quæ sacramento- rum, & aliarum

hujus-

*huiusmodi rerum no-
mine contra veteres
canones exiguntur.*

VEtant canones non solum antiqui, sed & recentiores, ne pro ministrandis sacramentis pretium exigatur. *cap. cum in ecclesie. de simon.* Sanctissima enim res est (ut de Jurisprudencia Ulpianus scribit) pretio quæ nummario æstimanda dehonestandaque non est. *l. i. de extraor. cog.* Ac valdè improbatur eorum mos, qui pro consecratione basilicarum, aut pro monastica professione pecuniam ab invitis extorquent. *can. placuit. c. quàm pio. i. q. 2.* Nec eos minus detestantur canones, qui pro sepeliendis in templo vel cœmeterio cadaveribus, aut exequiis pecuniam efflagitant. *c. quæsta. & seq. 13. q. 2. c. abolenda. de sepulch.* Earum tamen rerum nomine à sponte liberaliterque offerentibus pecuniam, aut aliam rem accipi canones non prohibent. *d. can. quæsta.* Quædam enim honestè accipiuntur, vel authore Ulpiano, quæ inhonestè petuntur. *d. l. i. de extra. cog. c. non sanè. 14. q. 5.* Quamvis autem pro huiusmodi rebus nihil exigere liceat, sed absque pretio atque adeò cautione ulla præstari debeant, tamen vulgò receptum est, si quid eo nomine ultrò offerri consueverit, ut talis con-

fuetudo veluti pia & honesta observetur, ad eamque observandam autoritate superioris antistitis etiam inviti adigantur : sed suscepto jam sacramento, aut sepulto cadavere, &c. ne alioquin eas res quicumque mercari videatur. Proinde sacrifici nostri temporis, qui certam ecclesiam nullam regunt, postquam sacrum peregerint, si consueta merces ipsis non præbeatur, episcopum adire solent, postulantes non quidem aperte, ut sibi pretium numeretur, sed ut laudabilis consuetudo observetur, &c. Quo casu episcopus in laicos etiam homines jurisdictionem exercet. Hoc autem genus expiscandæ pecuniæ, quod à veteribus canonibus & majorum institutis valde alienum est, ex Innocentii III. constitutione manavit. *cap. ad apostolicam. de Simon.* Cujus tamen longè alius videtur sensus esse, ut plerique juris pontificii doctores annotaverunt. Sed *τὰ αὐτῶν* hîc movere nobis consilium non est.

CAP. VII.

*An mortuo beneficiario
heres legitimus ei suc-
cedat.*

Certi juris est, beneficia ecclesiastica cognationis aut propinquitatis jure cuiquam

quam non deferri. *c. apostolica. 8. q. 1. c. 10. de præben. cap. adhac. de deci.* Nam siue usum habere eos dixerimus, siue usumfructum, dubium non est, quin illud jus morte ipsarum extinguatur. *§. finitur. Instit. de usufruct.* De fructibus ante mortem perceptis quaestio tractata est, & constat ex iis quæ *lib. 2. differuimus*, ad hæredes legitimos non transire, cum usufruario magis quàm usufructuario beneficiarius comparandus sit. Itaque is qui in demortui locum successus fuerit, quasi dispensator administratorque eos capiet. *c. adhac. c. relatum. de testam. c. ult. de off. ord. in 6.* Sed moribus comparatum est, ut beneficiarii perceptos jam fructus, tanquam usufructuarii ad hæredes suos transferant. *§. is verò. Instit. de rer. divis. l. si fur. l. defuncta. de usufru. l. qui scit. de usur. glos. prag. tit. de annal. §. item quod. in verb. acquisitos.*

CAP. IIX.

An beneficiarius successor em eligere, & fructus beneficii testamento legare possit.

ANtiocheno concilio *c. 23.* statutum est, ut episcopo successorem sibi constitue-

re non liceat. *c. episcopo. 8. q. 3.* Quo tamen concilio non prohibetur aliquem nominare, quem sibi successorem optet. *c. apostolica. 8. q. 1.* Id enim à plerisque sanctissimis viris factum est, cujusmodi sunt Petrus, Athanasius, Augustinus, de quibus postea dicemus, *lib. 8.* Sed talem nominationem synodus vult irritam esse, nisi episcoporum & clericorum suffragium postea accesserit. *c. plerisque. 8. q. 1.* Ac hujus prohibitionis rationem docet Hieronymus in epistolam Pauli ad Titum, cujus verba Gratianus in Rhapsodia sua refert. *c. Moses. 8. q. 1.* Quod ad fructus attinet animadvertendum est, jure pontificio non permitti beneficiariis eos testamento cuiquam legare, ac ne res quidem alias ex facultatibus ecclesiæ, aut contemplatione ejusdem acquisitas. *c. fixum. 12. q. 5. c. cum in officiis. c. adhuc. de testam.* Quod est accipiendum, nisi fortè in pauperes eleemosynam conferre velint: qua tamen in re modus servari debet. *d. c. adhuc.* Quamvis enim administrator rerum ecclesiasticarum possit arbitrio suo pauperibus largiri, quæ verè pauperum sunt, ut diximus *lib. 2.* tamen fraudis vitandæ causa, libera legandi facultas non est ei concessa. *arg. l. vivus. si quid in fraud. patron.* Quæ verò ad beneficiarium pervenit, ex amicorum liberalitate, puta, aut artificio aliquo, &c. nec propter eccle-

siam

fiam acquiruntur, de his testari potest.
c. quia nos. c. relatum. de testam. Verum hæc
 moribus nostris ferè antiquata sunt, per-
 mittiturque beneficiariis de fructibus be-
 neficii aliisque hujusmodi rebus arbitrato
 suo testari. *glos. prag. tit. de annat. verb. acqui-*
sitos.

CAP. IX.

*Quibus ex causis rerum
 ecclesiasticarum alie-
 natio permittatur:
 Quæ forma in hujus-
 modi alienatione de-
 beat observari, Et de-
 claratus canon Aga-
 thensis concilij, ad
 eandem rem perti-
 nens: qui vulgò malè
 intellectus magnam
 judiciorum varieta-
 tem peperit.*

Rerum ecclesiasticarum alienatio cano-
 nibus prohibita est, nec earum modò

quæ *sacra* habentur, & hominum commercio exemptæ, cujusmodi sunt ædes ipsæ, jus decimæ, vasa consecrata, &c. sed prædiorum etiam ac possessionum, quæ *bona temporalia* vulgò appellantur. *Authen. de non alie. & Authen. de alie. & emph. c. nulli. de rebus eccle. non alien.* Non enim beneficiarius harum rerum dominus est, & jus utendi solummodo habet: eaque prohibitio alienationis ad monasteria, xenodochia, nosocomia, & alia hujusmodi pia loca pertinet. *Auth. de non alien. & Auth. de alien. & emphy.* Sodalitia tamen & *φεγεῖας*, quas vulgò *confraternitates* appellamus, hîc non comprehendi rectè Baldus censuit, quòd profanæ societates sint. *Bald. in d. Auth. hoc jus.* Nam & regiis constitutionibus ea Comi Bachique conventicula ut perniciofa Reipubl. omninò interdicta sunt. Alienationis autem appellatione continetur venditio, donatio, permutatio, emphyteusis, hypotheca, & cætera id genus negotia, quibus aut dominium, aut aliquod jus proximum & affine dominio transfertur. *l. i. C. de fund. dot. l. ult. C. de reb. alie. §. alienationis. in Auth. de non alie. d. c. nulli.* Sed etsi quis ad longum tempus locaverit, id est, ut vulgò interpretamur, decem annorum, alienare is dicitur, quia hoc genere locationis quasi dominium quoddam transfertur in conductorem, adeò ut ei in
tem

rem actio competat. *Cle. I. de reb. eccle. non alie. ubi nor. l. I. de superfic.* Quibusdam tamen ex causis rerum ecclesiasticarum alienatio permittitur. *gl. sum. 12. q. 2. Pan. d. c. nulli.*

I. Si æs alienum urgeat, nec possit ex fructibus satisfieri. *Auth. hoc jus.* Nam & eandem ob causam prædia minorum, qui sub tutela vel cura sunt, distrahere licet. *l. I. de reb. eor. qui sub tute.*

II. Permittitur alienatio rei minus utilis, ut rem aliam utiliore ac fructuosiorrem acquirat Ecclesia. *d. Auth. hoc jus. c. ut super. de rebus eccle. non alie.*

III. Si pecunia ad alendos pauperes in magna aliqua fortassis caritate annonæ, aut ad redimendos captivos opus sit, nec ea aliunde suppetat. *c. aurum. c. sacrorum. 12. q. 2.* Hic enim est præcipuus rerum ecclesiasticarum usus, ut admonuimus *lib. 2.* At ut summatim dicamus, quotiescunque vel necessitas aliqua, vel manifesta utilitas ecclesiæ exigit, receptum est harum rerum alienationem permitti. *c. sine exceptione. 12. q. 2. c. dudum. de reb. eccle. non alie. in 6.* Et hæc in rebus ecclesiæ profanis maximè locum habent. Sed & sacra quoque vasa, & aliæ res hujusmodi nonnunquam alienantur. *leg. sancimus. & Auth. seq. C. de sacros. eccles.* Item decima, quæ inter res sacras ac spiritales vulgò habetur.

d. ca. dudum. Hoc amplius, Ecclesia aliqua tota interdum alienari potest. *ca. pastoralis. de donat. tot. tit. de his quæ fi. à prela. cle. si una. de reb. eccle. non alie.* Quavis autem ex iis causis alienatio concessa sit, tamen ne utilitatis alicujus prætextu temerè & in perniciem Ecclesiæ alienatio fiat, constitutus est certus ordo certaue forma jure civili & pontificio, quam in hujusmodi alienatione servari oporteat. *Auth. de alien. & emph.* Sed legibus civilibus alligari se non patiuntur viri ecclesiastici, & pontificios canones de ea re editos tantum recipit consuetudo, per quam dubium non est, quin solennitas mutari possit. *not. in c. cum causa. de re judic.* Quare formam canonibus præscriptam, quæ usu recepta est, hîc explicari sufficiet. Formâ igitur juris pontificiî hæc est, ut alienationem antecedar diligens tractatus, & communis deliberatio cleri, id est, collegarum, qui *canonici* dicuntur, si Ecclesia tale collegium habeat: deinde omnium consensus, aut certè majoris partis, ac præterea subscriptio adhibeatur: quibus omnibus superioris antistitis auctoritas accedat. *d. c. sine exceptione. d. c. dudum. c. i. de his quæ fiunt à prelat.* At cum de antistite quæritur, locus in quo est alienans Ecclesia, non in quo res quæ alienatur sita est, spectandus esse videtur, quamvis aliqui contra sentiant. *d. Auth. hoc jus.* Et tametsi

tametsi licitationem, subhastationemque solennem jus civile requirat, tamen id canonibus ecclesiasticis nusquam expressum reperitur. *d. Auth. hoc jus.* Sed quæritur, an ut valeat alienatio pretium in rem Ecclesiæ versum esse oporteat. Qua de re videnda est Panormitani distinctio, *c. quod quibusdam. de fidejuss. not. in d. Auth. hoc jus.* Ex jam dictis consequitur alienationem rerum ecclesiasticarum ita demum valere, si duo concurrant. Unum est, ut ob justam legitimamque causam fiat: alterum, ut ordo præscriptus jure pontificio accuratè observetur. Quòd si aliter fuerit alienata res, ea cum fructibus vindicari ac repeti poterit. *c. non liceat. 12. q. 2.* Sed longi temporis præscriptione rectè se tuebitur possessor, si bonam fidem habeat. *Panor. in ca. de quarta. c. non liceat. de præscr. Guid. Pap. q. 150.* Quod tempus à morte tantum beneficiarii qui alienavit, currere incipit, ut concilio Toletano cautum est. *can. si sacerdotes. 16. q. 3.* Excipiuntur sanè aliquot casus, in quibus ille sollemnis ordo non requiritur.

Primus est, cum res ecclesiastica titulo clientelæ vel emphyteuseos concedi solita est. Potest enim more consueto ab antistite dari, quanvis formam canonibus præscriptam minimè observet. *c. 2. de feud. c. ut super. de rebus eccle. non alie. Bart. in Auth. qui rem. C. de sacros. eccl. Guid. Pa. q. 154.*

II. Excipiuntur res mobiles quæ servando servari non possunt. Nam earum rerum minimè prohibetur alienatio. *can. fugitivi. 12. q. 2. l. lex quæ. C. de admin. tur.*

III. Sunt qui putant factam omisâ formâ alienationem efficacem esse, si ea non noceat Ecclesiæ. *Innoc. in ca. 1. de in integr. restit. Fab. Inst. de eo cui lib. cau. bon.* Idque colligi videtur ex concilio Agathensi, cuius hæc verba sunt: Terrulas aut vineolas exiguas & Ecclesiæ minus utiles, aut longè positas, parvas, episcopus sine consilio fratrum, si necessitas fuerit, distrahendi habeat potestatem. *c. terrulas. 12. q. 2.* Verùm ille canon meo iudicio formam illam cuius suprà meminimus, non remittit. Nam quod ibi dicitur, sine consilio fratrum, de aliis episcopis accipi debet, quorum consensus eo tempore necessarius erat, ut ex canone septimo ejusdem concilii, & ex concilio Carthaginensi Toletanoque constat. *ca. quod si necessitas. 10. quæst. 2. c. quicumque. 12. q. 2. can. nullus. 17. q. 4.* Itaque cum necessitas ita urget, ut episcoporum conventus commodè non possit expectari, permittit synodus Agathensis sine ipsorum consilio non quaslibet terras ac possessiones distrahere, sed exiguas tantum, & quæ non magnum Ecclesiæ fructum afferunt. Qua in re clericorum sive canonicorum, qui præsentibus sunt, tracta-

tus atque consilium minimè negligendum esse videtur: & qui nobis adversantur, nulla satis firma ratione suam comprobant opinionem. Quod enim dicitur, negotium cum pupillo contractum sine tutoris auctoritate valere, si id expediat pupillo, sic accipiendum est, cum pupillus aliquid sibi stipulatur: id enim ipsi damnosum esse non potest. *l. neque. Cod. de contrahen. stipul. §. i. Inst. de autho. tut.* Et quod Justinian. ait, pupillum posse conditionem suam meliorem facere, *§. i. Inst. de autho. tut.* hunc habet sensum, pupillum utiliter id negotium contrahere, ex quo nullum ei damnum contingere potest, quodque servari desiderat, cujusmodi est stipulatio qua sibi acquirit. Itaque hæreditatem inutiliter adit, quamvis lucrosa sit. *leg. obligari. de auth. tut. §. neque. Institut. eod. tit.* quia hæreditatis aditio non semper utilis est. Similiter alienatio prædiorum pupillarium, quæ inutilis plerunque ac perniciofa est pupillis, absque decreto prætoris & causæ cognitione omnino prohibetur. Nam tametsi in rem minoris aliquando prædia alienentur sine decreto, tamen id perquam necessarium est, ne alias exemplum pupillis noceat, cujus hîc maximè habetur ratio. Idem enim hîc veremur, quod Augustus quondam militari disciplina, cujus verba apud Macrum hæc sunt,

sunt, *tit. de re milit.* Etsi scio fabrilibus operis exerceri milites non esse alienum, vereor tamen, si quicquam permisero, quod in usum meum aut tuum fiat, ne modus in ea re non adhibeatur, qui mihi sit tolerandus. *l. officium. de re militari.* Sic enim multa jure tum civili, tum pontificio passim constituta reperiuntur, quæ in speciem iniqua sunt, si quis ad privati cujusque utilitatem respiciat, sed in universum ea profunt, & publicè utilia esse creduntur. Habet aliquid ex iniquo omne magnum exemplum (ut Cassius apud Tacitum ait) quod contra singulos utilitate publica rependitur. Illud sanè inficiari nolo, si Ecclesia non conqueratur, quia se læsam fortassis non existimat, valere contractum, in quo solennia defuerunt: idque minorum exemplo. *l. non eo minus. C. de procuratoribus.* Verùm adversarius prætextu omissæ solennitatis, ab eo contractu recedere invita Ecclesia non poterit, aut eam nolentem ad contractum observandum cogere. *l. quod favore. C. de legibus.* Atque ita etiã accipi potest, quod supra diximus, minorem posse conditionem suam meliorem facere. §. I. *Inst. de author. tuto.* Quod autem obijciunt nonnulli ex Ulpiani ad D. Marci orationem interpretatione, quanquam subdifficile à plerisque existimatur, tamen facile, nisi fallor, dilui potest, si quis verba

& mentem authoris, id est, D. Marci expendat, & quid inter ejus orationem de alimentis, & orationem Divi Severi de rebus pupillaribus intersit, paulò diligentius consideret. Non enim D. Marcus transactionem de alimentis sine decreto factam simpliciter irritam esse vult, sed si ita transactum fuerit, ut repræsentatam pecuniam alimentarius consumat: unde Ulpianus verba orationis interpretans ita differit, Si transactio sic fuerit facta, ut semel numeretur ac repræsentetur quod testator particulatim alimentorum nomine præstari voluit, decreto prætoris tunc opus est, quod causa tantum cognita interponitur. Sin autem aliter transactum fuerit, ut puta, ut id quod in singulos annos erat alicui relictum, consequeretur per singulos menses, &c. hujusmodi transactionem D. Marcus non improbat, quasi decretum in ea sit necessarium. Alià causa est alienationis prædiorum pupillarium à D. Severo prohibitæ. *l. i. de rebus eorum.* quia simpliciter prohibita est quocunque modo fiat, sicut & rerum ecclesiasticarum alienatio, de qua hîc differimus. Et hæc nostra sententia est de quæstione vulgò agitata, quæ adeò controversa est in foro, ut judicia curiæ centenariæ contraria extent, nec inter classes seu decurias judicum adhuc convenire potuerit. Qui contrà sentiunt, æquitatem

tatem fortassis aliquam nobis opponent, & simul ecclesiasticorum hominum avaritiam, quorum opes minui magis quàm augeri publicè expediat, ut libro secundo admonuimus. An hujusmodi rationes judicem movere debeant, viderint alii. Ego certè meam sententiam ita scripto jure tueor, ut cum iis, qui evidentis æquitate vel utilitate nitentur, pertinacius contendere nolim. Cùm igitur hæc ita se habeant, quæri potest, si in tabulis nulla solennitatis in alienando servatæ mentio fiat, an ob diuturnitatem temporis intervenire præsumatur? Et variæ juris doctorum opiniones reperiuntur, quas ex eorum commentariis ediscere licet. *not. in l. sciendum. de verbor. obligation.*

CAP. X.

*Quorum munerum vacationem beneficiarj
& ecclesiasticorum
ministri habeant.*

INter jura atque commoda beneficiariorum illud non minimum est, quòd tamen si bonis fruantur Ecclesiæ, tamen ad munera subeunda non compelluntur. Quorum autem munerum *vacationem* habeant,

beant, nunc tractandum est. Et imprimis *munera personalia* non subeunt, ne avocentur à functione ministerioque suo. *leg. generaliter. C. de episc. & cler. Personalia* hîc vocamus, quæ opera ac industria exercentur absque sumptu & diminutione patrimonii. *leg. i. & ultim. de munerib. De patrimonialibus* paulò difficilior est quæstio, id est, quæ sumptum postulant, & damno administrantis expediuntur absque ulla opera aut labore. *dict. leg. i. & ulti.* Et animadvertendum est hæc munera duplicia esse. Quædam enim imponuntur possessionibus ipsis ac prædiis, nulla personarum, à quibus possidentur, habita ratione. Alia imponuntur personis, non rebus, quamvis aliquando in hujusmodi impositione modus facultatum spectetur. Ideoque *mixta munera* à quibusdam, sed contra morem loquendi veterum, dicuntur. *leg. rescripto. & leg. ult. de mun. & hono.* Rursus horum munerum, quædam *ordinaria legitimaq;* sunt, ut portoria: quædam *isagogica, exagogica,* & alia id genus in Gallia nostra, quæ *canonis* appellatione significantur. Alia *extra ordinem* inducuntur principum aut magistratuum arbitrio, cum nulla sint lege constituta, nec certam præstationem habeant. *leg. in honoribus. de vac. mun. leg. i. C. de vac. pub. mu.* Sed ut ad rem veniamus, illud inter omnes convenit, extraordina-

riis muneribus jure civili ecclesias non subijci. *l. placet. C. de sacros. eccl.* sed ordinariis tantum, quæ & *canonica* dicuntur. Stata enim illa tributa atque vectigalia, quæ nervi Reipubl. dicuntur ab Ulpiano, *leg. 1. de questio.* quod sine illis publicum statum tueri non liceat, nemo detrectare potest. *l. nullus. C. de decurion.* Quæ verò extra ordinem indicuntur arbitrio principum, ea subire non coguntur Ecclesiæ, nisi ob causam valde necessariam Reipublicæ indicantur, ut mox dicemus. *l. jubemus. l. neminem. C. de sacros. eccles.* Nec ulla distinctio est in jure civili inter ea munera quæ prædiis, & ea quæ personis indicta sunt. Omnibus siquidem muneribus legitimis atque ordinariis obnoxia sunt Ecclesiæ. Itaque ejus collationis quam talem hodie appellamus, si jus civile respicias, vacationem vix habent. Nam etsi olim extraordinarium munus esset, ac prout belli necessitas flagitabat, ad tempus indici solitum: tamen edictis regiis ad ordinariam præstationem redactum est. Id quod à priscis etiam Imperatoribus Romanis factum fuisse in legibus ipsorum comperimus. *leg. 1. Cod. de indictio.* Nec satis perspicio quemadmodum juri civili divinum jus hîc adversetur; Nam Christus Cæsari tributum pendi non solum præcepit, dicens, *Reddite Cæsari, &c.* sed ipse

ipse etiam cum suis apostolis illud exoluit, tametsi ex regia stirpe ortus esset: ideoque tributis obnoxius non esse videretur. *Matth. 7.* Idque veteres ecclesiastici scriptores ad unum fatentur, ex quibus non pauca in suam Rhapsodiam Gratianus retulit. *can. si tributum. can. magnum. II. q. I. can. in tributum. 23. q. 8.* At hodie viri ecclesiastici contendunt, primum se illis muneribus non subjici, quæ personis inducuntur magis quàm possessionibus. *leg. rescripto. de mune. & hono.* quia jure pontificio, quo nunc utimur, princeps in personas ecclesiasticas nullum imperium, nullamque potestatem habet. Deinde si quæ prædia antiquitus libera atque immunia possideant, in ea tanquam DEO consecrata & dicata nihil juris principem habere ajunt. *c. nulli liceat. 12. q. 2.* Ex quo consequens est, ad eam solum tributionem eos teneri, ad quam obligata erant prædia antequam ad ipsos pervenirent. *cap. 2. de censibus. leg. Imperatores. de publica. not. Panor. in ca. non minus. de imm. eccles.* Et extant Bonifacii octavi constitutiones. *c. clericis. de imm. eccles. in 6. c. quanquam. de censibus.* quibus non ab extraordinariis tantum muneribus, quod jam antè sancitum fuerat. *c. non minus. c. adversus. de imm. eccle.* Verùm à quibuscunque etiam tributionibus personas ecclesiasticas eximit: sed ita ut causam

lām, quamlibet iustam ac necessariam, excipiat. Sed & illud quoque adjicit, ut ne volentibus quidem clericis Rom. pontifice inconsulto pecuniam conferre liceat. Nec mirum est ab insolenti homine, impotentisque animi, qualem describunt Bonifacium historici, constitutionem adeò injustam, & ab omni æquitate abhorrentem emanasse. Nec eò hæc dico, quòd Ecclesiæ ecclesiasticarumque personarum privilegiis & vacationibus impensè non faveam, quas sapientissimi quique veterum magno semper favore ac liberalitate prosecuti sunt. Ac ut à nostris incipiam, *Druides* qui sacerdotes quondam fuerunt in Gallia, authore Cæsare in *Comment.* tributa unà cum reliquis non pendebant, militiæque vacationem, & omnium rerum habebant immunitatem. Reges Ægyptiorum quintam partem annui proveniunt capere soliti sunt, præterquam ex prædiis sacerdotum. *Genes. 47.* Artaxerxes Persarum rex in sacris bibliis scribit Esdræ, ne ullum imperet tributum sacerdotibus. *Esd. 7.* Sed si præfractè ac sine exceptione ulla velint clerici vacatione ista quam obtinuerunt à principibus uti, aut abuti potius, nihil profectò erit inhumanius, nihil ab instituto sacerdotis Christiani alienius. Ac poterit eis meritò objici, quod Diocletianus imperator nescio cui philo-

philosopho vacationem munerum poscenti respondit: Professio & desiderium tuum inter se discrepant. Nam cum philosophum te esse proponas, vinceris avaritia & rapacitate. *l. professio. de mu. patr.* Imprimis enim æquum est, ut statum legitimumque vestigal, quod *canonem* vacamus, sine recusatione cives omnes Reipubl. sive principi pendant; cum legibus institutus sit, tanquam ad status publici tutelam necessarius. Deinde si quid extra ordinem indicatur ob grave imminens periculum Reip. cui aliter obsisti non possit, aut ob aliam huic non dissimilem causam, ratio postulat, ut ejus oneris partem ferant ecclesiastici viri, quanvis extraordinarium munus sit. Nam ideò eximuntur ab extraordinariis muneribus, quòd absque magna necessitate sæpenumero pro arbitrio principum aut libidine potius indicantur, quibus ad Reipubl. procuracionem & conservationem majestatis suæ canon, & ordinaria pensitatio creditur sufficere. Tolerabilius enim visum est, eam exactionem quæ vitari omnino non potest, in profanos homines, quàm in Ecclesiam, ecclesiasticasque personas derivari. Fit tamen nonnunquam, ut ecclesiasticos viros horum munerum participes esse omnino oporteat. Idque exemplis ex jure civili petitis facile ostendi potest, ut

puta, si expeditionis tempore plaustris, mancipiis, aut aliis hujusmodi angariis vel parangariis opus sit. *leg. neminem. C. de sacros. eccles. l. nullus. C. de cur. pub. c. ecclesiarum. 12. q. 2.* si ob *annuam embolam*, ut ait Theodosius, navis sit necessaria. *t. jubemus. C. de sacros. eccles.* cujus verbi interpretatio ex Novella Justiniani. 183. *ἡ ἐκ κατασκευῆς ἐκδοσίων* petenda est. Hujus enim significationem & proprietatem constitutionis Theodosianæ interpretes non perceperunt. Item si in refectionem itinerum aut pontium sumptus faciendus sit, non excusari ecclesias constitutum est. *l. ad instructiones. C. de sacros. eccles.* Sed hoc munus videtur inter ordinaria & canonica referendum esse, & de portoriis, quæ eo nomine exiguntur, accipienda constitutio. Ac ut summatim omnia complectar (nam omnia figillatim enumerari non possunt) quoties flagitat necessitas, principi licet ecclesiasticas facultates impendere. Quod & Ezechias rex pius fecisse legitur. 4. Reg. 18. Si enim pauperibus captivis & calamitosiis hominibus erogantur Ecclesiæ opes, cur ad eas calamitates vitandas depellendasque non insumentur? *c. aurum. 12. q. 2.* Et satis perspicuum est ex his quæ tractavimus *lib. 1.* distributionem earum facultatum ad principis curam aliquando pertinere. *can. filius. 16. q. 7.* Quid plura?

circunfertur Bonifacii, cujus paulò ante meminimus, diploma, quo testatur ac declarat constitutionibus à se prius editis ademptam non esse facultatem regi Francorum pecuniæ collationem ecclesiasticis personis imperandi, vel inscio Romano pontifice, quoties pro aris & focis pugnandum erit, idque ad patriæ defensionem necessarium videtur. Vide *Feral.* Eòdem pertinet quod Gregorius IX. ab excubiis & murorum civitatisque custodia neminem prætextu ecclesiastici ministerii excusari præcepit. *c. 2. de im. eccles.* cum tamen id munus personale sit, & à propria functione clericos avocet, quod multò magis admittendum est in patrimonialibus muneribus quæ operam nullam requirunt, sed facultatum, quibus Ecclesiæ suprà modum abundant, erogationem. Nam & ecclesiæ ecclesiasticorumq; hominum utilitas id maximè postulat, ne aliqui perforari sinant navem, in qua ipsi navigant. Nec obstat nostræ sententiæ Federici II. constitutio, quæ cum hac exceptione intelligenda est. *Auth. item nulla. C. de episc. & cler.* Et certo certius est Honorium III. eam constitutionem à Federico expressisse, quo die eum diademate imperatorio insignivit. Idque accidit sexto post anno quàm Imperator lectus fuit Federicus. Tanto enim tempore di-

lata est coronatio, quam Innocentius ei jam inde ab initio negaverat. Nolim autem existimet quisquam, me iis libenter patrocinari qui jure suo ac potestate hinc abutuntur, & publicæ necessitatis obtentu ecclesias levi plerunque de causa gravissimis tributis onerant. Quod fortassis non contingeret, si bonorum ecclesiæ custodes & administratores, non dicam victu vestitumque contenti, ut canones præcipiunt, ea egenis distribuerent (severitatem enim illam antiquam corruptissimi hujus sæculi mores vix ferre possunt) sed luxuum profusionem, ἀσωτίαν, cujus nomine tam malè audit ea natio, cohiberent ac moderarentur. Postremò notandum est, sicut clerici pro rebus ecclesiasticis quas possident immunes sunt, ita etiam pro reb. propriis vacationem habere. *ca. ecclesiarum. l. 1. q. 2. c. ult. de vit. & hon. cler.* tametsi aliàs patrimonium clerici rebus ecclesiasticis usquequaque comparari non soleat. *not. in c. Ecclesia. de constit. c. quanquam. de censib. in 6.* Nec refert, cujus gradus atque ordinis clerici sint, & an ecclesiastico beneficio aucti sint, nec ne, cum omnibus generaliter privilegium indulgeatur. *l. 2. Cod. de episc. & cler. Guid. Pap. q. 83.* Quod utique est accipiendum; nisi uxorem duxerint. *c. ex parte. de cle. conjug.* Nam hi vacationem munerum non habent ex constitutione

Bonifaciana *de cler. conjug. in 6.* Sed duobus tantum privilegiis fruuntur, modò vertice raso sint, & more clericorum vestiti. Verùm illud addere oportuit quod longè maximum omnium ac præcipuum est, modò in Ecclesia suo fungantur officio. *c. ult. de vita & hone. cle.* Nam ut admonuimus *lib. i.* clericus nomen est officii ac oneris in ecclesia, nec æquum est eos ullis privilegiis frui, qui munus suum negligunt. *l. generaliter. C. de episc. & cler.* Quod & Molinæus noster ad Alexandri responsa perquam scitè graviterque annotavit. *lib. i. conf. 8. Alex. Imol.* Quæsitum est de eo qui negotiationem exercet. Et non videtur negotiatio, artificiumve honestum, unde sibi & pauperibus victum parent, clericis interdictum esse, si non ideò officium suum deserant. *l. 2. C. de episc. & cler. & 91. dist. in decret.* Et quod Hieronymus & Augustinus ajunt negotiari clerico non licere. *cap. negotiatorem. & c. seq. 88. distin.* de quæstuaria negotiatione accipiendum arbitror inter nostri temporis pseudoclericos usitata, quæ functionem ecclesiasticam impedit. Receptum sanè apud nos est quamcunque negotiationem exerceat clericus, quod ad bona de quibus negotiatur attinet, nullo eum privilegio uti debere. *cle. ult. de censib. Fel. in c. Ecclesia. de constit. idque concilio quodam Rhotomagensi apud*

392 FR. DVAREN. COMM.
ratiociniorum præfecturam perscripto, &
in acta relato cautum accepimus anno
1267.

CAP. XI.

De

Judiciis & actionibus, quæ pro beneficiis comparatæ sunt.

JUDICIA beneficiorum ecclesiasticorum
nomine varia jure prodita sunt. Sed de
his tantum hîc loquimur, quæ compe-
tunt, cum de universo beneficio ac titulo
controversia est. Ac imprimis beneficia-
rio datur rei vindicatio adversus eum qui
beneficium ipsum possidet, seu detinet.
*l. sancimus. C. de sacros. eccles. c. cum venerabi-
lis. de except.* Nam etsi beneficium res sa-
cra spiritalisque sit, cujus dominum se di-
cere non potest beneficiarius. *l. in rem. de
rei vind.* tamen quasi dominus quidam ha-
betur, & expressa causa non aliter ac filium
suum pater vindicat. *l. 1. de rei vind. Specul.
tit. de appel. §. novissimè.* Et hoc petitorium
judicium, in quo de jure quod quisque li-
tigantium habet, præcipue quæritur, in
foro ecclesiastico institui debet: ab eaque
cognitione ideò abstinere magistratus,
quia ordinatio ministrorum ecclesiæ, ut res
sacra

sacra ac spiritalis iudicium Ecclesiæ non
 profanorum iudicium requirit. Et con-
 stat priscis illis foelicioribusque tempori-
 bus has controversias in synodis episcopo-
 rum ac presbyterorum magna cum gravi-
 tate ac simplicitate dirimi solitas fuisse.
 Præter iudicium petitorium, & rei vindica-
 tionem interdictis quoque possessoriiis
 beneficiorum nomine utimur: in quibus
 de possessione tantum contenditur, siue
 adipiscenda, siue retinenda, siue recupe-
 randa. Sed moribus nostris retinendæ
 possessionis interdicta magis frequentan-
 tur. Nec dubitat quisquam hodie rerum
 forensium peritus, quin hæc cognitio ma-
 gistratum sit, non Ecclesiæ, præterquam
 si de adipiscenda possessione agatur. Quod
 & Guido testatur in prima quæstione. Sed
 rationem huius constitutionis forensis nus-
 quam satis explicatam offendimus, & ple-
 risque possessionis causa non minus, quam
 proprietatis sacra spiritalisque videtur.
 Nam pontificis Martini diploma cuius est
 apud Guidonem mentio, nullum jus no-
 vum regi aut magistratibus ejusdem tri-
 buit: sed permittit eis, ut si quem ea de re
 à majoribus morem acceperint, eundem
 factum, quod dicitur, & rectum conser-
 vent. Verum ex iis quæ *lib. i.* disputata
 sunt de ecclesiastica civiliq; potestate, satis
 perspicuum est, quietis publicæ curam ad
 prin-

principes magistratusque pertinere. Itaque quavis eas causas judicet Ecclesia, in quibus de ministerio ipso & ordinatione agitur, & secundum canones ecclesiasticos judicari debeant, tamen si quis vim inferat alteri & jus sibi dicat, nec usitatis ac legitimis judiciis experiatur, principis est ac magistratus eam vim cohibere, interim dum apud judicem competentem de jure suo docuerit. Unde mirum videri non debet, quod Guido scripsit de interdicto adipiscendæ possessionis magistratus non cognoscere, cum ob vim illatam minimè competat. Cognoscit igitur magistratus de retinenda aut recuperanda possessione. Ac postquam de vi & possessione pronunciavit, postea litigatoribus Ecclesiæ judicium subire, ac petitorium judicium intendere licet. Nec antè id fieri potest, quàm judicium de possessione finitum, & sententia omni modo executioni mandata fuerit, ut & judiciaria lege Francisci regis cautum est. c. 49. Tametsi autem verè dictum sit à nobis de jure, quod litigatores se habere contendunt, in ministerio ac beneficio magistratum non pronunciare, sed de possessione tantùm ac vi illata: tamen in hujusmodi judiciis possessoriiis ea demum possessio, quæ justa esse docetur, ad victoriam prodest. Idque idèò receptum est, ne alioqui contra canones absque institutione

stitutione possideatur beneficium, & homines inexplorati ad munera ecclesiastica cum gravi ecclesiæ incommodo ac dedecore profiliant. *c. i. de reg. jur. in 6. not. in c. in literis. de restitu. spol.* Quamobrem lex Regia præcipit litigatoribus, ut jam inde ab initio litis institutæ tabulas invicem sibi communicent, quibus de jure suo ac titulo docere se posse confidunt. Sed animadvertendum est, plenam tituli jurisque probationem hîc non requiri, sicut in petitorio judicio, sed qualem qualem sufficere, ut colorem aliquem possessio habeat. Idque in plerisque interdictis locum habet, quæ causam proprietatis continere dicuntur. *gl. cle. de cau. poss. d. c. in literis.*

CAP. XII.

De

*His qui liberè & quietè
beneficium triennio
possederunt.*

Quod diximus in superiore capite sola possessione jus non acquiri in beneficio, nisi adsit titulus ac institutio, id perpetuum non est. Si quis enim beneficium triennio possederit, nec de proprietate quidem ac titulo ulla potest ei amplius con-

trover-

troverſia moveri. Idque ſynodus Baſilienſis primùm conſtituit, litium finiendarum cauſa, & ne beneficiariorum jus perpetuò incertum eſſet. *arg. l. i. de uſuc.* Cujus ſynodi decretum æmulati ſunt Romani pontifices in canonibus illis ſuis, qui *regulæ cancellariæ* appellantur. Hinc etiam manavit *Leonina conſtitutio*, quæ in Gallia noſtra conventorum appellationem habet. *tit. de pacif. poſſeſſ. in concord.* Ea autem conſtitutio quatuor requirit, quæ ſi non concurrant, huic triennii præſcriptioni locus non eſt. Primum eſt triennii poſſeſſio eaque continua, non interrupta, ut conſtitutionis verba ſatis indicant. Inde quaeritur, ſi quis triennio integro non poſſederit, ſed anno fortè vel biennio, an congiungi poſſit tempus, quo poſſedit is in cujus locum ſucceſſit. Et certiffimum eſt ſucceſſorem authoris ſucceſſione uti poſſe. *l. Pomponius. de acq. poſ. l. id tempus. de uſucap.* Verùm in his miniſteriis beneficiſque eccleſiaſticis verè nulla ſucceſſio eſt, cùm is cui mortuo vel ejurante altero beneficium confertur, nullum ab eo jus accipiat, ſed ab antiſtite potius, qui conferendi poteſtatem habet, ut *lib. 8. docebimus. gl. prag. tit. de pacif. poſſeſſ.*

II. Quamvis de titulo ac jure poſſeſſoris ſcrupuloſa & exacta inquiſitio non fiat, tamen ſpeciem aliquam & colorem tituli
legi-

legitimæque ordinationis eum habere oportet: nam si prædo aliquis per vim beneficium occuparit, nec probabilem causam suæ possessionis ullam possit asserre, præscriptione triennii se tueri non poterit.
d. tir. de pacif. possess.

III. Quieta possessio hîc requiritur, quam *pacificam* vocant: nec sufficit possedisse, sed sine controversia ac interpellatione possedisse necesse est.

IV. Videndum est ne adversarius qui sese jus in beneficio habere contendit, bellica vi, aut aliàs impeditus fuerit, quominus beneficii sui possessioni incumberet. Quo casu si testatione legitima fuerit usus, triennii præscriptio ei non oberit.

V. Præter exceptiones constitutione expressas, quædam aliæ addi solent non indignæ quæ hîc breviter referantur, ut puta si beneficium de quo est controversia, perpetuum non sit, sed precarium ac temporarium, cujusmodi sunt pleræque *monachorum facturae*, quas alibi admonuimus propriè beneficia non appellari. Nam si antistes superior precariam illam administrationem revocare & adimere velit, à monastica sanè disciplina alienum est, ut is præscriptione temporis summoveatur.
Rot. dec. I. in antiq.

VI. Hæc triennii præscriptio ei non nocere creditur, qui Regaliorum jure benefici-

neficiū petit ab eo, qui alio jure nititur. Receptum est enim in Gallia, ut 30. ann. præscriptio tantum ipsi objiciatur. *gl. prag. tit. de pacif. in verbo, coloratum.*

VII. Si evictum fuerit beneficium, quod quis ex causa permutationis acceperat, nec ratio, nec æquitas patitur, ut suum reposcenti exceptio triennii obstet. *c. si beneficia. de præben. in 6.* His exceptionibus aliæ fortassis accedere possunt, de quibus difficile non erit opinor, judicium, si quæ hîc à nobis summatim tradita sunt, rectè percepta fuerint. Verum cessante omni exceptione triennii, possessio vim tituli ac legitimæ institutionis habere intelligitur. Ac eo nomine impetrari solet à rege diploma, quo præcipitur magistratui ut possessorem tueatur. Estque ejus cognitionis tanta vis, ut judicium ecclesiasticum & petitorium, cui aliàs possessorium non præjudicat, omnino perimere dicatur. Proinde possessori non solum acquiritur præscriptio sive exceptio, sed actio etiam, quâ adversus quemvis possessorem experiatur. Nam alioquin adversus Leoninam constitutionem facile posset ei molestia exhiberi. Adeo autem verum est hunc possessorem post lapsum triennii tutum esse, ut ne superiorem quidem antistitem reformidet: cujus est inquirere in eos qui sine titulo beneficia possident. *tit. de pacif. poss. in concord.*

Hic

Hic enim titulo penitus non caret, ut ex jam dictis constat.

CAP. XIII.

De

*Subrogationibus judi-
ciariis.*

USitatum est in foro nostro *subrogationis* *judiciariae* genus, quod constitutione quadam Bonifaciana olim prohibitum fuit. *c. 2. ut lite pend. in 6.* Nam si ex duobus litigatoribus, exempli gratia, unus decesserit, vel beneficium ejuraverit, vetuit Bonifacius, ne beneficium tertio conferatur, donec lis finita fuerit; idque multiplicationis litium vitandæ causa factum dicitur, ne scilicet novi subinde litigatores, qui lites protelent, exoriantur. Sed invaluit hæc consuetudo in Gallia, ut non expectato litis eventu, cuivis tertio, etiam si ex numero litigatorum non sit, conferatur beneficium: post quam collationem in locum demortui, vel ejurantis cum quo lis cœpta fuerat, subrogatur hic recens beneficiarius judicis de ea re cognoscentis auctoritate. Ac si fortè coram magistratu regio lis de possessione mota sit, ut hæc subrogatio fiat, diploma à principe impetrari consuevit. Et animadvertendum est,

hanc subrogationem intra annum petendam esse, cum interdicta ipsa, quibus de possessione contenditur, annalia sint. *l. i. de interd.* Quamobrem lapso anno interdicere volens amplius, non auditur, quamvis ad petitorium iudicium via ei præclusa non sit. Quod est accipiendum, si adversarius qui præscriptionem annalem opponit interim possessor fuerit. Nam possidente novo litigatore, vel eo qui beneficium ejuravit, tempus currere non dicitur. Et notandum est, tametsi beneficium simpliciter collatum sit, tamen jus tantummodo in impetrantem taanslatum videri, quod mortuus habebat, vel is qui beneficium ejuravit. Itaque jus non modò suum, sed etiam demortui vel ejurantis demonstrare probareque cogitur, id est, legitimam ordinationem sive titulum, ætatem, nrales ejusdem, & cætera, de quibus integro libro disseruimus suprà. Quod in eo locum non habet, qui beneficium minime litigiosum, eo, qui beneficiarius vulgò credebatur, mortuo, vel ejurante adeptus est. *Panor. c. cum venerabilis. de except.*

LIBER OCTAVVS.

QVIBVS MODIS BENE-
FICIA AMITTANTVR,
ET VACENT.

ARGVMENTVM.

Superest locus nostre disputationis
postremus de amittendis beneficiis:

Nos enim antè de acquirendis reti-
nendisque beneficiis, quam de eisdem
amittendis, scribere voluimus, dividen-
di rationem ab Ulpiano traditam, & à
veteribus Jureconsultis observatam se-
cuti: cujus initio libri superioris memi-
nimus. Sunt autem amittendorum be-
neficiorum modi precipui, Mors, Ejuratio,
Delictum, & ceteri, qui sigillatim in hoc
libro à nobis tractati explicatique sunt.

CAP. I.

De

Beneficiis morte benefi-
ciariorum vacanti-
bus.

Cum beneficiarii proprietatem ac dominium rerum ecclesiasticarum non habeant, sed usum aut usumfructum, ut antè diximus, consequens est, beneficia ad hæredes non transire. *§. finitur. Instit. de usufruct.* Itaque dicuntur mortuis beneficiariis *vacare* ut aliis conferri possint. *c. susceptum. de rescript. in 6.* Quo verbo usus est Plinius *lib. 10. Epist. ad Trajanum* in eadem significatione. Cum sciam, inquit, domine, ad testimonium laudemque morum meorum pertinere tam boni Principis judicio exornari, rogo, dignitati ad quam me pervexit indulgentia tua, vel auguratum, vel septemviratum, quia vacat, adjicere digneris, ut jure sacerdotii precari deos pro te publicè possim, quos nunc precor pietate privata. Sed notandum est, ut efficax sit collatio hujusmodi, duo imprimis necessaria esse. Unum est, quòd tempore collationis fato functus sit beneficiarius: nam si quis beneficium vivi adhuc & superstitis hominis impetraverit, ne secunda quidem collatio postea eo mortuo facta valebit. Alterum est, quod tantum effluxerit temporis à morte beneficiarii, ut pontifex de ea certior fieri verisimiliter potuerit. Quade re duo canones pontificii vulgares & omnibus noti leguntur. Quod autem dicitur mortuo beneficiario vacare beneficium, id perpetuum non est, sed quasdam exceptiones habet.

I. Cum

I. Cùm in Ecclesia aliqua canonico-
rum ac annonarum sive præbendarum cer-
tus definitusque numerus non est. Tunc
enim uno ex canonicis mortuo, non con-
tinuò vacare dicitur beneficium, ut in ejus
locum alius sufficiatur. *cap. ex parte. de con-
ces. præben.*

II. Cùm beneficium aliquod episco-
po, vel cœnobiarchæ adjunctum est, ita ut
episcopus vel cœnobiarcha ad ecclesiam
regendam vicarium, idque ad tempus, non
in perpetuum constituat. Nam ea ad-
junctio facit, ut beneficium, cui proprius
alioqui gubernator præficiebatur, velut
pars quædam episcopii aut cœnobiarchæ
esse intelligatur. *clém. frequens. de exces. præ-
lato.*

III. Cùm beneficium autoritate
pontificis ob justam aliquam causam dele-
tum extinctumque est. Justa autem causa
potest esse, si ministeria, quibus ecclesiasti-
cæ facultates attributæ sunt, Ecclesiæ ne-
cessaria non videantur, aut inopia tanta sit,
ut ministeriorum numerum minui opor-
teat. *c. cum accessissent. de constit. c. ult. de verb.
signif.*

CAP. II.

De

Beneficiorum ejuratione, quæ & resignatio appellatur.

E*Juratione* amittitur beneficium, ut puta, si quis jam senio fractus, onus, cui ferendo se imparem sentit, in alium rejici velit, ideoque beneficio suo renuntiet. Nam tamen hujusmodi hominibus non solet beneficium adimi, sed potius curator ad-
 jungi, quem vulgò *coadjutorem* dicimus: tamen hæc spontanea ejuratio, & quæ *resignatio* non malè appellatur, ob justam causam recipitur. *tit. de renunc.* Sed antistitis superioris consensus atque auctoritas accedere debet, nec licet venia non impetrata Ecclesiam sibi commissam deserre, *cap. admonet. de renunc. l. legatus. de off. presid. c. suggestum. & c. seq. 7. q. 1.* id quod Melitium aliquando fecisse, subditorum inobedientia offensum, testis est Theodorus *lib. 2. c. 31.* Quod est accipiendum: nisi summus ejuretur pontificatus Cælestini exemplo. Nam & Pontificem Romanum eo se abdicare posse constitutum est. *c. 1. de renun. in 6.* Sed & patroni quoque
 volun-

voluntas hîc necessaria est, si talis sit Ecclesia, quæ patronum agnoscat. *Panorm. in c. significatum. de præb.* Quod si quis diploma obtinuerit à pontifice pro consequendo beneficio, quia nullam adhuc Ecclesiam regit, cujus desertio damnum ullum possit asserre, is cedere ac renunciare juri suo absque antistitis venia potest. *c. ad audientiam. 2. de rescript. l. pen. C. de pact.*

Quis possit ejurare.

Quisquis beneficium ecclesiasticum habet, si justa probabilique causa ducatur, id ejurare potest. Nec refert corpore sano an infirmo sit, cùm vel instante morte beneficium ejurare liceat: idque ab iis fieri solet, qui in gratiam amicorum beneficiis renunciant. *c. penult. tit. de renunt.* Potest & reus criminis postulatus ejurare, nec postulatus modò, sed etiam damnatus, si à sententia adversus se lata appellaverit. *l. qui à latronibus. de testam.* Impubes tamen si beneficio aliquo auctus sit, id ejurare posse non videtur, propter infirmitatem consilii, quanvis adultus sine curator e id possit. *c. si annum. de judic. in 6.*

Quomodo beneficium ejurandum sit.

Ejurari debet apud superiorem anti-
 stitem, ut diximus, vel ab ipso beneficia-
 rio præsente, vel ab alio, quem ejus rei
 gratia procuratorem dederit. Nec du-
 bium est, quin alieno nomine facta ejuratio
 valeat, nisi mandatum re integra revoca-
 tum fuerit. Quo casu procurator de ea
 revocatione certior fieri debet, aut is apud
 quem ejuratur beneficium. *clem. de renunci.*
 Sed videndum est, ne quis ad beneficium
 ejurandum metu adigatur, alioquin, ut
 plerisque placet, irrita est ejuratio. *c. super
 hoc. de renunciation.* Præterea purè ac sim-
 pliciter ejurandum est beneficium absque
 ulla conditione, nève in crimen Simoniaci
 ambitus incurratur. *cap. cum pridem. c. ult.
 de pact. glos. in c. ex parte. de offic. deleg.* Ita-
 que vulgò receptum est, ejurationem ita
 factam non recipi, ut certæ personæ, quam
 nominat & exprimit ejurans, beneficium
 conferatur. *not. in d. cap. ex parte.* nisi apud
 Romanum pontificem fiat. Verùm id
 nec certo jure definitum est, nec magna ra-
 tione nititur, meo quidem iudicio. Hu-
 jusmodi enim conditio ad simoniacum
 ambitum minimè pertinet. Veteres ple-
 rique non solum doctrina, sed etiam san-
 ctitate clari homines solebant ministeriū
 sui successores eligere ac nominare. Nam
 ut illud mittam, quod de Petro apostolo,
 & Clemente scriptum est, Athanasius Pe-
 trum

trum quendam nominasse legitur in historia ecclesiastica. *Theodor. lib. 4. cap. 20. tripar. lib. 7. cap. 36.* Augustinus Erradium, & alii alios complures, quos hîc omnes commemorare non est necesse. *Grat. 8. quæst. 1.* Nec satis perspicio quid inter eam nominatim intersit & curationem hanc, quâ hodie utimur, *conditionalem*, si ad rationem & æquitatem magis quàm ad subtilitatem quandam verborum respiciamus. Quid enim refert, an quis ita Pontifici dicat, *Egò beneficium meum cum bona tua venia ejuro, & mihi successorem dari opto Hieronymum*: an verò ita, *Ejuro beneficium in gratiam Hieronymi, qui si tibi dignus eo non videatur, id retinere malo, quàm ut cuiquam aliÿ detur.* Non enim omnem conditionem hîc improbant canones, sed eam demum, per quam nundinatio quædam beneficiorum ecclesiasticorum induceretur. *d. cap. ult. de pact.* Quanquam autem rerum non adeò imperitus sim, ut satis non intelligam, quid spectare soleant nostro tempore, qui talibus ejurationibus utuntur, tamen affirmare ausim cessante fraude, nec turpem, nec inutilem ejurationem esse. Finge beneficiarium eo esse in Ecclesiam suam animo & affectu, ut eam ab alio quodam regi cupiat, cujus & sanctitatem & eruditionem admiratur: nec aliis sui similibus fortassis, id est, in quibus mediocritas aliqua insit, libenter

velit cedere: piaculumne est hanc voluntatem & desiderium suum pontifici enunciare ac declarare? equidem non arbitror. Hoc tamen jure utimur, ut pontifices sive antistites conditionem ejurationi seu resignationi adjectam, velut turpem ac bonis moribus contrariam rejiciant, & beneficium quasi purè ac simpliciter ejuratum arbitrio suo alii concedant, non sine magna ejurantium captione: præterquam si ex causa permutationis ejuratio facta fuerit, ut postea dicemus.

Effectus ejurationis.

Ejurato beneficio & alii collato, omne jus in novum beneficiarium transit, ne priore vita functo, qui in ejus gratiam ejuravit, vacare beneficium dicatur. Sed hoc ita intelligendum est, si huic novæ collationi posterior consenserit. *c. si tibi absenti. de præbend. in 6.* Nam eo non acceptante, sed repudiante, potius pristinum jus retinet is qui ejuravit: quasi non existente conditione. Ac tametsi juris controversi sit quæstio, an ei opus sit nova collatione, tamen curia centumviralis minimè necessariam esse judicavit 23. *Januarij*, 1549. Vacat sanè beneficium aliquando morte ejurantis, quamvis alii interim collatum acceptumque fuerit: idque canonibus aliquot

quot pontificiis constitutum est. Primus canon ad eos pertinet, qui cùm sint infirma valetudine, beneficia sua mortis instantis cogitatione resignant : estque expressum eo canone, ut decedente eo qui resignavit, intra viginti dies beneficium, licet prius alii collatum, vacare intelligatur. An autem hic canon in beneficiis tantùm à Romano pontifice collatis locum habeat, quæri solet. Et Decius ex facto consultus respondit, de pontifice tantùm Romano canonem accipiendum esse, non etiam de cæteris antistitibus inferioribus : à quo dissentiant ejus canonis enarratores. Sed Decii sententia, decreto Parisiensis curiæ post magnam varietatem judiciorum tandem comprobata est anno 1550. die 14. Augusti. Secundus canon vult, si is qui ejuravit beneficium ejusdem possessor decesserit, ut non aliter valeat interim facta collatio, quàm si ejuratio intra certum tempus publicata & possessio petita fuerit. Quæ publicatio similis est donationum insinuationi, & eandem ob causam, nempe ut vitentur fraudes, inventa.

CAP. III.

De

Beneficiorum permutatione.

Magna

Magna ratio suadet, ut beneficiariis non permittatur beneficia sua invicem permutare, & de eisdem, ut de aliis rebus profanis, quarum domini sunt, inter se pacisci. Quò pertinent ea quæ de translatione Episcoporum suprà annotavimus *libro 5.* Nam & concilio Turonensi hujusmodi permutatio prohibita est. *c. majoribus. de prob. c. quasitum. de re. permut.* Estque poena jure pontificio in permutantes statuta, ut beneficia sua amittant. *c. cum olim. de re. permut.* Proinde si quibus fortè beneficiorum suorum commutatio expedire videatur, adeundus est superior antistes, coram quo uterque beneficium suum ejuret, non simpliciter, sed ut alterum consequatur. Ac si justam istius commutationis causam esse animadverterit episcopus, beneficia de quibus agitur quasi vacantia ejurantibus ipsis conferre poterit, non aliis ut constitutum est. *cle. de rerum permut.* Nam nec iis qui expectationum muneribus à Romano pontifice donati sunt, obnoxia esse hæc beneficia intelliguntur, quamvis ea vacare dicantur. *tit. de rerum permut. in 6.* Hujus autem permutationis rara est in veteribus mentio: quia ex cupiditate sacerdotum proficisci credebatur. *concil. Chalced.* nec prisca severitas hoc commercii genus recipiebat, quod hodie utilitatis velamento, ut pleraque alia adumbrari

DE SACR. ECCLES. MINIST. LIB. IIX. 411
brari solet. In recentioribus pontificum
constitutionibus quamplurima leguntur.
tit. de rerum permut. sed bonam partem in
superiori capite attigimus, de beneficii eju-
ratione simplici discentes, quæ cum hac
mutua ac reciproca magnam affinitatem
habet. Unum hîc notandum est, si ex al-
tera parte satisfactum non fuerit, quibus
fortè beneficium traditum non est, aut post
traditionem evictum, licere alteri benefi-
cium, quo se abdicavit, repetere. *c. cum uni-
versorum. de rerum permut. c. si beneficia. de
præb. in 6.* Quo casu novam collationem
non requiri verius est, modò beneficiarius
vim non inferat alii, sed autoritate publi-
ca possessionem apprehendat, *c. eum qui. de
præben. in 6. d. c. si beneficia.*

CAP. IV.

De

Beneficiorum, multitu- dine canonibus pro- hibita.

CUM beneficiarius ad episcopalem ho-
norem provehitur, vacat ejus benefi-
cium, & alii conferri potest. *c. cum in cun-
ctis. §. cum verò. de elect. c. post electionem. de
conces. præb.* Idem de eo dicendum est,
qui

qui beneficium unum obtinens, quod animorum curationem habet, aliud simile beneficium consequitur, prius namque beneficium haud dubiè vacat. *c. de multa. de præben. c. quia nonnulli. de cler. non resid. clem. si plures. de præb.* posterius verò ita demum retinet, si priore apud ordinarium antistitem sese abdicaverit, & c. idq; Innocentii III. & Joannis XXII. constitutionibus expressum est. *d. c. de multa. extrav. c. execrabilis. de præb.* & antiquo juri nonnihil derogatum. *c. præterea. de præb.* Si enim prius beneficium non dimiserit, non solum eo privatur, sed quorumcunque etiam beneficiorum in posterum obtinendorum incapax redditur. *dicto c. execrabilis.* Nam valde absurdum est uni duo munera committi in ecclesia, nisi gravis aliqua causa, & necessitas id fieri cogat. *c. singula. 89. distin.* Itaque concilio Chalcedonensi, & quibusdam aliis vetitum est, ne quis in duabus ecclesiis ordinetur, quod & in muneribus civilibus ac profanis imperatorum leges prohibent. *l. libertus. ad munic. l. ult. C. de assesso. l. 5. C. qui milit. poss. not. in l. lecta. de reb. cred.* Postulat tamen aliquando necessitas, aut utilitas evidens ecclesiæ, ut duo plurave munera ecclesiastica unus idemque obeat, ut puta, si ea sit hominum idoneorum penuria, ut præstet unum multis ecclesiis quàm singulos singulis præfici. Quæ res ad
epi-

episcoporum cujusque civitatis curam pertinet. *ca. sanctorum. 70. dist.* In gratiam verò personarum, magis quàm Ecclesiæ beneficia coacervare, quamvis & genere & doctrina aliis antecellant, pessimi res exempli, & antiquis canonibus omnino contraria est. Itaque gratiam horum canonum à solo pontifice Romano, cujus voluntas pro ratione habetur, fieri posse constitutum est. *d. c. de multa.* Atque ita canones prima specie invicem pugnantes conciliari posse videntur, quamvis alii aliter nodum dissolvant. Hinc fit, ut captatores beneficiorum Romanam certatim cursitent, prætextu literaturæ, aut nobilitatis, veniam à pontifice impetraturi, quæ nemini, quamlibet indigno nebuloni, modò is numeret, denegari consuevit. Qua ex re tanta Ecclesiæ deformatio exorta est, & propriè dixerim πανολεθρία, ut nulla vis humani ingenii ad eam indignitatem exprimendam sufficiat. Prodigiousa sanè res est in ecclesia hæc beneficiorum cumulatio, quæ sine delectu passim recipitur: nec minus mihi monstrosi videntur, qui tot personas in ecclesia sustinent, quàm Briareus ille, qui manus centum habuit, ut est in fabulis, aut Geryon quem trium fuisse corporum perhibent.

CAP. V.

De

*Aſſiduitate beneficiario-
rum, quam residen-
tiam appellamus.*

Nihil eſt ab omni ratione alienius, quàm
eos præfici eccleſiis, qui munus ſuum
negligant. Itaque adverſus eos qui aſſi-
dui non ſunt in eccleſiis ſibi commiſſis, va-
rii canones editi ſunt. *concil. Antioch. concil.
Laodic. concil. Sardi. & in decret. 7. quæſt. 1.
c. ult. de cler. non reſid.* Variæ item leges
imperatorum, quibus nominatim cautum
eſt, ut abſentes clerici ſi ad eccleſias ſuas
moniti non redierint, beneficia ipſis adi-
mantur. *Novel. 6. 58. 123.* Nec juſta eſt eo-
rum excuſatio, qui vicaria quorundam ſa-
cerdotum opera in obeundo munere ſuo
utuntur, cùm ipſi eo fungi debeant. *c. quia
nonnulli. de cleric. non reſid.* Ac indignum
eſt, ut Innocentius ait, condiſtitiis preſ-
byteris eccleſiam committi. *21. q. 2. can. ult.*
Hoc amplius, ſi exiguus tenuiſque ſit re-
ditus beneficii, ut ex eo ſe tueri nequeat
clericus, ne hoc quidem caſu aſſiduitatis
vacationem habet, cum ipſi eo beneficio ſe
abdicare liceat. *cap. conquerente. de cler. non
reſid.*

resid. Omne siquidem beneficium propter officium, laborem, & industriam conceditur. *c. ult. de rescript. in 6.* Cessante igitur causa propter quam datur beneficium, ratio postulat, ut à beneficiario id auferatur. Nec dissimilis est clericus ab Ecclesia sua absens, militiæ desertori. Quare & cingulum honoris sui eum amittere, & pro ea desertione castigari debere constitutum est. *can. placuit. 21. quest. 2. c. pervenit. 7. quest. 1.* Incidunt tamen causæ interdum propter quas excusatione dignus sit clericus, & ab episcopo suo veniam impetrare debeat. *capit. cum ad hoc. de cler. non resid. c. licet canon. de elect. in 6.* Citra causam verò legitimam non licet episcopo veniam assiduitatis concedere, quamvis Romanus pontifex, quem nullæ leges tenent, id faciat. Et hac ratione antistites *imaginary* tantum (quod ad curam onusque attinet) & *codicillares* fiunt, cuiusmodi pontifices ac sacerdotes Alexandrum imperatorem creasse Lampridius scribit. Ex quo veluti fonte mala innumerabilia, atque incommoda in Ecclesiam universam quotidie manant, quæ sine horrore maximo referre non possumus. Quid enim indignius est, quàm sacris eos stipendiis frui, qui venialibus diplomatibus, ne dicam vœnalibus, subnixi, de regendis ecclesiis ne cogitant quidem unquam, ut apertè canones omnes

illudere, & contemptui habere videantur? Nemo etenim est, qui nesciat eos beneficia redditusque ecclesiasticos locare, & majus pretium offerentibus addicere consuevisse, non aliter ac quosvis patresfamilias prædia sua, nihil pensi habentes quàm idoneus ad functionem sacram spiritalemque hic redemptor sit, in quem omne onus quod subire eos oportebat, rejiciunt. Atque ita hæc geruntur, ut quamvis publicè nota sint hoc sæculo, ficta tamen magis quàm facta olim posteritas fortassis exultimatura sit. Nihil de fructuum dilapidatione hinc dicam, quos pauperibus distribui veteres canones jubent. Non enim in tantis vitiis hæc scrupulosius excutere animus est: ac per me licet, ut omnem proventum jactent, profundant, dissipent: De doctrina sanè divina, cujus misera plebs mirum in modum famelica est, ab ipsis omnino deserta conquerimur: Illud enim accidit hoc tempore, quod vates futurum prædixerat, *Amos* 8. Emittam famem in terram: non famem panis, neque sitim aquæ, sed audiendi verbum Domini: & commovebuntur à mari usque ad mare, & ab Aquilone ad Orientem circuibunt, quærentes verbum Domini & non invenient. Et sanè dubium non est, quin hæc pastorum ignavia, errorum omnium & hæreseon, quibus hodiè concutitur orbis, magna

magna ex parte fons & origo sit. Nec mirum est gregem perire, qui pastore destitutus, luporum insidiis quotidie expositus est: Vagos enim quosdam circumforaneos ac mercenarios concionatores in numero pastorum non pono, quos longè latèque à pastoribus differre sacris literis edocemur. De his pastoribus vaticinatur Ezechiel. *cap. 34.* & ita eos depingit, ut in eo vaticinio nostri sæculi mores velut in speculo quodam intueamur: verba ejus hæc sunt: Væ pastoribus Israël qui pascebant semetipsos. Nonne greges à pastoribus pascuntur? Lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit, non consolidaſtis: quod ægrotum, non sanastis: & quod confractum est, non alligastis: & quod abjectum est, non reduxistis, & quod perierat, non quæſistis: & cum austeritate imperabatis eis & cum potentia. Et dispersæ sunt oves meæ, eò quòd non esset pastor: & factæ sunt in devorationem omnium bestiarum agri. Erraverunt greges mei in cunctis montibus, & in universo colle excelsò, & non erat qui requireret, non erat, inquam, qui requireret. Propterea pastores audite verbum Domini. Vivo ego, dicit Dominus DEVS, quia pro eo quòd facti sunt greges mei in rapinam, &

oves meæ in devorationem omnium bestiarum agri, eò quòd non esset pastor, ecce ego ipse super pastores requiram gregem meum de manu eorum, & cessare eos faciam, ut ultrà non pascant gregem, nec pascant amplius pastores semetipsos, & liberabo gregem meum de ore eorum, & non erit ultrà eis in escam, &c. Proinde hac radice non excisa, aut ego vehementer fallor, aut vix ullæ flammæ his malis finem allaturæ sunt. Celebratur veteris cujusdam philosophi dictum, *homines non pallio, sed auribus trahendos esse*. Quod vel maximè hîc locum habere semper arbitratum sum. Sed jam satis aut fortè nimium querelis datum est.

CAP. VI.

De

*Criminibus, propter quæ
beneficia amittuntur.*

OB crimen aliquando beneficium amittitur: idque contingit vel quia ipso jure vacat, vel quia deponitur beneficiarius causa cognita, & beneficio suo privatur. Exemplis hoc dilucidius fiet, quæ sequuntur.

I. Am-

I. Ambitus Simoniaci reus quibusdam pontificiis constitutionibus deponi jubetur. *cap. de hoc. cap. insinuatum. de simo.* Quæ constitutiones iudicium ac sententiam requirunt, qua beneficiario adimatur beneficium, nec ante eam sententiam vacare dicitur: sed Paulus secundus atrocitate criminis, quod in dies magis magisque invalescebat, commotus, decrevit ut pœnas omnes legitimas statim incurrat is, qui hoc flagitium admiserit, non expectata iudicis sententia. *extra. c. cùm detestabile. de simo.* Ac mihi quidem videtur generaliter accipienda constitutio, siue datum aliquid pro ordinatione, siue promissum fuerit, cùm hæc paria sint. Nec aliter sensit Paulus, si quis commodè & absque cavillatione verba constitutionis interpreteretur. Sunt tamen qui contendant de datione tantùm, non etiam de promissione intelligendam esse constitutionem. *Cassado. decis. 5. Gomes. in reg. can. de trien. poss.* quorum levissimas, nisi fallor, rationes hîc referre operæ pretium non duxi. Unum hîc notandum est, de beneficio nos hîc non loqui, quod quis per ambitum adeptus est, cùm satis constet collationem huiusmodi nullam esse, idque suprà annotavimus. Nostra enim disputatio ad alia beneficia pertinet, legitimè acquisita, quæ nihilominus propter ambitum amittuntur. Sed quæstio est, an istius

pœnæ Episcopus gratiam facere possit, de qua quid alii scripserint, si lubet videto *Pan. in c. de simoniacis. de simon.*

II. Ob incontinentiam adimitur clerico beneficium, ut puta si focariam sive concubinam habeat, nec eam ritè monitus à se dimittere velit. *c. sicut. c. si autem. de cohab. cler.* Nam etsi legibus Romanis permissus sit concubinatus: tamen jure pontificio clericis interdictus est. *tit. de concub.* Acut omnis vitetur suspicio, nullam eis mulierem, exceptis quibusdam, domi suæ habere licet. *l. eum qui. C. de episc. & cler.* Olim monachi ac sacerdotes fœminas apud se retinebant, quæ nec eorum uxores erant, nec concubinæ, sed comites & sociæ cœlibatus, easque Græci *συνοικίσσας*, interpretes vulgò *subintroductas* vocant. Sed & fœminæ quoque viros sibi contubernales hoc modo adsciscebant. Verùm Nicæna synodus propter stupri suspicionem hoc contubernii genus improbavit. *canon. 3. c. interdixit. 32. dist.* Cujus meminerunt Justinianus *Novel. 123.* & Eusebius *lib. 7. histor. eccles.* De his loquitur Chrysost. in sermone quodam, *οὗτος οὗ ἐχονίας συνοικίσσας*, & Gregorius in quibusdam locis, quæ à Budæo in commentariis Græcæ linguæ referuntur. Quod dictum est de concubinato, id multo magis in mascula venere locum habet, *c. ut clericorum. de vi-*

ta & honestate cleric. c. clerici. de excess. praelati.

III. Perjurium iusta causa est propter quam beneficium clerico auferatur. Ac tamen si quidam existiment, eum qui pejerat continuò beneficium suum amittere, tamen receptius est depositionem privationemque hinc necessariam esse. *c. querelam. de iurejur. c. pervenit. de fideiussorib.*

IV. Cædis sive homicidii convictus, beneficio suo privatur per sententiam iudicis, nec illud ipso jure amittit. *c. i. de cler. pugn. in duel. c. ultim. de homicid. in 6. c. ex literis. de excess. praelat.*

V. Ob crimen perduellionis vacant ipso jure beneficia absque ulla privatione sive depositione. *cap. felix. de pœnis. in 6. Eademque videtur causa hæreticæ impietatis. c. ad abolendam. de hæret. can. cum secundum. de hæret. in 6. Nec ulla declaratio necessaria est ante collationem beneficii, ut Joan. Andr. scribit. glo. cap. commissa. de cleric. in 6. quanquam ab eo dissentiant nonnulli. Felin. in c. cum non ab homine. de judic.*

VI. Præter ea crimina quæ jam recensuimus, generaliter dicendum est, si quid gravius admiserit beneficiarius, aut si quæ nota infamiæ eidem iniusta sit, eum beneficio privandum esse. non enim omnia crimina comprehenduntur certa definitione: sed prudentis iudicis est, in iis quæ similia

expressis videntur eandem regulam sequi. Quæ in re Panor. *c. at si clerici. de jud. admo-*net, priscorum canonum severitatem usquequaque hîc spectandam non esse, propterea quod hujus sæculi homines cum priscis illis conferri non possint, siue statutam & vires corporis, siue mores & ingenium respicias. *c. fraternitates. 34. dist.* Juxta illud Satyrici poetæ.

*Terra malos homines nunc educat atq;
pusillos.*

Quo nomine etiam Homerus crebro admodum conqueritur, vel Plinio authore. Quod autem de infamia diximus, de ea accipiendum est, quæ jure ac legibus irrogatur, non de ea quæ ex hominum opinione proficiscitur. *Panormitan. in cap. per inquisitionem. de electionib.* Præterea ob juris infamiam ipso jure non vacat beneficium: sed privatione ac depositione opus est. *not. in cap. querela. de jurejurand.* quamvis in muneribus dignitatibusque prophanis & civilibus aliud constitutum sit. *l. 2. §. miles. de his qui not. infam. l. divus. de injur. l. infamia. C. de decurionib.* Eademque ratio munerum publicorum in Gallia (cùm perpetua sint non minus quàm beneficia ecclesiastica) esse videtur. Sunt & alii modi quibus vacant & amittuntur beneficia, cujusmodi est professio monastica.

c. be-

*c. beneficium. de regulis. in 6. matrimonium
 verbis in præsens tempus conceptis con-
 tractum. c. 1. de cler. conjug. & ordinatio si-
 ve initiatio neglecta ab eo qui beneficium
 curationi animorum conjunctum adeptus
 est. cap. licet canon. c. commissa. de electionib.
 in 6. Sed hæc partim ex superioribus li-
 bris hujus tractatus, partim ex aliorum
 scriptis cognosci possunt. Staphil. tracta. de
 lite grat.*



FRANCISCVS DVARENVS
 SEBAST. ALBASPINEO
 Regis Christianissimi legato.

IN *juris pontificij Commen-
 tariis, quos superiore anno, cum unà
 essemus, conscripsi, mentio facta est à
 me libelli, quem clarissimus Senatus
 Parisiensis quondam pro defendenda li-
 bertate Ecclesie Gallica adversus Roma-
 nam aulam ad Ludovicum undecimum
 regem nostrum misit. Et quia ejus libri
 lectio ad confirmationem eorum, quæ à no-
 bis de potestate regis circa ministeria Ec-
 clesie ibidem tractata sunt, non parum*

conducere visa est, feci non invitatus, ut
 cum è Gallico in Latinum sermonem à no-
 bis conversum simul cum ipso tractatu
 nostro imprimendum curarem. Hujus
 autem defensionis argumentum ex lib. 5.
 ejusdem tractatus, cap. II. petendum est.
 Quam cum leges, nudam, simplicem ac
 rudem rerum maximarum descriptio-
 nem eâ contineri cogitabis, ad quas illu-
 strandas & amplificandas excellentis
 oratoris stylo opus esset. Est enim causa
 hujusmodi, ut vix alia gravior unquam
 reperiri queat, aut accurata copiosaque
 oratione hominis alicujus eruditi, & Rei-
 publicæ patriæque miserabiliter vexatæ
 amantis dignior. Verum existimavit
 amplissimus ordo, orationis commenta-
 rium paulo plenius, quod capita & sum-
 mas rerum complecteretur, tum sufficere,
 legatis omnia copiosius atque uberius, si
 ita regi videretur, exposituris. Hunc
 verò libellum, tu, ut majoris illius operis
 appendicem, quod tuo fratrumque tuo-
 rum consilio, Illustriss. Duci Biturigum
 Margaritæ dicatum potius quàm tibi
 fuit, nunc à me accipies, diuturnum ut
 spero, necessitudinis, quæ mihi tecum
 jam

*jam diu instituta est, monumentum.
Vale Avarici Biturig. Pridie Id. Maij*

1551.

PRO LIBERTATE ECCLE-
SIÆ GALLICÆ ADVERSVS
Romanam aulam defensio Parisiensis
Curiae Ludovico undecimo Gal-
lorum Regi quondam
oblata.

1463.

CUM Rex majora gravioraque regni
negotia maturè & cum magna deli-
beratione tractare cupiens, nuper
mandaverit curiæ Parlamenti, ut si quæ
sint justæ conquerendi causæ ob pragma-
ticæ, quæ dicitur, sanctionis, & quarun-
dam ipsius constitutionum eidem sanctio-
ni consentanearum abrogationem, curia
eum admoneat, & certiores faciat: visum
est curiæ hujusmodi querimoniarum cau-
sas simul cum idoneis quibusdam reme-
diis hîc colligere, ita ut Rex in obedientia
quam verè Catholicus & Christianissimus
rex sanctæ sedi Apostolicæ debet, perpe-
tuò maneat. Ad hæc autem exponenda
regi & ejus consilio, sicuti ipse mandavit,
curia Joannem Loselier, & Joannem Hen-
ry consiliarios, & inquisitionibus, ut vo-
cant, præsidentes delegavit.

Deli-

Deliberationis capita.

IMprimis igitur ut ea incommoda facilius cognoscantur, constat fidem catholicam, ex quo primum in regno Franciæ instituta est, ac præsertim à Clodovei Christianorum regum primi temporibus, magis quàm in ullo alio Christiani orbis regno nullo errore contaminatam floruisse. Ac ob insignem regum pietatem, & ferventissimum erga religionem affectum ac in tuendo servandoque diligentiam, & DEI exaltatum nomen, & auctus cultus, & Ecclesiæ libertas conservata fuit. Ea siquidem fuit regum in Ecclesiam DEI affectio & propensa voluntas, ut ingentes opes tam in ædium sacrarum extructionem, quàm foundationem & dotationem ecclesiarum liberalissimè, sumptuosè, & magnificè impenderent: Nec minus fuit eorum studium in tuenda & propugnanda Ecclesia. Quo nomine excellentem illum & illustrem Christianis. titulum & nomen hæreditarium sibi pepererunt.

II. Nullum est in Christiano orbe regnum, in quo tot clarissima cœnobia & Ecclesiæ visantur: nusquam Ecclesiarum & cœnobiorum tam sumptuosa ædificia, tam immensi redditus ac proventus, tam numerosa personarum ecclesiasticarum multitudo: idque ex regum ac principum

munificentia & liberalitate, partim etiam ex pii religiosique populi erogationibus ortum est.

III. Rex idemque summus ac supremus noster dominus, qui præcipuus est fundator, tutor, custos, defensor & vindex earum ecclesiarum, cum libertas earundem violatur, jus habet convocandi antistites, & alias hujusmodi ecclesiasticas personas ditionis suæ, ut eorum inceptis & conatibus obviam eatur, qui contra eam libertatem aliquid moliri ausi fuerint. Soletque talis conventus *Ecclesiæ Gallicanæ congregatio* appellari.

IV. In his conventibus olim auctoritate regia indictis, multa præclare constituta extant, eaque non sine gravi cum regii sanguinis procerum, tum ecclesiastici ordinis hominum, & aliorum regni subditorum, ac popularium deliberatione, ut occurreretur vexationibus, molestiis & injuriis, quæ ipsis à curia Romana cum máximo totius regni damno & pernicie inferebantur. Earumque constitutionum magna fuit autoritas ante hæc tempora, ac in eis observandis summa cura diligentiaque adhibita est.

V. Inter cæteras constitutiones una est D. Ludovici promulgata anno 1267. ut Prælaturis & dignitatibus *electivis* per electionem provideatur. Beneficiis verò

non electivis per collationem & præsentationem collatorum & patronorum : nec ullam eo nomine pecuniam imponere aut exigere posset curia Romana in hoc regno. Quæ omnia & alia pleraque ex lectione constitutionum à D. Ludovico editarum plenius cognosci poterunt : cujus viri nomen quàm celebre sit ubique terrarum nemo est qui ignoret.

VI. His constitutionibus diu observatis, cùm curia Romana procedente tempore multa adversus eam, de qua diximus, Ecclesiæ Gallicæ libertatem moliretur, Carolus VI. rex adhibitis in consilium proceribus, antistitibus, cœnobiarchis, collegiis, universitatibus, & aliis plerisque tam regni quàm Delphinatus hominibus, anno 1406. constitutionem edidit, quâ Ecclesiam Gallicam in antiquam libertatem suam asseruit. Fuitque publicata de more, & perscripta in actis curiæ Parlamenti, anno 1407.

VII. Eodem anno 1407. cum Benedictus pontifex Romanus ejusque administri, satellites ac procuratores magnam pecuniæ vim imperarent ac exigèrent, antistites hujus regni apud Regem eo nomine conquesti sunt : fuitque res agitata in curia Parlamenti : Ac in ea disputatione memorabilis sanè & gravis fuit à scholastico conventu Parisiensi habita oratio die octa-

va Novembris, quâ postulabant, ut Rex eas exactiones prohiberet. Idem à generali regis cognitore seu procuratore postulatum fuit : & hoc amplius, ut exacta ob eam causam pecunia restitueretur.

II X. Hæc exposita petitaque fuerunt tam à scholastico conventu, quàm à regio procuratore præsentibus cameræ, ut vocant, Apostolicæ officiariis, qui tum quicquid visum sibi fuit narraverunt, & in medium adduxerunt.

IX. Auditis omnibus, quorum intererat, & iudicibus in consilium missis, tandem decrevit Curia, ne *annatarum*, quæ dicuntur, nomine, aut *decimarum* quicquam à Romano Pontifice exigeretur, & obeam causam excommunicati absolverentur. Quæ omnia cum plerisque aliis eodem pertinentibus in ipso Senatus decreto plenius describuntur, quod pronunciatum fuit anno 1407. II. die Septembris.

X. Non ita multò post edictum promulgavit rex, quò decretum Senatus confirmatum est : fuitque publicatum in Curia 15. Maji, 1408.

XI. Anno 1418. mense Martio de sententia & consilio antistitum & personarum ecclesiasticarum regni ad tuendam Ecclesiæ libertatem, facta fuit constitutio, qua *reservationes* omnes & *gratie apostolicæ* unà cum *exactionibus curiæ Romanæ* interdictæ fuerunt.

XII.

XII. Eodem anno cùm niterentur aliqui diplomata regia impetrare, quibus ea constitutio revocaretur, regius cognitor in Curia Parlamenti intercessit, & contradixit.

XIII. Ex his perspicuum est, tam regem & proceres regni, quàm ecclesiastici ordinis homines, præterea regum procuratorem, & regis consiliarios in Curia Parlamenti eò semper spectasse, ut libertatem Ecclesiæ Gallicæ sartam tectam conservarent, ab eaque omnem arcerent injuriam.

XIV. Cùm in sacrosanctis synodis Constantiensi & Basiliensi multa decreta essent, tum veteribus canonibus, tum iis de quibus jam diximus, constitutionibus regiis valde consona: Carolus septimus rex præfente Rege, qui tùm *Delphinus* nominabatur, proceribus etiam regii sanguinis, antistitibus, collegiis, tum ecclesiasticis, tum scholasticis præsentibus, præterea auditis oratoribus tam Pontificis Romani, quàm sacrosanctæ synodi universalis, tandem ea decreta accepit & edicto suo confirmavit, quod vulgò *pragmaticam sanctionem* appellamus. Gestaque hæc sunt in civitate Biturigum, anno 1438.

XV. Hæc igitur sanctio eò majoris auctoritatis semper habita est, quòd à sacrosanctis conciliis, quibus præerat pontifex Romanus, aut legatus ejusdem, ortum ha-

bus-

buerit. Nulla enim de iis rebus unquam fuerat lex in Francia ante id tempus lata, quæ ab Ecclesia universali auctoritatem & vires haberet.

XVI. Ex eo tempore regnum ipsum prosperiore semper fortuna, DEI benignitate, usum est, & in maiore quàm unquam antehac auctoritate & gloria, ac etiam rerum omnium copia & abundantia fuit. Quanto autem fuerit hostibus terrori, Aquitania & Normania testantur, ex quibus locis expulsi dejectique sunt.

XVII. Ejus sanctionis observatio ad tres & viginti annos stetit, agiturque nunc quadriennium, ex quo ea in usu esse desuit. Ac interim præfecti sunt ecclesiis, easque sine molestia & interpellatione rexerunt eximie probitatis gravitatisque viri: quorum aliqui ob singularem vitæ sanctimoniam jam fato functi miraculis claruerunt, ut Michaël Andegavensis episcopus, archiepiscopus Arelatensis, & alii quamplurimi.

XVIII. Ex horum canonum, decretorum, constitutionum abrogatione innumerabilia nascuntur incommoda, quæ ad quatuor genera posse referri videntur. Primum est, *totius ordinis ecclesiastici confusio*: Secundum est, *patriæ desolatio ac desertio*: Tertium est, *pecuniarum regni exinanitio*: Quartum est, *ecclesiarum ruina & subversio*.

XIX. Ante omnia protestatur Curia se nolle sanctitati, dignitati, honori & auctoritati pontificis ac sanctæ sedis apostolicæ quicquam detrahere: quin potius omnem honorem, reverentiam & obedientiam, quam unusquisque pius & fidelis summo Ecclesiæ pastori debet, exhibere parata est, & si quid emendatione dignum acciderit, Ecclesiæ determinationi, quæ errare non potest, subicere se non recusat. *c. à recta. 24. q. 1.*

XX. Quod ad primum genus incommodi attinet, satis constat, si electionibus & collationibus ordinariorum sublatis, *reservationes & gratia expectativa* locum habeant, si judicia & lites *in prima instantia* ad curiam Romanam devolvantur, mirabilem inde confusionem exorituram esse: Totus enim ordo Ecclesiasticus confunditur, cum sua unicuique jurisdictio non servatur. *II. quest. I. cap. pervenit.*

XXI. Ut hæc confusio perturbatioque rerum vitetur, & quod suum est, cuique relinquatur, decretum fuit in jam dictis conciliis, & à rege constitutum, ut collegia ecclesiastica & canonica, pastorem Ecclesiæ eligant, præsentent patroni, & ordinarii conferant, & de causis, nisi sint majores, *in prima instantia* cognoscant.

XXII. Dubitandum non est, quin rex, qui præcipuus est fundator, tutor, custos,

& propugnator ecclesiarum sui regni, non solum jure possit, sed etiam debeat dare operam, & curare, ut decreta & constitutiones, quibus haud dubie propulsantur ea quæ diximus incommoda, diligenter & bona fide observentur. Ac si ob earum constitutionum vel abrogationem vel contemptum in hæc mala & calamitates inciderent regis subditi, jure optimo ipsius opem implorare possent.

XXIII. Quòd autem electio pastorum ad collegia ecclesiastica pertineat, eoque jure possint uti absque Romanæ sedis offensa, ex eo apparet, quòd cum episcopus Ecclesiæ sponsus sit, & matrimonium quoddam spiritale inter seipsum & Ecclesiam contrahatur, necessario consensus Ecclesiæ intervenire debet.

XXIV. Dubium non est quin collegia ipsa, quibus notiores sunt personæ, idoneos pastores ad regendam Ecclesiam multò facilius eligere possint, quàm si in aula Romana promoverentur.

XXV. Postquam perfecta absolutaque est electio, proponuntur programmata, in vitam & mores electi inquiritur, & antequam confirmetur electio, quisquis intercedere voluerit, admittitur. Unde satis liquet, melius probari & explorari eum, qui eligitur à collegio Ecclesiæ, quàm si

in Romana aula, ubi cognita non sunt ejus merita, promoveretur.

XXVI. Cùm episcopus solenniter à collegio eligitur, confirmaturque servatâ programmatum & inquisitionum forma, eò certè major est populi de eo existimatio, magisque eum venerantur, observant & diligunt populares, quàm si ipsis invitis obtrudatur. Ideoque doctrina ejus longè fructuosior est, & ad ædificandum multò efficacior.

XXVII. Hinc, tametsi Petrus Christi vicarius esset, & caput Ecclesiæ: tamen mortuo Juda, qui unus erat apostolorum, cæteri omnes pariter elegerunt, & fors cecidit super Mathiam, ut in *actis apostolorum* legitur.

XXVIII. Lucius pontifex Romanus, vir sanctus & martyr, qui Ecclesiæ Romanæ præfuit anno 154. ita decrevit: Nullus in Ecclesia ubi duo vel tres fuerint in congregatione, nisi eorum electione canonica presbyter eligatur. Si verò aliter quis Ecclesiam adeptus fuerit, eò quòd per cupiditatem illam acquisierit, atque contra canonicæ disciplinæ regulam egerit, expellatur. *cap. i. de elect. in Decretal.*

XXIX. Est & aliud Decretum Leonis sancti & confessoris in hæc verba: Nulla ratio sinit, ut inter episcopos habeantur, qui nec à clericis sunt electi, nec à plebe.

expe

expetiti, nec à comprovincialibus episcopis cum metropolitani iudicio consecrati.
c. nulla. 72. dist.

XXX. Canon Antiochen. concilii, quod congregatum fuit anno 340. sic habet: Servetur autem jus ecclesiasticum, id continens, non aliter oportere fieri, nisi cum synodo & iudicio episcoporum, & electione clericorum, qui post obitum quiescentis, potestatem habent, eum qui dignus extiterit eligendi & promovendi.
c. episcopo. 8. q. 1.

XXXI. Alius extat canon concilii Tolletani in hæc verba: Sed nec ille deinceps sacerdos erit, quem nec clerus, nec populus propriæ civitatis elegit, vel authoritas metropolitani vel comprovincialium sacerdotum assensus non exquisivit. *c. qui in aliquo. 51. dist.*

XXXII. Alius est canon concilii Constantinopolitani anni 867. cujus hæc verba sunt: Promotiones & consecrationes episcoporum, concordans prioribus conciliis, clericorum electione ac de certo episcoporum collegio, fieri hæc sancta Synodus universalis diffinit & statuit.

XXXIII. Concilio Lateranensi, quod ab Innocentio tertio Romæ coactum est anno 1205. ubi antistites 1336. adfuerunt, certa forma eligendi præscripta fuit: additumque est, ut negligentibus electoribus

post tres menses, omne jus & potestas providendi Ecclesiæ ad superiorem antistitem devolveretur. *c. quia propter. c. ne pro defectu. de elect.*

XXXIV. Prisci Reges cum ecclesias regni sui rectè constitui cuperent, hanc providendi ecclesiis rationem quæ *electio* dicitur, semper maximè probarunt, eamque modis omnibus retinere studuerunt, ut legitur apud Vincent. *Specul. histo. lib. 22. & 23.* de Clodoveo regum Franciæ Christianorum primo, qui anno 400. convocatis in civitate Aurelianensi permultis præsulibus & episcopis, in quibus sanctus Melonus erat, præcepit in præficiendis pastoribus ecclesiis antiquos canones servari ac retineri.

XXXV. Idem statuit imperator Leo in Cod. Justiniani, *tit. de episc. & cler.* cujus verba hæc sunt: Si quenquam vel in hac regia urbe, vel in cæteris provinciis, quæ toto orbe terrarum diffusæ sunt, ad episcopatus gradum DEO auctore provehi contigerit, puris hominum mentibus, nudâ electionis conscientia, syncero omnium iudicio proferatur, *l. si quenquam. Cod. de episco.*

XXXVI. Carolus Magnus *lib. 1. capitularium*, hæc quæ sequuntur constituit: Sacrorum canonum non ignari, ut DEI nomine sancta Ecclesia, suo liberius potia-

tur

tur honore, assensum ordini ecclesiastico præbemus, ut scilicet episcopi per electionem cleri & populi, secundum statuta canonum de propria diœcesi (remota personarum & munerum acceptione) ob vitæ meritum & sapientiæ donum eligantur, ut exemplo & verbo sibi subjectis usquequaque prodesse valeant. Quam constitutionem juris pontificii compositores inter sacros canones retulerunt, & quodammodo consecrarunt. *can. sacrorum. 63. distinctione.*

XXXVII. Philippus Deodatus sancti Ludovici avus, cum in suam & diadematis Francisci obedientiam velut divino quodam fato reduxisset Normaniam, Aquitaniam, comitatum Andegavensem, Pictavensem, Cœnomanensem, Turonensem & Pontinensem, ante profectionem ultramarinam, constituit, ut canonici ecclesiarum cathedralium, & monachi cœnobiorum eligendi facultatem haberent, & personas DEO gratas & ecclesiæ regnoque utiles eligerent.

XXXVIII. In plerisque monumentis antiquis reperitur, permultos fundatores ecclesiarum disertè & expressim statuisse, ut mortuis ecclesiarum præsulibus per electionem ipsis provideatur. Quas fundationes Romani pontifices postea confirmaverunt.

XXXIX. Ex quo primum orta est in orbe Ecclesia usque ad tempora sancti Ludovici, nusquam reperies pontifices Romanos in ecclesias & beneficia, quæ *electiva* dicuntur, ullum jus sibi vindicasse, aut eligere volentes ullatenus impediisse, quominus libertate electionis fruerentur: Quinimò constitutiones eorum extant memorabiles, ex quibus apparet curæ eis fuisse, ut rectè atque ordine electiones fierent. Cujus rei fidem faciunt, quæ in *Decreto Gratiani*, & in *libro Decretalium Gregorii* hac de re leguntur. Adde quòd in postulationibus quoq; ipsis ab eo jure tanquam alieno prorsus abstinabant: & infirmata postulatione remittebant ad eligentes negotium, ut denuò eligerent. *c. bona. depositul. pralato.* Tunc autem florebat Ecclesia, religio propagabatur, exaltabatur fides catholica, bonis & spiritalibus & temporalibus exuberabant ac circumfluebant omnia.

XL. Cùm tempore sancti Ludovici conarentur Romani libertatem electionum infringere, & iis malis, de quibus jam diximus, viam aperire: is se principem verè pium, Christianum & catholicum, custodemque & propugnatorem ecclesiarum sibi commissarum præbuit. Occurrit enim perniciosissimis conatibus & conciliis Romanorum, & ecclesias in libertatem vindicavit.

XLI. Ludovicus Hutinus anno 1315. hanc sancti Ludovici constitutionem & quandam aliam huic similem Philippi Pulchri, edicto suo confirmavit. Cui postea Joannis regis accessit alia confirmatio, anno 1351.

XLII. Post illud tempus, Romani summa ope nisi sunt electiones omnino subvertere, quorum inceptis reges Christianissimi, conventus solenniter indicentes, fortiter obstiterunt, eorumque conatus represserunt, ut antè dictum fuit. Nam sua non parum interesse existimabant, eligendi morem in regno suo retineri, & eò magis, quòd jure suo potestatem eligendi facere consueverant.

XLIII. Jus quod hìc sibi rex vindicat, relatum est in libros juris pontificii, quos Gratianus edidit: ubi dicitur, Hadrianum papam cum universa synodo, tradidisse Carolo regi jus & potestatem eligendi pontificem Romanum, sedem apostolicam ordinandi: item archiepiscopos & episcopos per singulas provincias ab eo investituram accipere diffinivit, ut nisi à rege laudetur & investiatur episcopus, à nemine consecratur. *c. Hadrianus. 63. dist.* Ac tametsi Ludovicus pius jus pontificem Romanum eligendi repudiasse dicatur, *c. ego Ludovicus. 63. dist.* semper tamen jus *investiturarum* retinuit, in cujus locum po-

stea successerunt *Regalia*, & jus aliud quo utitur rex, cùm vacante episcopatu eligendi potestatem facit.

XLIV. Cùm spretis omnibus, quarum jam memini, constitutionibus, Romani hierarchiam Ecclesiæ confundere ac perturbare non desinerent, & *reservationes* suas passim *gratiasque expectativas* in orbem spargerent, ingens Ecclesiæ deformatio inde secuta est. Ad extremum Ecclesia universalis in spiritu sancto legitimè congregata, per generalem reformationem capituli & membrorum reservationes omnes gratiasque expectativas sustulit, & veteres canones *de electionibus & collationibus* restituit. In qua generali reformatione illud disertè cautum exceptumque est, ut quicumque cujuscunque dignitatis, etiam papalis, obedire contumaciter contempserit, nisi resipuerit, condignæ pœnitentiæ subijciatur.

XLV. Quod ad minora beneficia attinet, quæ *collativa* dicuntur, obscurum non est, eorum conferendorum ac distribuendorum jus ad episcopos in sua quæque diocesi pertinere, *c. regenda. c. quicumq. c. noverint. 10. q. 1. & toto tit. de offic. ordin. in decretal.* Ac pontifex quidem Romanus cùm *gratias* tribuit *expectativas*, aut *mandata* quæ vocant *de providendo*, & ad episcopum aliquem ea mittit, his verbis concipi
diplo-

diploma solet: *Cujus collatio jure ordinario ad te spectat.* Proinde ea conferendi facultas nec eis adimi, nec minui ullo pacto absque injuria potest. Ad quam injuriam depellendam episcopi ad regem, ut tutorem defensoresque suum, meritò confugere possunt.

XLVI. Indignitatem hanc, ratio providendi ecclesiis, quam Romana curia excogitavit, vehementer auget, per *reservationes* nempe & *gratias expectativas*. Præbent enim occasionem captandæ mortis alienæ, quod cum ne ethnici quidem tolerabile judicarint, multò magis Christiani horreire & execrari debent. *c. nulla. de conc. praben.*

XLVII. Experientia vel sola docuit, postquam à pragmatica sanctione recessum est, quanquam gratiæ expectativæ confusionem pariant, partim ob earum multiplicationem, partim ob prærogativarum, ac derogationum clausulas & cavillationes, quæ in eis inseri consueverunt. Miras enim offundunt tenebras, & lites infinitas gignunt. Ac tametsi Pius qui novissimè diem suum obivit, statuisset, duo tantum diplomata in singulas collationes expedienda esse, tamen duodecim ac eo amplius non rarò conspiciuntur.

XLVIII. Ante ea decreta, quorum supra mentionem fecimus, tanta erat confusio,

442 DEFENSIO PARIS. CVRIÆ
fio, ut in diœcesi Andegauensi sexcentæ
gratiæ expectatiuæ in uno inventæ sint.
Nec minor in plerisque aliis locis extitit
numerus.

XLIX. Si eo tempore, quo istæ tot
gratiæ impetratæ fuerunt, decessisset pon-
tifex Romanus, irritæ omnes ac prorsus
inutiles redditæ fuissent, propterea quod
novi pontifices hujusmodi gratias statim
revocare solent. Itaque in singula diplo-
mata si viginti aureos computemus, id est,
quanti vulgò æstimantur, sumptus in eo-
rum impetrationem facti, comperiemus
jacturam hanc duodecim millium aureo-
rum esse.

L. Tempore etiam Martini, talis erat
in Ecclesia confusio: cujus tollendæ gra-
tia, decreta, de quibus jam diximus, con-
stitutionesque factæ fuerant. Verùm si-
mulatque ab eis recessum est, in pristinum
illud chaos denuò incidimus.

LI. Ratione caret penitus hæc provi-
dendi ratio, quia certo certius est, ordina-
rium, qui in loco ipso commoratur, & non
tantum novit qualis sit Ecclesia, sed qualis
sit etiam is de quo præficiendo agitur, me-
lius & utilius posse Ecclesiæ providere,
quàm in Romana Curia hujusmodi diplo-
matis provideri soleat.

LII. Si quis objiciat, ordinarios etiam
collatores plerunque homines non ido-
neos

neos ad gubernationem ecclesiarum promovere: huic respondendum est, si quid ea in re deliquerint, corrigi eos & puniri posse *juxta. c. grave. de praben.* At pontifex Romanus nemini subest, ut ipsemet de se testatur, nec potest quisquam ei dicere, *Cur ita facis?* Adhæc præficiuntur à pontifice Romano peregrini, non indigenæ, quorum ingenium & conditio moribus patriæ non convenit. Itaque dissidia hinc facile nascuntur cum gravissimo salutis animarum detrimento, & sacramentorum irreverentia.

LIII. Decreta, de quibus hîc loquimur, studiis ac literis maximè favent: quia jubent literatis ac graduatis beneficia conferri. Quòd si quæ in eis obscuritas insit, ea elucidari ita possunt cum aliquo Reipubl. bono, ut nihilominus illibata decretorum autoritas maneat.

LIV. Si ita regi videretur, posset ratio iniri, quâ stantibus decretis, facilius, expeditius ac minore sumptu regiis ministris consûleretur in distributionem beneficiorum, quàm per Curiam Romanam fiat: & eâdem opera scholasticis & literatis viris prospici posset, nempè certos menses pro tertia parte ipsis debita attribuendo. Quod rex defunctus facere cogitabat, & in animo habebat.

LV. Commodior atque utilior regi esset

set ordinaria eligendi ratio, cùm sit verisimile, hominem gravem & idoneum, quem ipse comendaverit eligentibus, acceptum eis fore, nec quemquam futurum qui honestæ regis voluntati non faciliè assentietur.

LVI. Si fortè quis dixerit alienum non esse, ut Romanus pontifex distributionem aliquorum beneficiorum habeat, quibus possit familiaribus suis & aliis gravissimis viris, quorum opera utitur in rebus arduis, consulere: Respondendum est, satis huic prospectum esse per ea synodorum decreta, de quibus hîc loquimur. Dimittuntur enim omnia beneficia, quorum reservatio in corpus juris includitur. Adhæc, ubi sunt decem beneficia, unum ad vitam, & duo, ubi quinquaginta, *juxta c. mandatum*. Qua ratione benè mereri de multis ei perquam facile est, nullam confusionem asserendo Ecclesiæ, nec sibi vindicando jura ordinariorum.

LVII. Quod ad judicia & lites attinet, perspicuum est eas coram ordinariis tractari debere: nec absque summa eorum injuria & totius populi gravi incommodo, si majores gravioresque causas excipias, aliter fieri potest. Quamobrem si decreta tollantur, quibus huic malo præclusa fuit via, justissima erit apud regem conquerendi causa.

LVIII.

LVIII. Sancti Petri exemplum, cujus successores sunt pontifices Romani, maxime eos movere debet, ut jurisdictionem ordinariam episcopis dimittant. Nam cum Hierosolymis quæstio de legis observatione exorta esset, Petro tum præsentem, Jacobus qui Hierosolymorum episcopus erat, sententiam de ea re pronunciavit. Ac ut Vincentius scribit *in Spec. histor. c. 9.* hæc quæstio ad alium nisi per appellationem transferri non poterat.

LIX. Absque his, de quibus loquimur, constitutionibus, nemini liceret tutò Ecclesiam aliquam aut beneficium obtinere. Argumento sunt ea quæ post abrogationem earum constitutionum Romana Curia hîc designavit: Non enim solum causarum ecclesiasticarum, sed etiam possessoriarum cognitionem, quæ regis est, sibi vindicare Romani cœperunt. Ac ne à regalibus quidem ipsis potuerunt abstinere: quorum cognitio ad regem & Curiam Parlamenti haud dubiè spectat. Idque perspectum est in plerisque negotiis, propter quæ regem admonuit consuluitque Curia, qui tum in finibus Aquitanie erat. Nec diu post ejus rei gratia constitutiones memorabiles edidit rex, quæ in Curia Parlamenti recitatæ, promulgatæ, & in actis perscriptæ sunt.

LX. Nec clericos modò & personas eccle-

446 DEFENSIO PARIS. CVRIÆ
ecclesiasticas vexabant his litibus Romani, sed etiam laicos profanosque homines. Nam exemplum succurrit tonsoris ante divi Dionysii ædem in urbe habitantis, qui cum Romæ agentem filium amisisset, mox pro ejusdem debito in Curiam Romanam pertractus est. Idemque Joanni Dargonges regio advocato accidit.

LXI. Alterum ex quatuor malorum generibus, quæ ex decretorum contemptu & abrogatione oriri diximus, est patriæ desolatio, quam depopulationem vulgò appellamus. Regis siquidem interest plurimum, desertum à populo & desolatum regnum non esse. *In multitudine populi dignitas regis, & in paucitate plebis, ignominia principis, Proverb. 14.*

LXII. Ante hæc decreta & constitutiones cum reservationes & gratiæ expectativæ in usu essent, & causæ in Romana Curia tractarentur, populares regni hujus certatim concurrebant Romam. Quorum alii cardinalibus & aulicis inserviebant: alii nullius hominis familiæ mancipati, sed aliqua spe vana illecti suam parentumque suorum substantiam absumebant: alii, & hi quidem plurimi, eo consilio Romam migrabant, ut cæteris hîc manentibus molestiam exhiberent, & ecclesias beneficiâque ab eis quo jure quâque injuriâ extorquerent. Nam experimento com-

per-

pertum est, maximam eorum partem qui hinc Romam proficiscebantur, sive ob itineris periculum & molestiam, sive ob pestem, quæ Romæ crebrò grassatur, statim mortem oppetere solitos fuisse. Qui verò ex his periculis incolumes evadebant, negotium facessabant senibus, valetudinariis, & aliis hujusmodi qui in ecclesiis suis & beneficiis erant assidui. Ac sæpènumero contingebat, ut miseri homines in Curiam Romanam citati, cum adversus istos calumniatores se defendere nequissent, præ tædio & mœrore vitam finire cogerentur.

LXIII. Plerique beneficiorum captatores parentum, & amicorum loculos exhauriebant omnino, tandemque ad summam inopiam, atque adeò mendicitatem redigebantur. Quæ res etiam plurimis mortem accelerare consueverat. Nec verò ulla spe alias tantas perferebant misérias, nisi ut plumbum fortè pro auro domum aliquando referrent. Accidebatque interdum ut hians corvus deluderetur, utque plumbum auro redemptum nihil planè aliud quàm plumbum esset. Cum enim diplomatibus suis plumbeis confiderent, interveniebat alius qui *annulationem* aliquam, sic enim vocant, ex insperato afferret. Ac interdum decem aut duodecim ad idem beneficium anhelantes & acce-

ptantes existebant. Ortâ verò lite inter eos, Romam denuò redeundum erat litigandi causa. Sic omnibus passim Romam confluentibus, regnum popularibus ac subditis miserabiliter destituebatur.

LXIV. Scholastici quoque conventus, quod longè deterius est, & universitates studiosorum desolatae ac desertæ ob eandem causam jacebant. Nec dubium est, quin contemptus decretorum & constitutionum, quæ à majoribus nostris relictae sunt, hæc omnia incommoda secum trahat.

LXV. Id adeò facile cognosci potest, vel ex eo, quòd cùm rumor increbuisse de pragmaticæ sanctionis abrogatione, necdum ea de re quicquam in Curia publicatum esset, maxima popularium multitudo Romam se contulit. Ex quo conjicere licet, quantus sit futurus Romam concursus, quanta regni desolatio, si confectam esse rem & authoritate Curiae confirmatam vulgò intellectum fuerit.

LXVI. Tertium incommodi genus ad pecunias spectat, quibus regnum exinanitur: nec ulla res pestilentior ac exitialis huic regno potest excogitari. Nam, ut philosophus inquit, nummus mensura est omnium rerum, & velut pro nobis fidejebet ac intercedit, quoties re aliqua indigemus. Bellorum nervi sunt nummi, nec
finc

sine iis regnum defendi ac propugnari potest. Imò ne jurisdictionem quidem ipsam, quâ maximè opus est in hoc regno, absque pecunia tueri licet.

LXVII. Si decreta & constitutiones jam dictæ antiquarentur, quæ annis decies centena millia aureorum, & eo amplius hinc Romam exportarentur. Nam si ingentem numerum episcopatum, archiepiscopatum, abbatiarum & aliorum beneficiorum, quæ in hoc regno sunt, consideremus, non difficile erit judicare infinitam pecuniæ vim hinc exituram esse in annatas & alia hujusmodi vectigalia, in gratias expectativas, in controversias & lites, in quas magna pecunia vel itineris & viatici nomine impendi solet. Nam nullum est tam exiguum ac tenue beneficium, nulla collatio, quæ gratis expectativis obnoxia non sit. Huc accedat, quòd duodecim interdum diplomata seu bullæ unius beneficii nomine impetrantur. Nec ullus est mediocris fortunæ homo, qui non juvandorum promovendorumque filiorum aut propinquorum causa pecuniam aliquam in harum grátiarum impetrationem velut in aleam quandam conferat ac conjiciat. Cujus consilii non alius plerunque exitus esse consuevit, quàm ut hic captator simul & rem, & filium seu propinquum amittat.

LXVIII. Cardinalibus Romanæ Ecclesiæ hoc in more positum est, ut omnes insigniores abbatias acceptent: ac ne abbatias quidem modò, sed alià etiam opimiora beneficia, ut ab ecclesiis parochialibus archidiano. non temperent. Hinc fit ut redditus eorum beneficiorum Romam perferantur, nec inde unquam redeant, quòd Papa Romanus eis decedentibus succedat.

LXIX. Annatæ præter exinanitionem pecuniarum aliud quoque incommodum non leve adferunt. Est enim inventa ratio, quâ bene nummati eruditis & probæ vitæ hominibus præferantur. Cui malo ac pesti obsistere ac mederi voluerunt imperatores, ut ex constitutione Leonis perspicitur: cujus hæc verba sunt: Nemo gradum sacerdoti venalitate pretii mercetur. quantum quisque meretur, non quantum dare sufficit, æstimetur. Profectò enim quis locus tutus, & quæ causa poterit esse excusata, si veneranda DEI templa pecuniis expugnentur? quem murum integritatis, aut vallum fidei providebimus, si auri sacra fames penetrabilia veneranda proserpat, denique quid cautum esse poterit aut securum, si sanctitas incorrupta corrumpatur? cesset altaribus imminere profanus ardor avaritiæ: & è sacris adytis repellatur piaculare flagitium.

Ita

Ita castus & humilis nostris temporibus eligatur episcopus, ut quocunque locorum pervenerit, omnia vitæ propriæ integritate purificet, non precio, sed precibus ordinetur antistes; tantum ab ambitu debet esse sepositus, ut quærat cogendus, rogatus recedat, invitatus effugiat: sola illi suffragetur necessitas excusandi: profectò enim indignus est sacerdotio, nisi fuerit ordinatus invitatus. Cùm sanè si quis hanc sanctam & venerandam antistitis sedem pecuniæ interventu subiisse, aut si quis ut alterum ordinaret, vel eligeret, aliquid accepisse detegitur: instar publici criminis & læsæ majestatis accusatione proposita, à gradu sacerdotii retrahatur: nec hoc solum deinceps honore privari, sed perpetuæ quoque infamiæ damnari decernimus: ut eos, quos par facinus coinquinat, & æquat, utrosque similis pœna comiteatur.

LXX. Est & aliud harum annatarum grave & exitiale malum; quia qui eas Romano pontifici pendunt & exsolvunt, in pœnam incurrunt, quæ adversus simoniaci ambitus reos statuta est, nec ullum jus in beneficium habent, quod hac ratione obtinuerunt. Id enim verbis decreti expressum est. Qua in re, quantum sit corruptelæ ac periculi, nemo non intelligit.

LXXI. Postquam labefactata est pra-

gmaticæ sanctionis & veterum decretorum authoritas, experientia nos docet, auro præsertim exhaustum hoc regnum esse. Nam antehac apud nummulariorum pontem nulla erat mensa, quæ non magnopere frequentaretur ab iis, qui pro auro minutio rem monetam exposcebant: ex eoque collybo multi quæstum faciebant. Nunc verò arte Romana sic exuctum est aurum ex popularium oculis, ut ærea tantum minuta que nobis moneta relicta sit, & nummulariis pontem dicatum, jam puerilium puparum & icuncularum fictores incolant.

LXXII. Ut speciatim ac sigillatim demonstremus quantopere hoc triennio pecunia regnum ex haustum sit, animadvertendum est, Pii pontificis tempore vacasse in hoc regno plusquam viginti archiepiscopatus & episcopatus. Nec dubium est, quin tam pro annuo illo vestigali, quod *annatam* vacamus, quam pro reliquo sumptu accessorio & extraordinario in singula diplomata seu bullas sena aureorum millia depensa numerataque sint. Quæ summa est centum & viginti millium aureorum.

LXXIII. Cœnobiarchiæ quoque sive abbatiæ ad sexaginta aut eo amplius vacaverunt in hoc regno. Quarum singulæ duobus millibus aureorum ut minimum
con-

constiterunt. Summa ergo est centum & viginti-millium aureorum.

LXXIV. Eodem tempore prioratus, decanatus, præposituræ, præceptoræ, & aliæ dignitates electivæ, quæ lituo insignitæ non sunt, plusquam ducentæ vacaverunt. Ac in singula hujusmodi beneficia aurei numerati sunt quingenti. Summa igitur centum est millium aureorum.

LXXV. Constat in hoc regno ut minimum centum millia paroeciarum esse, quæ inhabitentur & incolantur. Nec ulla est in qua eo tempore gratiam expectativam aliquis non impetraverit: in quarum singulas XXV. aurei impensi sunt, tam pro itineris sumptu, quàm diplomatum confectione, pro non obstantiis, prærogativis, annullationibus, & aliis specialibus clausulis, quæ gratiis adscribi consueverunt. Item pro executorio processu super eisdem gratiis facto. Summa hæc est, vicies quinque centena millia aureorum.

LXXVI. Etsi ingens esset pecuniarum exactio, earum rerum nomine, de quibus jam diximus, quo tempore jam dictæ constitutiones promulgatæ sunt, tamen ex quo convelli cœperunt, id est tempore Pii pontificis, & hoc etiam tempore altero, tanto major est & amplior hujusmodi exactio. Tunc enim annatæ solvebantur habita veteris taxationis ratione, eaque

ad dimidiam partem ejus taxationis redigebatur. Nunc verò annatæ taxationem & annum redditum excedunt, adeò ut plerunque videamus diplomata ab impetrantibus apud trapezitas dimitti, quòd redditu omni amplior summa exigatur, id quod in abbazia Bernayensi, & S. Pharonis Melden. accidisse comperimus.

LXXVII. Inficiari non potest Romanus pontifex, quin sublati reservationibus & gratiis expectativis, multo plus emolumenti ex hoc regno quàm ex duobus aliis totius orbis Christiani amplissimis & opulentissimis regnis auferat: ut puta pro añatis vacantium archiepiscopatum, episcopatum, abbatiarum, aliarumque dignitatum & beneficiorum electivorum, quæ imediatè ei subjecta sunt, quorum ingens est numerus: Pro devolutionibus aliorum præfulatuum & dignitatum; Pro beneficiorum præventionibus: Pro commendationibus & pensionibus: Pro beneficiis vacantibus in curia Romana: Pro dispensationibus ad duo, vel tria, vel quatuor beneficia incompatibilia: Pro gratia & facultate visitandi per procuratorem: Pro legitimationibus: Pro dispensationibus super defectu ætatis & defectu natalium: Pro re pœnitentiaria, quæ latissimè patet: Pro privilegiis: Pro exemptionibus: Pro altaribus portatilibus: Pro

Pro facultate eligendi confessorum : Pro gratiis, si neutri & perinde valere : Pro dispensationibus super vitiis corporis : Pro irregularitatibus : Pro contractu matrimonii in casu prohibito : Pro infractione votorum religionis & peregrinationis : Pro absolutione casuum papæ reservatorum : Pro protonotariatibus & promotionibus capellanorum : Pro indulgentiis, & aliis id genus. Ex quibus summa conficitur multo amplior, quàm ducentorum millium aureorum.

LXXIIX. Reditus episcopatum, abbatiarum, & aliorum hujusmodi beneficiorum, quos residentes & commorantes in curia Romana ad se perferri curant quotannis, excedunt summam centum millium aureorum.

LXXIX. Quartum genus incommodi est ecclesiarum ruina & destructio : quod cujusmodi sit facile ex superioribus articulis colligi potest. Nam beneficiariis absentibus, ut jam dictum est, pecunia quæ in instaurationem sacrorum locorum impendi deberet, aliò exportatur. Præsentes verò ac residentes annuo illo vestigali, quod pontifici Romano penditur solet, premuntur mirum in modum & onerantur, ut etiamsi velint, sumptibus in tutelam ecclesiarum necessariis sufficere non possint. Ex ea re duplex malum consequetur.

Nam & cultus divinus deferetur in perniciem animarum, & plebecula, quæ sub ecclesiastici ordinis hominibus vitam tolerare consuevit, præ summa egestate cedere patria & solum vertere cogetur.

LXXX. Commendationes, quæ jam dictis canonibus & decretis prohibitæ fuerant, nunc verò usitatæ sunt & quotidiana, quid aliud sunt quàm certissima omnium ecclesiarum everasio? Nam ex quo decreta illa pessum ierunt, vix ullum est paulò opimius nobiliusque beneficium, quod in hanc commendationis corruptellam non inciderit: velut in diœcesi Parisiensi clarissimum omnium cœnobiorum, quod vel regum Christianissimorum sepultura satis nobilitatur. Item cœnobium sancti Maglorii: sancti Martini: sancti Eligii, & alia quamplurima.

LXXXI. In provincia Rothomagensi nobilissima abbatia S. Ouen commendata est: Item mons S. Michaelis Iumieges, Montebourg, Fescamp, Lyre, Yve, S. Cather. Grammont. Ac beneficia etiam regularia, quod est indignius, hodie sine delectu commendationis titulo dantur.

LXXXII. In diœcesi Andegavensi abbatia S. Albi, S. Nicol. S. Georg. S. Floren. Ferriere, Bourget, Cunault, & alia pleraque beneficia hujusmodi. In aliis provinciis abbatia Cluniacen. Casad. Issor. Compend.

pend. Infula Bar. S. Bert. S. Joan. Laudun.
Vindoc. S. Joan. Angel. S. Sulpitii Biturig.
S. Vinc. Cœnoman. Cultura Cœnom.
S. Marti. Augustod. & alia beneficia innum-
merabilia.

LXXXIII. Harum commendationum
abusus quàm pestilens exitiosusque sit
huic regno, nemo satis eloqui potest.
Commendantur enim opulentiora & cla-
riora beneficia ut plurimum cardinalibus
Romanæ Ecclesiæ: atque hinc fit, ut ferè
vacent in curia Romana, eorumque distri-
butio pontificis Romani sit, nullaque ele-
ctio locum habeat. Et quia redditus ac
proventus eorum beneficiorum Romam
hinc exportantur: corruunt ædificia: di-
sciplina omnis monastica cessat: cultus di-
vinus friget & extinguitur. Sic ædificia
omnia tam lapidea quàm spiritalia dirui
funditus & everti videmus, adeò ut si
quis imposterum ea restituere & instaura-
re cupiat, vix, imò ne vix quidem un-
quam in pristinum statum reduci queant.
Nam ii sunt mores hujus seculi, proh do-
lor, ut perinde sit abbatem esse, ac profani
cujusvis prædii dominum esse. Nec ul-
lius oneris officiive gratia quis abbatiam
accipiat, nisi ut à colono quopiam aut re-
demptore sive conductore rationes exigat,
& reliqua si quæ sint auferat & consumat.

LXXXIV. Cùm Synodus Constantinensis tempore Martini Papæ, eos, de quibus jam diximus, canones edidit, non mediocris jam erat corruptio in Ecclesia. Sed longè profectò tolerabilior, quàm hoc tempore; ac singuli cardinales singulis abbatiis contenti erant, nec ullis hominibus aliis commendabantur abbatia. Hodie humilioribus, & in nulla dignitate positis, nec regulares abbatia modò, sed prioratus etiam conventuales S. Benedicti, atque adeò Hospitalia ipsa S. Antonii sæcularibus hominibus commendari cœperunt.

LXXXV. Hæc cùm ita se habeant, censet curia observationem canonum, Decretorum & constitutionum jam dictarum, regis culpæ aut inobedientiæ adscribi non posse, nec ulla obstringi eum religione, quominus ejus rei curam suscipiat. Quinimò gravi scelere, quod bona ejus venia dictum sit, sese obligare videretur, si contra eos canones aliquid admitteret; idque propter authoritatem & sanctitatem eorum, qui hos canones nobis reliquerunt, quique in magna tranquillitate, prosperitate & successu Ecclesiæ eisdem usi sunt. Ex quo genere est collegium apostolorum, Sacrosanctæ Synodi Antiochenensis, Carthaginensis, Constantinopolitanæ, Lateranensis, &c. Sancti patres ac Pontifices

fices, qui eos comprobaverunt & secuti
 sunt, Pius, Martinus, Leo confessor, Gre-
 gorius, & cæteri. Denique sanctissimi
 quique & Christianissimi reges, qui eos
 canones & ecclesiasticam disciplinam,
 quæ eis continetur, summopere amplexi
 sunt, & custodiendos eos diligenter cura-
 runt: ut Clodoveus, Carolus Magnus,
 Philippus Deodatus, S. Ludovicus, Phi-
 lippus Pulcher, Ludovicus Hutinus, Jo-
 annes, Carolus VI. Carolus VII. quorum
 temporibus prosperos ac fœlicissimos
 successus hæc monarchia
 habuit.

CON-



CONCORDATA

Inter

FRIDERICVM

Imper. Principesque Nationis Germaniæ, ac sedem Apostolicam.

Nicol. V.
A. 1447.

NICOLAUS Episcopus, servus servorum DEI, ad perpetuam rei memoriam. Ad sacram Petri sedem divina dispositione sublimati, singulis quæ pro universalis Ecclesiæ unione ac pace & tranquillitate profutura conspiciamus, Apostolicæ providentiæ sollicitudinem libenter intendimus, & ad sælicem illorum prosecutionem & consummationem, opem & operam impendimus efficaces. Nuper siquidem charissimus in Christo filius noster, FEDERICVS Romanorum Rex Illustris, & nonnulli alii dilecti filii, Ecclesiastici, & Seculares Principes inclytæ Nationis Germanicæ ex una; ac dilectus filius noster Joannes, sancti Angeli Diaconus Cardinalis, in partibus illis Apostolicæ sedis de latere Legatus, per nos
ad

ad dictas partes missus, sufficienti desuper à nobis & sede Apostolica, auctoritate suffultus, ex alia partibus, Romanæ Ecclesiæ & dictæ Nationis nominibus, pro ipsius Ecclesiæ unione, pace & tranquillitate inter Ecclesiam & Nationem prædictam perpetuò solidandis & conservandis, diversa rationabilia & utilia, ordinationes, & statuta, à partibus ipsis hinc inde approbata, laudata, conclusa, acceptata & concordata, fecerunt ac ediderunt: Nobisque humiliter supplicari fecerunt, ut illis præfirmiori eorum subsistentia robur Apostolicæ firmitatis adjicere, nec non auctoritatem potiozem, & decretum interponere dignaremur. Nos itaque, qui statuta, ordinationes, & Concordata prædicta, per nonnullos ex venerabilibus Fratribus nostris S.R.E. Cardinalibus, magnorum maturitatis, auctoritatis, & literaturæ Viros, diligentèr examinari & discuti fecimus, eaque rationabilia, & salubria tam Ecclesiæ quàm Nationi præfatæ fore comperimus, de dictorum, & aliorum venerabilium fratrum nostrorum prædictæ Ecclesiæ Cardinalium consilio & assensu, Apostolica auctoritate, & ex certa scientia approbamus, ratificamus, laudamus, & acceptamus, & præsentis scripti patrocinio communimus, juxta modum & formam subsequentes.

Placet
nobis

nobis super provisione Ecclesiarum, & beneficiorum ecclesiasticorum quorumcunque uti juris scripti reservatione, & ** c. 1. Ex- execrabilis, ** & ad regimen, *†* constitutum, modificatis, ut sequitur. Ad regimen Ecclesiæ generalis, quamquam immeriti, superna dispositione vocati, gerimus in nostris desideriis, ut debemus, quod per nostræ diligentiae studium ad quarumlibet Ecclesiarum & Monasteriorum regimina, ac alia beneficia ecclesiastica, juxta divinum beneplacitum, & nostræ intentionis affectum viri assumantur idonei, qui præsent, & prosint committendis eis Ecclesiis, Monasteriis, & beneficiis prælibatis. Præmissorum itaque consideratione inducti, & suadentibus nobis aliis rationabilibus causis nonnullorum prædecessorum nostrorum Romanorum Pontificum vestigiis inhaerentes, omnes Patriarchales, Archiepiscopales, Episcopales Ecclesias, & etiam Monasteria, Prioratus, Dignitates, Personatus, & Officia, nec non Canonicatus, Præbendas & Ecclesias, cæteraque beneficia ecclesiastica, cum cura, vel sine cura, sæcularia, & regularia, quæcunque, & qualiacunque fuerint, etiamsi ad illa personæ consueverint, seu debuerint, per electionem, seu quemvis alium modum assumi, nunc apud sedem Apostolicam quocunque modo va-

can-

cantia, & in posterum vacatura, nec non per depositionem, vel privationem, seu translationem per nos, seu auctoritate nostra factas, & inantea faciendas ubilibet: nec non ad quæ aliqui in concordia vel discordia electi seu postulati fuerint, quorum electio cassata, seu postulatio repulsa, vel per eos facta renunciatio, & admissa auctoritate nostra extiterit, seu quorum electorum, vel postulatorum & inantea eligendorum, vel postulandorum electionem cassari, seu postulationem repelli, aut renunciationem admitti per nos aut auctoritate nostra continget apud sedem prædictam, vel alibi ubicunque, & etiam per obitum Cardinalium ejusdem Ecclesiæ Romanæ, aut officialium dictæ sedis, quamdiu ipsa officia actualiter tenebunt (videlicet, Vicecancellarii, Camerarii, septem Notariorum, Auditoris literarum contradictarum, & Apostolici Palatii causarum Auditorum, Correctorum; centum & unius Scriptorum Literarum Apostolicarum, & viginti quatuor Pœnitentiariæ præfatæ sedis, viginti quinque Abbreviatorum, nec non verorum Commensalium nostrorum, & aliorum viginti quatuor Capellanorum Sedis ejusdem in epitaphio descriptorum) & etiam quorumcunque Legatorum, seu Collectorum, ac in terris Romanæ Ecclesiæ Rectorum, ac

Theſaurariorum deputatorum, ſeu miſſorum hætenus, vel deputandorum, aut mittendorum in poſterum, nunc vacantia, & inantea vacatura, ubicunque dictos Legatos, vel Collectores, ſeu Rectores, & Theſaurarios antequam ad Romanam Curiam redierint, ſeu venerint, rebus eximi contigerit ab humanis; nec non quorumlibet pro quibuſcunque negotiis ad Romanam curiam venientium, ſeu etiam recedentium ab eadem, ſi in locis à dicta curia ultra duas dietas legales non diſtantibus jam forſan obierint, vel eos inantea ab hac luce tranſire contigerit, & etiam ſimili modo quorumcunque Curialium peregrinationis, infirmitatis, ſeu recreationis, vel alia quacunque cauſa ad quævis loca ſecedentium, ſi eos antequam ad dictam curiam redierint in locis ultra duas dietas ab eadem Curia, ut præmittitur, non remotis (dummodo eorum proprium domicilium non exiſtat ibidem) jam forſan deceſſerint, vel in poſterum eos continget de medio ſubmoveri, etiam nunc per obitum huiusmodi vacantia, vel in poſterum vacatura: Rurſus Monasteria, Prioratus, Dignitates, Perſonatus, Decanatus, Adminiſtrationes, Officia, Canoniciatus, Præbendas & Eccleſias, cæteraque beneficia eccleſiaſtica, ſecularia & regularia, cum cura, vel ſine cura quæcunque &
qua-

qualiacunque fuerint, etiam si ad illa personæ consueverint, seu debuerint per electionem, seu quemvis alium modum assumi, quæ promoti per nos, seu auctoritate nostra, ad Patriarchaliū, Archiepiscopaliū, & Episcopaliū Ecclesiarum, nec non Monasteriorum regimina obtinebant tempore promotionum de ipsis factarum nunc quocunque modo vacantia, aut in posterum vacatura : Nec non etiam per assentionem pacificam quorumcunque Prioratum, Personatum, Officiorum, Canonicatum, Præbendarum, Ecclesiarum, aut beneficiorum aliorum per nos, seu auctoritate nostrarum literarum immediatè collatorum, seu conferendorum in posterum, præterquam si virtute gratiæ expectativæ assensio fiet, nunc vacantia, & inantea vacatura, plena super præmissis omnibus, & singulis cum Fratribus nostris collatione præhabita, & matura deliberatione secuta, Ordinationi, dispositioni, ac provisioni nostræ, de ipsorum fratrum consilio auctoritate Apostolica reservamus. Decernentes ex nunc irritum, & inane, si secus super præmissis, & quolibet eorum, per quoscunque, quavis auctoritate, scienter vel ignoranter contigerit attentari. Item placet nobis, quod in Metropolitana, & cathedralibus etiam immediatè

non subiectis Ecclesiis, & in Monasteriis immediate subiectis Sedi Apostolicæ, fiant electiones canonicæ, quæ ad dictam Sedem deferantur, quas etiam ad tempus constitutionis fœl. recor. Nicolai Papæ III. quæ incipit *Cupientes*, expectabimus, & elapso dicto tempore, si non præsentatæ, vel si præsentatæ minus canonicæ fuerint, providebimus, & si canonicæ fuerint, eas confirmabimus, nisi ex rationabili & evidenti causa, ac de dictorum fratrum consilio, de digniori & utiliori persona duxerimus providendum, proviso quod confirmati prædicti, & per nos provisî Metropolitani suis, & aliis præstent debita jura-menta, & alia ad quæ de jure tenentur. Et in monasteriis dictæ Sedi immediate non subiectis, & aliis regularibus beneficiis, super quibus pro confirmatione, vel provisione ad dictam Sedem non consuevit haberi recursus, electi, seu illi quibus providendum est, pro confirmatione & provisione hujusmodi ad Curiam Romanam venire non tenebuntur: Ipsaque Regularia beneficia sub expectativis gratiis non cadant. Ubi autem pro monasteriis ad dictam curiam venire seu mittere consueverint, non aliter confirmabimus, vel providebimus, quàm superius de Cathedralibus Ecclesiis est expressum. Et de monasteriis Monialium non disponemus, nisi
sint

sint exempta, & tunc per commissionem ad partes. De cæteris verò Dignitatibus, & beneficiis quibuscunque secularibus, & regularibus vacaturis ultra reservationes prædictas (majoribus dignitatibus post Pontificales in cathedralibus & principalibus in collegiatis Ecclesiis exceptis; de quibus jure ordinario providetur per illos inferiores, ad quos aliàs pertinet) placet etiam nobis, quod per quamcunque aliam reservationem, gratiam expectativam, aut quamvis aliam dispositionem, sub quacunque verborum forma, per nos, vel auctoritate nostra factam, vel faciendam, non impediamus nos, quominus de illis cum vacabunt de Februarii, Aprilis, Junii, Augusti, Octobris & Decembris mensibus, liberè disponatur per illos, ad quos eorum collatio, provisio, præsentatio, electio, seu quævis alia dispositio pertinebat, reservatione, aliave quavis dispositione, auctoritate nostra factis, vel faciendis, non obstantibus quibuscunque. Quotiens verò aliquo vacante beneficio in Januarii, Martii, Maji, Julii, Septembris & Novembris mensibus, specialiter dispositioni dictæ Sedis reservatis, non apparuerit intra tres menses à die notæ vacationis in loco beneficii, quod alicui de illo Apostolica auctoritate provisum fuerit, ex tunc, & non antea, Ordinarius, vel alius

ad quem illius dispositio pertinebit, de illo liberè disponere poterit. Et ad finem ut hæc Ordinatio collationum beneficiorum non reservatorum, per alternos menses possit per dictam Nationem publicari, & omnes, qui ea gaudere voluerint, tempus congruum habeant eam acceptandi, tunc quoad dictam Sedem à Cal. Junii, proximè futuris ipsa currere incipiet, & durabit deinceps, nisi in futuro Concilio de consensu dictæ Nationis aliter fuerit ordinatum.

Placet similiter nobis, quod circa provisionem dictæ Sedis ordinandam modus Annatarum hoc modo currat. De Ecclesiis Cathedralibus omnibus & monasteriis Virorum duntaxat vacantibus, & vacaturis solvantur de fructibus primi anni à die vacationis, Summæ pecuniarum in libris Cameræ Apostolicæ taxatæ, quæ communia servitia nuncupantur: Et si quæ excessivè taxatæ sint, re-taxentur, & quod provideatur in gravatis regionibus secundum qualitatem rerum, temporum, & regionum, ne nimium prægraventur: ad quod petentibus dabimus Commissarios in partibus, qui diligenter inquirent, & re-taxent. Taxæ autem prædictæ pro media parte infra annum à die habitæ possessionis pacificæ totius vel majoris partis, solvantur: & pro alia media parte infra annum sequentem:

Et

Et si infra annum bis, vel pluries vacaverint, semel tantum solvantur; nec debitum hujusmodi in successorem in Ecclesia vel Monasterio transeat. De cæteris verò Dignitatibus, Personatibus, Officiis, & beneficiis secularibus & regularibus quibuscunque, quæ authoritate dictæ Sedis conferuntur, vel de quibus providebitur (præterquam vigore gratiarum expectatarum, aut causa permutationis, solvantur Annatæ seu medii fructus juxta taxam solitam à tempore possessionis infra annum, & debitum hujusmodi similiter in successorem in beneficio non transeat. Sed de beneficiis, quæ valorem viginti quatuor florenorum auri de camera non excedunt, nihil solvatur: duretq; hæc observantia deinceps, nisi eam similiter in futuro Concilio, de ipsius Nationis consensu contingat immutari. In aliis autem, quæ per fœl. recor. Eugenium Papam IV. etiam prædecessorem nostrum, pro dicta Natione, usque ad tempus futuri generalis Concilii, permissa, concessa, indulta, & decreta, ac per nos confirmata fuerunt, in quantum illa Concordiæ præsentī non obviant, ista vice nihil volumus esse immutatum: Et per hoc, quod in Concordatis hujusmodi, sive quibusvis aliis eorum occasione conficiendis literis propter compendiosiores descriptionem, Alemania specialiter appellatur,

Natio ipsa cenſeri non debet à Germanica Natione diſtinſta, ſeu quomodolibet ſeparata.

Et præterea quia difficile foret, præſentes literas ad ſingula in quibus de eis forſitan fides facienda fuerit, loca deferri, eâdem Apoſtolica authoritate decernimus, quod ipſarum tranſſumpto, Metropolitanorum dictæ Nationis ſigillo munito, tanquam præſentibus, ſi exhiberentur, literis plena fides adhibeatur, & perinde ſtetur, ac ſi dictæ præſentes literæ forent exhibitæ, vel oſenſæ. Et inſuper quoque irritum, & inane, ſi ſecus ſuper his à quoquam quavis authoritate ſcienter, vel ignoranter contigerit attentari. Nulli ergo omnino hominum liceat hanc paginam noſtræ approbationis, ratificationis, laudationis, acceptationis, commutationis, reſervationis, conſtitutionis, & voluntatis, infringere, vel ei auſu temerario contraire. Si quis autem hoc attentare præſumpſerit, indignationem omnipotentis DEI, & beatorum Petri & Pauli Apoſtolorum ejus, ſe noverit incurſurum. Dat. Rômæ apud S. Petrum, anno Incarnationis Dominicæ Milieſimo, quadringenteſimo, quadreſimo octavo, Decimo quarto Calend. Aprilis. Pontif. noſtri Anno ſecundo.

Sumptum ex Registro Bullarum Nicolai Papæ V. lib. 2. Secretorum, fol. 203. & collat. concordat.

De

De

Prælati, & Principibus usurpantibus dispositiones beneficiorum Sedi Apostolicæ reservatorum, aut impediuntibus Sedi Apostol. provisiones, contra formam Concordatorum inter eandem Sedem Apost. & Nationem Germaniæ.

Constitutio

Clementis Papæ VII.

CLEMENS Episcopus, servus servorum DEI, ad futuram rei memoriam. Admonet nos incumbētis nobis pastoralis officii cura, ut non solum nobis, sed etiam cunctorum Christi fidelium, & præsertim ecclesiasticarum personarum profectibus diligenter intenti, illorum occurramus dispendiis, & quæ in cuiusque ipsorum præjudicium sive noxam quavis etiam autoritate prodiisse comperimus, salubriter reformemus. Sanè dudum ad nostram pervenit notitiam, qualiter nonnulli Archiepiscopi & Episcopi, ac Ecclesiarum Prælati, nonnulli etiam

Principes, & Domini temporales inclitæ Nationis Germanicæ, post miserabilem Urbis direptionem, collationes, & dispositiones beneficiorum ecclesiasticorum nobis, & Sedi Apost. etiam virtute CONCORDATORUM inter Sedem, & Nationem præfatas reservatorum temerè usurpare præsumpserunt, ac collationes, & dispositiones nostras, & dictæ Sedis de illis factas admittere contempserunt, nedum in nostrum, & ipsius Sedis vilipendium, sed etiam jurium nostrorum, & ejusdem Sedis, ac illorum quibus de ipsis beneficiis providimus aut in quorum favorem aliàs disposuimus, seu provideri, & disponi mandavimus, grave præjudicium. Et quamvis contra præsumptores, & contemptores hujusmodi in Bulla quæ quotannis in die Cœnæ Domini de more lecta fuit, declaravimus, & protestati fuimus, quod in præmissis, & aliis quibuscunque Juribus dictæ Sedi, & Sanctæ Rom. Ecclesiæ undecunque, & quomodocunque quæsitis, seu quærendis per quoscunque actus contrarios, aut quomodolibet præjudicantes, tacitos, vel expressos à nobis, vel ab eadem Sede quomodolibet factos, vel faciendos, aut quemcunque temporis fluxum, vel patientiam, vel tolerantiam nostram nobis aut eidem Sedi nullatenus præjudicari debere, aut quomodolibet

libet posse; tamen sicut, non sine animi nostri mœrore, intelleximus, nonnulli ex Archiepiscopis, Episcopis, Prælati, Principibus, & Dominis prædictis, adhuc à præmissis desistere non curarunt, nec de præsentī curant: quinimò quod deterius est, ne provisiones Apostolicæ admittantur, per sua mandata etiam pœnalia prohibere non verentur, in animarum suarum grave periculum, & aliorum Prælatorum ac Principum Catholicorum dictæ Nationis perniciosum exemplum, & scandalum plurimorum; Nos igitur qui à dictis **CONCORDATIS**, quæ olim Rom. Ecclesiæ, & dictæ Nationis hominibus, pro ipsius Eccle. unione, ac pace & tranquillitate inter Ecclesiam, & Nationem prædictas perpetuò solidandis & conservandis laudata, conclusa, & accepta fuerunt, nullatenus recedere intendimus, ne dicti præsumptores, & contemptores, aut per eos in dictis beneficiis intrusi ex huiusmodi temeraria præsumptione gloriari valeant, névé ipsi intrusi ex adulterinis eorum titulis aliquem fructum reportent, nec illis quibus de beneficiis prædictis per nos aut dictam Sedem seu ejus autoritate provi- sum extitit, & in futurum providebitur, per alicujus temporis fluxum, seu aliquam patientiam, vel tolerantiam præjudicium fiat, aut factum censeatur, ex pastoralis of-
ficii

ficii debito providere volentes, ac **CON-**
CORDATIS prædictis firmiter inhæren-
tes, Motu proprio, & ex nostra matura de-
liberatione, ac certa scientia, autoritate
Apostolica, de Apostolicæ potestatis plen-
titudine tenore præsentium declaramus
prætensas collationes, & alias dispositio-
nes de quibuscunque beneficiis ecclesiasti-
cis cum cura, & sine cura, nobis & dictæ
Sedi, ut præfertur reservatis, per Archie-
piscopos, Episcopos, Prælatos, ac secula-
res Principes, & Dominos quoscunque
dictæ Nationis seu ad eorum præsentatio-
nem, vel nominationem, etiam per Ordina-
rios ipsorum beneficiorum collatores à
tempore dictæ direptionis citra contra te-
norem, & formam dictorum **CONCOR-**
DATORUM quomodolibet factas, & in
posterum faciendas, personis quibus aut
in quarum favorem factæ sunt, aut in po-
sterum fient, nisi sint per nos, aut nostra,
vel dictæ Sedis auctoritate approbatæ,
nullum titulum, vel colorem ipsa benefi-
cia possidendi tribuisse, aut in futurum tri-
buere, sed, & illos pro malæ fidei possessoribus
& merè intrusis ab omnibus haberi,
& censeri, ac fructus per eos ex beneficiis
hujusmodi perceptos, & percipiendos,
nullo unquam tempore suos facere, sed ad
illorum restitutionem in utroque foro effi-
caciter obligatos esse, & ad illorum restitu-
tionem,

tionem, ad eorum quorum interest, seu etiam fisci nostri instantiam, omnibus viis Juris, & remediis compelli posse, & debere, & eos nullo unquam tempore beneficio Regularum de annali, & triennali pacifico possessore gaudere potuisse aut posse. Illis verò quibus eadem beneficia per nos, aut auctoritate nostra, vel dictæ Sedis, tenore & forma Concordatorum hujusmodi servatis, collata seu commendata sunt, aut in futurum conferentur, vel commendabuntur, nec non Ecclesiis, & locis ecclesiasticis ac collegiis, quibus perpetuò, vel ad tempus eadem auctoritate unita sunt, aut in posterum unientur, ac omnibus illis, qui in executione literarum Apostolicarum eis concessarum per constitutiones, seu mandata Archiepiscoporum, Episcoporum, Prælatorum, Principum, vel Dominorum prædictorum, hætenus quomodolibet impediti fuerunt, aut in posterum impediuntur, dictas Regulas, & quemcunque temporis fluxum seu patientiam, vel tolerantiam minimè obstarè debere, quominus contra dictos intrusos, & intrudendos quocunque tempore judicialiter experiri valeant. Decernentes sic per quoscunque Judices, & Commissarios quavis auctoritate fungentes, S. Rom. Ecclesiæ Cardinales, & Palatii Apostolici causarum Auditores sententiari, interpretari,

tari, & judicari debere, sublata eis, & eorum cuilibet quavis aliter sententiandi, interpretandi, & judicandi facultate, & potestate, ac irritum, & inane, si secus super iis ab eis, vel quibusvis aliis quavis auctoritate, scienter, vel ignoranter attentatum forsan & haftenus, aut in posterum contigerit attentari. *Non obstantibus regulis, & aliis præmissis, aliisque constitutionibus & ordinationibus Apostolicis, ceterisque contrariis quibuscumque.* Ut autem præmissa ad omnium notitiam deducantur, volumus, & mandamus præsentem in Cancellaria Apostolica more solito publicari, & in quinterno ejusdem Cancellariæ describi. Præterea quia difficile foret præsentem literas ad singula loca, in quibus de eis forsitan fides facienda foret, deferre, eadem Apostolica auctoritate decernimus, quod ipso- rum transumptis manu alicujus Notarii publici inde rogati subscriptis, & sigillo alicujus personæ ecclesiasticæ in dignitate constitutæ munitis, ea prorsus in judicio, & extra, & aliâ ubilibet fides indubitata adhibeatur, quæ præsentibus adhiberetur, si essent exhibitæ vel ostensæ. Nulli ergo omnino hominum liceat hanc paginam nostræ declarationis, decreti, & voluntatis, infringere, vel ei ausu temerario contraire. Si quis autem hoc attentare præsumperit, indignationem omnipoten-

tentis DEI, ac Beatorum Petri & Pauli Apostolorum ejus se noverit incursum. Datum Romæ apud S. Petrum, Anno Incarnationis Dominicæ, millesimo, quingentesimo, trigesimo quarto, Cal. Julii, Pontificatus nostri Anno undecimo.

Blosius

Leſta & publicata fuit in Cancellaria Apoſtolica, die 13. Julij. M D XXXIV.

Et ego Laertius vidi regiſt. in quinter. ejusdem Cancel. fol. 330.

DECLARATIO
GREGORII XIII.
super CONCORDATIS
Germaniæ.

A. 1570.

Quod ordinarij collatores prætextu literarum Nicolai Pape V. pro CONCORDIA Germaniæ, conferre non poſſunt beneficia eccleſiaſtica poſt tres meſes ex quo vacarunt, ſi de illis intra hoc tempus à Sede Apoſtolica proviſum eſt.

GREGORIUS Episcopus, servus servorum DEI, ad futuram rei memoriam. Quæ in Ecclesiam DEI incommoda inferunt, nostra nos expedit

pedit animadversione movere. Cum itaque per literas fœl. rec. Nicolai Papæ V. Nationi Germaniæ pro illius unitate & concordia cum Sede Apostolica inter alia concedatur, ut quoties aliquo vacante beneficio ecclesiastico, in mensibus Januarii, Martii, Maji, Julii, Septembris, & Novembris, in quibus vacantium Germaniæ beneficiorum ecclesiasticorum dispositio dictæ Sedi specialiter reservata est, non apparuerit intra tres menses à die notæ vacationis in loco beneficii, quod alicui de illo Apostolica auctoritate provisum fuerit, ex tunc, & non antea Ordinarius, vel aliud ad quem illius dispositio pertinet, de illo disponere possit, & sæpenumero contingat, ut antequam inquisitio, quam plerumque etiam in concursu plurium, sive in partibus, sive apud dictam Sedem fieri oportet, in vitam, mores, & doctrinam eorum, quibus de dictis beneficiis per Sedem eandem providendum est, compleri possit, aut antequam de ipsis provisionibus, seu de mandatis, quæ ad inquisitiones, & provisiones hujusmodi faciendas ab eadem Sede impetrantur, vel motu proprio procedunt, literæ Apostolicæ conficiantur, vel etiam antequam mandata ipsa à Judicibus, ad quos directa sunt, recipiantur, vel recepta expediantur, interdum quoque literis Apostolicis
expe-

expeditis, & gratia purificata, seu mandatis prædictis receptis, & inquisitione completa, antequam omnimoda executio perficiatur, propter diversa impedimenta, quæ frequenter succedunt, tempus trium mensium, ex quo vacatio beneficii in loco ipsius nota est, expiret, ac proinde Ordinarii locorum, aut alii ad quos talium beneficiorum dispositio, cessantibus Apostolicis reservationibus, pertinet, lapso tempore prædicto, licet priusquam illud laberetur, provisionis, sive alterius dispositionis de illis à dicta Sede jam gratia facta fuerit (quod ipsum ad tribuendum, & quærendum jus satis superque esse certa juris interpretatione frequenter declaratum est) illa tamen conferre contendant: Qua de causa multis religione & pietate insignibus, quando ii post ostensum virtutis, & doctrinæ suæ specimen, atque inde immensos labores, & sumtus, beneficiis potiri deberent, alii præoccupatores obtentu ordinariæ collationis huiusmodi contra adversantur: Nos indignum rati, quod temporis mora, quam ad perscrutandam accuratiùs talium probitatem, industriam, & alia requisita intercedere pro utilitate Ecclesiæ necesse est, locum injuriis aperiat, attendentesque verba prædicta (*in loco beneficii*) cum verbis (*notæ vacationis*) quæ protinus antecedunt

conjungi, & ad illa duntaxat referri, ac voluntatem concedentis, sensumque concessionis, & literarum prædictarum sic esse, ut dispositio beneficii intra tres menses à die notæ vacationis à Sede prædicta fieri deque gratia facta alicubi apparere debeat, quemadmodum re inter utriusque juris interpretes jam pridem controversa summa ratione judicatum apparet: vix enim est, ut itineribus non modò infestis, aut prohibitis, quod ferè semper aliquo contingit, sed etiam expeditis, quis ex tam longinquis regionibus ad dictam Sedem profectus, & in ea ad expediendum negotium, vel paulisper moratus, in eadem se recipere tanta temporis angustia possit. Quocirca æquitate, & justitia suadentibus, præsentium auctoritate declaramus, concessionem Nicolai Papæ, & literas prædictas locum omnino non habere, quod Ordinarii, aut alii collatores prædicti, post lapsum trium mensium ex die notæ vacationis in loco beneficii disponere possint de ullis beneficiis prædictis, aliàs sub concessione, & literis prædictis, comprehensis extra Rom. Cur. in mensibus prædictis quoquo modo vacantibus, vel vacaturis, de quibus intra dictum tempus trium mensium per Romanum Pontificem, ac dictam Sedem qualiscunque gratia, vel dispositio, aut

con-

concessio facta fuerit: Ne tamen cuiquam licitum sit factam à Sede prædicta dispositionem huiusmodi in longum obtegere: illi quibus deinceps gratiæ huiusmodi concedentur, earum concessionum fidem, & testimonium, intra tres menses à die notæ vacationis in loco beneficii huiusmodi, vel dictis collatoribus significare, vel in ipso beneficii loco publicare quoquo modo teneantur. Decernentes omnes, & quasunque dispositiones de dictis beneficiis ab eisdem collatoribus post significationem, seu publicationem huiusmodi pro tempore factas, nullas, & invalidas, nulliusque roboris vel momenti fore. Sicque in quibusvis causis pendentibus, & futuris judicari debere. Nec non irritum, & inane quicquid fecus super his ab eisdem collatoribus, aut quibuscunque aliis scienter, vel ignoranter contigerit attentari. Quod si forte quisquam collatorum prædictorum fuerit præsentium violator, eum à beneficiorum, & officiorum collatione tandiù suspendimus, donec ipse veniam petens restitutionis gratiam à Sede prædicta meruerit obtinere. Cæterum volumus ut præsentium transsumptis, etiam impressis, Notarii publici manu, & sigillo personæ in dignitate ecclesiastica constitutæ obsignatis, eadem prorsus fides in judi-

cio, & extra illud ubique locorum adhibeatur, quæ adhiberetur ipsis præsentibus, si essent exhibitæ, vel ostensæ. Nul-
li ergo omnino hominum liceat hanc pa-
ginam nostræ declarationis, decreti, su-
spensionis, & voluntatis infringere, vel
ei ausu temerario contraire. Si quis au-
tem hoc attentare præsumpserit, indigna-
tionem Omnipotentis DEI, ac Beatorum
Petri, & Pauli Apostolorum ejus se nove-
rit incursurum. Datum Romæ apud
Sanctum Petrum, Anno incarnationis Do-
min. M D LXXVI. Cal. Novemb. Pon-
tificatus nostri Anno V.

Cæsar Glorierius.

M. Datarius.

Anno à Nativitate Domini M D LXXVI.

*Ind. quarta, die verò XXX. mensis No-
vembris Pont. Sanctissimi in Christo
Patris, & D.N.D. Gregorij divina
providentia Papæ XIII. Anno V. re-
troscriptæ literæ affixæ, lectæ & publi-
catæ fuerunt, & per aliquod temporis
spacium dimissæ in Valvis S. Joannis
Lateranensis, & Principis Apostolorum
de Urbe, ac in acie Campi Floræ per nos
Joannem Freyle, & Claudium Mon-
geat ejusdem S.D.N. Papæ Cursores.*

Antonius Ludovicus
Magister Curforum.

Jo.



JO. SCHILTERI

NOTÆ

ad

CONCORDATA

N. G.

I.

DE jure confirmandi sive investiendi
Episcopos & Prælatos immediatos
agunt hæc Concordata h. e. pacta
conventa & transactio nova de jure hoc à
tempore Gregorii VII. Papæ & Henri-
ci IV. Imp. inde usque controverso. Est
verò hoc jus, quod & supra *lib. I. cap. VII.*
§. XII. attigi, Jure Divino & universali
Gentium jure pars summæ potestatis sive
Majestatis in qualibet Republica. Id
quod & jure publico Romanorum, Fran-
corum, Longobardorum & Germanorum
in confesso fuit atque exercitum: adeò ut
& confirmatio atque ordinatio Sédis Ro-
manæ ipsius ad Imperatores Francorum
& Germanorum pertinuerit, per Legem
Regiam Carolo Magno & successoribus à
Pontifice S. P. Q. Romano A. C. 774. con-
ditam, uti ex protocollo Romano, quod

c.22. dist. 63. Theodoricus à Niem, Episcopus Verden-
sis & Cameracensis, ac Protonotarius Apo-
stolicus, nobis adservavit, constat, quod
ut subjiciatur ipsum ad rem utique facere
arbitror.

II.

SENATUS CONSULTUM

A. 774.

ROMANVM.

De

Lege Regia, qua à Papa Sena-
tu Populoque Romano Jus omne
& potestas Carolo Magno, & in
eum confertur: item de Electio-
ne Romani Pontificis, & investi-
turis Episcoporum &c.

Cum Scholiis

Theodorici à Niem, Episcopi
Verdenfis & Cameracensis,
Protonotarii Apostolici,
&c.

Protocoll.
Rom.

Roma constituta est San-
cta Synodus à Beato Adri-
ano Papa in Patriarchio La-
teranensi, videlicet in Ecclesia
Sancti Salvatoris, qua reve-
ren-

rendissimè celebrata est à centum & quinquaginta tribus viris religiosis, Episcopis, & Abbatibus, Judicibus etiam & Legis Doctoribus, ab universis regionibus & ordinibus hujus almæ Urbis, à cuncto etiam Clero hujus Sanctæ Romanæ Ecclesiæ: exquirentibus usus, leges, & mores ejusdem Ecclesiæ & Imperij: quemadmodum etiam hæreses & seditiones aboleri possent de Apostolica Sede, & dignitate Patriciatus & Romano Imperio, ex quibus omnibus nimius error crescebat in universo orbe. Populus itaque Romanus legem, (Regiam vel SC. Plebisc.) condebat more solito. (veteri) Sed difficile

erat pro unoquoq³ negotio totiens in unum congregari: unde sua in jus & potestatem Imperatori concesserunt, quemadmodum legitur. (§. 6. J. de I. N. G. C.) Populus itaque Romanus concessit ei, & in eum transtulit omne jus suum, & potestatem.

S C H O L I U M.

Nota qualiter Adrianus Papa cum Clero & Populo, & universa sancta Synodo, concessit eadem Carolo Regi *jus eligendi summum Pontificem*, ut habetur 63. dist. *Adrianus*. Et illud privilegium renovatur & confirmatur per Papam, & Cardinales, & populum Romanum, ac generale Concilium, in personam *Ottonis* primi Magni Augusti, suosque successores in Romano Imperio in perpetuum, ut sequitur inferius.

2. Adeorum (*P. S. Q. R. vet.*) quoque exemplum præfatus Adrianus Papa cum omni Clero & Populo, ac universa Sancta Synodo, concessit Carolo Augusto omne suum jus & potestatem *eligendi summum Pontificem, & ordinandi Apostolicam Sedeni, dignitatemque Patriciatus*: insuper Archiepiscopos & Episcopos per singulas provincias ab eo accipere *investituras* diffinivit. Post hoc vero *consecrationem* (*ordinat.*) accipiant, (*ab eis*) unde pertinet. Unde tamen abolita sit Veterum scientia, moresque in posterum, (*al. Et ita abolita sit* vete-

veterum sententia, mor. *Sed quicquid sit, Lectio vitio nondum caret.*) quatenus nemo (Episcopus, Papa) per cognationem, vel amicitiam, aut pecuniarum acceptionem, sibi eligat Episcopum: (*successorem.*) sed soli Regi Romanorum (*non tantum personæ Caroli, sed & successorum Regni ac Imperij*) huiusmodi reverentiæ tribuatur facultas. Veruntamen si ab universo Clero & cuncto Populo aliqua præsumptione & religionis causa eligatur Episcopus, nisi à Rege laudetur & investiatur, à nemine consecrator.

3. Ex hoc prolatis sententiis *ab universis*, qui in hac Sancta Synodo congregati fuerunt, In nomine Sanctæ Trinitatis, Adrianus Papa pro omnibus hoc concessit, laudavit, & affirmando constituit. Ad hoc etiam totum roborandum decrevit, ut si quis posthac contra hanc Sanctam Synodum temerator repertus fuerit, siue contra hoc totum, quod prædiximus, repugnaverit, cujuscunque sit gradus, ordinis, vel officii, aut dignitatis, vel generis, sciat se in iram Beati Petri principis Apostolorum, & omnium Sanctorum, & prædecessorum nostrorum casurum, & anathematis vinculo damnatum perpetualiter victurum, excommunicationem quoque universalis Ecclesiæ, & cuncti Populi Christiani incursum. Insuper, nisi à malo resipuerit, irrevocabili exilio prematur, vel ultimis suppliciis feriat, & bona ejus publicentur. Qui vero pio intuitu custos horum & observator in omnibus extiterit, benedictionis gratiam, vitamque æternam à DEO cum omnibus Sanctis suis sine fine habere mereatur in secula seculorum. Amen.

III. Sed non obstante ista execratoria clausulâ & anathemate Hadriani I. atque toties Ottonibus Impp. renovatâ illa Lege Regia, Gregorius VII. Papa summum

mum jus hoc Majestatis usurpare conatus est, quod successor Calixtus II. per pacta cum Henrico V. inita stabilivit: quæ & ipsa submittere oculis, nec grave nec inutile fore credo.

Tenor Renunciationis

H E N R I C I V.

EGO HENRICUS DEI
gratia, Romanorum Imp.
Aug. pro amore DEI & S. Ro-
mane Ecclesiæ, & Domini
Papæ Callisti, & remedio ani-
mæ meæ, dimitto DEO, &
Sanctis ejus Apostolis Petro &
Paulo, & Sanctæ Catholicæ
Ecclesiæ OMNEM IN-
VESTITVRAM PER
ANNVLVM ET BA-
CVLVM, & concedo in
omnibus Ecclesiis fieri electio-
nem, & liberam consecratio-
nem

nem (h. e. sine auctoritate, & confirmatione Imp.) *Possessiones & Regalia B. Petri, quæ à principio hujus discordiæ, usq; ad hodiernam diem, sive tempore Patris mei, sive etiam meo ablata sunt, quæ habeo, eidem S. Rom. Ecclesiæ restituo, quæ autem non habeo, ut restituantur fideliter juro. Possessiones etiam aliarum Ecclesiarum, & Principum & aliorum, tam clericorum, quàm Laicorum concilio Principum, & justitia, quæ habeo, ut reddantur fideliter juro. Et do veram pacem Callisto, S. R. Ecclesiæ, & omnibus, quæ in parte ipsius sunt, & fuerunt. Et in quibus S. Romana Ecclesia*

auxi-

auxilium postulaverit, fideliter juvabo. Et in quibus mihi querimoniam fecerit; debitam sibi iustitiam. Hæc omnia acta sunt consilio & assensu Principum, quorum nomina subscripta sunt:

Adelbertus Moguntinus Archiepiscopus.

Fridericus Colonienſis Archiepiscopus.

Otto Bambergensis Episcopus.

B. Spirensis Episcopus.

A. Augustensis Episcopus.

G. Trajectensis Episcopus.

V. Constantiensis Episcopus.

E. Abbas Fuldensis.

Nortmannus Dux.

Fridericus Dux.

Bonifacius Marchio.

Theobaldus Marchio.

Cynulphus Comes Palatinus.

Orbertus Comes Palatinus.

Berengarius Comes.

Godefredus Comes.

Ego Fridericus Colonienſis Episcopus & Cancellarius recognovi.

Rever-

Reversales Papæ.

EGO *CALLISTVS* servus servorum *DEI*, dilecto filio suo *Henrico DEI* gratia *Rom. Imp. Aug.* concedo electiones *Episcoporum & Abbatum Teutonici Regni*, quæ ad *Regnum* pertinent, in præsentia tua fieri, absque simonia & aliqua violentia: ut, si qua inter partes discordia emergerit, *Metropolitani & Provincialium* consilio vel iudicio, *saniori parti assensum, & auxilium* præbeas. Electus autem *regalia per sceptrum à te recipiat*, exceptis omnibus, quæ ad *Romanam Ecclesiam* pertinere noscuntur, & quæ ex his iure tibi debet, faciat. Ex aliis

aliis verò partibus Imperij consecratus, infra sex menses regalia per sceptrum à te recipiat. De quibus verò mihi querimoniam feceris, secundum officij mei debitum, auxilium meum præstabo. Do tibi veram pacem, & omnibus qui in parte tua sunt, & fuerunt tempore hujus discordiæ. Data Anno MCXXII. IX. Kalendas Octobris.

IV. Equidem jamtum Nicolaus I. Papa tale quid affectasse videtur, Lothario Regi Lotharingiæ, filio Lotharii Imp. I. *rescribens: Porro scias, quia relatum est nobis, quod quicumque ad Episcopatum in regno tuo provehendus est, non nisi faventem tibi permittas eligi. Idcirco Apostolica auctoritate sub divini judicij obtestatione injungimus tibi, ut in TREVERENSI urbe, & in AGRIPPINA COLONIA nullum eligi patiaris, antequam relatum super hoc nostro Apostolatui fiat. Unde sunt, qui originem Reservationum Papalium ad hunc Nicolaum referunt, quam in sen-*

tentiam Thomam Feltriū in *Tr. reservationum*, allegat Tholosanus *de benefic. ecclesiast. c. 24. 21.* Sed bene Glossa advertit, rescriptum hoc esse temporale, ac valorem habere pro tempore tantum illo, quo causa Regis Lotharii & Gualdradæ vertebatur, ne Rex Episcopos huic causæ ex parte Regis faventes, contra jura Conjugis Reginae Thietbergæ, constitueret sine omni Pontificis Rom. consensu: ac præterea verbum *eligi* pro *consecrari* aut *ordinari* accipiendum, sicut & in *can. 8. q. 1. c. Episcopo. 4. conf. Stephani V. rescriptum ad Guidonem Comitem, can. lectis. 18. ead. dist. 63. & can. Agatho. 21. & can. in Synodo. 23. itemq; can. 28. ead.* Merentur huc apponi, quæ Gobelinus Persona *Cosmodromij cap. 42.* eam in rem refert: *Lotharius rex Lotharingæ filius Lotharij Imp. Thietbergam uxorem suam repudiavit, & aliam, dictam Gualdradam superduxit: propter quod in civitate Metensi conciliū Episcoporum collectum est; & quidam Episcopi volentes Regi complacere, factum illud approbant. Quos postea Nicolaus Papa, dum Rex per legatos ab eo correptus se consilio Episcoporum hoc fecisse diceret, cognitâ veritate, deposuit, & Synodum Metensem damnavit. Unde postea Tegvaldus Trevirensis & Guntharius Colonienfis Archiepiscopi hujus facti auctores, à Nicolao Papa depositi, excommunicati sunt. de isto facto Lotharij legitur XI. qu. 3. c. Tegvaldum. & II. q. 1. c. scelus. & Dist. LXIII. c. porro.*

c. 6. x. de
præb.

V. Quantumvis verò Gregorius VII. & Paschalis II. ejusmodi pactum renunciatorum cum Henrico V. inierunt, semper tamen contradictum fuit à successoribus ac Statibus partim, partim etiam à Dd. & JCtis, qua de re non repetam quæ in Commentariis de Lib. Eccl. Germ. scripta sunt, lib. IV. c. V. & passim. Verum nec solo jure confirmandi contenti Pontifices illorum temporum etiam jus eligendi & conferendi beneficia Ecclesiastica sibi arrogarunt, & Ecclesiis atque populo jus quæsitum abstulerunt. Atque primò quidem per literas tantum promotoriales aut provisionales Pontifices requirebant ordinarios Prælatos, ut hi commendatis beneficia conferrent. Alexander III. Si mandatum nostrum pro alicujus provisione receperis, qui aliud beneficium habeat, de quo valeat commodè sustentari: nisi sortè in literis ipsis de hoc mentio habeatur: aut si non potest ei sine scandalo provideri: equanimiter sustinemus, si pro ea mandatum nostrum non duxeris exsequendum. Conferatur Innocentii III. rescriptum, cap. dilectus. 27. de præbend. Cap. sq. & ult. eod. At mox Clemens IV. Papa anno 1265. constitutus, cap. licet. de præbend. in 6. ait: Ecclesiarum, Personatum, dignitatum, aliorumq; beneficiorum ecclesiasticorum plenaria dispositio ad Romanum, noscatur Pontificem pertinere, ita quòd non solum ipsa cum vacant, potest de jure conferre, verum

rùm etiam jus in ipsis tribuere vacaturis. Atque quum hæc assertio admodum generalis atque justo laxior videri possit, subjicit Clemens specialiore, de beneficiis *vacantibus in Curia*, atque in his demum fundamentum allegatur in antiqua consuetudine, quæ Romanis Pontificibus hanc collationem reservasset. Quid autem sit *vacare in Curia & extra Curiam*, itemque *apud Sedem Romanam* pluribus exponit P. Gregorius Tholosanus *Tr. de benefic. eccl. cap. XXIV.* Extendit id Bonifacius IX. A. 1294. electus, ad ea quoque beneficia quæ Legati aut Nuncii Sedis vel quivis alii ad Romanam Curiam venientes, vel etiam recedentes, ab ipsa obtinere noscuntur, si eos in locis vicinis ipsi Curiae mori contingat, quemadmodum si in loco ubi eadem Curia residet, morerentur. *Vid. cap. presenti. 34. de præb. in 6. conf. cap. 1. Extravag. commun. de præbend.* Postea anno 1317. XIII. Kal. Decembris Johannes XXII. Papa constitutionem *Execrabilis. cap. 1. Extravag. Jo. XXII. & cap. 4. Extravag. comm. de præbendis.* secundum veteres canones constituit, ut qui plura beneficia haberent, uno retento, cætera resignarent, sed resignatorum collationem sibi soli reservavit. Denique Benedictus XII. A. 1335. *cap. ad regimen. Extravag. commun. de præb. prædecessorum Romanorum Pontificum* vestigiis in-

hærens, omnes Patriarchales, Archiepiscopales, & Episcopales Ecclesias, & etiam Monasteria, Prioratus, dignitates, Personatus, & officia, necnon canonicatus & præbendas, & ecclesias ceteraque beneficia Ecclesiastica cum cura vel sine cura, secularia & regularia quæcunq; & qualiacunq; fuerint, etiam si ad illa persona consueverint seu debuerint per electionem seu quemvis alium modum assumi; NVNC APVD SEDEM APOSTOLICAM QVOCVNQVE MODO VACANTIA, & in posterum vacatura, necnon per depositionem, vel privationem, seu translationem, aut muneris consecrationis suspensionem &c. plena super præmissis omnibus & singulis cum fratribus collatione præhabita & maturâ deliberatione secuta, Ordinationi, dispositioni, & provisioni nostræ de ipsorum fratrum consilio, auctoritate Apostolica reservavit.

VI. Hinc tandem Gratiis & Reservationibus Papalibus, libertas Ecclesiarum circa eligendos clericos & conferenda beneficia Ecclesiastica suppressa fuit, idque tum adversus canones veteres, tum contra salutem Ecclesiæ & clericorum digniorum sed pauperum. Audiamus Gobelinum Personam Scriptorem coævum, rectorem capellæ S. Trinitatis Paderbornæ Cosmodromij at. VI. c. 84. de Bonifacio IX. A. 1389. referentem: *Anna Pontificatus Bonifacij primo multi pauperes clerici Curiam Romanam pro gratiis obtinendis sa-*
rage-

tagebant visitare. Et cum examinabantur, modus examinandi inauditus tunc ortus, exitus sinistri earundem gratiarum certum præbebat indicium. Nam ministri examinerum, ipsis dominis suis non insciis, ab examinandis pecuniam exegerunt. Cum igitur distributio gratiarum postea facta est, omnibus impetrantibus gratias, in rotulis pauperes clerici postpositi sunt, & gratia eorum penè inutiles efficiebantur. Annis enim secundo & tertio ipse signavit multas rotulas sub data anni primi, ac si cum aliis rotulis in principio anni primi porrectæ fuissent. Nec erat discretio, quis rotulas illas emitteret, vel qui continerentur in illis. Et isti omnes gratiis pauperum in primo anno obtentis præjudicabant. Deinde successu temporis quasi omnes supplicationes sibi porrectas sub gratiis specialibus cottidie signavit. Postea multi obtinuerunt duas, tres vel quatuor gratias speciales sub data familiarium Papæ. Deinde multi obtinuerunt gratias cum clausula ANTEFERRI, quæ non solum præjudicabant gratiis pauperum generalibus, sed etiam gratiis specialibus. Postea vacantibus beneficiis, quæ huiusmodi gratias habentes acceptabant, alij impetrabant eadem sub data diei obitus, & gratias expectativas quasquæ exclusuerunt. Multi etiam impetrabant gratias, in quibus Papæ scripsit, MOTU PROPRIO se illas concessisse; quamvis Papæ personas illas, quibus huiusmodi gratias concessit, minimè novit. Et sic quilibet excogitavit sibi

modum, quo posset alium excludere, nec dubium erat de signatura obtinenda aut literarum expeditione facienda, si impetrans non defecit in pecunia expendenda. Ex prædictis quasi inexplicabiles lites ortæ sunt, & succedentibus diversis Papæ declarationibus, vix aliquis in beneficio, per gratiam Sedis Apostolicæ tunc obtento, sibi securus videbatur. Imò sæpius accidit, quòd duobus litigantibus in curia Romana, & latis duabus sententiis diffinitivis pro una parte, ille contra quem latæ fuerunt, jam instante prolatione tertiæ sententiæ, impetravit à Papa parti, pro qua duæ prædictæ sententiæ latæ fuerunt, imponi silentium, vel saltem mandari auditori, tertiæ instantiæ, ne justitiam in illa causa ad-, ministraret. Tandem quid parvi & infirmi status obtinuerunt gratias in duabus vel tribus diocesis, ad omnes collatores vel collatrices earum ad beneficia absq; numero, certo tamen valore, magno quidem valdè, expresso, ita quod ipsi præcederent omnes ante se gratias obtinentes, paucis exceptis, sub quacunq; forma verborum concessas: etiamsi contingeret, Papam tales illorum gratias revocare, nihilominus tamen ipsi gratiæ optatum impetrantium consequerentur effectum. Pro quibus quidem gratiis nonnulli C. alij XC. alij LXXX. & sic tandem usq; ad XX. florenos descendendo expendebant. Cum autem prædictæ gratiæ, & quadam aliæ, de quibus infra dicitur, per CANCELLARIAM, regulis ejusdem obstantibus, tanquam à jure &

usu communi exorbitantes; expediri non poterant, per CAMERAM expeditæ transierunt. Tandem ad hoc devenit expeditio literarum Apostolicarum super hujusmodi gratiis conficiendarum, quod volens habere gratiam à sede Apostolica, non habebat sollicitari super signatura supplicationis, aut scriptura minutarum, aut grossarum, cancellaria, camera, bulla, vel registro; sed solum cum ad hujusmodi ordinatis concordare, quantum vellet pro gratia obtinenda sub formam, quam eligeret, expendere, & literas super gratia tali absq; ulteriori sollicitudine reciperet expeditas. Ex prædictis accidit, quod rudes & quasi illiterati Magistris & Doctoribus præferuntur in illis: & Clerici simplices nationis plebejæ, Cardinalium prærogativa quantum ad pluralitatem beneficiorum, & etiam in eis compatibilitatem eorum, licet eis scientia ad hæc minimè suffragatur, attingunt: ita quod unus decem vel duodecim beneficia habere comprobatur. Item multi impetrabant DISPENSATIONES, quod possent plura beneficia curata & aliàs incompatibilia possidere. &c. Episcopatus plurimi, & per Alemanniam ferè omnes, istius Papæ temporibus vacaverunt: multisq; Ecclesiis personæ indignæ vel inutiles præfectæ sunt, & qui plus solvit Papæ, Episcopatum obtinuit: unde pro expeditione circa talia oportuna multi expenderunt decies tantum, quantum solverunt Camera Apostolicæ prædecessores eorum: nam quidam impetrantes Archiepiscopatus XL mil-

lia: alij LX millia: nonnulli LXXX millia florenorum Papa solverunt.

Cap. LXXXVII. Postquam Dominus Bonifacius Papa supradictus gratias pauperibus, & etiam aliis anno primo Pontificatus sui concessas, per novas gratias cottidie jam per annos XIII. modis prædictis posttergavit, animosq; eorum per tantum tempus spe retardationis insolite liberalitatis suspendit, nec etiam in Gratiis deinceps concedendis progressus ulterior soliti finis efficax videretur, inopinato ac inaudito modo consolatur eosdem. Quoniam Pontificatus sui anno XIII, XI. Kal. Mensis Januarij solubilem desperationis laqueum contexens, suspendij fastidium relaxando, omnes Gratiàs expectativas, sub quacunq; verborum forma à se concessas, personis quibuscunq; revocavit: & deinde novos modos super gratiis beneficialibus inducens statuit, quòd quicunq; deinceps gratiam ab eo impetraret, literas super illa gratia infra annum à tempore Datæ computandum, procurare deberet, aliàs gratia illa haberetur pro non facta, nec literæ super ea post annum deberent expediri. Posthæc speciatim auctor recensens revocationes singulas cum clausulis suis Antefferri & Antelationis, itemque dispensationum, & Exemptionum, Literarum familiaritatis; tandem subjicit: Sed non obstantibus revocationibus prædictis, Maguntinensis & Colonienfis Arthiepiscopi, nolentes lucro & commodo, quæ de literis VIDIMUS supra dictis, habere

habere soliti erant, carere, sine eisdem literis Apostolicas literas exsequi non sinebant. Postquam Dn. Bonifacius prædictas revocationes, ordinationes, annullationes & cassationes fecit, novas gratias, non tamen ab antecessoribus suis concedi solitas, concessit, & gratias ad beneficia expectativas ad quinquennium restrinxit. Unde nullum eorum, quos revocationibus gratiarum supradictis offendit, reddidit desperatum, quin posset iterum plenitudinem potestatis Apostolicæ suis temporibus tentare confidenter, sed pro signatura supplicationis cujuslibet ducatum unum dare oportebat impetrantem. Mox de successore Innocentio VII. A. 1404. hæc refert:

Cap. LXXXVIII. Hic dominus Innocentius in principio creationis suæ, more prædecessorum suorum, diversos rotulos super Gratiis beneficalibus signavit: sed volens modum illum, qui vitio Simonie invaluit, extirpare, septimo idus Aprilis, omnes Gratias & concessiones, vitiosè vel Simoniacè, seu etiam per scitum & concessum eorum, sub quorum titulis rotuli hujusmodi confecti fuerunt, in rotulis ipsis, seu extra illos, ad instantiam cujuscunq; seu quorumcunq; obrentas, & quacunq; inde secuta, cassavit & irritavit. Insuper in omnes & singulos cujuscunq; gradus, status, vel conditionis existerent, etiamsi Pontificali, aut aliâ quâvis præfulgerent dignitate, quos forsitan in futurum hujusmodi nefanda in rotulis hujusmodi, vel extra illos si-

moniacè procurare, vel tractare, aut propterea pecunias vel alia munera dare, vel promittere, seu recipere contingeret, excommunicationis sententiam promulgavit, à qua per alium quàm Rom. Pontificem, præterquam in mortis articulo, absolvi non possent. Et nihilominus procurantes, tractantes, dantes, promittentes, ac recipientes hujusmodi omnes & singulos, sive pro se, sive pro aliis, omnibus beneficiis ecclesiasticis, quæ eo tempore quomodolibet obtinerent, essent privati, & inhabiles ad alia beneficia obtinenda. Sed heu ille mille-artifex, zizania sator, semine bono suffocato, vincula supradicta, quamvis arctissima, sua calliditatis arte dissolvit, ita quod literæ super Gratiis suspectis de præmissis expeditionem inter ceteras literas receperunt, & Concilium prætermissum est, quod ad Kal. Maij fuerat prorogatum.

VII. Toto itaque orbe Christiano reformationem Ecclesiæ in capite & membris seriò atque anxie expetente, congregatum tandem fuit Concilium Constantiense A. M CCCCXIV. & sublato schismate Pontificum Rom. electoque Martino V. Papa anno 1417. Sessione XLIII. fancitum fuit: Electiones, postulationes, confirmationes, & quævis provisiones simoniaca Ecclesiarum, Monasteriorum, dignitatum, personarum, officiorum, & beneficiorum Ecclesiasticorum quorumcunq; deinceps facta nulla sint ipso jure, nullumq; per illas jus cuiquam acquiratur,

nec promoti, confirmati, aut provisi faciant fructus suos, sed ad illorum restitutionem tanquam iniquè ablata percipientes teneantur, statuentes insuper quòd dantes & recipientes ipso facto sententias excommunicationis incurrant. Porro in Concilio Basileensi A 1436. Sessione XII. electiones & confirmationes plenius reformatæ: *Eligantur Episcopi & quicunq; alij Pralati, ac confirmentur juxta statuta juris communis, nempe ut singula Ecclesiæ Episcopos, singula collegia, singuli conventus, Pralatos sibi eligant, qui rursus ab illis confirmentur ad quos de jure confirmatio spectat, nempe Episcopi à Metropolitanis: Metropolitanis à Papa, & inferiores Pralati ab Episcopis.* In Sessione XXI. *Annatarum exactio tam in Curia Romana, quàm alibi pro confirmatione electionum, vel admissione postulationum, aut aliqua collatione sublata ac prohibita fuit. Restitutis itaque Electionibus liberis & Confirmationibus ad jus commune revocatis cessare debebant Reservationes & Gratia Papales, Vid. Petr. de Marca lib. VI. de C. S. & J. cap. IX.* Inde in Francia Carolus VII. Sanctionem illam Pragmaticam promulgavit.

II X. At Imperator Fridericus III. cedens Pontifici Nicolao V. **CONCORDATA** ista cum Nuncio Apostolico composuit, de quorum natalibus Æneas Sylvius Cardinalis tunc Senensis ad Marti-

num Mayer Cancellarium Moguntinum A. 1457. in excusatoriis contra murmur gravaminis Germanicæ nationis, hæc scripsit Epist. CCCLXXXIII. *Verum cum dicis decreta Basileensis Concilij non custodiri, idq̃ putas injuriosum esse Nationi, indignam dicimus esse querelam tuam. Propter decreta enim Basileensis Concilij inter Sedem Apostolicam & Nationem vestram discidium cœpit: cum vos illa prorsus tenenda diceretis, Apostolica verò Sedes omnia rejiceret. Itaq̃ fuit deniq̃ compositio facta, in qua nos Imperatorio nomine interfuimus. Ea certam legem dedit deinde inviolabiliter observandam, per quam aliqua ex decretis Concilij prædicti recepta videntur, aliqua rejecta. Itaq̃ non justè agis, si per omnia servanda esse decreta contendis.*

IX. Hæc Concordata inter Imperatorem & Nuncium Apostolicum fuerunt projecta, & Statibus quidem communicata, sed non ab omnibus approbata, à Nicolao V. verò ista formâ rata habita & confirmata. Horum summam P. Gregorius Tholosanus *de benef. eccles. cap. XXIV, 20.* hanc exponit: *Fuit in his Concordatis statutum super modificatione & provisione Ecclesiarum, & Ecclesiasticorum beneficiorum quorumcunque, juris scripti reservatione, & constitutionum, execrabilis & ad Regimen. atq̃ reductæ tantum reservationes ad præscriptas juris communis peculiares retentiones. Permittitur*
etiam

etiam iisdem Concordatis, in Metropolitanis, Cathedralibus atq; immediatè non subjectis Ecclesiis, monasteriis, sedem Apostolicam immediatè recognoscentibus, canonica electio infra tempus constitutionis Nicolai III. incipientis, Cupientes facienda. Alioquin ut ad dictam sedem devoluta beneficia conseantur; confirmatione tamen prædictæ electionis petenda à Papa, tali clausula addita: Nisi ex rationabili & evidenti causa ac de dictorum fratrum nostrorum Cardinalium consilio, de digniori & utiliori persona duxerimus providendum. Reservat etiam ibidem sibi Papa monasteriorum monialium dispositionem, & tunc per commissionem ad partes. Cætera verò beneficia & dignitates vult ut illi conferant, ad quos antea spectabant, in mensibus tantum Februarij, Aprilis, Junij, Augusti, Octobris, & Decembris, dispositione quavis alia, reservatione, gratia expectativa, quacumq; sub forma verborum factis & faciendis, non obstantibus. In reliquis autem sex mensibus collationem sibi reservat, si tamen eam intra tres menses non fecisset, seu si beneficia suorum mensium intra tres menses non contulisset, potestatem conferendi illis ipsis eandem permittit. Statuit insuper annatas, secundum taxam mediorum fructuum solvendas, aut si excedant, moderandas. Et Clemens postea VII. in Bullario, constitutione ejus 46. incipiente, Admonet nos, dicta Concordata Germanica confirmat, atque statuit irritas esse à præ-

pralatis & principibus factas collationes in mensibus summi Pontificis, & provisos per eos teneri ad restitutionem fructuum; reservatq; provisi à sede Apostolica, contra intrusos actionem. Dehinc tamen Gregorius XIII. in constitutione 42. inter constitutiones ejus insertas in dicto Bullario collecto per Cherubinum, incipiente, Quæ in Ecclesia. constituit, ne, quod supra statuerat Nicolaus V. quod post tres menses si non contulisset summus Pontifex, ordinarij conferre possent, locum haberet: vult tamen, ut provisi à tempore collationis intra tres Menses teneantur ordinariis collationem significare.

X. Horum Concordatorum cum variæ extent editiones, nos secuti sumus eam, quam anno hujus seculi decimo edidit, collatam ad ipsum Registrum Bullarum Papalium & libros Secretorum, Georgius Branden J. U. D. Presbyter Eystetenensis & Canonicus Augustanus. Exemplar Germanicum quoque exhibet Limnæus Mantissa VIII. ad Capitulat. Caroli V. ex Goldasti Constitutionum Imp. Tomo. I. quæ tamen in mea editione isthic non apparet, atque est translatio quædam nulla authentia gaudens, & vitiis suis quoque laborat. Statim enim in principio non intellexit quid sit *Cap. ad regimen.* itaque absurdè vertit: *Und andere aufsätze so zur Regierung gehören.* ut taceam vitia typographica fortè.

Ad-

Adjecta quoque cernitur Clementis VII. Papæ confirmatio à Linnæo & Goldasto præterita.

XI. Etsi verò Concordata illa non ab omnibus ac singulis Statibus, nec per omnia fuerint acceptata, præsertim quoad Annatas, quibus gravatus Dietherus Archiepiscopus Moguntinus A. 1461. appellavit ad futurum Concilium Generale, cui alii Principes adhæserunt, ut refert autor Paralipomenorum ad Conradi Urspergensis Chronicon. Idque gravamen duravit usque ad tempora Maximiliani I. Imp. ut constat ex decem gravaminibus nationis Germanicæ & S. R. Imperii & remediis eorum, quæ exhibet Goldastus Tom. II. *Const. Imp. pag. 120.* Ex quibus ipsis etiam apparet, circa collationes beneficiorum ac præbendarum multas fuisse querelas. Nihilominus tamen ex *avisamentis* ad ista gravamina adjectis Concordata laudantur: *Sicut Regnum Franciæ Pragmaticam habet Sanctionem, cui in conferendis beneficiis innititur: Sic Imperium Romanum habet Concordata Principum; utq; ea illæsa conserventur, interest Cæsareæ Majestatis. Rarò tamen hæcenus per summos Pontifices violata sunt: & Auditores Rotæ juxta illa huc usq; feruntur judicasse. Et si aliquis Curialium per quamcunq; dispensationem conareretur illa infringere, quod Episcopus vel Princeps vel Senatus ejus-*

ejusdem loci principiis obstando, in faciem ei-
 Concordata inculcaret, pie exhortans ne con-
 traveniat, quoniam audacia sua sustineri ne-
 quaquam posset, cum & Turcæ & Judæi pacta
 fidemq; servant. Quis Curtisanorum tam in-
 solens aut stultus est, ut contra voluntatem Epi-
 scopi, Principis, aut torius alicujus communitatis
 in aliqua civitate habitare præsumat? Sed &
 ipse Maximilianus in Edicto subsequuto
 Concordata hæc approbat & juxta ea de-
 scriptionem Familiarium absque præjudi-
 cio ordinariorum Collatorum fieri mandat.
 Quod gravamen in subsequentibus centum
 gravaminibus, articulo XVII. sqq. prolixius
 fuit deductum. Et in Rec. Imp. anno 1500.
 S. vwie man mit dem Pabst handeln soll. 43.
 S. fi. Legatio ad Papam decreta, mit seiner
 Heiligkeit der concordata, und anderer Be-
 schvverung halben, so der teutschen Nation vom
 Stul zu Rom mannigfaltiglich auffgelegt vver-
 den und begegnen, ernstlich zu handeln, alles
 nach laut einer instruction, so unser verordnet
 Regiment in vollkömlicher Form vvol vvird
 vvissen nothdürffriglich zu stellen. Itaque in
 Concilio tandem Tridentino Sess. XXIV. de-
 creto de reformatione generali cap. XIX. statu-
 tum est: Mandata de providendo, & Gratia
 quæ dicuntur Expectativa, nec concedantur de-
 incept, nec concessis uti liceat, nec reservationes
 mentales, nec alia quacunq; gratia ad vacatura
 alicui etiam Cardinali dentur, & concessa antea
 abro-

abrogata esse censeantur. Quod caput diductius allegat P. Gregorius Tholosanus d. c. XXIV. adjiciens hanc limitationem: Reservationes tamen in corpore juris insertæ non videntur revocatæ. Scilicet quæ in cap. executabilis. in cap. ad regimen. & in Concordatis continentur. Atque idem Maximilianus Leodiensibus rescripsit, Concordata hæc sedulò observanda esse, sub dato Augustæ die 11. Julij A. 1518. teste P. Christinæo Decis. Cur. Belg. CCCLVIII, 15. ubi & id tradit, in multis Germaniæ & Inferioris & Superioris locis ea non fuisse acceptata adeoque in foro acceptationem seu observantiam esse probandam ab eo qui suam intentionem in iis fundat. Ferdinandus I. in Ordinat. Judicii Aulici in fine inter alios libros judiciales, ex quibus controversiæ decidendæ, etiam hæc Concordata commendat, & à Matthia Imp. repetuntur. Pariter & Carolus V. Cameracensibus mandavit sub dato Bruxellæ 9. Febr. 1555. Ad id quippe obligatus per Capitulationem §. XVI. Und. als über und vviieder Concordata Principum, auch uffgerichtete verträge zwvvischen der Kirchen, Päbstlicher H. oder dem Stul zu Rom und tentscher Nation mit unsäglichen gratien, Rescripten, Añaten der Stifft, so täglich mit Manigfaltigung und Erhöhung der Officien am Römischen Hoff, auch reformation, dispensation, und in andere vvege,

zu abbruch der Stifft, Geistlichkeit und andern
 gegebenen Freyheiten, darzu zu nachtheil Juris
 Patronatus und der Lehn-Herrn, stetigs
 und ohn-unterlaß öffentlich gehandelt, derhal-
 ben auch unleidlich und verboten Gesellschaften
 und Contract oder bündnis als vvir berichtet,
 fürgenommen und auffgerichter vverden: das
 sollen und vollen vvir, mit Ihr, der Churfür-
 sten, Fürsten nnd anderer Stände Rath, bey un-
 serm H. Vater dem Pabst und Stul zu Rom, un-
 sers bestens vermögens abvvenden und fürkom-
 men, auch darob und daran seyn, daß die vor-
 gemelten Concordata Principum, und auff-
 gerichtete Verträge, auch Privilegia und Frey-
 heiten gehalten, gehandhabt, denen festiglich
 nachgelebet und nachkommen vverde. Quibus
 omnibus in Capitulatione Ferdinandi
 I. Imp. S. XV. additum: Jedoch vvas Be-
 schvvverung darin befunden und Mißbrauch ent-
 standen, daß dieselben vermöge deshalb gehab-
 ten Handlung zu Augspurg der mindern Zahl
 im-dreyssigsten Jahr gehaltenen Reichs-Tags,
 abgeschafft, und hinfüro dergleichen ohn Ver-
 vvilligung der Churfürsten nicht zugelassen vver-
 de. Quæ repetita singula in Capitulatione
 Rudolphi II. S. XV. Matthiæ Imp. S.
 XVIII. Ferdinandi II. S. XV. Ferdinan-
 di III. S. XVIII.

XII. At in Capitulatione Ferdi-
 nandi IV. Imp. prioribus hæc adjecta
 clausula in favorem protestantium, S. XVI.

doch

doch so viel diesen und den folgenden XVII.
 Artickel betrifft, Unsern lieben Oheimen und
 Churfürsten zu Sachsen, Brandenburg und
 Pfaltz, und ihre Religions-Vervvandten, dem
 Religion- und Prophan-Frieden, auch dem jüngst
 zu Münster und Osnabrück auffgerichteten
 Friedensschluß und vvas deme anhängig, vwie
 obgemelt, unabbrüchig, auch ohne consequenz
 nachtheil und schaden. Quæ in Leopoldi-
 na S. I. & XIX. amplius declarata, adje-
 ctâ quoque mentione Nobilitatis imme-
 diatæ Imperii. Enimverò quum seculo
 superiori Status Catholici gravamina con-
 tra Protestantes Imperatori offerrent & de
 Concordatis quoque quæstio oriretur, re-
 plicarunt Protestantes in Comitiis Ratisp.
 1598. Daß auch die Compactata Germaniæ
 unbündig, dievveil sie nicht vermöge des Her-
 kommens im Reich auffgericht, auch von allen
 Päbsten anders nicht, dann darinnen es ihnen zu
 ihrem vorthail gedienet, gehalten, vwie sie auch
 meldet, nicht dann zu des Reichs unterdru-
 ckung ex practicirt vvorden, das bedarff bey
 erfahnen des Reichs sachen keine deduction;
 daß sie auch dem Religionsfrieden zu vvieder
 nicht können angezogen vverden, deß beruffe
 man sich auff den Buchstaben gemelter Com-
 pactatæ, darum dieselben von den Gegenthe-
 len vergeblich allegirt. Conf. Schütz. J. Publ.
 Exerc. VII. §. VII. Limnæ. ad Capitul. Ca-
 roli V. pap. 2277. Rhet. J. P. 1:2, 130. & 2:2, 58.

Scilicet Protestantes jura Pontificis Rom. de quibus in Concordatis conventum, non agnoscunt per Pacem Religiosam. Quò pertinet Instrum. Pac. Westphal. Art. V. §. 19. & 20. Si quid Annatarum, Jurium Pallij, confirmationum, Mensiam Papalium & hujusmodi jurium & reservationum nomine in bonis Statuum A.C. Ecclesiasticis immediatis à quocunq³, quandocunq³, aut quomodocunq³, pretendatur, id validitate & executione à brachio seculari impertienda careat. In quorum autem ecclesiasticorum bonorum immediatorum Capitulis utrinq³, religionis Capitulares & Canonici vigore præfati termini certo utrinq³, numero, admittuntur, Mensesq³ Papales id temporis in usu fuerunt, porro quoq³, si decedentes Capitulares & Canonici ex numero Catholicorum definito fuerint, obtineant, atq³, executioni, casu eveniente, mandentur, modò Papalis provisio Capitulis immediatè è Curia Romana & tempore legitimo insinuetur. Denique quæsitum est, an Papa Concordatis his per recentiores Bullas derogaverit aut de jure derogare possit? quod etsi Georg. Branden affirmet: magis tamen est, ut negemus cum Rebuffo & Lud. Engel. 2:3:15, 18. testantibus de praxi & rationes dubitandi refutantibus. Nemo enim suâ se obligatione invito altero, cui est obligatus liberare potest, ne quidem ex plenitudine potestatis, quippe quæ semper restricta est ad Jus divinum

Naturale

Naturale atque Gentium, Legesque fundamentales: sed & per Regulam Cancellariæ octavam, quæ nuncupatur Regula de Mensibus & Alternativa, & excipit ipsa expressè non tantum Cardinales, sed & alios sub Concordatis inter Sedem Apostolicam & quoscunque alios initis, & per eos qui illa acceptare & observare debuerant acceptatis & observatis quæ ledere non intendit, comprehensos. Ad quam Ferdinandus de Castro Palao Oper. Moral. Part. II. Tract. XIII. Disp. II. Punct. XXII. §. IV. si. hæc annotat: Præter exceptionem Cardinalium S. R. Ecclesiæ excipit Pontifex beneficia concordata h. e. quæ ex convenientia cum Sede Apostolica liberè providentur, qualiter sunt plura in Germania & Francia. Huic enim Concordiæ nunquam censetur Pontifex derogare; quia transit in contractum; eaq; de causa ut firma sit, & locum habeat, debet esse acceptata ab illis quorum interest, ut contingit in omni contractu, qui acceptatione perficitur.

V. Gonzal. gl. 25. sqq. ubi latè hanc materiam tractat.



INDEX RERVM

ad

Fr. Duareni Tractatum de Sacris Ecclesiæ ministeriis ac beneficiis.

A.

Acoluthi qui dicantur. pag. 100

Αἰρεσιεργεία quid sit. 283. seq.

Ἀζίαν ὡς ἑρμηνεύεται quid vocet
Justinianus. 361

Alexandri Severi Imp. dictum
in publica officia ementes &
vendentes, Nam, inquit, ne-
cesse est, ut qui emis ven-
dat, &c. 344

Alienatio rerum ecclesiasticarum
quibus ex causis per-
mittatur. Quæ forma in
hac alienatione observetur.
Item declaratus Canon Aga-
rhensis concilij super ea re.

373

*Ambitus omnis à collatione be-
neficiorum abesse debet.* 335

Ambrosius quomodo electus ad
Ἀποστόλων ἐπισκοπῆν 232

*Ambrosij dictum de auro eccle-
sia.* 143

Ἀναγνώσαι qui sint in ecclesia. 99

Annata quid sit, & explicata
lex Julia de ambitu. 340. seq.

*Anatomica doctrina quid ju-
vet ex Galeno.* 213

Annui potestas & effectus. 351

Archimandrita qui sint. 126

Archimandritarum potestas. 280

in Synodo an adesse debeant. 82

Augures qui erant, & eorum
munus & authoritas. 132

B.

*Barnabæ & Sauli apostoli co-
optatio Antiochia facta.* 251

Basi-

INDEX RERVM.

- Basilienſe concilium quale & quàm benè indiētum.* 305
Bellum ſine juſta cauſa illatū, latrocinium eſſe ex Numa. 135
Beneficia qua propter animorum curam dantur. 165
Beneficia militaria. 139
Beneficia quorum habeat Romanus pontifex diſtributio- nem. 171
Beneficia morte beneficiario- rum vacantia. 401. ſeq.
Beneficia ſimplicia qua ſint, & præbendarum vocabulo quid ſignificetur. 167
Beneficiario mortuo an ei legiti- mus hæres ſuccedat: & an beneficiarius ſucceſſorem eli- gere, & fructus beneficii te- ſtamento legare poſſit. 370. ſeq.
Beneficiariorum ætas, & de le- gibus annalibus: & de iis, qui plura aduerſus canones beneficia impetrarunt. 244
Beneficiariorum reſidentia ſeu aſſiduitas. 414
Beneficiarij & eccleſiarum mi- niſtri quorum munerum va- cationem habeant. 382
Beneficiarius, quarum lingua- rum cognitione inſtructus ſit oportet. 209
Beneficij ſana diſſinitio, benefi- cij item eccleſiaſtici domini- um, uſusfructusve cuius ſit, & an penſiones annua atq; hospitalia, beneficij appella- tione contineantur. 154
Beneficiorum reſeruationes tam uniuerſè quàm ſigillatim fa- cta. 301
Beneficiorum multitudo an ca- nonibus prohibita. 411
Beneficiorum ejuratio, qua & reſignatio appellatur. Et quis ejurare poſſit. Et quo- modo beneficium ejurandum ſit. Et effectus ejurationis. 404. ſeqq.
Beneficiorum diſiſio in regula- ria & ſacularia. 169
Beneficiorum diſiſio & quali- tas. 162
Beneficium unde dicatur, & quid à ſacerdotio differat, & an ſolis ſacerdotibus hæ ſa- cra ſtipendia dentur ex vete- rum more. 150
Beneficium antequam vacet, an dandum aut promittendum: & quàm grauiter aduerſus ſacras canones in hac re pec- cetur. 332
Beneficium purè ac ſimpliciter conferendum eſt. 352
Et an beneficii collatio abſq; ſcriptura valeat. 353
Beneficium an auferri debeat à beneficiario, ceſſante cauſa ob quam datur beneficium. 415
Beneficium qui liberè & quietè poſſederunt, an eis poſſit ulla controverſia amplius move- ri. 395. ſeq.
Bernardi ſententia de pontifici- bus Romanis. 84
Eju

INDEX RERVM.

- Ejus vaticinium ad Eugenium Papam.** 54
- Bona ecclesia cur Patrimonia pauperum dicantur.** 145
- Bonifaciana constitutio de potestate pontificis Romani, & jure gladij super omnes Christianos.** 52
- Bonifacij Octavi Constitutiones.** 385
- Bonifacij Martyris responsum: Olim aurei Sacerdotes ligneis vasis: nunc lignei aureis utuntur.** 158
- Bonorum ecclesiasticorum vulgaris divisio in temporalia & spiritualia.** 148
- C.**
- Canonicorum collegium, & unde dicti Canonici.** 113
- Canonicorum collegium, velut Senatus ecclesie.** 362
- Cantandi mos in ecclesia antiquissimus, & ab apostolorum temporibus usitatus.** 105
- Cardinales Romanae ecclesie cur ita vocentur: & unde ortum habuerint.** 93
- Caroli VII. vigilantia ac cura in purganda ecclesia, & in edenda pragmatica sanctione.** 366
- Cathedra quid sit, & quid ius cathedraticum.** 366. seq.
- Casaris in Syllam dictum ob magistratum quem Sylla pecunius comparaverat.** 345
- Celerum duces & eorum munus.** 136
- Chorepiscopi, quasi χωρηγί, id est, rustici episcopi.** 74
- Chrysanthi episcopi Constantinopolitani frugalitas & usus ex redditibus ecclesie.** 158
- Christianorum studium in egenos, quos locos ad eorum subventionem habuerint.** 160
- An beneficia dicantur.** 161
- Christus an facultates aliquas habuerit.** 138
- Christus cum apostolis Casari exsolvit tributum & quare: & an ecclesiastici ad hoc teneantur.** 384. seq.
- Clericis an hereditates capere fuerit olim prohibitum, ex Hieronymo.** 157
- Clericorum appellatione qui in sacris libris contineantur.** 102
- Clericus munus suum negligens, an privilegiis clericorum frui debeat.** 391
- Clodoveus primus Regum Christianorum fuit.** 426
- Collatores Ordinarij qui sunt, & eorum munus.** 180
- Celibatus an beneficiarius sit necessarius.** 234
- Commendationes, seu fiducia ecclesiarum, tam perpetua, quam temporaria.** 281
- Concilium aecumenicum an beneficia conferat, & an ei subsit Romanus pontifex.** 176

INDEX RERVM.

Concilia Constantianum & Ba-
silienſe quo tempore, à quo
& quare indiſta. 303. ſeq.
Curiones quid à Flaminibus diſ-
ferant. 134

D.

Damaſi & Urſinici ardor ad
rapendam epiſcopalem Se-
dem, & quo fine, & qua ſtra-
ges inde hominum ſequuta
ſit. 143
Daniel Ægyptiorum Chalda-
rumq; literis eruditus, quo-
rum tamen ſuperſtitiones
horrebat. 215
Δαῦνις κερῶν ἐπιθυμῶν, pro-
verbium. 196
Decima quid, tam ordinaria &
legitima, quàm extraordi-
naria, & indiſta, & quibus
debeatur meritò. 355. ſeq.
Defenſio Curia Pariſienſis, Lu-
dovico XI. Gallorum Regi ob-
lata, pro libertate Eccleſia
Gallica ad verſus aulam Ro-
manam. 425. ſeqq.
Demadis dictum in Athenien-
ſes. 52
Diaconi, hypodiaconi, & alij
inferioris ordinis clerici. 87. ſq.
Diaria, ſeu diſtributiones quo-
tidiana, & cur hoc genus ero-
gationis adinventum ſit. 362
Digamiam plus mulierem quàm
virum dedecere. 242
Digamus an à ſacerdotio & be-
neſicio ſummo vendus, &

qua ratione id canonibus
ſancitum ſit. 238. ſq.
Et quis dicatur Digamus. ibid.
Dignitates Eccleſiaſtica qua ſint,
& quot modis accipiantur.
 162. ſq.
Diocletiani Imperatoris respon-
ſum philoſopho cuidam, va-
cationem munerum poſcenti.
 386. ſeq.
Diplomata Pontificis vulgò gra-
tia expectativa dicta, &c.
 284. ſeq.
Diplomatum à pontifice obten-
torum nomine quanta pecu-
niarum ſumma quotannis è
Gallia exportetur. 64
Diſpenſatio bonorum eccleſia
quibus ſit commiſſa. 144
Druidum immunitates. 386

E.

Eccleſia quid ſit, de eccleſiaſtica
potestate & civili, & utrius-
que diſcrimine. 35. 38
Eccleſia nihil exitiaſius ac peſti-
lentialius, quàm ejus mini-
ſtrorum nimia opulencia. 157
Eccleſia facultates, earum origo
& proceſſus. 138
Eccleſia quàm fœda facies fue-
rit tempore Caroli Septimi.
 307
Eccleſia hierarchia & de variis
Eccleſia administrationibus.
 65
Eccleſiaſtica ſchola magiſtri &
doctores. 106

INDEX RERVM.

- Ecclesiasticarum rerum prae-**
pius usus. 375
- Ejurare, ejuratio, & ejus esse-**
ctus. 404. seqq.
- Electio episcopi quomodo fiat.** 253
- Ementium ac vendentium ma-**
gistratus munia abusus ta-
xatur. 344
- Ενδοξον quid sit.** 106
- Energumeni qui sint.** 222
- Ενωσις quid sit.** 279
- Epiphanius patriarcha cur à**
Justiniano laudatur Novel. 3. 235
- Episcopi gloria qua sit, & igno-**
minia, ex Hieronymo. 146
- Episcopi veri qualitates ex B.**
Paulo. 206
- Episcopium an inter beneficia**
electiva connumeretur. 258
- Episcoporum gradus qui sint.** 72
- Episcopus à quibus eligi, & à**
quibus expeti debet. 434
- Episcopus Romanus, & de ejus**
amplitudine & autoritate,
tum de nominibus variis,
quibus appellari solet. 75
- Eugenij conatus adversus de-**
creta concilij Constantiani. 306
- Evirare quid sit.** 239
- Exhibitio ac denunciatio diplo-**
matis pontificij, & de ejus
effectu. 297. seqq.
- Facere verbum pro sacrificare.** 132
- Facetum bubulci dictum in**
Archiepiscopum eundemque
Ducem Colonia Agrippina. 51
- Fames verbi DEI ex Amos pra-**
dicitur. 416
- Feciales, eorum munus, & à**
quo instituti. 135
- Flamines vel Stephanophori,**
& flaminica mulieres, & eo-
rum munus. 134
- Forma vetus ordinandorum Ec-**
clesia ministrorum. 255
- G.**
- Gallorum Reges, Pipinus, Caro-**
lus, & Ludovicus Rom. ec-
clesia potentiam praeter cateris
auxerunt. 142 seqq.
- Gentilium libri cur legendi.** 214
- Gregorius nonus an clericos ab**
excubiis & murorum, civi-
tatisq; custodia excuset. 389
- Gregorius XI. Pont. Avenione**
sedit, & quo tempore. 172
- H.**
- Hadrianus Papae cum universa**
Synodo, quod ius Carolo Regi
tradiderit. 439
- Harmenopuli sententia de lege**
clericis matrimonium inter-
dicente. 235
- Hilarionis Arelatenfis Episcopi**
unde tot cumulatæ divitiæ. 143

INDEX RERV.M.

Honores juris gladij an vendi possint. 344

Hospitalitas & hospitalia quid apud Veteres Latinos fuerint. 161

I.

Jacobus frater Domini à quibus creatus sit episcopus. 251

Jacobus presente Petro sententiam super questione Hierosolymis exorta pronunciauit. 445

Joadis exemplum memoria dignum de cura principum super res ecclesiasticas. 60

Judicia ac actiones, quæ pro beneficiis comparata sunt. 392

Juliani Imper. apostata astutia in Christianos, quos Galilæos vocabat. 214

Ejus argumentum spolianda Ecclesie Christiana. 142

L.

Lampadis similitudo ex Chrysostomo. 29

Legatus Rom. pontificis, & ejus auctoritas. 179

Lex quæ matrimonium clericis interdicit. 235

Et cur lata fuit. 236

Libellus Curie Parisiensis ad Ludovici in undecimum Franc. Regem de miserabili ecclesia confusione. 59

Liturgia quid sit. 361

Ludovici Regis sanctis. pia & catholica cura, vigilantia & conatus pro libertate ecclesie vindicanda. Retinuitque semper jus investiturarum: in quarum locum successerunt Regalia. 438. seq.

M.

Malè docet qui omnia docet. 29

Martinus quintus pontifex declaratur, rejectis aliis tribus Roman. pontificibus. 305

Mathias à quibus fuit electus in Juda vicem. 434

Medici cur olim physici dicebantur. 213

Mediocritas aurea, & modus facultatum necessarius. 157. seq.

Mododiduxalia seu prodoctura quid sit. 315

Mendicitas in valentibus & otiosis an toleranda, & furci speciem habeat. 138

Ministri ecclesie qui clerici non sunt. 115

Ministorum ecclesie gradus. 98

Ministros ecclesie eligendi forma tam vetus, quam nova: & quid inter beneficia collativa & electiva dicta intersit. 250

Ministros ordinandi & beneficia conferendi jus, quod tanquam caducum ad superiorem antistitem devolvitur. 274

INDEX RERV M.

Monasteria, monachi, eorum status, conversatio, & institutum. 117

Morbi corporis qui hominem incapacem ministerij beneficij-que reddunt. 221

Mosaica lege pontifex virginem solum ducere poterat. 242

Moses sapientia & literis Aegyptiorum eruditus. 215

Mulier & navis à Plauto negotiam vocantur. 236

N.

Nominatio regia in ordinandis antistitibus: & quales regis candidatos esse oporteat. 313

Nominationis scholastica, quâ nunc in Gallia utimur, accurata commentatio. 318

Et quis nominare possit. 319

Quis item nominari possit. 321

Et quomodo concipienda nominatio & apud quos nominare oporteat. 325

Effectus nominationis. 328

Nominationis ac presentationis jus quale sit. 270

Norhi & qui ex injustis nuptiis procreati sunt, an ad beneficia ecclesiastica & ministeria admittantur. 223. seq.

Novale quid sit. 358

Nundinatio aulicorum & suffragatorum in vendendis muneribus publicis. 344

O.

Oblationes qua dicantur. 361

Ordinationes sacra, & cur olim absolutè quenkum ordinari vetitum sit. 108

Et quid apud veteres Latinos erat ordinari. 111

Ostiarj, Lectores, Exorcista, Acoluthi & ceteri omnes, qui clerici appellantur: & unde mos tondendi capitis ortus sit, atq; consuetudo canendi in sacris adibus. 97

P.

Pastorum ecclesiasticorum ignavia ab Exechiele describitur. 417

Patronorum duo genera. 272

Pecuniarum quæ summa pro annatis è regno Gallia Romam exportatur. 452. seqq.

Pecunias ex magistratibus colligere, principium iniquitatis & finis est. 344

Pensiones annua qua beneficiis tanquam servitutes quadam imponuntur. 345

Et an sint ecclesiastica beneficia. 349

Permutatio beneficiorum. 409

Puluggi qui dicantur. 99

Plebs quibus modis moveatur. 254

Plebs misera famelica est doctrina divina, & qua ratione. 416

Plinij Cacilij calumnia in Christianos. 105

INDEX RERYM.

R.

Pœna & coërcitiones ecclesiastica
quales sint. 43

Politica seu civilis gubernatio,
an à DEO sit constituta. 54

Pontifex urbe dicatur. 131. sq.

Pontifex Romanus primi anni
fructus integros beneficij col-
lati percipit. 341

Pontificum diplomata, qua va-
cantium beneficiorum nomi-
ne interpretantur. 302

Portia dictum de pudicitate.
242

Postulatio ad sacra ministeria
promovendis necessaria est.
260. seq.

Potestas quam habet princeps
circa ministeria ecclesia. 61

Pragmatica Gallorum sanctio,
& à quibus oppugnata, evul-
sa ac labefactata. 304. seqq.

Presbyteri conductitij qui sunt,
& an eis ecclesia committen-
da. 414

Prebyterorum varia genera. 70

Principes seu magistratus an im-
perium & potestatem habe-
ant in ecclesiam vel res aut
personas ecclesiasticas. 56

Primitia quid sint. 360

Profectio ac denunciatio, quam
Insinuationem vocant. 327

Promovendus ad sacrum bene-
ficium, quibus sacris initian-
dus sit. 230

Psalmos Davidicos cantandi, in
duas partes, divisim canen-
tium cœtibus, morem quis
induxerit. 105. sq.

Reditus & obventiones episco-
porum. 365

Regis præcipuum munus. 432.
seq.

Rex an ius conferendorum be-
neficiorum in Gallia habeat :
& unde id ius quod Regalia
dicimus, ortum habuerit. 192

Romana ecclesia à quibus tan-
topere ditata fuerit. 142. &
452

Romana paupertas ditata, quo-
rum malorum causa fuerit.
157

Romani episcopi olim ordinatio.
173. seq.

Romanus pontifex quo pacto or-
dinari & eligi debeat. 174

Romanus pontifex an legibus so-
lutus sit. 159

S.

Sacerdos univirius. 239

Sacerdotes olim aurei, ligneis
vasis utebantur : nunc verò
lignei aureis utuntur. 158

Sacerdotum creandorum ratio
apud veteres Romanos ante
Christianismum. 253

Sacerdotum Ægyptiorum privi-
legia. 386

Sacramentorum & aliarum re-
rum nomine, an quid exigere
liceat contra veteres cano-
nes. 368. no

no - ou - no
no - ou - no
no - ou - no
no - ou - no

INDEX RERVM.

Saliorum munus & unde dicti.

136

Sigismundi Imperatoris zelus
ad sedanda dissidia ac mo-
tus ingentes ecclesia, ob tres
Romanos pontifices, & quid
tandem effectum est.

304

Synodus, & synodorum tria ge-
nera.

80. sq.

Et an Rex aut Imperator ali-
quando adfuerint, aut pra-
fuerint synodis.

84. seq.

Synodi cur singulis annis indi-
cantur.

74

Stultorum magister eventus est.

157

Subrogationes iudiciaria.

399

Suffetes qui sint ex Livio.

30

Suffragia cleri & populi in ele-

ctionibus Episcoporum.

253

T.

Translatio Episcoporum cur sit
prohibita, aliter explicatum,
quam adhuc factum sit ab
aliis.

266

V.

Veratri natura & modus in eo
sumendo.

29

Vestales Virgines, & earum mu-
nus.

135

Virgines ducendas cur Hesiodus
suader.

242

Vlpianus Christiana religionis
hostis acerrimus.

100

Unio seu conjunctio beneficio-
rum qua sit, & quibus ex
causis permittatur.

277

Uxori & philosophia non possu-
mus operam dare.

236

Uxorem viduam ducere ridicu-
la res est.

242

Errata.

P. 179. rubr. cap. 3. lege: Romani.

P. 196. lin. 20. lege: Δαούπας.

P. 386. lin. 1. lege: nullam.

P. 414. lin. 7. à fi. lege: conductitiis.

FINIS.

